




BIBLIOTECA NAZ.

Vittorio Emanuele III


XVII

D

24



XVIII-2-26





INJUSTITIA
BELLI AUSTRIACI

C O N T R A

CATHOLICUM HISPANIARUM REGEM

PHILIPPUM V.

G L I S C E N T I S.

S Y N T A G M A

THEOLOGICO-JURIDICUM

A F R. B E N E D I C T O

D E N O R I E G A

Ordinis Minorum Reg. Observant. quondam apud Salaman-
ticensis sui instituti Sac. Theologiæ Primario Antecess-
fore, & Studiorum Prefecto, nunc in Regno Na-
polis Episcopo Acerrarum, Regioque Con-
filiario, concinnatum, & editum.

Eidem potentissimo Hispaniarum

CATHOLICO MONARCHÆ

D I C A T U M.



NEAPOLI M. DCCV.

Ex nova Typographia Michaëlis Aloyfii Mutio.

Superiorum Licentia.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10
PART 1
1880



THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10
PART 1
1880

PHILIPPO V.

Hispaniarum Regi Catholico.

Fr. Benedictus de Noriega Episcopus Acerrarum :
P. F.



Ererer ; & quidem merito ; nè
scommatibus , & sibilis in , &
extra aulam exciperer , si tan-
tillus cum sim . hoc Syntagma
ad tantum Monarcham , qualis
est PHILIPPUS V. dirigere au-
derem . Quodnam hoc vel mu-

nus , vel obsequium , ut ejus obtentu potentissi-
mi Régis sacras ædes penetrarem ? Sed quid re-
fert , si non mittam ? Illud sua sponte , vel pon-
dere suo (Catholice , & Inviçtissime Rex) ad pe-
des Majestatis tuæ ambitiosè descendit , sub qui-
bus præsidium quærit , & obtentum ire præstola-
tur . Injustitiam belli , quod Augustissimus Cæsar
adversus tuam in vastissima Hispaniarum Monar-

chia æquissimam successionem excitavit; edisserit hoc Opusculum. In eo litterariis momentis bellum hoc, quod tanto ardore Cæsar, vel sub Cæsaris nomine Angli, & Batavi intulerunt, & adhuc urgent, disploditur: Jura Austriacæ Domus legali statera ponderantur: & levissima esse, juri-
bus tuis collata, demonstratur: successionisque tuæ causa primævis Hispaniæ legibus decisa palam ostenditur. Sed enim cum hujusmodi Regum disceptationes à bellicis tormentis ultimam decisionem sapissimè referant; parum roboris poenes adversarios, suis occupatissimos præjudiciis, hæc argumenta prætenderent; nisi arma tua armis Christianissimi, &, sine assentatione Maximi, Avi tui LUDOVICI conjuncta jura munirent, & enixè firmarent.

Ego quidem pro tenuitate mea hujus ædificii prævia solum elementa subtruxi; coronydem apponere tuæ egregiæ virtutis erit, qua foederatorum vires retusæ, & triumphatæ cedere tandem compellantur, ut fiat pax in virtute tua. Jure igitur Opus currit ad Majestatem tuam, a qua ultimam manum, & colophonem, ut ita loquar, opperitur.

Nec dubito, quin justitiæ tuæ felicissimus, prout in votis habeo, eventus ab armis respondeat. Id mihi efficacissimè suadent invicta Avi tui Christianissimi magnanimitas, oculatissima
pro-

providentia , gloria militaris : Hactenus Magnus LUDOVICUS tot superatis terra marique inimicis , tot conquisitis Franco Sceptro Provinciis , tot erectis trophæis , tot exantlatis pro Fidei conservatione laboribus , se Regem liliorum ostendit . Quia nihil antiquius Franciæ Regibus , ex quo florentibus de Cælo liliis donati , & sacro Rhenensi lirino inuncti sunt , quàm cum Ecclesiæ hostibus bellum gerere , & vindicatas ab his Provincias postliminio Petro restituere sub albis Franciæ liliis novo candore micantes . At dùm pro asserenda Majestati tuæ integra Monarchiæ Hispanæ successionem , ex legibus , ex testamento Caroli decessoris , ex unanimi Subditorum suffragio ter debita , tot cum Regibus , Principibus , Potentatibus , par omnibus , & superior configit , lilium etiam Regum acclametur , necesse est , tanto reliquis elevatior , quanto aliis floribus supereminet lilium .

Invident Ecclesiæ , & Franciæ gemini inimici horum liliorum splendorem , & in stuporem acti illud videntur usurpare . *Considerate lilia* agri Franci *quomodo crescunt* ! alterum occupat Franciam suis primævis terminis restitutam : alterum excipit ; quæ quæ patet , Hispania . *Nec Salomon in omni gloria sua vestiebatur , sicut unum ex istis* . Sed quid non audent , quid non tentant , ut marcescant lilia ? terra , marique immensos thesau-

fau-

sauros exhauriunt ; per omnes ferè Europæ oras bellum spargunt ; foedus suum novo in dies Principum auctario roborant ; ogganiunt , fremunt , frendent , sed , non proficiunt , nec Majestati tuæ tam infensi , quàm sibi ipsi revera sunt : qui proprias Provincias depauperant , imò decoquunt , ut ubique palmas serant , quas lilia demetant , cohortes fundant , ut facilius fundantur , inimicos ingeminant , ut sit tantò gloriosior , quantò uberior victoria .

Desipiunt profectò , si e throno deturbare sperant , quem LUDOVICUS Magnus animitus defendit . Fortè non advertunt , invincibilem esse LUDOVICUM , nisi à LUDOVICO vincatur . Interea , dum eum in se ipsum non armant , dum ejus arma resistunt , ejus Heroicæ Virtuti , & sagacissimæ providentiæ abs dubio cedent . Ipse enim his omnibus adversariis nedum olim reluctatus est ; sed malè excepit , atque multavit , & (quod magis miramur) undique appetitus & externis armis , & internis Hugonotorum motibus , totus , quotus est , videbatur otiari , quasi enim aliud ageret , quasi luderet , gloriosos triumphos referebat , celeberrimas reportabat victorias . Felix LUDOVICI nomen , victoriarum ejus & omen & schema præferat : sine ulla quippe vel minima jactantiæ umbra dicere potest . Hos potentissimos hostes , quos alius nec ferriò agens superaret , ludo vici , ludensvè prostravi .

Nam

Nam ingens ille, vel præfens armorum fragor, qui ubique mugiens universam territat, aut inquietat Europam, parum moratur capacissimam illam mentem, quæ Mundum ambit, eam virtutem, quæ alteri cedere nescia, se ipsa major, sibi soli cedit. Assentatoris notam, quæ virum Ecclesiasticum, summoperè dedecet, jure timerem, nisi obvium esset singularissimum illud acroama, quo Clemens IX. piissimæ recordationis P. M. Avum tuum ad nutum, & obsequium Ecclesiæ arma reponentem, quondam celebravit. *Magnus LUDOVICUS, Mundo major, Mundi Regum maximus, thesauris opulentissimus, strenuissimis castris circumseptus, in limine Imperii totius Europæ, Gentium Patre exorante, enssem reposuit, ut arma, atque Imperia Religioni devoveret*: Hoc à Summo Sacerdotum Oraculo fidem, & sinceritatem meam liberam, & in tuto locatam crediderim.

En victum invincibilem: en superatum Magnum LUDOVICUM; sed à se ipso, qui in obsequium Ecclesiæ natus, nullam, quàm sui ipsius gloriosorem dicare scivit, aut potuit victoriam. A quonam alio vinci posset Rex Mundo major, aut Mundi Regum maximus? Quis alius ei totius Europæ Imperium præriperet, nisi ipse sibi? Ipse, dum, se Religioni devincit, se ipsum vincit. Major triumphatus, an triumphans? Triumphum egit Religio, mutuatis tamen ab insigni modestia trophæis.

Hujus

Hujus disertissimi Advocati militare patrocinium, & spiritus tuus verè Martialis, quo pericula spernens & incommoda, proprio exemplo legiones ad magna, ad Heroica excitas, felicissimum mihi belli exitum suadet. Illud verò prorsus persuadet, quod te Regem Hispaniarum non ab hominibus, neque per homines, sed à Deo datum agnosco. Planè quisquis consideret egregias, illas dotes decoris, majestatis, pietatis, modestiæ, magnanimitatis, quibus in ipso adhuc ineuntis juventutis flore copiosissimè ornaris, diffiteri nequibit, te per ideam Avi tui ad regnandum compositum. Quisquis animadvertat, à quo, quando, quomodo fueris ad successionem accitus, facile concedet, Majestatem tuam ut in Hispaniis regnaret destinatam, natam. In ipso nomine nescio quid juris succedendi sortitus es; in Hispania quippe Philippo aliquando Carolus, sed Carolo non Carolus, sed Philippus successit, Majestati verò tuæ post plurimos Imperii annos, nec Philippum, nec Carolum, sed novum à novo Philippo Alexandrum successurum speramus, qui Othomano debellato, conclamata Mahumeti spurcissima superstitione, solymis restitutis, Christi Sepulchrum liliatis castellis muniat, obsignet; & in Sacro Syon Monte sua vota piissimè solvat, sacra restauret ad militantis Ecclesiæ solatium. Vive, vale, vince.

AD

AD LECTOREM.

Paucis te expediam, (amice Lector) non enim est, cur te fusâ præfatione distineam. Autumabis forsân otiosum hoc Opusculum, quia post tot, tantosque Jurisperitos, qui de jure successionis Catholici Regis nostri scripserunt; nihil reliquum erat, quod edi posset. Sed enim nec otiosum, nec otiosè elaboratum illud reputabis, si attentè perlegeris. Non otiosum, quia quotquot hætenus de hoc argumento disseruerunt, solum ex parte causæ, & per quamdam resultantiam præsentis belli injustitiam attingunt; non directè, & ex proposito injusti belli characteres expendunt, prout in eo expenduntur. Imò nec post tales jurium Catholici Regis nostri Patronos, quoad hanc partem otiosum opus crediderim: illi enim potius communî juri, quàm domesticis legibus innituntur. Ego autem legibus fundamentalibus totus insisto, stylo tuusvis captui accomodo, quia magis didascalico, quàm severè juridico. Non itidem otiosè elaboratum; quia, si tecum conferas, quot calumniæ viris Ecclesiasticis circa hanc successionem affinguntur, qui universim Austriaci censentur, imo juris Domus Austriacæ præcones, concionatores, mystæ, amabes, aut quod ab hac calumnia re ipsa vindicentur, aut quod palam Europæ fiat, non omnes in ea esse sententia: Si mihi fidem, amice Lector, habere non dedignare, scito, controversiam

b

istam

istam in hoc Syntagmate non tam privato meo iudicio,
quàm plurimorum Ecclesiasticorum insignis doctrina
dictamine, quibuscum de hoc argumento colloqui con-
tingit, diffiniri. Cetero, si quid è calamo minus confi-
deratum exciderit, tui purgatissimi iudicii spongia
emunge, aut prorsus dele, quia præter animum exci-
disse protestor: mentis namque meæ fuit, Regis Catho-
lici iura asserere; nullius verò juri, aut nomini vel
minimum derogare. Vale.



IN

I N D E X

SECTIONUM, ET PARAGRAPHORUM HUIUS SYNTAGMATIS.

B elli Austriaci occasio. pag.	7
Syntagmatis perspicua distinctio.	17
SECTIO I. Injustitia belli Austriaci à parte Authoris ostenditur.	18
§.I. Auctoritas ad bellum offensivum inferendum expenditur.	19
§.II. Regna Monarchiâ Hispanicam principalius constituta à Romano Imperio prorsus libera sūt.	28
§.III. Augustissimus Caesar præposterè Regi Catholico bellum intulit.	42
§.IV. Exemplum Philippi II. in casu successionis Lusitanæ non servet Augustissimo Casari.	50
§.V. Lex Regni Castellæ naturali equitati conformis, hujus controversiæ judicium deferret Regni comitiis. pag.	59
§.VI. Bellum Austriacum ex parte Authoris adhuc injustum, quia non denunciatum.	64
§.VII. Denunciatio belli iterum necessaria, quia bellum executio judicis est.	72
§.VIII. Injustum bellum Austriacum, quia illatum ex opinione minus probabili, & minus tuta.	78
§.IX. Injustitia belli illati ex opinione minus probabili, minusque tuta, quia bellum bellum est, ostenditur.	91
SECTIO II. Injustitia belli Austriaci à parte injustæ causæ	

PARS I. §. I. *Lex fundamentalis Regnorum Castellæ, & Legionis cōtroversæ decisioni præmittitur.* 107

§. II. *Hujus primævæ legis existentia invictè propugnatur: & lex partitar. expenditur.* 118

§. III. *Perpetua bujus legis observantia exhibetur: & vera incompatibilitatis prima radix manifestatur.* 127

§. IV. *Materia præcedentis §. continuatur, & S. Ludovici IX. jura ad Castellæ coronam disceptantur.* pag. 140

§. V. *Continuatur demonstratio ejusdem observantia, & successio Sancti strenui, seu audacis contrahitur.* 152

§. VI. *Legum nostrarum priores particula conformes equitati naturali, & juribus exhibentur.* 164

§. VII. *Alia legum particula, in qua scemini deferatur successio, cum prælatione ad masculos remotiores, rationi, & juribus exhibetur cōformis.* 173

§. VIII. *Regnum Castellæ non esse successionis hereditariæ: Sed in eo succedi jure sanguinis, ex eisdem legibus demonstratur.* 185

§. IX. *Proximioritas linea, & gradus ab ultimo Rege tanquam à puncto centrico dimitienda est, ex legibus nostris.* 199

§. X. *Lex fundamentalis alterari nequit, nisi ex causa ipsi cobarente.* 206

§. XI. *Ex dictis hac priori Sectionis parte formatur argumentum positivum pro successione Regis Castellæ.*

SECTIONIS II. PARS ALTERA. *Fundamenta**Austriadum discutiens.* 225§. I. *Renuntiationes ab Austriacis objectæ non attinent ad controversiam.* 226§. II. *Exclusiones Serenissimarum Infantum, pacto cum Christianissimis Regibus à Catholicis icto, disceptantur.* 239§. III. *Predicta exclusio ex approbatione juramento firmata Serenissimæ Infantis minimè convalescere potuit.* 247§. IV. *Etiamsi approbatio jurata predictæ exclusionis foret per equipollentiam renuntiatio juris succedendi, non obesset Regi Catholico.* 260§. V. *Renuntiatio, vel exclusio substatinetur, quatenus ex causa legibus primævis coherente.* 269§. VI. *Renuntiatio, vel exclusio Regem nostrum non affecit, quia in eo cessavit causa ipsius renuntiationis, vel exclusionis.* 278§. VII. *Casus presentis successionis Regis nostri Philippi est æquivalenter exceptus in exclusionis contextu.* 293§. VIII. *Quod Summ. Rom. Pontifex probaverit articulos pacis Pyrenæi, non obstat successioni Catholici Regis Philippi.* 301§. IX. *Afferta Pontificia approbatio nõ obest successioni Regis Catholici Philippi in Regno Neapolis.* 312§. X. *A Regum Catholicorum testamentis nihil præfidii Austriacis accedit.* 331

§.

§.XI. Faudorum Imperialium Hispania acceden-
tium successio Philippo Regi Catholico debebatur.
pag. 344

§.XII. Ex præmissis eformatur argumentum nega-
tivum pro successione Regis Catholici. 352

SECTIO III. Injustitia Belli Austriaci ex parte finis
comprobat. 358

§.I. Injustum Bellum Austriacum ex fine; quia in eo
justi belli finis desideratur. 360

§.II. Injustum bellum ex eodem capite, quia sine
spe fructus, propriis Subditis nimium præjudi-
ciale. 366

§.III. Ex eodem capite injustum bellum, quia sine
frustrari; necesse erat, Hispanis repugnantibus
prætensa Cæsaris successioni. 371

§.IV. Ab antipathia Francorum, & Hispanorum,
nullum fortunatum eventum debuit Augustissi-
mus Cæsar sperare. 374

§.V. Hispanorum propensione, erga Austriacos. Re-
ges non debuit Augustissimus Cæsar fidere exitum
hujus difficillimi belli. 384

§.VI. A foedere cum Anglis, Batavisque exitum
hujus belli felicem sperare non licuit. 371

§.VII. Ex bello præcedenti qualis fidei hæc auxiliares
Potentiæ sint, Augustissimus Cæsar animadvertere
potuit. 399

§.VIII. Intenta Hispani Imperii diviso Hispanos
in domum Germano-Austriacam obstinate obar-
navit. 406

IL-

ILLUSTRIS. E REVERENDISS. SIG.

IL Canonico D. Gioseppe Bartellucci Agente di Monsig. Benedetto Noriega Vescovo dell' Aceira supplicando espone a V. S. Illustris. come desidera dare alle Stampe un Libro intitolato *Injustitia Belli Austriaci contra Catholicum Hispaniarum Regem Philippum V. Syntagma Theologico-Juridicum*, composto da detto Monsig. Vescovo. Per tanto la supplica per le solite licenze, e l'avrà à grazia ut Deus.

Rev. D. Bernardus de Rossi U. J. Doctor revidens, & in scriptis refert.
Neap. 22. Septembris 1704.

JACOBUS MARIA DE ROSSI EPISCOPUS DE
MASSA-LUBRENSI, VIC. GEN.

D. Petrus Marcus Gypsius Canonic. super editionem Librorum Eminentiss.
Deputatus.

ILLUSTRIS. ET REVERENDISS. DOMINE.

CUm sedulo perlustrassem Opus inscriptum *Injustitia Belli Austriaci contra Catholicum Hispaniarum Regem Philippum V. Syntagma Theologico-Juridicum*; ab Illustris. & Reverendis. D. Fr. Benedicto de Noriega Acerazarum Antistite, non minus ingeniosè, quam solidè, & eruditè compositum; nihil in eo reperi, quod Religioni Christianæ, bonisque moribus adversetur; Verùm magnoperè miratus sum, & in dies miror summum Auctoris ingenium, quom sibi declarandum suscipit, quanta cum æquitate summam Imperii teneat Philippus V. Ludovici Magni Nepos, qui in illo adipiscendo, non minus prudentia, quam felicitate est adjutus. Illud enim obtinuit cum Populorum voluntate, nihil putantium in præns ipsis utilius, quam confirmari illius Imperium. Et quod præceteris mentem meam movit, sunt validissimæ rationes; quas in medium proferre ex Historia, legibus municipalibus. Hispaniæ, Sacris Canonibus. Sanctissimisque Patribus, in quibus mirè est versatus, ut palam faciat, quàm injustis de causis adversus nos Austriaci bellum excitaverint. Quare in ea sum opinione, ut in lucem prodeat Opus tam nobilissimum, ac præclarissimum, modo gravissimum Dominationis tuæ Illustrissimæ judicium accesserit. Datum Neap. die 24. Novembris 1704.

Illustris. & Reverendis. Domine.

Obsequentissimus Servus.
D. Bernardus Rossi U. J. D.

Attenta supradicta relatione quod potest imprimi, imprimatur. Neap. 25.
Novembris 1704.

JACOBUS MARIA DE ROSSI EPISCOPUS DE
MASSA-LUBRENSI, VIC. GEN.

D. Petrus Marcus Gypsius Canonic. Deput.

EC-

EXCELLENTISS. SIG.

IL Canonico D. Gioseppe Bartellucci Agente di Monsignor Frà D. Benedetto di Noriega Vescovo della Real Chiesa dell' Acerra, supplicando espone à V. Ecc. come desidera dare alle Stampe un Libro intitolato *Injustitia Belli Austriaci contra Catholicum Hispaniarum Regem Philippum V. Syntagma Theologicum Juridicum*: composto da detto Monsig. Vescovo. Per tanto supplica V. Ecc. per le solite licenze, e l'averà à grazia, ut Deus.

Mag. U. J. D. D. Leonardus Gutierrez de la Huerta videat, & in scriptis referat.

GASCON REG. MERCADO REG.
BISCARDUS REG. ULLOA REG.

Provisum per S. E. Neap. 17. Septembris 1704.

Ill. D. Andreas imp.

Mastellonus.

EXCELLENTISS. DOMINE.

Iussui Exc. V. gratulanter obtemperans ingenti animi voluptate perlegi, at qua potui sedulitate lustravi Librum, cui titulus est *Injustitia Belli Austriaci contra Catholicum Hispaniarum Regem Philippum V. Syntagma Theologico Juridicum*, Autore Illustris D. Fr. Benedicto Noriega Episcopo Accrarum, in quo nil Regali Jurisdictioni obliuiscens inveni: imo pro ea strenuè pugnat, Regalique Jura eximio ingenii acumine tuetur. Est Opus, si materiam aspiciamus, gravissimum; si Authoris doctrinam, omni genia eruditione refutatum. Dubia Theologica tutiori explanatione resolvit, Juridica solerti interpretatione conciliat, Moralia methodo apertissima monstrat, & politica cum orthodoxa miranda dexteritate componit. Tandem est opus doctum, floridum, eruditum, elegans, materia clausum, declamatione conspiciuum, propositione obstruclum, disputatione referatum, vernantis eloqui flore mollicum, & cum magna Authoris laude compactum. Quocirca ipsum Cedri immortalitate dignissimum censeo, ut exemplò in lucem publicam prodeat, ne diu hoc Philippi V. Regis nostri propugnaculum desit, & ne gloria inde oritura fraude- tur Author. Neapoli 4. Octobris 1704.

Excellentiz Vestraz

Obsequentiſſimus, atque additiſſimus Servus
D. Leonardus Gutierrez de la Huerta.

Visa relatione imprimatur, & in publicatione servetur Regia Pragmatica.

GASCON REG. MERCADO REG. BISCARDUS REG.

Provisum per S. E. Neap. 13. Octobris 1704.

Ill. D. Andreas, & Ill. Dux Lauriz non interfuerunt.

Mastellonus.

PRO-



PROLOQUIUM.



Sunquam, vel usquam injustum bellum excitatum est, præsertim inter Christianos Principes, qui non ex efræni imperandi libidine, sed ex inevitabili, & quodammodo fatali bellandi necessitate classicum ciere solent; illud potissimum cen-

feri debet, quod Catholico Hispaniarum Regi Philippo V. intulit Augustiss. Romanorum Imperator electus Leopoldus Aultriacus. Id dum mecum ipse attentè confidero, abrior admiratione. Sed quis non miretur, Cæsarem probatæ mäsuetudinis virum, exploratæ moderationis Herodem, qui nonnisi ad propulsandas injurias gladium distringere didicit: qui, ne armistitium violaret; nisi lacesitus, nisi provocatus, etiam contra Crucis hostes, ensen renuit evaginare; ex abrupto velle e Throno deturbare, dejicere Philippum, jure Sanguinis, vigore Testamenti, Regnorum votis ad Sceptrum invitatum, electum, tractum, & successiva

A

Po-

Populorum communi acclamatione, musitante ne-
 mine, in Solio firmatum? Is solum non mirabitur, qui
 sciat, Cæsarem Anglorum, ac Batavorum æstris perci-
 tum, & agitatum, bellum hoc difficile suscepisse. Ii
 authores, inspiratores, suassores fuere Principi cætero-
 qui lenissimo, & æquitatis cum primis amantissimo,
 ut acre, & funestum bellum, sibi que potius, quàm aliis
 perniciosum, per universas Catholicæ Europæ oras
 spargeret. Ii, quorum alii antea numini bellum indi-
 xere, ut postea legitimi Principis dominium abjice-
 rent: alii fidei, & juris jurandi refractarii, proprium
 Regem carcere detruferunt, & (quod horribilius est)
 causa dicta, addixerunt carnifici, ac in publico foro ca-
 pite minuerunt: Ii, qui turpissima seditione commoti
 divinas, humanas leges pessundantes, in legitimum ir-
 ruentes Monarcham, Regia, & Regno cedere compu-
 lerunt, filiam genitori, & generum socero præpostera
 violentia præferentes: illi, quibus nihil antiquius, fa-
 miliarius nihil, quàm ex propria utilitate belli, & pa-
 cis fœdera dimetiri; quorum fœculenta democratia rap-
 pinis, ferro, & sanguine coaluit: ji & illi Leopoldum
 privatæ, & publicæ quietis studiosissimum, blandienti
 quodam, sed vano, expectationis philtro ed deduxe-
 runt, ut Regem, quem jus gentium, jus Regni, jus ge-
 nefis, ad thronum evexerant, Marte non excitato, ado-
 riretur; priusque bellum urgeret, quàm denuntiaret.
 Forsàn Fecialium præterita idcirco religio, quam vel
 iplis gentibus præterire piaculum erat, nè in vestibulo
 hæ-

hærerent. *Audi Jupiter, audite fines, audi fas.* Qui contra jus fasque bellum intimarent. Nec Mars excusus audivit. *Mars vigila*, ut Liv. lib. 1. Decad. 4. Aul. Gell. noct. Atticar. lib. 16. cap. 4. & adnotavit Zerdenf. noster ad illud Virgæ *Æneid.* lib. 7. *Movement in prælia Martem.* Quia verebantur, ne sub vexillis Monarchæ tam injusto impulsu appetiti militaret. Sed non est Deus noster sicut Baal, qui (ut jocabatur Elias Reg. 3. cap. 18.) clamoribus indigebat. *Clamate voce majori Deus enim est, & forsitan loquitur, aut in diversorio est, aut in itinere, aut certè dormit, ut excitetur.* Vigilat enim, imo est vigil, & sanctus ille, qui apud Danielem 4. cap. intonuit. *Succidite arborem, & præcidite ramos ejus: verùm germen radicem ejus in terra finite.* Ipse est, qui Carolum II. arboris Austriacæ truncum, & columen, mortis securi præcidit, quique germen, radicem ejus Philippum V. in terra sivit, & ad vastissimum Hispaniarum imperium excitavit. Undè non est cur timeamus, ne signis Cæsarianorum aspiret. *Etenim illi (ut verbis utar Ciceronis lib. 1. de offic.) libidinem dominandi causam belli habent, & maximam gloriam in maximo imperio putant.* Imò oppositum sperare fas est, cum à nobis stet procul dubio justitia. *Justum quippè bellum est* (ait Isidorus relat. cap. Justum. 23. q. 2.) *quod ex edicto geritur propulsandorum hostium causa.*

Insignis planè calliditas! Exleges, & impietatis affectæ, quibus nihil cum justitia commune, qui ut

Arfacides ille Tyridates apud Tacitum lib. 15. *Annales*, aliena pomeria invadere regiam laudem ducunt; ac jus ferentes in armis *fas versus atque nefas tot bella per Orbem* hucusque gessere; pietatem, & justitiam obtendunt, ut Catholicos Principes acerbè committant: id saltem adepturi, quod si Hispanorum Monarchiam secare, aut discindere nequeant; Hispanicam, Gallicam, Austriacam dispendiosissimo bello enervent; sin minus infirmant; atque perpetui dissidii jactis seminibus, nūquam copulatis armis acatholicos aggredi valeant. Antequam Carolus II. humana defereret, nullum lapidem non moverunt, ut ejus patrimonium in frustra dividerent. Sed cum post ejus obitum posthumum quodam vigore revirescere conspexissent, Franciæ virtute excitato nativo calore, succoque vitali, antequam convalescat, in lectulo suffocare gestiunt; ut Ecclesiam, hoc strenuo pugile destitutam, facilius ariententur, prout in votis habent. Hinc Cæsari malè querulo, & sine causa dolenti, licet non sine occasione, fuerunt unguis in ulcere, ut sanguine, & pulvere faciem Europæ deturparet. Sed est quod magis miremur. Nimirum, perspicuè vident, aut non videre non possunt, justitiam, & fortunam contentiosa quadam æmulatione pro Catholico Rege nostro Philippo, revelatis vultibus, dimicare, & tamen obfirmati, animos non despondent, sed ut Cælo quoque bellum inferant, in quo naturæ leges ut in authographo scriptæ sunt, & primò excusæ; in

se ipsam naturam sollicitant, ausu quodam barbaro parentes in filios provocantes, ac sanguinis, necessitudinis, affinitatis, gratitudinis sacrorum fœderum violationem suadentes, persuadentes, & multimodis in spirantes, ut his iniquis fundamentis substructis, firmitus fulciatur intentæ tyrannidis ædificium.

Hæc vera, imo unica bellorum universam Europam depascentium causa est, quam si qua par est reflexione contempleretur Augustissimus Cæsar; Hispaniarum, etiam meliori juri subnixus, minime preffaret imperium; sed sceptrum sponte abdicaret, quod nonnisi multo sanguine cruentatum Sereniss. Archiduci, si Diis placet, conquirere potest; & conquistum, ab eisdem, qui nunc tam enixè jura Austriaca promouent, vix, & ne vix quidem defendere valet. Sed eò minus ad arma currere debuisset, quò, licet Majestati suæ apparenti victoriæ spe fœderatæ potentiæ adblandiantur, & legulei superficiali justitiæ colore deludant, re tamen ipsa, & juribus, & armis causa cadat necesse est. Juribus quidem, quia nullum ab ipsis validum operiri potest subsidium. Armis subinde; quia jure. Cum enim Deus Optimus Maximus harum controversiarum Judex, & arbiter sit; dubitare nefas esset, quin ejus justitia, quæ nec declinari, nec corrumpi, nec appellari potest, sic moderatura sit rerum eventus, (prout jam gustare cæpimus) ut decretoria pugna pro Catholico Rege Philippo diffimat.

Intereà; dum alii arma movent, & manifestissimis

mis fidelitatis, & fortitudinis argumentis in lyceò Palladis Regis nostri Philippi justitiam demonstrant; Nos, qui pacatiori militiæ nomen dedimus, amoris itidem, & fidei erga speciosissimum, & bellicosissimum Principem, à Deoque datum Monarcham, theseram exerere non duximus importunum. Propterea in arena Minervæ ejus inconcussa jura, invictissimis rationum armis vindicare enitemur. Vel motiva, quibus Cæsar ad hoc bellum accinctus est, manifestam injustitiam præferre, Deo auspice, demonstrabimus. Scopus ergo Syntagmatis nostri est; belli ab Augustissimo Cæsare contra Catholicum Regem, imò, & veriùs, contra Monarchiam Hispanam suscitati, Theologicè, & juridicè iniquitatē edisserere. Ex harum facultatum pænitiorebus principiis præfixam hypotesim ostendere aggredimur pro modulo nostro. Sed enim, cum inter nostra momenta versanda, de jure succedendi agere, necesse sit, & hanc spartam alii jam adornarint ea facilitate, & felicitàte, ut nihil non actum reliquisse videantur; si quid ab eis acceperimus, id in primis ea reverentia à nobis præstandum erit; ut non propriam, sed mutuatam à veris Dominis supellectilem ostentemus, ne fructus alieno labori respondentes furari accusemur. Utque intra propriæ professionis vallum contineamur, aut in alienam messem nos manum mittere ausos, necquis sibi persuadeat; ea, quæ de civili jurisprudentia demetemus, fini Theologico, vel Canonico, quem nobis præstitum volumus, tanquam puram ma-

te-

teriam ordinamus : Ea enim est universalium facultatum conditio , ut aliæ aliis subservire , & ministrare non dedignentur : Nimirum non semel juris Cæsarei professores Theologorum dogmata fini civili opportunè adaptant . Unde non mirandum , si Theologi juris Cæsarei conclusiones Theologicæ , aut Canonicæ structuræ supponant , quarum finis cum superior sit , inferiores facultates sibi subordinare , exploratissimū est.

Sed priusquàm ad hypotesim persuadendam descendamus , operæ pretium duximus hujus tam sævè grassantis belli occasionem in medium proferre . Consultò dixi occasionem , quia causam justificam reperire prorsus impossibile est , ut ex dicendis constabit . Causa igitur deficiente , ad occasionem , seu potius ad id , ex quo occasio captata est , recurramus necesse est : quam nullo colore fucatam , aut ascititio ornatam capillamento , sed nudam , & calvam , qualis revera est , proponemus.

BELLI AUSTRIACI OCCASIO .

Monarchia Hispana , seu Catholica , quæ Gotthorum potentissimo Regno à Saracenis everso (ulciscente Domino eorum flagitia , præsertim Ecclesiæ in obedientiam , quam sub Vvitizzane Rege excutere ausi sunt , ut opportunè observavit Eminentissimus Cæsar Baronius ad ann. Christi 714 .) justo nomine successit ; ex contemptis , absconsisque radicibus in montanis Asturum abditis , sensim germinantibus ,
ad

ad eam, qua modo potitur magnitudinem, divina irrorante elementia pervenit. Et sicut granum sinapis, quod minimum est omnibus seminibus, Christo attestante, dum terræ latibulis occultatur, majus verò omnibus oleribus dum e terræ visceribus emergit, huc atque illuc expandens ramos suos; e cryptis Asturicis, quibus aliquandiù delituit, per universas Orbis oras incredibili fecunditate suæ dominationis furculos propagavit, Europam, Asiam, Africam, Americam suo sceptro contingens. Id quisquis consideret, mecum profectò opinabitur, his tenuissimis tantæ majestatis primordiis, potius quam Romanæ potentiæ principiis congruere illud Ovidii.

Parva fuit, si prima velis elementa referre

Romæ.....

Miramur fanè Dei maccessam, incircumscriptamvè providentiam erga Judæorum gentem, cùm, Antiocho universam Provinciam devastante, sacra profanante, & Israelitas à patriis ritibus ad superstitiones gentium, ceremonias, qua minis, qua promissionibus, trahente, unum suscitavit Mathatiam, qui fidelium reliquiis præfectus, fugit in montes, ex quibus, postquam aliquandiù delituit, novo Asmonæorum principatui primajecit fundamenta, qui paulatim succrescens, gentibus pluries debellatis, Orbem universum sua gloria replevit sub Juda Machabæo, *qui nominatus est usque ad ultimum terræ*, Machab. 1. cap. 2. & 3. Sed justius multò mirari debemus, ex Aufeyæ montis specu potuisse,

de-

devicta Paganorum innumerabili multitudine, erumpere sub Pelagio Rege, (quem ut alterum Mathatiam Deus reliquiis Gotthorum præfecit, quæ in montanis præruptis, & inaccessis asylum quæritabant) lectissimâ illa Gotthicæ stirpis grana, quæ per Universum, quaqua patet, orbem sparsa, ex ultimæ ruinæ confinibus in eam magnitudinem, quam cunctæ Nationes Hispaniæ invident, singulari gloria successerunt.

Hanc dominationis amplitudinem majori ex parte Hispanos obtinuisse exertis nervis, bellicaque virtute, cunctis est in confesso. Sed enim negare necesse non est, partim ex initis connubiis sibi accessisse. Cum namque ex primævis, & fundamentalibus Hispaniarum legibus, sive quibus Castellæ, sive quibus Aragoniæ, aut Lusitaniæ Regna constituta sunt; successio, deficientibus masculis, ejusdem lineæ, & gradus feminis Regii Sanguinis pateat; potuerunt primo Regna ipsa Hispaniæ in uno eodemque Principe coalescere. Siquidem nuptiis Ferdinandi magni, seu primi, cum Sanctia Legionensi, Legionis, & Castellæ Regna primum coierunt. Postea Ferdinando Aragonio Isabellam Castellanam desponsante, Aragonia, Valentia, Cathalonia, Balears Insulæ, Ulterior Sicilia, & Sardinia Castellæ, & Legionis Regnis copulatæ sunt, ut non tam Regum, quam Regnorum has nuptias æstimare possimus; illudque practico, & experimentalis argumento comprobari, quod scite dixit Græmontius in Ludovic. XIII. *Nescis Regna simul contrahere.*

trahere, ubi nuptiarum fœlere neſtuntur Reges? Subinde juribus Ferdinandi vel antiquis reviviscentibus, vel novis recentiori beneficio ab Ecclesia donatis, eisdem Coronæ accrevēre citerioris Sicilię, & Navarrę Regna, prout omnium Europę Gentium historiis manifestum sit, & ex nostris Historiographicis dilucidè scribunt Antonius Nebrisenſis, Mariana, Zamalloa, & alii complures in Ferdinando Catholico.

Hanc vastissimam ſucceſſionem poſt obitum Joannis Principis, Ferdinandi, & Iſabellę unici maſculi, aditura foret Iſabella filia majornatu, Emmanueli Luſitano juſto vinculo copulata; niſi & ipſa paulo poſt Joannem acerbo fato prærepta, in filium Michalem omnem ſpem traduxiſſet. Sed cum hic adhuc trimulus vitam priuſquam guſtaſſet, ſaſtidiſſet, locum fecit Joannę avunculę, poſt Iſabellam Ferdinando natę, uxori Philippi Auſtriaci, Maximiliani Cęſaris filii. Hoc conjugio Monarchiæ alioqui ampliffimę, & propè immenſę magnitudinis, novo jure advenērunt Burgundia, Brabantia, Flandria cum reliquis Provinciis Belgicis; poſtideà quidquid Auſtriades in Germania, & Auſtria ab Alberto tunc uſque conquiſierant, & poſſidebant. *Ita ex variis quaſi elementis* (ſicut de Roma Florus ſcripſit cap. 1.) *congregavit corpus unum* Monarchia Catholica. Et tanquam ſi ejus juſtę corpulentię ſat non eſſet tantum externarum ditionum augmentum, quandiu univerſo Hiſpaniæ continenti juſ non diceret; per obitum Henrici

Re-

Regis Cardinalis, Lusitania, & quidquid sive in Asia, sive in Africa, vel America ejus coronam respectabat, Philippo Secundo jure Isabellæ genitricis tandem cessit; licet hanc portionem audax juxta, ac felix Lusitanorum perduellio Philippo Quarto arripuerit.

Ex Philippo I., & Joanna Conjuge duplex Austriadum linea processit; altera Caroli Imperatoris, Ferdinandi Cæsaris altera. Prior per Philippum II. producta usque ad Carolum II. nuper defunctum, Hispaniæ hæsit, & indè jus dixit Hispanis, Italis, Belgis. Posterior, cedente Carolo jura sua, & Philippo II. annuente, Austriæ confedit, & status, quos domus Austriaca patrimoniales in Germania obtinuerat, moderata est, Imperiali lauro semper illustris, ob Sanguinis splendorem, militarem virtutem, & divitias, quibus eminuit, ad tantum sine interruptione evecta fastigiû. Hæc in Augustissimo Leopoldo nova in dies gloria, cum lata perseverat, eique jugem perseverantiam per multas annorum myriades fuis votis devotè adprecamur.

Philippus III. prioris lineæ nobile germen, piissimus Hispaniarum Rex, multa utriusque sexus lectissima prole dives, filiam natu maximam Serenissimam Infantem Annam Mauritiæ Christianissimo Regi Ludovico XIII. eam avidè expetenti, nuptui tradere statuit. Sed antequam ultimam manum apposuisset cōtractui, prudenter consideravit, fieri posse, attentæ humanarum rerum instabilitate, & vicissitudine,

quod extincta sine liberis prole virili, ex legibus Regnorum ad prolem Serenissimæ Infantis devolveretur successio: Quæ sanè devolutio ingentem Catholicæ Monarchiæ jacturam procuderet, ejus dominiis in Provinciam redactis. Hoc Hispanos permissuros nullus credebat; cum quia ex ejus primævis legibus consuetudine firmatis, contendunt nulli potentiæ accedere posse; sed in se ipsa Hispanicam Monarchiam subsistere debere; Regemque in ea teneri solum figere, non inde extrahere. Tum quia Hispania acerrimè disceptabat primatum inter Regna Catholica, ut pote quæ antè alia Reges ab Imperii legibus prorsus liberos, & Christianam Religionem professos obtinuisset, sibi persuadeat. Hanc itaque maximi quidem momenti difficultatem explanare gestivit, priusquam conjugio irrevocabilem assensum præstaret. Re diù multumque suscitata, his cautelis in fœdera itum est. Nimirum. Serenissima Infans paternæ, maternæque hereditati renuntiaret dote assignanda contenta. Rex ipse Catholicus; pacto convento cum Christianissimo (quod uterque pro suis respectivè dominiis vim legis habere voluit, nè aliquando utraq; Monarchia cum alterutrius præjudicio commisceri, aut copulari posset) Serenissimam Infantem; & ejus prolem sive masculèam, sive femineam, à successione, & spe succedendi in Monarchia Hispana perpetuo exclusit. Hanc conventionem ante, & post conjugium, quibus optavit vinculis firmari, obtinuit: Et per generalia Castellæ comitia legitime

coacta probari, ac pro lege rogari, assecutus fuit.

Philippus IV. filiam itidem majorem natu Serenissimam Infantem Mariam Theresiam Regi Christianissimo Ludovico XIV. nunc feliciter regnanti, quem Deus diu sospitet, desponsaturus, hoc recens exemplum prae oculis habens non declinavit ad dexteram; vel ad sinistram; sed genitoris vestigiis totus insitens eandem hæreditatis paternæ, & maternæ renuntiationem exegit, eandem exclusionem, pacto convento, edidit, eisdem roborari cautelis obtinuit; hoc solummodo excepto, quod exclusionem per Regni comitia probari, ac pro lege rogari non contendit. Cætera paria sunt. Ex hac Serenissima Coniuge Ludovicus magnus unam eamque virilem prolem suscepit, Serenissimum Delphinum, qui ex Serenissima Marianna Christina Bavara tres filios procreavit. Serenissimum Ludovicum Ducem Burgundiæ natu maximum: Serenissimum Philippum Ducem Andegavensem Secundogenitum, & Serenissimum Carolum Ducem Biturigensium genesis conditione dumtaxat postremum. Alterius Philippi IV. filiæ Serenissimæ Infantis Margaritæ, quæ Augustissimo Leopoldo nupsit, soboles prorsus extinta est; eaque propter nihil habet cum instituto nostro commune.

Carolus Secundus piissimus, & dulcis memoriæ Rex, Philippi IV. filius relictus in Regno Successor, cum diutino, & obstinato morbo ancipiti fortuna conflixens; dum jam ægritudini naturales vires succumbere

bere animadvertit; prudentissima & multis nominibus commendanda resolutione, quæ circa successi-
nem imminebat, vel post ejus obitum emerfuram cre-
debat controversiam cum evidentissimo Patriæ detri-
mento, ultimis tabulis dirimere decrevit. Sed ut qua-
par erat maturitate in re tanti momenti procederetur:
primum consuluit viros doctissimos, & timoratis-
simæ conscientiae Prælatos complures, qui, re matura
reflexione trutinata, & ad legum amussim pondera-
rata, sua sensa Principi exquirenti sine affectione ex-
posuerunt. His habitis, nec adhuc, ut tenerri-
mæ conscientiae erat, plenè quietus, viam, quam ex juris pru-
dentissimorum Virorum judicio inire decreverat, Ro-
mano Pontifici aperire voluit, sub cujus ultimo con-
silio, & approbatione tutius, & sine conscientiae re-
prehensione decideret, tantique momenti negotio tan-
to arbitro feliciter terminato, in pace quiesceret. Obiit
tandem Carolus æternis Hispanorum, Subitorum, &
bonorum omnium lacrymis parentandus, obiit, ingen-
ti sui relicto desiderio; obiit suis, quàm vivens aman-
tissimus, tam moriens beneficus; & tabulis resignatis,
constitit. Ipsum, præmissa congrua, & juribus confor-
mi declaratione renuntiationum, & exclusionum Se-
renissimarum Infantum sororis, & amitæ, Serenissi-
mum ex majori sorore pronepotem Philippum Bor-
bonium Andegavensium Ducem, Serenissimi Franciæ
Delphini filium secundogenitum in universa Monar-
chia Successorem declarasse, & hæredem instituisse.

Ni.

Nimirum, cessantibus in eo renuntiationis, & exclusionis justis, veris, & subsistentibus motivis, omni procul dubio succedere debebat, tanquam is, qui linea prior, & gradu proximior poterat Hispanum Sceptrum independens à Francica Corona, impermixtum, & per se subsistens conservare: prout tam Carolus ipse, quam Superiores Reges, & Subditi omnes in votis semper habuerunt, & omni studio, ad primævarum legum spiritum, pro viribus contenderunt. Sed enim in quale quale agnationis solatium, à qua jura successionem evellerant; constituit conjugium Catholici Regis Philippi Successoris sui, cum Serenissima Austriæ Archiducissa, Augustissimi Cæsaris filia; ut nomen Austriacum, quod per ducentos ferè annos gloriosissimè in Hispaniis vixerat, sepeliretur cum honore.

Hæc Successoris consultissima aut destinatio, aut declaratio, in qua privata agnationis affectio publico Reipublicæ amori, paci, tranquillitati, justitiæ obsequi compulsæ est; mirum in modum arrisit viris ex æquo bonis, & doctis, qui optimè notant, nullam in casu præsentis vim prætereundæ ex scriptas vel renuntiationes, vel exclusiones. Sed & (id forsàn magis mirabile) vulgo imperito, quod ex eo solùm principio, quod Rex Catholicus Carolus II. cujus conscientia illibatam integritatem exploratam habebat, morti vicinus, Sanguinis Austriaci immemor, eam ediderat; inferebat non insulsè, vel importunè, omnia jura à Francis esse; alioquin non litaturus Rex Austriacus agna-

agnationis amorem, quando nihil ipsi præter unum Dei judicium reformidandum supererat. Eaque propter, statim vocatus Philippus, adductus, cunctis plaudentibus exceptus, Rex salutatus, & fidelitatis jramento præeunte, ad avitum Thronum erectus; quin per multos menses ullus oggannierit, vel contra militaverit; nec Cæsar ipse aliquid contra produxerit, vel attentaverit; nisi quod stabilito conjugio, malis profecto avibus, assensum denegaverit.

Denique, inspirantibus Anglis, & Batavis, qui consimili labe deturpatos Hispanos vellent, scilicet, quod legitimo pulso Monarcha, contra jus fasque novum intruderent; ejus consilia, quæ tunc usque foras minimè eruperant, licet evaporare cæpissent, detecta sunt. Nimirum ex post facto, vana quadam delusus spe recuperandæ Monarchiæ, arma paravit, & pluribus sollicitatis, sibi que devinctis Principibus, Regi Catholico Philippo V. bellum unum multiplex non indixit, sed intulit; siquidem in eum universam ferè Christianam Europam obarmavit, multa sibi pollicitus de Subditis nuperi Regis, quæ tamen iterata experimenta Neapoli, Lombardiæ, & Bethicæ capta adhuc dispellere non potuerunt. Quando quidem male suavis Serenissimum Archiducem per Lusitaniæ januas, cujus Regem iniquo Hispaniæ fœdere denuo sibi obstrinxit; Castellam invehere conatur; sperans fore, ut Hispani Archiducem ut è Cælo delapsum, obviis ulnis excipiant. Quasi satis non esset ad eos abalienandos,

(etiam

(etiam dum in ipsum propenderent) quod à perduellibus fuerit ipsi aditus referatus. Hæc belli occasio : de cujus eventu exitus dijudicabit : de justitia verò præsens Syntagma, postquam cuncta hinc inde acervata evannaverit, verioribus, ut par est, insistentibus respondebit.

SYNTAGMATIS PERSPICUA DISTINCTIO.

Distinctio cum veritate maximam necessitudinem habet : quia veritas cognosci amat, & distinctio cognitioni facilem viam parat ; fugat namque nubila, & caliginem, quibus veritas, ne illucescat, obduci, seu obtenebrari frequenter solet. Idcirco qui malam causam promovent, confusa quadam, & indigesta rerum congerie nō tam subiectum orationis elucidant, quàm obnubunt, ac artificiosa commistione veluti tenebris offundunt. Nobis, qui veritatem quærimus, ad extricandam hanc labyrinthum, quam multiplici circuitu, & anfractu, qui de jure Austriaco scripserunt, potius obscurarunt, quam elucidaverint, distinctione opus est, quâ ut Ariadnæ glomerum ad optatum tandem exitum pervenire valeamus. Sed enim in præsentiarum pro congrua distinctione instituenda, non est quod multum desudemus ; cum ex visceribus subiecti, quod versamus distinctio exoriat, nec opportunior alia excogitari possit. De injustitia
C belli

belli Austriaci sermonem facturi, eam luculentius demonstrare nequibimus, quàm si ipsi non assistere, sed potius resistere justì belli còditiones evincamus. Cum enim juxta tritum Philosophorum pronútiatum, obliquum per rectum cognoscatur, sicut privatio per habitum, quia rectum est index sui obliqui; per justì belli characteres injustum detegatur, oportet. Porrò ut Justus Lÿplius scripsit civil.doct.lib.5.cap.4.tribus notis justum bellum comprobatur. Ex justo, scilicet, Authore, justa causa, & justo fine. *Bellum*, inquit, *justum tria hæc habet. Authorem, causam, & finem*, intellige, *justa*, ut ex capitis totius contextura satis superque liquefcit. Ecce ex belli justì characteribus distinctio tenenda suboritur. Bellum igitur Austriacum iniustum ex Authore, ex Causa, ex Fine demonstrare aggredimur.

S E C T I O I.

Injustitia belli Austriaci à parte Autoris ostenditur.

Superiores belli justì conditiones agnovere quot quot de belli justitia scripserunt seu Theologi, seu Canonistæ, quibus præivit D.August.lib.12.contra Faust.cap.74.& epist.5.& 207.Videndi D.Thom.2.2.q.40.art.1.& ibidem Cardin. Caietan. Dominic. Bannes, atque alii Thomistæ. D.Bonavent. in Specul.
ani-

animæ cap. 1. in fine. Alexand. Alenf. 3. p. q. 76. memb. 3. Henric. Gand quodlib. 15. q. 16. Gabriel Biel in 4. dist. 15. q. 4. Francisc. Victor. in singulari relect. de jure bell. Castro lib. 2. de justa hæreticor. punitio. cap. 14. Covarru. in cap. *peccatum* de Regul. jur. lib. 6. D. Emmanuel Gonzalez Tellez. Salmant. Vesperarius ad cap. *Sicut* de jure jurand. August. Barbof. Episcop. Ugentin. ad cap. *Iustum* 23. q. 2. & alibi sæpè, Robertus Cardin. Bellarmin. lib. 3. de morib. Eccles. cap. 14. Silvest. & alii Summistæ, verbo *Bellum*. Astesan. noster. lib. 2. tit. 64. art. 3. Bartholom. Mastrius in Theolog. moral. disp. 10. q. 14. art. 2. & consentiunt quiqui alii de hoc subiecto aliquid ediderunt.

Ut vero assumpta thesis luculenter appareat; plura disquirenda sunt, quæ ad Authorem aggressivi belli justî, vel iniusti dignoscendum plurimum conducunt. Ex quibus an Augustissimus Cæsar hujus funestissimi belli Author justè, vel iniustè illud intulerit facile erit colligere, ut jam videbimus.

§. I.

*Autoritas ad bellum offensivum inferendum
expenditur.*

1. **C**onsulto diximus ad bellum offensivum: nam ad defensivum quævis privata autoritas sufficit. Privatus enim quisvis, dum injustè impetitur,

C 2

aut

aut laceffitur, arma defensiva capere potest, etiam absque Principis authoritate. Quia ad justam defensionem ipsa juris naturalis primæva lex in uniuscujusque animo indelebilibus notis insculpta authoritatem præstat; *leg. ut vim ff. de just. et jure. leg. furem. ff. ad leg. Cornel. de Sicar. leg. Itaque ff. ad leg. Aquil. cap. Olim. 1. de restitut. spoliator.* Consulantur Victor. Molin. Bannes, Amic. Gaudent. Mastri. Barbof. Gonzalez, & alii, quos nuper allegavimus: quibus unanimi suffragio concordant reliqui Theologi, & Canonistæ. Attamen ipsi bellum aggressivum, seu offensivum inferre minime licet. Nam, ut ex communi opinione discurret Illustriss. Episcop. Segobiens. D. Didac. de Covarru. rubric. in Regul. *peccatum* antea citatam p. 2. relection. §. 9. in principio; *privatus Superiorem habet, apud quem possit injuriarum agere, resque proprias ab alio captas exigere.* Et, quod potissimum est; *Principi, cujus imperio subditus est, injuriam facit, si eo invito, vel absque ejus authoritate bellum alteri indixerit.* Idcirco Plato lib. 1 2. de legib. capitis pœnam in eos dixit, qui, publica authoritate posthabita, belli, aut pacis jura usurparent. *Si quis privatim sine publico scito pacem, bellumvè fecerit, capitale esto.* Apud Romanos, quandiu Respublica constitit, pœnes Senatum Populumque Romanum fuit pacis, & belli arbitrium. Nec bellum credebatur sed latrocinium, Senatu non authore, susceptum, in eoque militantes non æstimabantur milites, sed prædones, Ulpiano teste in
legē

lege Hostes ff. de captiv. ibi: Hostes sunt, quibus bellum publicè Populus Romanus decrevit, vel ipsi Populo Romano, ceteri latrunculi, vel prædones appellantur. Translata postea in Cæsares rerum summa, leg. Juli. Majest. statutum est, ne quis sine Principis autoritate bellum indiceret, aut exercitum compararet. *leg. 3. ff. ad leg. Jul. Majest. cujus meminit Dio Cassius lib. 53. ibi: Hæ vero leges omnibus ex æquo provinciarum rectoribus factæ; nequem delectum militum agerent.*

2. Hinc manifestissimè elicitur, Respublicas, vel Principes supremos nullum in terris Superiorem agnoscetes iustissimo titulo, ad arma confugere, cum defensio status, rerumque suarum, super quibus iniquè vexantur, id postulat. Nam si privatus iniuste pulsatus illatam vim repellere potest, servato moderamine inculpatae tutelæ; potiori titulo id poterit Respublica, vel Princeps Supremus, qui neminem habet, à quo tuitionem jure sperare debeat. Iustissima ergo ea bella sunt, quibus Respublicæ, vel Principes hujusmodi iniquè tractati se se ad meram defensionem obarmant. Ut propterea vel ipsi, qui sola imperii dilatandi libidine finitimas gentes bellis percellunt, hoc specioso defensionis colore injustos impetus, & violentos conatus tingere, & honestare utcumque desiderant, ut satis perspicuè apparet Judith. 1. Etenim Nabuchodonosor Assyriorum Rex universo cupiens Orienti jus dicere, nuncios misit, per quos à Regibus, & liberis Populis obe-

obedientiam exigeret, & vectigal: quibus sine munere dimissis, & sine honore rejectis. *Indignatus Nabuchodonosor Rex* (inquit sacer contextus) *adversus omnem terram illam, juravit per thronum, & regnum suum, quod defenderet se ab omnibus regionibus his.* Et, quod magis est, hoc nequissimum bellum, quod nulla æquitatis umbra poterat honestari, accitis consiliariis in pleno concilio defensivum diffinitur. *Factum est verbum in domo Nabuchodonosor Regis Assyriorum, ut defenderet se. Vocavitque omnes Maiores natus, omnesque Duces, & Bellatores suos, & habuit cum eis consilium mysterii sui.* Quodnam mysterium? *Cogitationem suam in eo esse, ut omnem terram suo subjugaret imperio.* Judith. cap. 2. Ecce mysterium consilii: Tyrannus Rex bellum offensivum, & injustum confinibus Regibus, & Principibus illaturus; cujus injustitiam in arcano consilii sui volens nolens fatetur, siquidem præfatur. *Cogitationem suam in eo esse, ut omnem terram suo subjugaret imperio.* Innocentissimo defensionis velamine obumbrati, aut amiri amabat, & ubi nulla injuria præcesserat, propriæ tuitionis causabatur pretextum, sciens vel hoc solotitulo injustissimam aggressionem specietenus honestari.

3. *Cæterum offensivum bellum indicere justè, & licitè, etiam data justa causâ, nemo potest præter Principem, qui nullum in terris temporalem Superiorem agnoscit, nisi inferiori per Superiorem, ut præfertur,*

ab-

absolutum, & independentem sibi belli indicendi potestas facta sit. Hoc pari procedit incessu, siue suprema potestas in uno resideat, prout in Monarchia, siue in pluribus, ut in Aristocratia, vel Democratia: semper enim verum est, quod bellum indictum ab his supremis potestatibus ex defectu authoritatis injustum non erit, quinimo, cæteris concurrentibus, justum reputari debeat in his, quæ positivè, aut negativè ejus jurisdictioni subiaceant: de quo postea. Id docuit D. August. lib. 11. contra Faust. cap. 74. & D. Isidor. lib. 18. Etymolog. & habetur cap. *Quid culpatur.* 23. q. 1. cap. 1. 23. q. 2. leg. *Hostes ff. de captiv. & postlimin. revers. leg. Hostes ff. de verbor. significat.* Adnotavit Doct. Angelic. 2. 2. q. 40. art. 1. ibidem Caietan. & Banes. insuper Caiet. tom. 2. opuscul. q. ult. Innocent. in cap. *Olim.* 1. de restitut. spoliator. & in cap. *Sicut de jureiurand.* ibidem Panormit. cum aliis pluribus n. 7. Hadrian. in 4. sentent. tract. de restitut. Silvest. verbo *Bellum.* Maior in 4. sentent. d. 15. q. 20. Alphons. à Castro lib. 2. de justa hæreticor. punit. Joannes de Lignan. in peculiari tractatu de bello cap. 13. Cardinal. Turrecremat. in cap. *Quid culpatur.* Augustin. Barbof. & ab eo collecti in prætermisissis, & additis ad cap. *Iustum.* 23. q. 2. Oldrad. conf. 70. Joan. And. cum multis aliis in cap. 1. de homicid. lib. 6. D. Emmanuel Gonzal. in cap. *Sicut de jureiurand.* Joannes Eckius homil. ultim. Dominic. 3. post Epiphan. Ludovic. Molin. Amic. Thomas Tamburin. Mastrius, Gaudent. & alii
in-

innumeri in decursu citandi, quos, ne in re cuique obvia multus sim, sigillatim laudare non duxi.

4. Naturalis ratio id ipsum manifestè persuadet. Quia ex probata maxima Aristot. 3. Politicor. unaquæque Respublica sibi sufficiens esse debet; sed minimè sibi sufficeret, si non haberet jus distringendi gladium in externos malefactores, repetendo quæ ab eis iniuste ablata sunt, & iniurias sibi illatas ulciscendo; cum nullus sit in terris communis Superior, qui vindicare huiusmodi iniurias possit, & quo coram reus conveniatur: Reipublicæ igitur est bellum indicere. At quidquid authoritatis in Republica erat, in Principem, si ipsi Respublica succollavit, lege regia translatum est; ipse enim gladium Reipublicæ portat, & vibrat: ut propterea dixerit gentium Doctor ad Rom. cap. 13. *Non sine causa gladium portat, Minister enim Dei est, vindex ad iram ei, qui male agit.* Author ergo belli aggressivi indicendi Princeps est nullum cognoscens jure temporalem superiorem.

5. Diximus nuper, quod bellum, hoc authore, indictum, justum debeat reputari cæteris concurrentibus, in his, quæ positivè, aut negativè eius jurisdictioni subiaceant. Quia ex duplici veluti fonte dimanat, quod Princeps legitimè bellum indicat; vel quia positivam habet facultatem puniendi, ut contingit dum perduellionibus subditis bellum infert; ij namq; licet de facto jugum excusserint; de jure tamen subditi sunt; atque adeo, ea, quam à Republica in omnia

mem-

membra affecutus est, potestate ipsos compescere, coercere, & male mulctare potest. Vel quia is sive Princeps, sive Respublica, à quo injuriam passus est, nullum superiorem habet; & in hoc eventu negativè dumtaxat belli indicendi facultatem nanciscitur, videlicet; quia nullo existente superiore, ad quem ipsum deferat, per accidens, & ex alterius defectu, judicis, & executoris personam assumit: causæque cognitione præmissa, sententiam dicit, & ad executionem, quæ ipsi possibilis est, se accingit, bellum indicens, & re ipsa exequitur dum bellum infert: ut pulchrè observat P. Ludovic. Molin. de justit. & jure disp. 103.

6. Cæterum si Princeps, vel Respublica suprema, & independens injuriam pateretur ab aliquo alterius Principis, vel Reipublicæ privato subdito, nullam directam belli movendi potestatem haberet. Etenim, privatus ille offensor judicem certum, ac indubitatum habet, ad quem deferatur; deferrique deberet; quod si, veritate perspecta, proprius superior detractaret vindictam, tunc & non antea bellum posset indicare, ob injuriam denegatæ justitiæ, quam denuò patitur à Principe, superiorem non habente, in cujus defectum judicis personam in iniquum judicem negativè, & per accidens assumere potens est, ex dictis paulò ante, numero scilicet præcedenti.

7. Id quod de personis certissimum, & incontrovertibile est, suo quoque modo ad res extendatur oportet. Nimirum si Principi exscripto quantumque supre-

D

mo

mo disceptatio contingeret de re constituta in alterius Principis supremi jurisdictione, aut dominio, ut de feudo alicuius Civitatis, vel Provinciæ; non posset aut positivè, aut negativè bellum indicare, & armis feudum sibi vindicare; non positivè, quia extra proprium territorium iudicare nequit ex vulgari juris regula. *Extra territorium iudicanti non paretur impune.* de reg. juris lib. 6. Non negativè, quia cum sit iudex tertius, quo coram disceptare, & jus suum experiri possit, tenetur ad eum recurrere; proptereaque personam iudicis assumere nequit, quoadusque iniuria ab hoc supremo iudice afficiatur; qualis foret, si contra manifesta jura feudum alteri adiudicaretur. Tunc namque cum non supersit alius iudex, quem appellare possit, per accidens, & negativè iudicis in gradu appellationis personam assumit. Hoc posterius ex ante dictis satis liquescit; prius manifestè probatur argumento *Cap. Tuam non credimus. de ordin. cognition. & cap. Causam. qui filii sint legitimi.*

8. Sed & experientia ipsa comprobatur. Siquidem Augustiss. Cæsar, cuius autoritas inter liberas, & independentes primum locum obtinet, de feudo Regni Neapolis iudicium introduxit in Romana Curia. Quia cum Summus Pontifex, sub cuius supremo, & altiori dominio hoc regnum consistit, sit iudex privativus huiusmodi feudi Romanam Ecclesiam respectantis; quæcumque de eo emergens disceptatio in eius Tribunali agitari debet. Hoc exempli gratia dictum sit: nam

re bene inspecta, nulla in huius feudi successione videtur posse contingere de jure controversia; cum luce clarius appareat ex contextu investituræ, Regi Catholico Philippo V. successionem fore deferendam; de quo suo loco. Et (ut obiter hoc insinuemus) Augustissimus Cæsar boni litigatoris metas transiit, dum animis ad defectionem sollicitatis, armis, quam jure, & arimis, præ jure controversiam amavit perimere, executor sententiæ nec eatenus latæ, nec (ni me mea fallit opinio) unquam pro Austriacis ferendæ; quod tanti Monarchæ, meritò cunctis suspiciendi, pace dictum velim.

9. Ex his, quæ hic tantummodò libavimus, eius exactiorem indaginem alio reservantes, elicimus, quod quamvis authoritas Augustissimi Cæsaris ea sit, qua in temporalibus superiorem non agnoscamus; imò inter absolutas, & independētes prima, & potissima, non propterea credendum statim est, quodcumque bellum eo Authore illatum, etiam ex iusta causa, ex capite Authoris justitiam præferre: potest namque emergere controversia, in qua nec positivam, nec negativam facultatem diffiniendi sortiatur; atque ideo in alio tribunali jus suum experiri compellatur, vel ratione personarum, à quibus, vel ratione rerum, in quibus injuriam passum esse prætendat. Quod ut radicatus edisseramus ad ulteriora procedere necesse est.

§. I I.

*Regna Monarchiam Hispanicam principalius
constituentia a Romano Imperio
prorsus libera sunt.*

10. **C**Um plura sint in Europa Regna libera, quæ Sacrum Romanum Imperium venerantur quidem, sed neutiquam recognoscunt; necessario, & consequenter asserere debemus, inter eorum Reges, & Imperatorem, quoad belli offensivi indicendi authoritatem, nullum omninò assignari posse discrimen. Sed sicut cæteri Reges liberi, & independentes, ratione rerum, vel personarum, sub dominio, aut jurisdictione Sacri Romani Imperii sitarum, nequeunt nisi per accidens, & in casu denegatæ manifestæ, & palàm justitiæ, judicium personam induere, nec per hostilem belli executionem res, quas ad se pertinere arbitrantur, vindicare: consimili, aut eadem ratione, id ipsum de Imperatore sentiendum sit. E regione, in illis casibus, quibus Cæsar potest ratione, authoritatis positivæ, vel negativæ, per se, vel per accidens bellum denuntiare, inferre, prosequi; posse & prædictos Monarchas ab Imperio independentes, qui in Regnis suis, quoad independentiam à superiori potentia, Imperatores sunt. Inter hæc liberrima, & juris sui regna, quibus nihil est cum Romano Imperio

rio

rio commune, antiquissima, & iustissima exemptionis prærogativa unum est Regnum Hispaniæ; prout rejecto illo futili fundamento, quod Imperator sit Dominus Orbis, probant Cardinal. Turrecremat. cap. *In apibus*. 7. q. 1. col. 1. & 2. Petrus, & Joann. Fab. in leg. 1. C. de Summa Trinitate, & in leg. *Benè a Zenone*. C. de quadri. præscript. Fulgos. eadem leg. C. de Summa Trinit. Oldrad. conf. 69. Joann. Igne. Senator Mediolanens. in quæst. *An Rex Franciæ recognoscat Imperatorem?* Cassanæ. in cathalog. gloriæ Mund. p. 5. considerat. 28. Alciat. in citat. leg. 1. C. de Summ. Trin. Et fusè, solidè, ac eruditè ex Theologis nostris Dominic. Soto lib. 4. de just. & jure q. 4. art. 2. ex Canonistis Illustris. Covarru. in relectione laudata ad regul. *percatum* part. 2. §. 9. ubi perspicuè, & efficaciter contraria momenta prorsus enervant; & Augustin. Barbos. in Collectan. ad cap. *Hadrianus* 22. dist. estò magis concisè, non minus solidè: ex Historicis Marian. & Garibai. in Ferdinand. I. Huic veræ sententiæ favet expressè glos. in cap. *Hadrian*. 63. dist. glos. in text. *et sine cess.* de donat. inter vir. & uxor. & ex his aliisque momentis latè prosequuntur Joann. Lup. de Palat. rub. in: troduct. ad repetition. de donat. Gasp. Lusitan. in l. *Imperium*. ff. de jurisact. omni judic. & plenissimè Valdes. de Reg. Hispan. dignit. cap. 18. per totum.

II. Hæc Hispaniarum libertas nedum puta, & pura autoritate, verùm & ineluctabilibus fundamentis fulcitur. Primo quidem, quia Imperator Honorius

ruius

rius donavit Alarico Vvisigotthorum Regi Gallias, & Hispanias, quas jam ferè perdiderat, cum eas Suevi, Alani, Silingi, Vvandali, & aliæ barbaræ gentes armis occupassent, nec eas recuperandi ulla affulgebat spes; ut ultra montes Gotthos amandaret Imperio imminuentes, & difficili hoc bello irretiret, Italiamque, & convicinas Provincias ab eorum incurfibus liberaret; Nec in hac donatione aliqua servitutis, vel recognitionis Sac. Rom. Imp. conditio intercessit, sed prorsus ingenua, & libera fuit. *Cui (Honorio) ad posterum sententia sedit, quatenus Provincias longè postas Gallias, Hispaniasque, quas jam penè perdiderat, & Gizerichi eas Vvandolorum Regis vastaret irruptio, si valeret Alaricus, sua cum gente sibi tanquam lares proprios vindicaret. Donatio sacro oraculo confirmata. Consentiunt Gotthi hac ordinatione, & ad traditam sibi Patriam profisciscuntur:* ait Jornandes de rebus Getic. cui consonant Paul. Diacon. Hist. miscellan. lib. 13. Carol. Sigon. de Occident. Imper. lib. 10. Joann. Cuspin. de Cæsarib. Roderic. Tolet. de reb. Hispan. reliquique Historiographi nostri, quos recensere operosum esset.

12. Subinde, cum Stiliconis astu, & malitia Imperiales legiones Gotthos ad donatos sibi lares pacificè profectos intercepissent, & Alaricus fremens ac ruinas, & excidia spirans, & ubique exercens, pedem ab incepto itinere retraxisset, universam penè Italiam subjugasset, & Romam ipsam Imperii caput diripuisset;

Ho-

Honorius Athaulpho Alarici ad Cossentiam fato
functi Successori, Placidia sororis sponso, & ipsius Pla-
cidie precibus, blanditiisque delinito, oneroso inter-
cedente contractu, non jam libera donatione, Gallias,
& Hispanias denuò concessit. Videlicet. Athaulphus
Imperatori pacem, & Italiam, quam ob violatam frau-
de Stiliconis fidem justissimè Gotthi quæsierant, con-
cessit, sub ea lege, ut Honorius Provincias aliàs sibi,
gentique suæ concessas, expugnandas dederet: quæ pro-
ut conventa fuerunt, ex fide gesta sunt, ut testatur
Joann. magn. Gotthic. hist. lib. 15. his verbis. *Honorio
Imperatori libertatem, & pacem concessit (Athaul-
phus) Romanque, & totam Italiam, quam in mani-
bus habebat, ei per summam, & nimiam amicitiam,
ac liberalitatem restituit. Itaque constituta cum Ho-
norio pace, Italiaque relicta, Athaulphus tota Got-
thorum gente comitatus in Gallias transitum acce-
leravit.*

13. Ab Athaulpho usque ad Rodericum ultimū
Gotthorum, sub hoc nomine, in Hispania Regem,
quidquid in his regionibus Gotthi occuparunt, absq;
ullo erga Imperium recognitionis argumento posse-
derunt; imo quid quid sub Imperii devotione, Svevo-
rum, & Alanorum retusis impressionibus, persevera-
vit, Gotthi Reges suo titulo freti subiugarunt, quoad-
usque universas Hispanias, Romanis pulsas, Alanis
fugatis, Svevis extinctis, in suum dominium transtule-
runt. Tantumque abest, quod Romano paruerint Im-
pe-

perio, ut potius quadam generosa æmulatione Imperatoriam Majestatem in habitu, in throno, in Regia, in comitatu, in agnomine ostentare gestierint, ut vel ipsis mutis testimoniis se non ab Imperio dependere, sed novum constituisse quodammodo Imperium comprobarent. Idcirco inductus purpuræ usus: thronus eburneus, & aureus: Principes à latere Monarchæ Comites Palatini dicti: Regia Urbs Roma, ut in Proœm. codicis fori judicum. leg. 1. Reges ipsi Flavii prænominari ambierunt. Quæ, & in Toletanis Conciliis obvia sunt, & ab Historiographis nostris observantur, & inter alios adnotavit exornatissimus Eques D. Didacus de Saavedra Faxardo Coron. Gotthic. p. 1. cap. 15. in Recaredo, post Marian. hist. Hisp. lib. 6. cap. 15.

14. Rursus. Quando non fatis esset hæc origina-
ria exemptio, & libertas ad constituenda Regna Hispania à Sac. Rom. Imperio independentia, quæ procul dubio in omnia Gotthorum jura succedere; ineluctabili convincitur argumento quod insinuat Regia lex nostra 18. partit. 1. tit. 5. nempe. Hispaniis per Arabas ingenti rei Christianæ jactura quaqua versum occupatis; Reges ipsi ab Hispanis electi ex Gotthici sanguinis reliquiis, bellica virtute, & sine Sac. Roman. Imperii subsidio, pristinos lares vindicarunt: ac post jure ostingentorum annorum bellum, in quo innarrabilia facinora ediderunt, plures sanguinis rivos effuderunt, aut elicuerunt, immensa pericula, & labores exantlarunt, tandem, Deo auspice, sub Div. Jacobi

cobi ducatu, non sub Cæsarum patrocínio, Agarenos pepulerunt, & ad transmarinas, unde venerant, provincias amandarunt. Sed quis Cæsar tam piæ causæ operam impenderet; cum irruptio Mahumetanorum contigerit anno Christi 714. vel circiter, quando Græci Romanum Imperium administrâtes non Christiani nominis, & Ecclesiæ defensores, sed hostes esse cæperant; adeò ut Ecclesia eorum patrocínio diffidens sui protectionem cum Imperatorio titulo, & dignitate Carolo Magno commendaverit? Cum ergo tunc temporis Cæsares nec auxilium præstiterint, nec essent in apparatu illud præstandi, quo Hispaniæ à tam infanda clade, & ruina convalescere posset; locum habet, ut probè animadvertit Barbos. loco superius laudato, celebris doctrina Baldi in cap. 1. *De Judic.* quem sequitur Almain. de potest. Pap. cap. 15. Navarr. in cap. *Novit. de judic.* notab. 3. num. 115. *Si non est spes, quod superior defendat Civitatem, vel non est in apparatu id faciendi, potest se Civitas subdere alteri, & etiam pro consecutione accipere unum Regem, cui se subdat; & hoc conceditur jure naturali.* Quamvis ergo permitteremus (id tamen constanter negamus) Sceptrum Gothicum aliquomodo ab Imperio dependisse; cum Hispani in ea miserenda calamitate nihil auxilii, nihil virium ab Imperatore acceperint; sed nec sperare poterant; propriæ tuitionis ergo Astures Regni Casteliæ, & Legionis prima fundamenta jecerunt, salutato Rege Pelagio: quos imi-

tati Navarræ Regno Aragoniæ præluferunt, sublimato Garfia Eximenio. Quid in his suscitatis Regnis contendere posset Græcum, seu Orientale Imperium? planè nihil. Siquidem constituta sunt à Republica suæ primævæ, & ingenitæ libertati restituta, vel ex Imperii oscitantia, vel impotentia. Si nihil Orientale, nihil Occidentale, seu Germanicum, cujus constitutio Regnorum illorum liberam erectionem supponit.

15. Hæc ratio, reverà efficacissima, nulla tergiversatione potest eludi, ex quo ejus efficacia à Romana Ecclesia recepta, & probata est. Nam temporibus Ferdinandi Magni, seu primi Castellæ, & Legionis in simul Regis, Henricus secundus, aliis tertius, Imperator Legatos misit ad Patres Concilii Turonens. Viatore secundo sedente, celebrati sub præsentia Hildebrandi S. R. E. Diaconi Cardinalis, qui postea ad Cathedram Pôtificiam erectus dictus est Gregor. VII. ut Ferdinandum prædictum postularent de usurpato Imperatoris Hispaniarum agnomine, quodque Imperio Romano parere detrectaret, quod citra contemptum Cæsareæ, quam gerebat, Majestati, imò sine rebellionis labe, fieri posse, non credebat. Patres, quibus primo conspectu satis honesta visa est postulatio, Ferdinando, intentato anathemate, Imperatorium nomen inhibuerunt, & Imperio subdi præceperunt: at ipse rei conscius, paratus ore, & manu Regnorum suorum libertatem asserere, Oratores misit Summo Pontifici, & interea ingentem exercitum comparavit,
cui

cui præfecit Rodericum Diaz Vivarium illius ævi strenuissimum Ducem, singularissimumque Mahumetanorum debellatorem, qui quoties bellum commisit, (commisit verò frequenter) toties triumphavit. Oratores exposita commissorum summa obtinuerunt, quod Rupertus S. R. E. titul. S. Sabinæ Presbiter Cardinalis se Tolosam conferret, ubi auditis etiam Imperatoris Legatis, controversia diffiniretur. Tolosæ causa hinc inde acerrimè usque ad aras, & focos disceptata, pro Hispanis pronuntiatum est, ut omnes Historici nostri asseverant, signanter Marian. & Zamalloa in Ferdin. I. & ex exteris moderne Natal: Alexand. Hist: Ecclesiast. Sæcul. xi. & xii. cap. xi. *De Regib. Hispaniæ.*

16. Hæc cum ita sint, vehementer admiror Eminentiss. Cardinalem Baron. quem transcripsit Philippus Labæus in Concilio Turonensi. contrarium asseruisse, scilicet Hispanum Regem causa cecidisse, & à titulo Imperiali abstinuisse, Romanumque Imperium recognovisse. Enimvero, quando Historicis contrariū asserentibus fides deneganda sit; adhuc duo suppeditant, alterum historia, alterum purpuratus ipse fundamenta, quibus contrarium contigisse credamus. Primum quod tam Ferdinandus ipse, quàm ejus filius Alphonsus VI. & Alphonsi gener Alphonsus Aragonius jure Urracæ uxoris Castellæ Rex, & pronepos Alphonsus VII. idem Imperiale agnomen continuaverunt, secus facturi, si Ferdinandus victus fuisset; idque non Historicorum tantum fide, sed complurimis

authenticis documentis , ac diplomatibus horum Regum exploratum habemus . Secundum , quod ipsemet Eminentiss. Annalista ad annum Christ. 701. 15. 16. & 17. contendit Hispanias juris Ecclesiæ antiquitus fuisse , & ad hoc suadendum inducit quandam epistolam Gregor. VII. quod male cum supradictis cohæret, si enim Hispaniæ vectigales Romanæ Ecclesiæ fuerût, qui fieri potuit, quod Rupertus Cardinalis pro Imperio pronuntiaverit? vel quomodo Gregorius, qui dum Cardinalis erat, in Concilio Turonensi Imperatoris quærimonias justas reputavit, & decisionem factam Tolosæ ignorare nequivit, Regnum Romano Imperio vectigale, patrimonii S. Petri assereret, & tanquam de Regno Ecclesiæ clientelari disponderet, in eo permit- tens M. de Roceyo provincias à Mauris occupatas vindicare sub Romanæ Ecclesiæ clientela? Hæc certè sibi ipsis contradicunt . Propterea quod Historici nostri asseverant , certius existimo .

17. Tandem eadem exemptio, & libertas ex ipsa Romano-Germanici Imperii constitutione non obscure deducitur . Etenim in eo tres in perpetuum destinati sunt Cancellarii , Archiepiscopi electores, Colonien- sis, Trevirensis, & Moguntinus, primus pro Italia, secundus pro Francia, postremus pro Germania, ut advertit Natal. Alex. tom. 6. f. 377. si Hispania Romanum Imperium respectat, ubi est Cancellarius pro Hispania? At nec actu, nec habitu Cancellarius ipsi destinatus est, quia nunquam à temporibus Pela-

gii Germanico Imperio subiacuit.

18. Idcirco ea sententia, quam mordicus tuitus est Barthol. in leg. *Hofes*. ff. de captiv. n. 7. ut contrariam non dubitaverit hæreseos taxare, nempe quod Imperator sit Dominus totius Orbis, licet aliquando plausibilis fuerit per *Glos. in leg. benè a Zenone. C. de quadri. præscript.* & cap. per *Venerabilem. Qui, filii sint legitimi*, & cap. *Venerab. de electione*. Et post Barthol. nedum eo loci; sed in extravagant. *ad repri-mendam*. verbo *totius Orbis*. tenuerunt Bald. Jass. Paul. & Salicet. ad citatam l. 1. C. de Summ. Trinit. eamque communem fateatur Castald. in tract. de Imperat. q. 55. hodie communi calculo rejicitur, nedum ob indubitabilem ingenuitatem Regni Hispaniæ, sed etiam Franciæ, quam strenuè defendunt Joan. Igneus. Cassanæ. Castald. & alli, in quibus Hug. id deducit ex cap. *Quod Clerici. de for. compet.* & cap. *Hadrianus*. 63. dist. & ex Hugon. transcripsit Cardinal. Jacobat. in tract. de Conc. lib. 3. fol. mihi 93. versiculo. *Nec etiam Imperator.*

19. Et re benè considerata, vel ipsi Authores, quos pro contraria sententia laudavimus, hanc exemptionem non diffitentur; nam licet asserant Imperatorem esse totius Orbis Dominum; id intelligunt de jure loquendo, non de facto; ut observat Aug. Bárbof. in cap. *Hadrianus* supra citatus; de facto autem plures eorum Regibus Hispaniæ, & Franciæ, ex quo sunt inannosissima, & nunquam turbata hujus libertatis pos-

scf-

sessione hanc independentiam non negant. Porro ad obedientiam (inquit Cardinal. Jacobat. loco paulo ante allegato) *inspicitur possessio, & non merum jus leg. 1. C. de Summa Trinit. Bald. in cap. Olim. de rescript.* Imò gaudent præscriptione tanti temporis, cujus initii memoria non extat. Quo ex principio hanc de facto exemptionem optimè colligi, fatetur Petrus de Mont. in sua Monarch. ex Bärth. & aliis, quos pro opposita sententia laudaverat, his verbis: *Licet tamen ista sint de jure; tamen Rex Franciæ, & Hispania, & multi alii Principes, & Populi non recognoscunt Imperatorem Dominum, allegantes exemptionem, & præscriptionem tanti temporis, cujus memoria initii non existit; quæ præscriptio satis videtur hoc casu habere locum.* Ipsi consonant Felin. in cap. *Cum non liceat. de præscript.* Anton. Corset. in tract. de excellent. Reg. qui subjungit esse communem opinionem; & Aymon. in tract. de antiquit. tempor. 4. p. versic. *Materia ista nu. 73.* quos ad hoc institutum inducit Covarr. in calce prælaudati §. 9. Quin obstat, quod præscriptio currere nequeat contra supremam potestatem Imperatoriam, ut quidam voluerunt: quia hoc ad summum procedit in privatis; minimè tamen in Regno, Provincia, Civitate, ut notavit Archidiac. cap. *Placuit 16. q. 3.*

20. Vereor, nè diutius, quàm parerat circa hoc subiectum me immoratum, quispiam opinetur; sed si intentè animadvertere dignetur, quanta Austriaca domus contra Hispanicæ Monarchiæ jura, libertates, digni-

gni;

gnitatem, post cæptum bellum attentaverit; non frustra, aut insulsè hæc disceptasse comperiet. Primò enim obtinuit, quod Principes Imperii hoc bellum Imperii bellum declararent. Hanc declarationem dùm attentè expendo, ex nullo alio principio derivare posse existimo, nisi quod Augustissimus Cæsar, ut causam Imperii faciat, quæ dumtaxat concernit privatum Austriadum interesse, obsoletam illam Bartholi opinionem renovare velit, & inanem, vel chimericam dependentiam Hispaniarum à Romano Imperio suscitare; ut hac larva iudicium hujus controversiæ sibi arrogare honestius possit, vel Principes ab Imperio moventes armis suis fèderare, quibus brevius, & facilius sententiam dicat contra Regem Catholicum: Deindè Serenissimum Archiducem Hispanicæ Monarchiæ successorem declaravit, & tanquam Hispaniæ Regem colendum decrevit. Quo jure? nisi Cæsares habeant supremam in hac Monarchia potestatem, planè nullo jure id potest, & perinde erit Serenissimum Archiducem, Hispanorum Regem renuntiare, ac si Ægypti Sultanium, vel Orientalis Imperii moderatorem, aut Persarum Regem institueret. Tertio Regem declaratum solemnissimè de Regno per Sceptrum, & Coronam investivit. Et quidem, quando jus Serenissimi Archiducis foret indubium, ipsum purpurea chlamyde induere, in throno statuere, manum sceptro, tempora diademate, latus ense ornare, munera sunt Hispanorum, non Germanorum Principum. Nisi velit Augu-
stif-

stissimus Cæsar Hispanis Monarchis, quorum domini-
nium decuplo majus est Romano Germanico Impe-
rio juxta præsentis temporis metas, potiùs mimice,
quam serio diadema imponere, prout Cajus Agrippæ,
& Nero Tiridati Regibus vectigalibus imposuere. Sed
magis mirandum est, quòd tanquam si hoc proëmio
Hispanam Gentem immenso affecisset honore, jura,
libertatem, dignitatem coronæ vulnerando, vel con-
terendo; eam sibi devinctissimam existimet, & tan-
topere ejus benevolentiam Domui Austriacæ concili-
atam, ut statim, ac Serenissimus Archidux oras ap-
pellat Athlantiæ, dominationem Catholici Regis
excutiat; credere renuens in hujus speciosissimi Regis
Imperio justitiæ, & amoris, non aliis vinculis con-
tineri.

21. Sed quamquàm cum Hispanis iniquè actum
sit; iniquius, ut puto, actum est cum Serenissimo Ar-
chiduce. Quid enim aliud hæc scenica inauguratio ipsi
producere poterat, quàm omnimodam illius gentis
abalienationem? quæ si prius ex affectu justitiæ, & fi-
delitatis ejus successioni dumtaxat resistebat; novo hoc
nomine resistere enitetur; quod non, nisi imminuta
Majestate, & calcatis juribus Monarchiæ, regnare
possit; imò ejus dignitatem, & ingenuam libertatem
anteà calcari, & proteri passus sit, quam verosimilem
succedendi spem concipere potuisset. Sed quis non vi-
deat, Cæsarem ab Anglis inductum, & ut ipsis morem
gereret, hæc attentasse? Hi enim videntes Regem
Chri-

Christianissimum Serenissimum Vvallix Principem, primogenitum Jacobi II. Regem Angliæ cognovisse, hac comica coronatione, Franciæ, Hispaniæ, & Ecclesiæ illudere inhiabant, & ad contemptus incrementum, summa Cæsaris autoritate in ejus, & omnium Catholicorum propudium, sugillare gestierunt. At quantum in utroque casu discrimen! Rex Christianissimus agnovit Angliæ Regem eum, quem jus genituræ, jus commune, jus Angliæ ad coronam invitant, Principem in Religione Catholica educatum, & ex Catholico Rege prognatum, Ecclesiæ addictissimum, eoque hæreticis infensissimum, nec alio, quam Catholicæ professionis titulo exclusum, vel excludendum. At Augustissimus Cæsar, nedum cognovit, sed inthronizavit, & corona cinxit Principem, quem jus genesis, jus commune, jus Regium posthabent, contra Principem ab omnibus his juribus legitimè vocatum, à Subditis expectitum, ab antecessore Rege, prævia jurium discussione, delectum, Catholicum, & Catholicæ Fidei defensorem acerrimum, prævio fidelitatis communi juramento, in solio firmatum, & in legitima possessione constitutum. Videat æquus Judex ne omnia sint paria? Et mecum sentiat, nullus dubito, Deum, in cujus manu sunt omnia jura regnorum, non Carolum Archiducem, sed Philippum V. in avito throno conservaturum, quem non corona ex auro Tocaii conflata, sed Indico Hispano afabrè exculpta, Hispanisque gemmis, & lapillis collucenti, pacificè redimiri disposuit.

F

§. III.

§. III.

*Augustissimus Caesar præposterè Regi Catholico
bellum intulit.*

22. **V**idimus Augustissimum Leopoldum, quæ Imperatoriam gerit Majestatem, cõtroyerfix, quàm super succèssione Hispanæ coronæ movit Catholico Regi nostro Philippo ut Domus Austriacæ Princeps, judicem non esse, ob independentiam, qua à S.R.I. supremirate gaudet Hispania: atque adeo nec jure, nec armis eam dirimere valet. Videndum, num titulo Principis non recognoscentis superiorem cum Principe pariter absoluto, & supremo, qualis est Hispanus Monarcha, possit jus suum armis persequi, & Monarchiam in Martis judicio licite sibi vindicare? Non posse, saltem, priusquam jura experiatur, mihi certissimum est. Unde statim colligitur, præposterè, & intempestivè ad arma accurrisse, ac bello præposterò Philippum Regem Catholicum fuisse aggressum: bellum namque, si foret excitandum, jurium discussione succedere deberet, non anteire; quod cum secus factum sit, ab Authore injustitiam haurit.

23. Etenim Princeps supremus, ut præmissimus, proptereà adversus alium Principem absolutum, vel liberam Rempublicam justè arma movere potest, quia judicis munus assumit per accidens, & negativè, ex quo

quo is cum quo disceptat, judicem non habet; quo coram possit conveniri. Sed in specie nostra judex erat, ad quem jura sua Augustissimus Cæsar deferre posset: tenebatur igitur, priusquam ad arma recurreret, Regem Catholicum juribus convenire, non armata phalange impetere. In hoc syllogismo solum minoris probatio desiderari potest. Nam quod attinet ad majorem, nullus vel Theologus, vel Jurista, qui de bello scripserit, dubitat. Minorem autem plurima persuadent. Primum. Hæc cōtroverſia agitatur jura succedendi in Monarchia Hispanica, vacante throno per obitum Catholici Regis Caroli Secundi. Sed in hac specie ipsa Monarchia Rege orbata judex est, & facultatem habet decidendi de juribus ipsam præsentantium. Quia quemadmodum, si nullus superesset, ex vocatis per leges fundamentales, suam primævam resumeret libertatem, & omnimodam potestatem, quam à se abdicaverat, & in Reges transtulerat; eadem ratione, dum non constat de legitimo Rege ob emergentem controversiam, ipsa definiendi facultatem nanciscitur. Ut oportune tradunt Barclæ. contra Monarchom. lib. 3. Hugo Grot. de jure bell. & pac. lib. 2. cap. 3. num. 27. saltem quando de primæva populi voluntate questio incidit; ut in præsentiarum incidere, ex dicendis obvium fiet. Franciscus Victor. in relect. de jure bell. num. 7. igitur coram judicibus per Regni comitia ad hunc finem cum plenissima pronuntiandi facultate destinatis, & electis causa disceptari debebat; prius-

F 2

quam

quam ad arma jultus fieri posset recursus .

24. Confirmat hunc discursum exemplum Ecclesiæ. Summus Pontifex ritè , & canonicè electus non ab Ecclesia , sed immediatè à Deo accipit potestatem super universam Ecclesiam tam quoad membra,quàm quoad capita , tam super universam Ecclesiam , prout universa Ecclesia significat singulares Ecclesias per universum Orbem constitutas,quàm prout significare potest Ecclesiam universalem generali Concilio in Spiritu Sancto legitimè congregatam , juxta veriorum Polemicorum sententiam . Et tamen in casu dubii Pontificis, seu probabilis Schismatis, ad Ecclesiam pertinet dijudicare quis nam verus, & indubitatus habendus sit. Et si id decidi non valeat ob æquales facti probationes veritatem obscurantes , & intricantes , prestantes deponere , & quod nova electione ad indubitatum procedatur resolvere , sicut & verbis , & executione decisum est in Concilio Constantiensi . Fortiori igitur jure in consimilibus casibus id poterit Monarchia , à qua in Regem lege Regia omnimoda potestas, superioritas, & jurisdictio derivat. Quo argumento ad præsens institutum usus est ex Theologis nostris Gabriel Boyvin. part. 4. disp. 3. de charit. cap. 3. de vitiis charit. oppositis. q. 3. de bello. ubi in calce sextæ concl. hæc habet . *Quarto si post obitum Regis , quilibet bæredum prætendat successionem ; tunc Respublica est superior , quæ litem dirimere debet, ut in Schismate Ecclesia.*

25. Nec deest ratiocinio nostro à sæculari politia subsidium . Enimverò controversia illa de successione Martini Regis in Aragoniæ corona elegantissimè illud illustrat, atque confirmat. Res sic accidit, pro-ut Marian. hist. Hisp. lib. 19. cap. 20. Gariba. Beuter. Hieronym. Blanc. Zurita, & alii Aragoniæ rerum Scriptores in Ferdinand. I. seu honesto scripserunt. Defuncto sine legitima sobole Martino Aragonio, successi-
onem suis respectivè juribus affectabant Ferdinandus Infans Castellæ, Martini ex Eleonora sorore nepos : Comes Fuxensis jure Joannæ Martini ex fratre nep-
tis . Dux Andegavens. jure Violantæ consimiliter Martini neptis ex eodem fratre . Comes Urgelitanus duplici titulo , & quia regiæ agnationis erat , & quia Isabellæ Martini sororis , maritus . Dux Gandiæ , qui linea agnatica propior erat regio stipiti , tamquam ,
qui ex Jacobo secundo ducebat originem . Arma con-
tendentes expedierunt, jamque irruere parabant, cum Aragonii jurium suorum retinentissimi , & nativæ li-
bertatis vindices acerrimi , inhibito omnibus hostili ingressu, ad jura citarunt, & delectis novem viris, quo-
rum tres ex ipsa Aragonia, tres ex Valentia, tresque reliqui ex Cathalonia , iisque omnimoda Reipublicæ
authoritate instructis, in Caspensi munitissima ex situ, munita etiam competenti præsidiariorum numero ar-
ce, pro hoc celeberrimo judicio tribunal erexerunt. Ibi-
que diutina discussione juribus examinatis, trutinatis, expensis, tandem ore D. Vincentiï Ferrerii , qui unus
erat

erat ex electis iudicibus, sceptrum Ferdinando Castellano adjudicarunt, interea quiescentibus competitoribus, & silentibus classicis, & quod fortè magis mirabere, post publicatam sententiam nemine, si unum Urgelitanum excipias, cui arma silentium indixere, reclamante. Si ergo, universa Europa non solum probante, sed plaudente, Aragonia corona, una ex his, quæ Hispanam Monarchiam constituunt, in casu controversæ successione, iudicis personam assumpsit, gessit, nec armis, ubi iuribus disceptandum erat, locum fecit, suorum iurium vindex; eccur non deferamus hunc honorem, hanc potestatem in consimili eventu integræ Monarchiæ? Cæsar ergo, qui à Ferdinando ipso descendit, & in ejus locum filium subire desiderabat, iustius, & opportunius hoc experiri iudicium, priusquam ensen evaginasset, proculdubio debebat.

26. Secundo eandem minorem principalem discursus nostri probat; quòd si hæc controversia vivente Carolo Secundo agitata fuisset, iuribus, & non armis decidi deberet: Nemo enim Regi facultatem denegare potest ad decidendam litem, quæ, ipso consentiente, inter prestantes successionem Regni potuit introduci: sicut Cardinalis Rex Portugalliæ Henricus voluit ante mortem de sui Regni successione iudicare; licet ob minime cohærentia iudicum placita, quos varii affectus in varias partes distraxerant, prius vita excesserit, quam sententiam pronunciaverit. At, Rege obcunte, Regia Dignitas non moritur arg. cap. *Quoniam*

niam Abbas de offic. & potest. judicis delegati cap. Si
gratiosè de rescript. perseverat ergo eadem judicandi
facultas; non in Rege, quando non constat quismam
sit; ergo in Republica; cum enim suprema potestas esse
nequeat inpendenti; necessario concedendum est re-
verti ad suum certum principium, & fontem; quoties
non est certum subjectum, in quo resideat, aut Prin-
ceps, per quem possit exerceri: gladius enim Regis
Reipublicæ est, & Reipublicæ nomine ipsum vibrat
tanquam ministeriale ipsius Reipublicæ caput; atque
adeo, eo deficiente, eo ipso Reipublicæ restituitur.

27. Urgetur hæc ratio ex eo, quod regna succef-
sibilia non sunt deterioris conditionis, quam eligibi-
lia; inter ipsa enim ea solummodo considerata bilis est
differentia; quod successibilia ex pacto inito cum pri-
mo Rege, ab initio elegerunt familiam; seu ipsum &
ex ipso descendentes. Eligibilia verò non familiam,
sed personam; ex quo consequitur quod in his quoties
deficit persona electa, toties innovant, & repetunt
electionem; cum in illis non sit locus novæ electioni
quandiu familia electa perseverat; ut disserte animad-
vertit Hug. Grot. de jure bell. & pac. lib. 2. cap. 7. Sed
in eligibilibus, obeunte Rege, rerum summa Reipu-
blicæ restituitur, ipsaque in interregno resumit supre-
mam authoritatem, & potestatem, & in electionis
dubio ipsius Reipublicæ est ferre sententiam; ut in
antiquo Romano Imperio palam conspicitur, in eo
enim Imperatore demortuo, pænes Senatum Popu-
lum;

lumque Romanum omnimoda residebat potestas; & modernius in Regno Poloniæ, cujus Respublica, throno vacante, omnimodam habet authoritatem, & de dubio electionis dijudicat; sicut modo de electione præsentis Regis Ducis Saxonie ex post facto decernere contendit, ingenti tamen rei Polonicæ jactura quia in factiones divisa gens auxiliares externos Principes asciscens, patriam populationibus, incendiis, & militum rapacitati obnoxiam reddidit. Quid in ineligibilibus vel deficiente linea, vel dubio existente successoris jure, resumat Respublica pristinam potestatem, & de controversia dijudicare contendat?

28. Tertiò. Nam cum agatur de jure succedendi ad Monarchiam Hispanam, quæ majori ex parte in Hispanicis Provinciis consistit, & jurisdictio, seu regia potestas nequeat esse inpendenti; necessariò debet esse in ipsis Regnis Hispanicis facultas dijudicandi, alioquin ex doctrina Arist. jam laudata, Respublica ista sibi non sufficeret, & melioris conditionis forent privati quoad comparandam successionem, vel hæreditatem, quàm Principes: privati namque habent determinatum judicem; illum, scilicet, sub cujus jurisdictione res sita est. *leg. illic. C. ubi de hæreditate*, Barth. Cyn. Salicet. Bald. Castald. & alii collecti ibi à Barbof. & quod hæreditatis causa agitanda sit coram Præsidente Provinciæ, in qua major pars hæreditatis consistit; tradit Morl. in *empor. juris civil. tom. 1. tit. 2. in præludio num. 148.* & in specie successionis Majoratus, quod

quod causa proprietatis spectet ad illum conventum ubi major bonorum pars sita est, tradit Molin: de primogen. lib. 3. cap. 13. n. 73. Principes vero non nisi armis jus suum possent promovere: ex quo sequeretur, quod Princeps pauper clariore jure munitus contra potentiores, esto exiliori juri innitentem, disceptans, necessario causa caderet; privatus vero etiam pauper adversus potentissimum adversarium consistere posset in arena, & bono jure favente, reportare victoriam. Non ergo hæc suprema potestas denegari potest Reipublicæ Rege orbatæ.

29. Roboratur hæc ratio ex eo, quod controversia circa successionem potest succedere inter Principes subditos ipsius Reipublicæ, ut nemo potest dubitare. Tunc quæro quis erit hujus controversiæ Judex? Sanè Respublica ipsa. Ergo Rege demortuo Respublica habet judicium in causa controversæ successionis; atque adeò regia facultas, quæ in Rege vivente poterat, partibus auditis, de Successore diffinire; ad Rempublicam devoluta est. Cum ergo controversia, inter externos agitata, licet absolutos Principes, sit de re existente, sub Reipublicæ jurisdictione, quamquam Principes subditi non sint ratione personarum; ratione rei de qua contendunt, ad effectum experiendi jura sua, necessario subduntur Reipublicæ; sicut in feudis passim contingere videmus, quæ Principes etiam supremi, & independentes in Tribunali supremi feudi Domini disceptant, & controvertunt. Ex quibus, ni fallor,

G

fatis

lumque Romanum omnimoda residebat potestas ; & modernius in Regno Poloniæ, cujus Respublica, throno vacante, omnimodam habet authoritatem, & de dubio electionis dijudicat ; sicut modo de electione præsentis Regis Ducis Saxonie ex post facto decernere contendit, ingenti tamen rei Polonice jactura quia in factiones divisa gens auxiliares externos Principes asciscens, patriam populationibus, incendiis, & militum rapacitati obnoxiam reddidit. Quid in ineligibilibus vel deficiente linea, vel dubio existente successoris jure, resumat Respublica pristinam potestatem, & de controversia dijudicare contendat ?

28. Tertiò. Nam cum agatur de jure succedendi ad Monarchiam Hispanam, quæ majori ex parte in Hispanicis Provinciis consistit, & jurisdictio, seu regia potestas nequeat esse independenti ; necessario debet esse in ipsis Regnis Hispanicis facultas dijudicandi, alioquin ex doctrina Arist. jam laudata, Respublica ista sibi non sufficeret, & melioris conditionis forent privati quoad comparandam successionem, vel hæreditatem, quàm Principes : privati namque habent determinatum judicem ; illum, scilicet, sub cujus jurisdictione res sita est. *leg. illic. C. ubi de hæreditate*, Barth. Cyn. Salicet. Bald. Castald. & alii collecti ibi à Barbof. & quod hæreditatis causa agitanda sit coram Præfide Provinciæ, in qua major pars hæreditatis consistit ; tradit Morl. in *empor. juris civil. tom. 1. tit. 2. in præludio num. 148.* & in specie successionis Majoratus, quod

quod causa proprietatis spectet ad illum conventum ubi major bonorum pars sita est, tradit Molin: de primogen. lib. 3. cap. 13. n. 73. Principes vero non nisi armis jus suum possent promovere: ex quo sequeretur, quod Princeps pauper clariori jure munitus contra potentio-rem, esto exiliori juri innitentem, disceptans, necessario causa caderet; privatus vero etiam pauper adversus potentissimum adversarium consistere posset in arena, & bono jure favente, reportare victoriam. Non ergo hæc suprema potestas denegari potest Reipublicæ Rege orbata.

29. Roboratur hæc ratio ex eo, quod controversia circa successionem potest succedere inter Principes subditos ipsius Reipublicæ, ut nemo potest dubitare. Tunc quæro quis erit hujus controversiæ Judex? Sanè Respublica ipsa. Ergo Rege demortuo Respublica habet judicium in causa controversæ successionis; atque adeò regia facultas, quæ in Rege vivente poterat, partibus auditis, de Successore diffinire; ad Rempublicam devoluta est. Cum ergo controversia, inter externos agitata, licet absolutos Principes; sit de re existente, sub Reipublicæ jurisdictione, quamquam Principes subditi non sint ratione personarum; ratione rei de qua contendunt, ad effectum experiendi jura sua, necessario subduntur Reipublicæ; sicut in feudis passim contingere videmus, quæ Principes etiam supremi, & independentes in Tribunali supremi feudi Domini disceptant, & controvertunt. Ex quibus, ni fallor,

G

fatis

satis superque liquet, non potuisse Augustissimum Cæsarem justè arma movere adversus Regem Catholicum, cum non fuerit antea molitus Monarchiæ Rege orbatæ insinuare jura, si quæ ipsi verosimilia favêt, ad ejusdem successione.

§. IV.

*Exemplum Philippi II. in casu successione
Lusitaniæ non favet Augustissimo
Cæsari.*

30. **D**OCTISSIMUS P. Ludovicus Molina tom. 1. de just. & jur. tract. 2. disput. 103, nobiscum sêrit ad Rempublicam spectare successione judicium, quando disceptatio contingit inter ipsius Reipublicæ subditos, & exemplo adducto Ecclesiæ tempore schismatis rem illustrat. De ejus verba. *Quando, mortuo Rege, variis subditi illius Reipublicæ contendunt Regnum ad se pertinere; sanè Respublica ipsa est, quæ tanquam in eo eventu suis omnibus partibus superior, judicare debet, ad quem Regnum pertineat; illudque illi tradere: non secus atque tempore schismatis ad Ecclesiam, tanquam ad superiorem omnibus suis membris, in eo eventu pertinet judicare, quis sit legitimus Põrifex.* Nihil tamen minus hic sapientissimus Theologus opinatur, quando unus, vel plures Principes aliarum Rerumpublicarum contendunt, ad se devolvi suc-

fucceffionem ; Rempublicam Rege orbatam caufam, dirimere non poffe : ex ea , fcilicet , ratione . Sanè (inquit) *tunc , cum caufa Reipublicæ non effet cum fua parte , homine ve fibi fubdito , fed cum aliena Reipublica , Principeque alterius Reipublicæ ; nec talis Princeps fubjectus effet Reipublicæ illi , nec Reipublica Principi ; fed perinde effent pares , ac fi de tertia aliqua re inter fe contenderent*. Hinc confequenter deducit , potuiffe Philippum II. non expectata fententia Reipublicæ Lufitanæ , Regnum vacans per obitum Henrici Cardinalis ultimi mafculi ex linea Emmanuelis Regis , armis occupare . Imò miratur , potuiffe contrarium ab aliquibus afferi . Hæc fi vera effent , argumentum , contra §. præcedenti ftabilita non futile fubminiftrarent . Nempe ; cum præfens controverfia non agitur inter Hispanicæ Monarchiæ fubditos , fed inter Principes aliarum Rerumpublicarum ; nullum jus deciden- di poffet Hispanica Reipublica prætere , magis quam Reipublica Lufitana affectare potuit in exfcripto cafu Philippi II. fubindeque potuit Auguftiffimus Cæfar ftatim arma expedire , ut Philippus fecit , & jura ad arma tranfmittere .

31. Sed non minus miramur , virum , fine affen- tatione , doctiffimum , exemplo fortè Philippi II. de- ceptum , hoc afferuiffe difcrimen , cum nullum utrobi- que assignari , aut excogitari poffit reverà . Nec certò assignaflet , fi non jus ex exemplo ; fed , ut æquum erat , exemplum ex jure petiiffet , aut dimenfus effer . Enim-

verò tam perspicuum est, Regnum, vel Rempublicam, throno vacante, omnem regiam auctoritatem resumere, posseque de jure prefantium successionem sententiam ferre; ut si non constaret de jure certo contentium, posset, pristina libertate comparata, vel alterutri contententium se dedere, vel Aristocratiam instituere, prout potuit à principio; ut docent P. Gabr. Vazq. Tanner: & Meroll. quos citat, & sequitur P. Ascan. Tamburin. explicat. Decalog. lib. 5. cap. 3. de cōscient. §. 4. *de probabilis. quam excipere quidam particulares debeant.* ibi: *Quia obstat jus Regni vacantis: dum enim non est certum jus pro aliquo ex Regibus, ipsum Regibus liberum manet.* Sed adhuc luculentius P. Salas p. 2. tract. 8. disp. unic. sect. 13. num. 128. subjungit. *Prævalet enim Regni libertas, si non constat de servitute: quare tunc Regnum vel se gubernet, vel se alterutri ex Regibus gubernandum spontè tradat.* Si hoc arbitrium obtinet Rēspública in casu incerti juris, quis ei audeat negare judicium in casu juris cōtroversi?

32. Nec fundamentum Molinæ subsistit duplici ex capite. Primo quidem, quia licet eo casu Reipublicæ non esset causa cum homine sibi subdito quoad personam, esset tamen cum homine sibi subdito ratione rei, de qua contendit; qui, eo ipso quò res sub alterius justo dominio, & jurisdictione constituta sit, debet experiri in ejus supremo tribunali jus suum, sicut Princeps supremus feudum contendens, etsi non sit ratione personæ subditus Principi, sub cujus alto dominio

feu-

feudum constitutum est; exorta de feudo controversia, tenetur se supremi Domini feudi iudicio sistere, prout ab Augustissimo Cæsare præstitum in controversia, quam Regi Catholico intentavit de successione in Regno citerioris Siciliæ à Romana Ecclesia moventis, perspicuum est ex documentis in Romana Curia præsentatis: ut missum faciamus exemplum Francisci primi Regis Christianissimi, qui sententiam caducitatis à feudo Flandriæ tulit in Parlamento Parisiensi contra Carolum V. Regem Hispaniarum, Romanorum Imperatorem, ob bellum ipsi illatum, ut produnt Historiographi Franciæ, & ex eis modernè Natal. Alexand. in Hist. sæc. xvi. in Francisc. I. Cum ergo Regalis autoritas, quam Augustissimus Leopoldus in Hispania prensare poterat, post Caroli II. excessum pænes ipsam remanserit Hispanam Rempublicam, a qua in Reges derivarat, ab ea successionem omni jure postulare debebat.

33. Secundò. Quoniam perperam Molina in prædicta specie ait, perinde se habere Rempublicam, & Principem supremum, qui sibi debitam successionem conaretur, ac si essent pares, & de tertia aliqua re inter se contenderent. Etenim supponit Reipublicæ in eo casu aliquam intercedere cum Principe controversiam, quod verum non est. Princeps enim prætendit Regiam dignitatem non adversus Rempublicam, sed adversus alium, vel alios Principes, qui suis juribus muniti, successionem sibi deberi affirmant: prout Philippus

lippus contendebat in successione Lusitaniz adversus Duces Sabaudiz, & Parmæ, & Ducissam Briganinam. In hac controversia Respublica Lusitana pars non erat, nec ipsi cum Philippo intererat disceptatio. Quomodo ergo ipsi adaptari potest, quod se haberet erga Philippum tanquam si de re tertia disputarent? Si igitur pars non erat, & Regalis dignitas in ipsa consistebat, quia, ut prædictum est, Regalis dignitas numquam moritur, perinde, nisi aliud obstarer, deberet Philippus coram ea jura sua persequi; ac, vivente Henrico, coram eo disceptaverat.

34. Et quidem, si exemplis res diffinienda foret, aptius, opportunius, & efficacius reperiri nequibat, quàm illud §. præcedenti depictum de controversia successione Regni Aragoniz: ex quo manifestè clarescit, nullum esse admittendum discrimen, siue contententes sint ipsius Reipublicæ subditi, siue non. Quando quidem, etsi Dux Gandiz, & Comes Urgelitanus Aragoniz Reipublicæ subditi extiterint; Comes tamen Fuxensis, Dux Andegavensis, & Ferdinandus Castellanus Infans, ejusdem controversiæ partes præcipuæ, subditi non erant. Et tamen perinde ab armis abstinere, ac cæteri coronæ feudatarii; & lite dirempta, si quis arma movit, nō Princeps externus fuit, sed domesticus, scilicet Urgelitanus, ut ex ibi laudatis Authoribus constat. Ex quo planè conjectare licet, Philippo II. aliud fuisse motivum ad arma recurrenti, ultra assignatum à Molina, quod profecto ejus impressiones belli-

cas honestare, aut iustificare non sufficit.

35. Non ergo hoc motivum, in quo cespitavit hic cæterò doctissimus Scriptor; sed alia, iustissima, sanè, animum prudentissimi Regis induxerunt, ne Lusitanis decisionem maturare permetteret, sed bellicis tormentis præveniret; quæ brevi expendemus. Primum. Quia fide dignissimis documentis, quæ infallibilia fuisse, comprobavit eventus, deprehendit, Lusitanos Castellanis semper infensissimos; majori ex parte Antonio Notho favere Ocrati Priori, ipsique contra jus, & fas arma parare: quem postidea Regem salutarunt. Unde non debuit expectare, quod tyrannis convalesceret, sed festinus ipsam præfocare. Eò maxime quò decantatis in utriusque coronæ historiis didicerit, Lusitanos eatenus Castellanos averfari; ut tempore Joannis I. Castellæ, & Legionis Regis, Beatrice ultimi Regis Ferdinandi pridem defuncti, unica filia, & hærede refutata, quia Joanni Castellano nupserat; Joannem magnum Avissii Magistrum Ferdinandi ex impare matre fratrem Regem salutarint, & quia Joannes Castellæ Rex tardius, aut segnius, quàm par erat, accurrisset in perduellione perseveraverint. Profectò non prudens, qualis apud omnes gentes audiebat, habendus foret Philippus, si post hoc experimentum, & explorata Lusitanorum molimina, arma retardaret, certus Regnum ad se expectare ex celebriorum totius Europæ Jurisconsultorum judicio, ex quibus unum laudare satis duxi Cujacium. Meritò ergo

Pbi-

Philippus machinationes Lusitanorum armis præoccupavit.

36. Secundò. Quia Philippus, ut scribunt Anton. Viperan. lib. de obtent. Portugall. Hieronym. Costenagg. de Portugall. conjunctio cum Castella, ultra domesticos nostros Historiographos, adhuc superstitite Henrico Rege, tam ipsi, quam Lusitanis Proceribus jura sua per Oratores ore, & scriptis luculenter exposuit, instititque vehementissimè, ut ante obitum Regis in hac pronunciaretur controversia; ne, si ad legum amussim decisa non fuisset, post Regis discessum juribus arma succederent. Quamquam autem à Rege bis coacta fuere comitia, ut disceptatio pluribus Regni suffragiis sopita periculosos armorum impendentes motus præveniret; re tamen infecta, dissoluta sunt; nec undecim viri ad ferendam sententiam destinati ante ejus obitum, partium privata affectione distracti, pronunciarunt. Idcirco consultissimè verebatur Philippus, Rempublicam, quæ viventis Regis auctoritate nunquam adduci potuit, ut causam diffiniret; eo mortuo, nò extinguere, sed gliscere litem permitturam, quò faciliùs jugum Castellani Regis, cui manifestè jura favebant, aliorum contendentium armis occupati, recusare possent, & nationalem Principem jure, vel injuria ad thronum evehere.

37. Tertiò. Nam Philippus Secundus omnia jura, quæ, Rege extincto, ad Rempublicam devolvi diximus, non ad Lusitanam Rempublicam, sed ad

Le-

Legionis, & Castellæ coronam devoluta probabilissimè sibi persuasit; Quia Regni Lusitaniæ natales non sunt illius ingenuitatis, & libertatis, ac Regni Legionensis, vel Aragonii primordia. Quippè tempore Alphonfi VI. quidquid in Lusitania à Mauris repetitum erat, Legionensi Regno, parebat. Alphonfus verò muneraturus Henricum Lotharingium, qui diu sub ejus signis strenuè militaverat, ipsi Theresiam filiam desponsavit, & Lusitaniam Christianam, sub Comitis titulo, dotis nomine dedit. Hujus Henrici filius Alphonfus, egregiè devictis uno prælio quinque Arabum regulis, cristam arrigens, regale nomen, & paludamentum assumpsit; super quo ancipite Marte cum Alphonso VII. Legionis, & Castellæ Rege diu conflictum est. Tandem res transactione sopita, prout inter fratres decens erat; quod, scilicet Lusitanus Regnum haberet Legionensi stipendiarium, & vectigale: ut post alios testatur Zamalloa in histor. Regum Lusitan. cap. 8. ubi de Alphonso Henrici, ad annum Christi 1127. Cum ergo Regnum hoc feudum Castellæ sit, meritò Philippus secundus judicium non Reipublicæ Lusitanæ, sed potius Legionensi convenire, & sibi ratione hujus Regni, contendere poterat, Regno certo Rege vacuo, seu dubio successionis opportuno tempore non deciso.

38. Nec refert, quod Dionysius Rex ab Alphonso sapiente Castellæ, & Legionis Rege, ejus materno Avo, quem visitaturus puer Hispali convenerat ab

H

om-

omni servitio libertatem pro se, & suis hæredibus obtinuerit, ut idem Author in Hiltor. Castell. & signanter in Alphonso sapiente, ad annum Christi 1269. testatur. Etenim, omittentes, quod re ad proceres delata, constanter restiterunt, quoadusque Alphonfus irascendens extorsit assensum; ex ejusmodi servitii libertate Regnum non desit esse feudale, & sub alto Regis Legionensis dominio constitutum, ut tradunt Bald. & alii, quos citat, & sequitur D. Ludovic. Molin. in suo egregio opere de Primogen. lib. 1. fol. mihi 108. In specie Domini liberantis feudatarium ab omni servitio, prout plura esse feuda S.R. Imperii ab omni servitio libera, & gaudentia prærogativa legis *Benè à Zenone.* dilucidè ostendit August. Barbof. in collectan. ad cap. *Per Venerab. Qui filii sint legitimi.* pluribus ad præsens institutum laudatis authoribus; nec propterea feudi naturam desipiunt. Unde non obstante immunitatè servitii ab Alphonso concessa; jure Philippus secundus altum Portugalliæ dominium ad se spectare prætendere potuit.

39. Quibus benè expensis, manifestè elicitur, hoc Philippi II. exemplum Augustissimo Cæsari minimè suffragari. Ipse enim dum Carolus vixit, non institit juridicè pro hujus controversiæ legali resolutione, sperans sine dubio ab ipso fore successorem declarandum, agnationis amore lancem superante justitiæ; Post ejus obitum, ultimis Caroli tabulis contra conceptam spem, & inopinè correptus, instare, protestari, aliaq;

ge.

gerere, quæ jus quale quale suum præservarent; omisit. Regnum Hispaniæ nullo jure sibi subjectum credere potest, & subindè facultatem controversiam terminandi ad se devolutam. Ex nullo igitur capite exscriptum exemplum Cæsari prodesse autumamus.

§. V.

*Lex Regni Castellæ naturali æquitati conformis,
hujus controversiæ judicium deferre
Regni comitiis.*

40. **C**um Reges per Rempublicam regnent, & in Regnis successibilibus, seu lineaticis ex pacto convento cum primo Rege, & ejus posteris, translata sit potestas Reipublicæ in ipsum, & successores, ad ipsius Reipublicæ utilitatem; non perniciem; naturali æquitati conformius est, ut pactum istud omnimodæ potestatis translativum sic interpretemur, ut Respublica non abdicaverit prorsus à se facultatem per se operandi id, quod Reipublicæ nomine Rex operari non potest; alioquin jam non utilis, sed nocua Reipublicæ translatio, potestatis, & Regis creatio foret. Quod adeò verum est, ut si illa potestatis abdicatio per legem Regiam, & fundamentalem ab initio facta, ratione temporis, personæ, vel alterius circumstantiæ cæpisset Reipublicæ procudere notabilissimum nocumentum, posset Respublica à pacto cessim

ire, vel resilire ex ea parte, qua illud animadverteret perniciosum. Unde lex illa in omnibus Regnis Europæ usu comprobata, quod in successione Regnorum præferatur primogenitus secundogenito, ex communi sententia, quam cum Authoribus laudat, & sequitur D. Ludovic. Molin. de Primogen. lib. 1. cap. 13. num. 25. & deinceps; eam patitur exceptionem, ex naturali æquitate, & mente Legislatorum: si primogenitus non sit inhabilis ad administrationem Reipublicæ, si enim inhabilis reputetur; præferendus est secundogenitus, quod in his terminis docuit Joann. Andre. in addition. ad Speculat. tit. de feud. §. quoniam: versic. 25. q. 76. indefinite asserens, quod *In successione primogenitura filius secundus habilis concurrent cum primogenito inhabili secundogenitus erit preferendus;* Et quidem meritò, nam ut discurret prælaudatus Molina, *lex præferens primogenitum non debet interpretari adversus publicam utilitatem, quæ versatur in eo, quod Regna, & Provinciæ ab habilibus gubernetur.*

41. Et forsàn ex hoc principio processit, id quod in Aragoniæ historiis proditum est, quod scilicet obcunte Joann. I. quamvis filias duas reliquerit ex justo conjugio susceptas, Joannam nuptam Comiti Fuxensi, & Violantam Duci Andegavensi; nec dubitari posset Regnum illud esse fæmineum, siquidem in eo Ranimiro Monacho successit filia Petronilla, quæ illud Raymundo Berengario Comiti Barcinonensi dotis

no,

nomine attulit ; tamen Regni Proceres exclusa gemina filia , successionem detulit Martino Joannis Regis prædefuncti fratri , Duci Monblancii ; veriti , ne filiarum successio Principibus exteris conjugatarum , qui de rebus , legibus , & ritibus Aragoniæ jejuni erant , in Regni vergeret perniciem. Cui melius sine dubio consultum crediderunt , fratrem demortui Regis , de legibus , & moribus Regni aprimè instructum , ad regale Solium evehendo .

42. Nec absimili causa factam crediderim assumptionem Hugonis Caperi , quem Franci Proceres post obitum Ludovici V. Regem salutarunt , præterito Carolo Lotharingio demortui Regis patruo , ut qui Ludovici Transmarini filius erat . Cum enim hic Princeps Francis suspectissimus esset ob intimam cum Othone II. necessitudinem , in cujus clientela Lotharingiam tenebat , animoque potius germanus ; quàm Francus reputaretur ; de re Franciæ existimarent Proceres Carolum rejicere , & Principem verè & sanguine , & animo Francum in throno statuere , qualis erat Hugo , Hugonis magni filius , rerum Francicarum pace , & bello experientissimus , tanquam , qui sub nomine Majoris domus Regnum re ipsa multis annis prudentissimè administrarat . Quod enim Odorannus in chronico scripsit , Ludovicum in codicillis Hugonem successorem delegisse , emunctiorum narium Scriptores , etiam Franci , falsi arguunt : nec si verum esset , aliquid operaretur . Nam hæc designatio ex prædeces-

so-

foris Regis testamento, nisi Procerum accederet assensus, nullius omnino roboris esset, ut nemo non asseverat.

43. Verum hanc facultatem, quam ex naturali æquitate, & congrua legis fundamentalis interpretatione Reipublicæ reservatam Doctores volunt, lex Regni nostri Castellæ præservavit expressè. Etenim leg. 2. tit. 15. partit. 2. stabilitur formula succedendi in Regnis Castellæ, & Legionis, & post vocatos filios, nepotes, & (masculis deficientibus) filias, neptes, vel alios descendentes ab ultimo Regni possessore, suo ordine; disponitur, quod his omnibus deficientibus, succedat proximior consanguineus, si ad Rempublicam gerendam idoneus sit. Hæc sunt formalia verba legis. *Pero si todos estos falleciessen; debe heredar el Reyno el mas propinquo pariente, que oviesse, siendo hombre para ello.* Num quærerem, cui hoc discernendi facultatem lex deferat? Ipsi nē Principibus Regnum affectantibus? profectò irridenda lex foret. Quis enim de se tam demissè sentiat, præsertim sanguinis prærogativa illustris, & aulicorum assentionibus assuetus, quod se minus aptum, aut ineptum ad gerendam Rempublicam judicet? Planè nullus. Vel ipsa meridiana luce, clarius est, hoc munus Reipublicæ detulisse, cujus cum in successione causa maximè agatur, summo perè interest successuri capacitatem explorare, eumque si habilem, si qualem tantum munus exigit, deprehendat, admittere, ad thronum evehere, & rerum
sum-

summam tradere debet ; sin minus, rejectare , & alium gradu immediatum , si hic habilior sit , eo præterito , substituere . At hic duo desiderantur in Principe successuro ex ultimo Rege non descendenti , sed ipsi lateraliter conjuncto ; & sanguinis proximitas , & ad regendam Rempublicamabilitas ; si alterius judicium Reipublicæ proculdubio competit , alterius discretio ecurr ipsi denegabitur ? Sicut ergo Princeps quantumque supremus ab omnique dependentia absolutus , subire tenetur Reipublicæ examen quoad habilitatem , tenetur etiam quoad jura succedendi , quæ in sanguinis proximioritate radican- tur , ex vi legis nostræ , quæ , ut ex dictis patet , naturali æquitati satis superque consonat .

44. Nec potest Princeps ullus suæ independentiæ , & supremæ libertatis obtentu , se adversus legem tueri ; quia cum vi ejusdem legis succedat , nec ab alio principio , quàm à lege cum ad successionem vocante , jus sibi ad succedendum possit arrogare ; necesse est , quoad alia ipsi legi subjaceat , trita enim est illa Juristarum regula , quod *qui sentit commodum , sentire debeat & onus* , & e converso , de qua videndus August. Barbof. in collectan. ad hanc regul. lib. 6. unde nequit legis beneficio frui , & legis onera respuere . Atque adeo necesse erat , quod Serenissimus Archidux , in quem Cæsar jura sua transtulit , ante quam arma tentaret , Hispanicæ Monarchiæ , tam quoad sanguinis jura , quàm quoad habilitatem , judicio se sisteret : nec aliàs justè bellum excitare potuit. §. VI.

§. VI.

*Bellum Austriacum ex parte Authoris adhuc
injustum, quia non denunciatum.*

45. **S**ed quando velimus Augustis. Cæsarem à tanto onere relevare; à quo post aditam possessionem à Rege nostro Philippo, quia Respublica functa fuit munere suo, relevari certum est; adhuc grafsantis belli injustus Author fuit: ex eo, quod illud intulerit, urserit, priusquam indiceret, vel denunciaret. Id enim, etiam cum justa belli causa subest, jus naturæ, gentiumque jus desiderant. *Cum duo sint genera disputandi, unum per disceptationem; alterum per vim; cumque illud proprium sit hominis, hoc belluarum; confugiendum est ad posterius, si uti non liceat.* priore. iuquit Cicer. 1. de offic. ad præsens institutum laudatus per Lips. Politic. lib. 4. cap. 4. Et quidem duplici ex capite hanc denunciationem bellum requirit, & quia bellum est, & quia executio iudicii est. De eo sub priori conceptu in præsentī; sub secunda consideratione in sequenti §. instituemus sermonem.

46. *Sæva res bellum est, ait Plutarch. in vita Camill. cumulumque secum trahit injuriarum, & insolentiæ. Quorum malorum (prosequamur verbis Augustin. de Civit. Dei lib. 19.) multas, & multiplices clades, diras, & duras necessitates, si ut dignum est eloqui*

eloqui velim, quamquam nequaquam, ut res postulat, possum; quis erit proluxæ disputationis modus? Propterea non est temerè, sed consultissimè inferendum. Nequit enimverò inferri consultè, nisi pars ad-versa, priusquam bello petatur, fuerit conventa, fuerit audita; nisi objecta probabilissimè non refutet; nisi obversanti veritati obstinatè resistat: ut jam bellum inferendum dicet, non libido, sed necessitas. Verum semper illud erit Maxim. Tyr. scilicet; bellum à justis non sumi nisi necessario; ab injustis sponte. Nihil certius. Quia de bello, (redeat idem Author) etiamsi demas injustitiam; ipsa per se necessitas miseranda est.

47. Idipsum naturalis edicit ratio. Etenim bellum est injuriæ vindicta; sed hæc illicita, & injusta est, quoadusque certò constet offensorem nolle obstinatè injuriam reparare; nec id constare reverà potest, quandiu ab ipso post expostulatam injuriam, reparatio, etiam dira comminata militari executione, petita non est. Igitur antequam belli motiva exponantur, injuria renuncietur, quæ nulla probabili, aut probabiliori possit tergiversatione vitari, & bellum comminatum sit; justè inferri nequit. Subindè prudentissimè ajebat, Alaricus apud Catliod. lib. 3. variar. epist. 13. *Veniendum tunc ad arma, cum locum apud adversarios justitia non potest invenire.*

48. Proferam hac de re differentem ex Theologis nostris unum, sed qui instar multorum est ob variam, & multiplicem tùm sacram, tùm civilem, &

canonicam eruditionem. Is est P. Ludovicus Molina, qui opere de just. & jur. tract. 2. disp. 103. hæc profert. *Ut bellum justum licitumque sit, non satis est, Principem, qui illud movet arbitrari, sed habere iustam belli causam.* Sic enim & Turcarum, & Saracenorum adversus nos bella essent iusta. Sed opus etiam est, ut quando res dubia esse potest, pro rei pondere, gravitate, ac difficultate, diligens prius inquisitio fiat, adhibito eorum sapientum, & prudentium consilio, de quibus merito credendum est, sincero, & maturo iudicio, passioneque semota ea de re iudicatu-ros, veritatemque inventuros. Audienda adversariorum rationes, modo sincere, & sine fraude agere velint. Credam Augustissimum Cæsarem consuluisse, priusquam bellum inferret, viros doctissimos, & juris prudentissimos, de quibus meritò sibi persuadeat, non favorem, non affectionem erga Austriadum domum, sed iustitiam extorquere potuisse suffragium: eosque in ea fuisse sententia post multas vigilias, post utriusque contendentis momenta semel, iterum, pluriesve librata, expensa, & in hypocauftis sudata, successio- nem in Hispana Monarchia Domui Austriacæ, non Borboniæ, competere. Hosque viros Cæsarem tanti facere, ut de eorum iudicio existimet dubitare piaculum: quòrum tectus sententia bellum aggressus est. Hæc omnia libentissimè credo; nec enim de indubitata Cæsaris pietate minus sperare liceret. Sed non sufficiunt. Oportebat hæc jura Gallis, & Hispanis expo-
nere;

mere, & illis auditis, ferre iudicium. Fortè aliquid producerent vel in jure vel in facto, quod illos fugit, quodque cogeret, si homines sunt, mutare sententiam. Vel si tam efficacia Austriadum fundamenta erant, Reges ipsi, aut Hispani Populi dexteram dare, factum retractare poterant, aut in arbitros, vel arbitratores compromittere, seu alio opportuno, & minus cruento medio controversiam transigere. Huc advoco illud Terentii.

*Omnia prius experiri verbis, quam armis
Sapientem decet.*

Qui scis, an quæ jubeam, sine vi facias?

49 At reponunt. Id sine dubio præmissurum, si prodesse posse speraret. Non præmisit, quia bene novit, Reges sive Christianissimum, sive Catholicum paratos armis resistere, juraque sua tueri; propterea id præmittere foret tempus frustra, & otiosè terere, ipsisque tempus ad arma expedienda donare; sine alio fructu, nisi quod induciis huic disceptationi verè, vel apparenter necessariis, effectivam, ultimamque belli decisionem perendinaret, non præpediret. Sed hæ conjecturæ sunt, quæ bellum non justificant; esto enim sic se res habeat; oppositum possibile est, & hoc satis est, ut via juridicæ disceptationis non debeat præteriri, alioquin ferè nunquam indictio bellum anteire deberet. Imo dilatio ipsi Cæsari, quàm memoratis Regibus utilior foret, quo enim tardius, paratior processisset; adversarii enim suorum conatuum conscii, prompti

fuerunt, siquidem primos Germanorum impulsus receperunt armati. Bello tempus non deesset: videret, an sine bello ad optata posset pervenire: sin minus, laceratos moveat, si de jure non dubitat, juxta sanum illud Euripidis documentum.

Verbis id impetrabo; sin nequeo, manu.

50. Jure gentium bellum denuntiandum, antiquam inferatur, persuadet inveteratus mos omnium nationum, quem Romani jus feciale dixerunt, apud ipsos tam religiosè observatum, ut nullum bellum aggressivum justum reputarent, quod repetitio rerum, & denunciatio non præcederet, uti monuit Cicer. lib. 1. off. *At belli quidem equitas sanctissimè feciali Populi Romani jure præscripta est. Ex quo intelligi datur, nullum bellum esse justum, nisi quod, aut rebus repetitis geratur, aut denunciatum ante sit, & indictum.* Cui consonat quod in Jure Canonico cap. Justum. 23. q. 2. ex D. Isidoro Hispalensi lib. 1. Ethimolog. transcribitur. *Justum bellum est, quod ex dicto geritur, rebus repetitis, aut propulsandorum hostium causa.* Quod sane desumptum ut ex authographo videtur ex illa celebri, nunquamque satis commendata Coriolani sententia apud Dionys. Halicarnas. *Si quis non aliena cupiat, sed sua postulet, atque iis non impetratis, bellum moveat; id omnium confessione æquum est.*

51. Hinc ad bellum denunciandum, indicendumvè à Populo Romano feciales delecti, & missi, quorum
mu.

munera, & denunciandi formulæ videri possunt apud Liv. lib. 1. Decad. 4. Aul. Gell. noct. Attic. cap. 4. Cinci. lib. 5. de re militar. Hugon. Grot. de jur. belli, & pac. lib. 3. cap. 3. num. 7. illustratque Petrus Araunz. ad tit. de sagittar. num. 100. Brisson. lib. 4. de formul. Osuald. ad Donell. lib. 4. cap. 21. laudatos ab eruditissimo Salmanticensi. nostro Vesperar. D. Emmanuel. Gonzal. Tellez. in cap. *Sicut* de jur. jur. nec antequàm faciales, vel res populi repeterent, vel injuriæ compensationem postularent, sed postquam non impetraverant, bellum denunciabant; quia cùm bellum sit cruentissima rerum hominumque strages; illud Senecæ, quod nos cordibus Christianorum Principum igneis charitatis notis impressum amamus; *non est homine prodigè utendum*; piissimo humanitatis studio eorum animos pervasisse videbatur.

§ 2. Nec satis est justitia causæ; ut hæc dispensetur indictio; quia cum possibile sit, quod ille, in quem bellum infertur, armis contendere recuset, paratus injurias siquas vel ipse, vel sui irrogarunt, sarcire, nec aliud aggressor contendere possit; nisi sub injuriæ larva velit offensorem abligurire, ut non semel contingit rerum alienarum helluonibus; planè si arma non deponat, in humanitatem delinquit, & homine prodigè uti desiderat. Cyrus, Xenophonte referente, cum armatus Armeniam pervenisset, repetiturus vestigal; & militem sibi ex fœdere debitum, sed à fœdifrago Rege denegatum, in limite substitit, nec cum posset ob fœ-

dus

us violatum, arma movere, aut cuiquam nocere, permisit, priusquam denuò mitteret, qui tributum, & copias jure debitas exigerent. *Humanius id existimans, quam si ultra duceret, nihil prædicens.*

53. Nullum justius bellum, quàm quod Israelitæ gesserunt adversus Palestinæ Regulos ad vindicandas Civitates sibi à Deo donatas. Sed tamen Dominus Populum suum militaribus institutis erudiens Deuteronom. 20. versic. 10. hoc in aliis instillavit monitum. *Quando accesseris ad expugnandam Civitatem, offeres ei primùm pacem, si receperit, & aperuerit tibi portas, cunctus populus, qui in ea est, salvabitur. Quasi bellum etiam pro repetendis Civitatibus à Deo donatis non inferretur justè, nisi priùs verbis transigi controversia tentaretur: nec jure posset fieri in resistentes militaris executio, quoadusque conscii propugnatores facti de jure expugnationum, fronte perfricta resistentes, rei fierent bellici furoris.*

54. Qui ad propulsandam injuriam bellum inferret, quam paratus est omnimodis reparare, qui bello appetitur, procul dubio satisfactionem injuriæ obtendit, sed eam non quærit. Quid ergo aliud contendere videtur, quam insidias parare naturæ, & hominibus prodigè uti? Quis in universa Europa non detestatus est imprudentem juxta ac infelicem expeditionem Caroli audacis Burgundi in Helvetios? Paratos hi se exhibuerunt ad reparandam, si quæ Romontio illata fuerat, injuriam; omnem, quam cupere sciisset, satisfactionem præ-

præstandam Carolo. Hic e perversò nec eos audientia dignatus est; sed nec Ludovico XII. Regi Christianissimo, aliisque Principibus, qui ejus feroces conatus relinire tentarunt, aures porrigere: ut enim erat promptus ad iram, ad clementiam tardus, prætulit dubiam, sed cruentam internecionem satisfactioni certæ, & pacificæ? Quo exitu? fusus bis exercitus: ipseque cæsim trucidatus injustitiæ, & furoris pœnas dedit; ut in sua histor. describit Francus Sallustius Philippus Comines, vir priscis Hiltoriographis componendus, & cuivis æquandus ex disertissimo Lipsii judicio.

§ 5. Sed si Princeps jura, cogitatum, intentionem bellum passuro non propalat, non exponit: quomodo vel rerum restitutionem, vel satisfactionem injuriæ obtinere per media pacifica poterit? Bellum est ultimum Principum injurias passorum perfugium: tentari prius cætera debent, etsi profutura non credantur, ad causæ justitiam, & humanitatis auctarium. Si exitus non respondet, & causæ justitia explorata sit; intentetur, inferatur bellum. Cæterum à bello incipere controversiam, prout contigit in bello Austriaco, perinde est ac à sententia litem, ab epilogo orationem exordiri. Vulgatum, sed rem continens, est illud commune pronuntiatum. *Extrema primo nemo tentavit loco.* Et tamen in præsentiarum fallere, experientia monemur.

§. VII.

*Denunciatio belli iterum necessaria, quia
bellum executio judicii est.*

56. **N**Ec ex eo solum, quia bellum per antiphrasim bellum est, scilicet ingentium malorum scaturigo, indictio necessaria ab Authoribus æstimatur; sed ex illo etiam capite, quod bellum executio judicii sit, & quidem plusquam capitalis, vastationibus, innocentium oppressione, virginum humiliationibus, incendiis, truculentia, sanguine, & horrore plena, denuntiationem subsequi debet. Porro denunciatio plus significat, quam belli solemnem publicationem: videlicet ea omnia, quæ naturali jure ad consistentiam legitimi judicii desiderantur. Cum enim Princeps, qui auctoritatem habet bellum inferendi, eam obtineat, quia judex est; injustè procedet, quoties ea non præmiserit, quæ jure naturæ legitimum judicium constituunt. Idcirco nullo potest jure dispensari, quin, si injuriam se passum credit, id injurianti significet; satisfactionem, aut rerum repetitionem urgeat, bellum comminans, si ipsi non satisfiat; adversæ partis, si excipere gestiat, exceptiones audiat, ponderet, & privata seposita affectione, consideret: si relevantes sint; à sententia, & multò magis sententiæ executione, quæ bellum est, absteineat: si irrelevantes fuerint,

fuerint ; reprobet, refutet, rejiciat. Sin pars adversa respondere, aut excipere negligat ; eam in culpabili mora constituat, contumacem reddat, ut per contumaciam, injustitiæ labe sententia contra reum inauditum pronunciata, & acerbissimæ executioni commissa, purgetur. Si præposterè negotium tractetur, quamquam alioquin, & (ut loquuntur Philosophi) materialiter causa justissima subsit ; judicium formaliter injustissimum erit, quod pulchrè innuebat Senec. in Medea. act. 2.

Qui statuit aliquid, parte inaudita altera,

Æquum licet statuerit, haud æquus fuit :

Horum omnium excutiens motivorum vim, ac pondus P. Ludovicus Molina loc. superiori §. laudato eandem profert nobiscum sententiam. *Audiendæ etiam sunt adversariorum rationes, modò sincerè, & sine fraude agere velint.* Etenim Princeps, qui bellum movet rationem judicis subit circa adversarios in re gravissima, in qua non solum agitur de re, propter quam bellum movetur ; sed etiam de cæde multorum, gravissimisque aliis malis alteri Reipublicæ inferendis ; quæ procul dubio multos etiam innocentes contingent. *Judex autem non nisi prius explorata, & perspecta causa, licitè potest sententiam ferre, & multominus eam executioni mandare :* eoque plus illi est trepidandum, num causa perspecta satis explorataque sit, quod de re graviore agitur. Sanè remota hac denuntiatione, nullus reo convento superest defensionis locus in judi-

cio ; ut de se patet . Quid, quælo, potest tam clarè juri naturali resistere, quam reo defensionem denegare? Id habemus ex leg. *ut vim ff. de just. leg. 1. §. cum arietem. ff. si quadrupes paup. cap. cum inter. de exception. probantque Simanc. de Catholic. tit. 26. num. 1. Farinac. quæstionib. criminalib. qu. 39. num. 8. Peguera in prax. lib. 11. cap. 7. Antonin. Dian. in additionib. ad 3. p. Et cùm ea, quæ juris naturalis sunt, à nullo Principe, quantumvis absoluto, & independenti immutari, minuscq; abrogari possint. cap. *Sunt quidem. 25. q. 1. cap. Susceptis. de causa posses. & propriet. ibi. Nec nos aliquid possumus.* Elicitur apertissimè, hanc substantialem judicii partem, quæque illius justificationis basis, & fundamentum est; non potuisse Augustissimum Leopoldum omittere, eaque omiſsa, bellum Catholico Regi intentare: hæc enim denunciatio citationis locum subit; citatio vero lapis est fundamentalis judicii. §. *final. instit. de poenis temere litig.* Clement. *Pastoral. de re judicat.* cujus defectus, nullum, illicitum, & injustum reddit judicium, propterea quovis tempore potest opponi: ut tradit Larrea tom. 2. allegat. 207. num. 8. & deinceps. Carraſc. in tract. *an habeat locum restitutio* num. 63. Pareja de instrument. edit. tit. 7. resolut. 2. num. 2. Valenzuel. consil. 6. & est communis sententiâ.*

57. Id, quod naturæ principiis, & humanæ synteresi tam consonum est; ipsa instigante, vel inspirante, in jus gentium transivit, vel ab ipsis incultis hominibus

bus observatum; adeò, ut contrarium ab eisdem silvescentis feritatis, aut impotentis tyrannidis insimularetur: ut innuit Madaurens. lib. 10. Miles. ibi. *Ne ad instar barbaricæ feritatis, vel tyrannicæ impotentie damnaretur aliquis inauditus; & in placida pace dirum sæculo proderetur exemplum.* Idcirco Alexand. Magn. referente Plutarc. in ejus vita, cum in causis capitalibus judicaturus federet; auctore declamante, altera manu alteram appendebat aurem; ut eam præjudiciis actoris non violatam, integramve reservaret reo. Similia exempla ab aliis petita observant, & proferunt Revard. lib. 1. variar. cap. 7. Grot. in florib. ad leg. 1. ff. de requirend. reif. Forner. lib. 4. rerum quotidian. cap. 7. Quod apud Atticos cautum fuisse lege lata à Solone, author est Sextus Philosophus lib. 6. hypotypof. & Demosthen. orat. de corona. Lycurgum itidem de eo legem rogasse, refert Valer. Maxim. lib. 7. cap. 2.

58. Sed quamvis in lumine illo vultus Domini, quod, Psalmista accinente, signatum est super nos, hanc veritatem dilucidè videamus, habemus tamen firmiorem propheticum sermonem, cui benè facimus attendentes. Nimirum hoc inconcussum lemma ex veteri, & novo testamento elicitur satis clarè. Ex veteri quidem deducit Lucifer Calaritanus adducto 3. Genes. quem textum elegantissimè urget pro D. Athanasio lib. 1. contra Imperatorem Constantium hoc modo. *Quomodo arbitraris, divinitus permissum puniri inauditos; quando videas Adam, & Evam Principes*

nostri generis auditos, sententia perculsos Dei? Nec minori energia in idem institutum illud versat capit. 4. ubi sacer Hiltoriographus agit de noxa Cain ob fratricidium. Dedisti praecepta, damnandum esse inauditum absentem: negandamque esse audientiam, purgare se posse de crimine objecto proclamanti. Abel interficitur justus, & interrogatus Cain sumit sententiam. Et tu Domini inauditum vis puniri Sacerdotem. Ex novo clarius, quàm interprete indigeat, vel commentario, constat ex illis verbis Joan. 7. Numquid lex nostra judicat hominem, nisi prius audierit ab ipso (notetur hoc demonstrativum) & cognoverit, quid faciat?

59. Si instituta civilia Romanorum consulamus, nefas fuit, facinusque temeritate, & impudentia plenum inauditos, & non vocatos dijudicare; hocque tanquam propudiosum crimen Verri objecit Cicer. Orat. pro domo sua. *Honestissimi, atque integerrimi absentes rei facti, indicta causa, damnati, & ejecti. Quod sanè elegantissimo stilo Theodosio exprobrabat Symmac. Quæso igitur, ne in contumeliam judicii vestri, & juri, & innocentiae fraus paretur. Quando enim absentibus, & ignorantibus inter alios gesta nocuerunt? Quis unquam sententiam numinis vestri inauditus excepit? Cautumque id fuisse legibus xii. tabularum colligit Aul. Gell. noct. Atticar. lib. 17. ex tabula. 1. illis præsertim verbis. Cum perorant ambo praesentes.*

60. Si Canonicae recurrantur sanctiones, id passim

sim inculcari deprehendimus, adeò ut apud Canonistas evaserit in proverbium, quod etiam *Diabolus sit audiendus*, priusquam damnetur. Sed tamen ejus indispensablem necessitatem evincit, omnemque effugij spem præcludit textus in principio citatus ex cap. *Susceptis de causa possession. & propriet.*, in quo D. Gregor. Magn. prædicti textus author, qui fines suæ potestatis optime noverat; sed quis melius? conceptis verbis asserit. *Nec nos contra inauditam partem aliquid possumus diffinire.* Videndi ad hunc textum, & signanter ad verba transcripta Doctores, quos longa serie congeffit August. Barbof. in collectan. ad dictum cap. num. 7. Sed præcunctis, noster D. Emmanuel Gonzalez Tellez, qui solita eruditionis copia materiam istam expendit.

61. Ex his, quæ tam in præsentì, quàm in antecedenti §. produximus, obvium est depromere, Augustissimum Cæsarem intempestivè, & acerbè bellum movisse, quod sive quia bellum erat, sive, quia sententiæ, in causa successionis ab eo prolatae, violenta, & plena sanguine executio erat, multiplici Solis circuitu debuisset maturari. Audiendus antea fuerat Rex Catholicus: audiendus Serenissimus Delphinus ejus Genitor; audiendi insuper Hispani, vel tanquam interesse habentes, vel tanquam de legibus Regni, quibus controversia dirimi debet, melius instructi; & informati; ut, his auditis, judicium ferri posset justum, & ex jure, non injustitiæ obnoxium, exque privata
affe-

affectione profectum . Quis scit , an Cæsar iis auditis , & eorum ponderatis momentis , bello supersedere , existimaret ? Hoc certè ejus pietas mihi persuadet , quod si agnovisset , à Rege Catholico stare jura , à bello abstinuisset . At , re collata , & Rege ipso audito , discussa ; nullus dubito quin ejus insuperabilis justitia illucesceret Germanis Doctoribus , quamvis sui Principis præjudicio occupatissimis . Quanta mala , quantæ præpeditæ fuissent D.O.M. injuriæ , & innocentum offensæ ! Sed quid , si post hæc pedem ab inceptis retrahere compellatur ? tolerabilius dedecus foret Austriacæ domui juribus cadere , quam post dispendiosissimum bellum armis cedere . Et tamen res ipsi est , cum Regnis , quorum , subditi ambidextri non minus armis , quam juri-
bus valent ,

§. VIII.

*Injustum bellum Austriacum , quia illatum ex
opinione minus probabili , &
minus iura .*

62. **Q**Uamvis hoc nostro sæculo probabilitatum
usus eatenus effluxerit ; ut ferè per moder-
nos Authores illud , cuique liceat , quod
libeat ; cum opinionem , quam plures probabilem di-
cant , quæ præcepti vincula relaxet , & libertati è per-
verso faveat , facile & obvium reperire sit in materia
mo-

morum: adeò ut deplorabili experimento verum, imo verissimum in opinionum delectu illud deprehendamus. *Nulla faditas sine amatore, nec fatuitas sine patrono.* Nihilò fercus, in materia belli complures, etiam ex his, qui in opinionum electione habenas laxarunt, se se effundere ausi non sunt; sed constanter cum aliis, quibus sequi opinionem minus probabilem faventem libertati, minusque tutam, in conspectu probabilioris, & tutioris stantis à præcepto, piaculum est; defendunt non licere inferre bellum ex opinione minus probabili; sed Principem ad bellum indicendum tutiorem, & probabiliorem opinionem necessario amplecti teneri, alioquin reus erit gravissimorum criminum contra charitatem, quæ per bellum violatur, contra justitiam, quam labefactant homicidia, depopulationes, incendia, & infinita alia nocumenta, quæ bellum producit, & contra alias morales virtutes, quibus insolentia militum sæpè sæpius injuria est.

63. *Hæc sana, & sine dubio vera doctrina duplici etiam innititur potissimo motivo; & quia indicens bellum iudex est, & quia bellum omnium malorum epitheſis, & compendium est: sub prima consideratione in præſenti; sub ſecunda in ſequenti §. diſcuietur.*

Principem ergo ad bellum indicendum, & (urgentiori titulo) inferendum, debere sequi tutiorem, & probabiliorem opinionem; nec posse bellum offensivum indicare fretum opinione minus tuta, minusque pro-

probabili, cum judex sit, defendunt quot quot usum probabilitatum impugnant, quos diligentissimè laudat Prosper Fagnan. in cap. *Ne innitaris*. de constitution. num. 213. & 353. Sed ex his, qui probabilitatum usum liberum faciunt, non posse judicem sententiam proferre ex minus tuta, & probabili sententia defendunt Vazq. Card. de Lugo. Sanch. Tanner. Laiman, & alii plures, quos allegat, & sequitur Bontempius tom. 4. tract. 1. q. 15. à num. 329. quibus addendi sunt, qui ex utroque capite id Regi non licere defendunt, quos longum est recensere, videri tamen possunt apud Antonin. Diana tom. 1. tract. 13. resolut. 8. Et ratio est manifesta, quia judex tenetur sententiam ferre ex allegatis, & probatis, non enim est Dominus juris, ut possit illud, cui voluerit dare, & auferre, sed attributor, & legum executor, qui sine vitio acceptionis personarum, non potest, quod probabilius uni debetur, alteri conferre, præsertim contra expressas juris regulas. Ergo Princeps, quando per accidens in propria causa vertente cum alio Principe, vel Republica prorsus libera, vices, & munia judicis subit, eadem gerere debet, quæ judex ex officio gerere tenetur: nequit ergo ex opinione minus probabili rem controversam sibi adjudicare, foret enim sui ipsius acceptor; sed probabilius, & tutius sectari, præsertim dum alteri juris regulæ favet; atqui tutius est à bello abstinere; si ergo aliunde rei disceptatæ possessio alteri competit; ut quod probabilius, quod tutius est, teneat, à bello supercedere debet.

64. Hucusque credam, Germanos nobis non refragari, quia fortè cogitant ab Augustissimo Cæsare jura fortius inclinare: & subinde quod probabilius, licet non quod tutius, decidisse. Porro licet judex, quod probabilius, & tutius simul est, sequi teneatur; non tamen tutius contra probabilius; sed satis est, si tutò operetur id, quod probabilius est, amplexando, prout tutò operari, in disputationem non cadit. Fortè etiam existimant, non posse nos hanc probabilitatem, & tutioritatem ostendere, nisi remissivè, scilicet, lectorem remittentes ad secundam syntagmatis sectionem, in qua causa belli, & jura succedendi discutienda sunt; alioquin præposterè processuros. Unde inferent jejunum, & imperfectum relinquendum fore argumentum.

65. Sed nos, qui partes nostras benè noscimus, atque aded non ignoramus, quod distinctioni præfixæ insistentes, ea quæ injustum bellum hoc reddunt ex parte causæ, vel occasionis, hic versari non debent, sed suo reservari loco jam destinato; iis intactis, ex alio solidissimo principio probabilius, tutiusque ab hoc bello abstentum iri, probabimus. Nimir. Quia Catholicus Rex est Monarchiæ Hispanicæ possessor nedum bonæ fidei; verum etiam probabilis, etiam inspecta causa proprietatis in se ipsa; hinc resultat, quod ejus jus per possessionem quietam, & pacificam evaserit probabilius. Ipse est ab Augustissimo Cæsare conventus, hinc resultat, quod fuerit tutius bellum ei non inferre. Ipse habet pro se juris regulas: hinc resultat,

L

quod

quod ab Augustissimo Cæsare fuerit, ut justo Judice, absolvendus. Tutius ergo, & probabilius Cæsar à bello abstinuisset.

66. Hæc modò edisserenda sunt. Primò, quod si Rex Catholicus bonæ fidei possessor patet ex eo, quod juxta Canonicas Sanctiones is censeatur bonæ fidei possessor, qui rem possidet cogitatione dominii, ignorans eam esse alienam, vel sciens esse suam, aut ad se pertinere. *leg. Bonæ fidei ff. de verbor. significat.* sicut e regione possessor malæ fidei, qui rem possidet, quam credit esse alienam, vel ad alium pertinere. Cap. *Si Virgo. 34. q. 3. cap. final. de prescription.* & ibi Doctores. Dinus in *regul. possessor Bartholin leg. furtum. ff. de usu capio. § fundi.* Balb. de præscription. 2. part. 3. part. princip. Bald. in *leg. apud Antiquos.* num. 6. C. *de furt.* Innocent. & Abb. in cap. *Vigilanti. de præscription.* Joann. Andr. in *reg. possessor. de reg. jur. lib. 6.* Bero. in cap. *Gravis. de restit. spoliat.* num. 17. Prosper Fagnan. eodem cap. num. 38. & 42. & doctissime juxtaque solidissime, prout de more habet Covarr. *reg. possessor. 2. parte relect. §. 7.* Similiter bonæ fidei possessor censetur, qui existimat tradentem sibi rem dominum esse. Barth. in *leg. si existimas. ff. pro soluto.* laudatus Fagnan. num. 42. post Bero. ubi supra n. 19.

67. Porro, Regem Catholicum Monarchiam Hispanam cepisse possidere cogitatione dominii, seu credendo eam ad se, non ad alium pertinere, clarius est, quam probatione indigeat. Nam, ut quæ hujus loci

loci non sunt, pro nunc missa faciamus; vel in ea succeditur jure hæreditario, vel jure genituræ, vel sanguinis. Si jure hæreditario institutus hæres est, successorque in ea declaratus à Carolo II. ejus magno avunculo in ultimis tabulis, sub quibus minimè retractatis, diem clausit extremum. Nec dubitare jure poterat, quin Carolus secundus verus Dominus fuerit, ut nec Austriaci dubitare audebunt: atque ideo, si jure hæreditatis succedendum sit; quin à vero Domino sit hæres constitutus. Quis hoc neget? Sin malint Germani, quod in Regnis Hispaniam hanc constituentibus Monarchiam, non hæreditario, sed sanguinis jure succedendum sit: Rex Catholicus optimè sciebat, ipsum Regem ultimum possessorem Carolum proximius linea, & gradu contingere: quia uterque reperiebatur in linea descendenti Philippi IV. & intra eam lineam cōjuncti erāt in tertio gradu juxta computationem civilis juris, & in primo cum tertio juxta computationem Canonicam, cum Philippus sit nepos ex filio Serenissimæ Mariæ Theresiæ Caroli II. majoris, imò (quoad præsens institutum) unicæ sororis, Philippi IV. filiæ grandioris natu. Nec ignorabat in hac linea nullum alium locum sibi posse potiore vindicare, præter unum Serenissimum Burgundiæ Ducem, qui propter Monarchiæ Hispanæ cum Francica, cujus hæres est, incompatibilitatem, sicut Serenissimus Delphinus Genitor utriusque, abstinere debuit ab hujusmodi successione. Cum ergo leges Regni conjunctiores linea, &

gradu ad successionem vocent, quod nobiscum fatentur Austriades; lex, quæ omni procul dubio Domina est, ipsi Regnum tradidit inedia Hispana Republica, quæ in hoc casu executrix indubitata legis est. Non ergo controversi potest, quod bonæ fidei possessor sit.

68. Attenta etiam causa proprietatis, negari, me judice, nequit, quod sit possessor probabilis (ut interim abstineamus à juribus, & momentis, quæ eum certum, exploratum, & incontrovertibilem successorem demonstrant) ex eo quod stante jure, quod sibi manifestè resultat ex legibus, quibus successio Hispanica regulatur, quod tam clarum est, ut admittatur vel ab ipsis Austriadum causæ patronis, prout ex libello SS. D. Nostro Clementi XI. felicissimè D. Petri fastigium occupanti (utinam ad plurimos annos, ut Ecclesiæ utilitas postulat enixè) apertissimè constar; nihil ipsi ob stare videtur, nisi una illa decantata, & magnificata jurium renuntiatio à Serenissima Avia emissa ad nuptialium pactorum amussim. Sed hæc, quamvis adversus ipsam Serenissimam Infantem, postea Christianissimam Franciæ Reginam, aliquid potuerit obtinere; adversus tamen ejus filios, & nepotes ex opinione, nè dùm probabili, sed probabiliori, cujus probabilitatem, nemo qui frontem habeat, negare attentabit, nihil roboris habet. Etenim, ut præfatus fui, vel jure hæreditario succeditur; & tunc nullus dubitat, quin filii, & nepotes sororis renuntiantis, imò & ipsa renuntians, possint ex testamento ad hæ-

re-

reditatem Patris, vel Fratris vocari, necquidquam obstante renuntiatione, ut ex communiori tùm veterum, tùm recentiorum Jurisprudentum judicio probat Covarr. ad cap. *Quamvis pactum de pact. lib. 6. 3. part. relection. §. 3. num. 8.* vel jure sanguinis, & tunc, quod mater, vel avia renuntians successioni, non possit filiis, & nepotibus jure suo invitatis, & ad successionem venientibus præjudicare, sciunt Germani Doctores probabilem, ne dicam probabiliorem esse opinionem. Sive ergo hoc, sive illud dicant (nam alterutrum vitare nequeunt) semper probabile est jus succedendi Regis Catholici, quod attinet ad causam proprietatis.

69. Tria illa corollaria, quæ ex his principiis resultare, prænotavimus; uno contextu probat doctissimus P. Ludovic. Molina de just. & jur. tractat. 2. allegato, disp. 103. sub lit. D. cujus hæc sunt verba. *Quando inter Principes aliquos oritur controversia circa rem aliquam, distinguendum est. Quoniam vel unus eorum erat in legitima possessione illius, ita quod bona fide, & absque dubio, quin ad se pertineret, cepit illam possidere: vel neuter erat in tali possessione, sed morte cujusdam tertii res vacavit, & contendunt ad utrum eorum pertineat: aut certè si alter eorum cepit possidere, id non fuit sine controversia, aut dubio, utrum ad se, vel ad alterum pertineret. In primo eventum, interim dum certum non est, ad quem res pertineat, sed dubium, & rationes sunt pro utraque*

que parte; neque qui est in possessione tenetur tradere totum, aut partem; nec qui est extra possessionem potest vel bellum movere, vel quidquam rei illius occupare; sed rationibus dumtaxat potest experiri jus suum; aliusque non solum tenetur eas audire; sed etiā moralem adhibere diligentiam, ut scias an res ad se, vel ad alium pertineat, si via aliqua occurrat, unde id possit deprehendi. Pro hac doctrina citat Molin. Francisc. Victor. de jure bell. à num. 25. eamque confirmat exemplo disceptationis super Insulis Malucis, quæ diu vertit inter Carol. V: & Emmanuel. Portugalliæ Regem. Modò sic. Sed Philippus noster cæpit possidere bona fide, & absque dubio, quin Regnum ad se pertineret, tum quia ex lege succedere debebat; tum quia si aliquod ex renuntiatione aviæ dubium enasci ipsi potuissent; declaratio facta à Rege præmortuo illud pēnitus extinguere erat potens; tūm quia, universa Monarchia, quæ de successorum juribus ad legum suarum amussim debet esse, & creditur plenius intructa, & informata, ipsum allexit, traxit, excepit, coronavit, & reliquis veræ recognitionis obsequiis profecuta est: tūm denique quia ex parte Cæsaris nihil aut jure, aut facto gestum est, quod dubium ipsi vel minimum posset excitare: ergo ejus jus, etiam si antea, ex causæ meritis solummodò spectatis, fuisset solum probabile, evasit probabilius. Ergo nec Cæsar armis, sed rationibus eum poterat iustè convenire.

70. Sed pergit adhuc prælaudatus Author sui
asser-

asserti reddendo rationem, qua cætera nostra illata, aut consequia clarescunt. *Primum*, (inquit) & *secundum eorum*, quæ asserta sunt ex eo probantur: quod in dubio melior sit conditio possidentis: eaque de causa qui est in legitima possessione interim dùm sibi non constat rem ad alium pertinere, nec tenetur se ipsum illa privare, neque alius, esto is iudex sit, posset licitè illum ea, aut parte illius spoliare. Atque hinc ortum habuit tùm regula illa xi. de regul. jur. lib. 6. cum sūt partium jura obscura, reo favendum est potius, quàm aëtori; is verò qui possidet reus est comparatione illius, qui est extra possessionem, & contendit rem ad se pertinere: tùm etiam regul. 65. quæ habet: in pari delicto, vel causa prior est conditio possidentis. Præterea: si is, qui est extra possessionem posset in dubio movere bellum adversus eum, qui possidet, sequeretur, existente eadem cognitione in utroque bellantium de justitia utriusque partis, dari bellum justum ex utraque parte: nam qua ratione is, qui est extra possessionem posset justè rem illam bello occupare, eadem, in id longè majori, posset eam defendere, qui est in possessione illius: quippe cum dubium a què utrique faveat, meliorque sit conditio possidentis: id autem concedere, sanè esset concedere bellum formaliter, & materialiter justum ex utraque parte: quo nihil absurdius affirmari potest. En Philippus noster, ex quo bona fide possidet, & possidere cæpit sine dubio, quod successio Monarchiæ ipsi competat, nec in possessionis progressu

gressu sibi cōstitit, quod successio Serenissimæ Austriae dum domo debeatur; (unde enim id sibi constare potuit?) in hoc bello partes rei gerit conventi ab Austriacis; & per consequens habet sibi assistentes regulas juris, quæ possidenti, & reo contra actorem non possidentem apertissimè favent, juxta quas ejus jus de jure probabile, (hoc nobis satis est) probabilius, imo tam certum de facto evadit, ut nonnisi ex evidentia morali melioris juris actoris in possessione turbari, aut bello impeti possit. Tutius igitur Augustissimus Cæsar a bello abstinuisset; in hoc enim nullum foret peccati periculum; in illo plurimorum periculum imminet.

71. Succedat Molinæ insignis alter ipsius societatis Theologus, P. videlicet, Franciscus Amic., qui disp. 16. de just. & jur. num. 18. post quàm causas justitiae belli percensuit; subjungit. *Has causas debere esse certas, & exploratas, ac propterea teneri (Principem) ad eas examinandas, advocare peritos, nec in dubio posse bellum inducere, quia cum bellum sit gravissima poena, quam una Respublica infert alteri Reipublicæ non potest in dubio illud inferre, juxta regul. juris in. 6. cum sunt partium jura obscura, reo favendum est potius, quàm actori; sed qui bellum infert, suscipit partes judicis, & actoris simul: ergo cum causa est dubia, debet à bello abstinere.*

72. Ne tamen videar solos Theologos ostentare; non gravabor insignem nostri temporis Jurisconsultum perspicacissimæ, & oculatissimæ mentis, in qua

qua nullas ad mortem usque tenebras passus est, licet corporis lumine orbatus, in medium proferre; res enim tam clara est, ut vel cæci ipsam videant. Is est Illustrissimus Prosper Fagnan., qui in commentario ad cap. *Ne innitaris. de constitutionib.* postquam acerrimè invecus fuisset in usum probabilitatum, prout a modernis Casuistis praxi traditus est; eos num. 306. inconvenienti ex bello petito gravissimè urget his verbis. *Nam defensores probabilitatum contendunt licere invicem bellare, etsi utrinque sint opiniones probabiles, quod bellum sit justum, ut Joann. Sancius aliàs citatus in practic. disp. 44. num. 58. Hoc autem absurdum est, quia bellum ex utraque parte justum non datur: nam ut scripsit Angelus Arcin. cons. 96. in ibemat. num. 44. in fine: Cùm bellum sit contrariorum, necesse est, ut una pars foreat injustitiam, quia si unum contrarium est æquum, necesse est, ut aliud sit iniquum. leg. 1. de bis, qui sunt sui, vel alieni juris. unde contra Joann. Sanc. tenent Vazquez, & Villalob. infra allegati num. 375. Id quod specialem habet rationem: quia cùm in pari causa melior sit conditio possidentis; leg. qui accusare. C. de edendo. cum concordantib. & possessor dicatur habere potiora jura, etiam si nullum jus habeat. leg. uti frui. §. fortè. ff. si ususfructus petatur. Paul. de Castr. cōs. 76. In factō isto. lib. 2. iniquum est, ut Rex, qui pacificè Regnum possidet, in paritate opinionum utrinque probabilium, & longè magis si pro se habeat opinionem magis probabilem, de se a-*

possessione vi deiciatur. Longiuscula profectò testimonia, sed, quia rem continent, minimè prætermittenda, aut interfecanda.

73. Post tanti judicis suffragium meritò cuivis videretur, supersedendum fore, nec ulteriori confirmatione opus esse. Verùm unū omittere mihi liberum non est, nempe. Quod licet non defuerint Authores, qui contrariam sententiam tradiderint: id, quod ex ipsius Fagnani contextu satis superque liquet: hi solum loquuntur in casu æqualis probabilitatis de jure, quæ sanè sententia, ut benè observat P. Ascan. Tamburin. superius laudatus, num. 32. non potest reddi practicè probabilis, nisi in casu, quo evidentia moralis juris actoris faceret illam non solum probabiliorē, sed certam. *Nam possessionem favere possidenti* (ubi non constat de veritate) *est lex canonica, & regula juris ab omnibus observanda*. Unde hi ipsi Doctores cum Cardinal. de Lugo. tom. 1. de justit. disp. 16. sect. 5. nu. 98. fatentur, non posse justè intentari bellum Regi possidenti probabiliter probabilitate facti à Rege rationibus facti munito probabilibus, imò probabilioribus, eo quod obstat lex canonica possessionis, cui omnes sine discrimine fideles subsunt. Quid putamus dicturos, si bellum intentaretur Regi probabilioribus juris, & facti momentis vallato, qualibus Rex Catholicus vallatus est, ut ex processu syntagmatis luculentissimè apparebit? æquus lector dijudicet, si iudicio opus erit.

§. IX.

Injustitia belli illati ex opinione minus probabili, minusque iusta, quia bellum bellum est, ostenditur.

74. **Q**Uanta, quàmque sæva mala ex bello oriuntur in superioribus aliquatenus depinximus, adeò ut necessitas bellandi, etiam ex causa iusta, & explorata, per se mala sit, bellumvè in eo eventu malum necessarium. Quid erit si ex opinione solum probabili assumitur contra eum, cui vel probabilior, vel æquè probabilis cum possessione pacifica, & bonæ fidei assistit? etiam si præscindamus à motivo in præeunte §. expenso, nim. quod inferens bellum iudex sit, & bellum iudicii militaris, & violenta executio, quæ ex probabilibus solum, reo convento, & pacificè possidenti bona, ac probabili fide, seu conscientia, nequeat intentari; adhuc ex eo solum, quod in gravæ vergat detrimentum unius integræ Reipublicæ, in populorum stragem, in multorum innoxiorum perniciem, sub eisdem circumstantiis minoris, vel æqualis probabilitatis, ex adverso existente probabili, & bonæ fidei possessione, inferri nequit.

75. Enim verò si paucos illos Authores excipiamus, qui indifferenter, & in omni eventu contendunt posse impunè ad praxim reduci opinionem minus

probabilem, & tutam, dimissa probabiliori infimul
& tutiori, quos laudatos animosè potius quàm vali-
dè sequitur Marcus Vidal; reliqui omnes constanter te-
nent, vel in nullo casu licere juxta eam operari, vel
saltem non licere, quando ex ejus sequela derivaret in
proximum grave malum; & propterea à generali re-
gula plures casus excipiunt, in quibus non liceat ope-
rari nisi ex probabiliori, aut tutiori opinione, inter eos-
que ii duo locum sibi vindicant, scilicet, Judicis, &
Principis, quibus nec judicare, nec bellum inferre li-
berum est ex opinione minus, vel æquè probabili, &
tuta adversus possessorem probabilem, & bonæ fidei,
de quo luculenter Mastr. noster tùm in 2. sentent. disp.
5. q. 3. num. 145. tùm etiam in Theolog. moral. disp. x.
q. 4. art. 2. num. 109.

76. Et ratio naturalis id perspicuè suadet. Quo-
niam naturæ recta institutio dicitur, ad finem incertè bo-
num consequendum non debere applicari mediâ, quæ
nisi ex fine, ad quem ordinantur, honestentur, cer-
tam, & indubitatam malitiam præferunt; prava
enim censenda ea electio foret, in qua per certum ma-
lum pergeretur ad dubium, & incertum bonum; cum
enim bonum incertum non posset in medium influere
nisi incertam honestatem, dubiam, vel probabilem,
nunquam illud à certa, & indubia malitia liberaret.
Ideo quia homicidium est malum, nisi ex fine honeste-
tur, nequit ad finem incertè bonum ordinari, unde
nō licet judici ad incertum finem justitiæ vindicativæ,
& exem-

& exemplaris hominis mortem, vel capitale supplicium dirigere. Propterea leges naturali æquitati innixæ satius autumarunt incertum reum impunem dimittere, quam incertum innocentem damnare. Sed bellum parturit innumera mala certa, quæ non nisi ex fine possunt honestari; ergo ex fine probabiliter solum iusto, ac subinde dubio, & incerto, nequit Princeps ad bellum inferendum procedere: sed quod tutius, quod omni periculo vacat, hoc tenetur amplecti, quale est à bello abstinere.

77. Redeat iterum prælaudatus doctissimus Prosper Fagnan. paulo inferius loco allegato: nec timeo, quod excludendus veniat, quia testis de visu non sit, melius enim, & intensius vidit hoc, oculis clausis, quam alii quantumvis perspicacissimi obtutus. Infit ergo. *Præterea: cum abstinere à bello inferendo sit tutius, & res dubia sit propter equalitatem contrariarum rationum: in hoc dubio Rex tenetur sequi opinionem, quæ periculo vacat: Ex quibus patet, quàm sit perniciosa Christianæ Reipublicæ hæc doctrina probabilitatum, quæ publicam pacem sæpè sæpius turbat, & inflamat Reges ad bella gerenda. Timorati enim Principes antequam rem tam arduam aggrediantur, consueverunt exquirere à suis Theologis, & directoribus conscientiæ, quid sibi liceat: à quibus audientes sibi favere in pūcto juris opinionem probabilem, quam tuta conscientia sequi possunt, licet opposita sit probabilior, ac tutior, huic damnabili consilio acquiescentes bel-*

bellum movent, quod est perditio animæ, corporis, & substantia: ut in Ausbent. de armis. in principio. Bellum est perditio animæ, corporis, & substantiæ, si non in omnibus, ut in pluribus, & adhuc erit qui audeat propugnare posse Principem licitè, & in conscientia tutum, dare operam huic morali plurium sive suorum, sive aliorum perditioni, ut jus anceps, dubium, & incertum persequatur? Profectò solemnissimè hi Theologi, si Theologorum cætui qui talia effutiunt, accensendi sint, solemnissimè, inquam, desipiunt.

78. Sed ut hi Theologi rubore, si frontes habent, suffundantur producam de hoc argumento disferentem, non Augustinum, non Gregorium, non Ambrosium, vel Hieronymum, aliumvè ex Sanctis Patribus, Ecclesiæ aut Doctoribus, de quibus prout pietatem, justitiam, & lenitatem amabant, dubitari nequit, quin hos piissimos sensus passim instillent: sed virum Calvinianæ hæresis labe infectum, à quo tutiora dictamina in his discriminibus edoceantur. Is est Hugo Grotius, in quo licet Philippus Brietius ad annum Christi 1619. dicat. *Vix hæretici quidquam fuisse præter externum cultum, & nomen, quæ etiam parabat ejurare, ut significavit mihi, & Dionysio Petavio, idque fecisset maturius, nisi ad Ecclesiam comitator, licet fortè imprudentior redire maluisset.* Re tamen vera qualis vixerat, hæreticus mortuus est. Hic igitur Author de jure bell. & pac. lib. 2. cap. 73. num. 5. hæc habet ad subjectum institutum. *Accidere*
autem

autem in multis controversiis potest, ut ab utraque parte probabilia se ostendant argumenta, siue intrinseca, siue ab aliorum auctoritate. Id cum accidit, si res mediocres sint, de quibus agitur, videtur vitio carere posse electio, in utramvis partem ceciderit. At si de re magni momenti, ut de supplicio capitali hominis agitur; jam propter magnum discrimen, quod est inter eligenda, preferenda est pars tutior; ut dici solet: In istam partem potius, peccato tamen. Quo ex principio consequenter num. 6. infert. Maximi autem momenti est bellum, ut ex quo mala plurima etiam in innocentes sequi soleant; ideò inter sententias alternantes vergendum ad pacem. Tandem num. xi. Quamquam verò in causa dubia pars utraque tenetur querere conditiones, quibus bellum vitetur, magis tamen id tenetur qui petit, quàm qui possidet. Ut enim in pari causa melior sit possidentis conditio, non civili tantum juri, sed et naturali convenit; cujus rei causam alibi etiam ex Aristotelis, quæ dicuntur, problematibus attulimus. Citatque pro hac sententia Victor. de jur. bell. num. 27. & 30. Lessium de just. cap. 29. dub. 10. Lorca 2. 2. disp. 53. quæst. 40. Sotum de just. disp. 41. art. 7. Covart. in reg. peccatum. §. 10. num. 6. Fulgos. lib. 5. de just. Picolomin. lib. 6. civilis Philosoph. cap. 11. Alberic. Gentil. lib. 4. cap. 6.

79. Verùm committere non possum, ut objectionem, quam contra statuta tam in præsentī, quam in præmisso §. possunt Austriaci instruere, prætermittam.

Di

Dicent ergo, Regem Catholicum obtinuisse quidem possessionem Monarchiæ quietam, & pacificam; sed Hispanos debuisse eam non conferre; ex quo enim sciebant, vel scire tenebantur, Augustissimum Cæsarem ex vi renuntiationum Serenissimarum Franciæ Reginarum Annæ, & Mariæ Theresiæ in earum jura successisse, hæcque per testamenta utriusque Philippi III. scilicet, & IV. sibi firmata fuisse, necquidquam obstante Caroli II. testamento, debuisse credere, saltem hujusmodi successionem esse controvertibilem, atque adeo abstinere à possessione conferenda, partesque interesse prætendentes ad jura citare, prout Aragonii in exemplo à nobis dato §. III. fecerunt. Cum ergo e perverso se gesserint possessionem statim conferendo, partibus ex opposito resistere potentibus non monitis, aut vocatis, non videtur hæc possessio, cui argumenta præcedentis, ac præsentis §. innituntur, alicujus roboris esse, nec Cæsar eam in pretio habere debuisse, ac proinde jura sua prosequi potuit perinde, ac si talis possessio nunquam fuisset.

80. Regi nostro Philippo non ex gratia, sed ex jure possessio Monarchiæ collata est, nec ipsi citra injuriam posset denegari, sive Augustissimus Cæsar exciperet, sive non. Etenim vel successio est hæreditaria, ut quidam autumarunt, vel lineatica, & ex jure sanguinis, ut alii melius dixerunt, vel tertio quodammodo ex utroque commisto, ut arbitrati sunt alii in Regnis succedi: & sub quavis consideratione Rex Catho-

tho-

atholicus incunctanter mittendus erat in possessionem, siue reclamaret Cæsar, siue non. Ad primam quod attinet considerationem; quia hæredi scripto ostendenti tabulas, in quibus instituitur, denegari possessio non potest ex leg. final. C. de interdicto Divi Hadriani tollend. ut monet P. Ludovicus Molin. de just. & jur. disp. 638. num. 3. cum ergo Rex noster Philippus institutus reperiatur hæres universalis Caroli II. quo jure, si Regnum hæreditas est, denegari, aut differri ipsi possessio poterat? Si verò jure sanguinis succedatur, nec etiam ipsi possessio poterat denegari: nam cum femina ex juris Hispani, & communis dispositione ad fideicommissa, ad majoratus, ad regna admittantur, deficientibus masculis ejusdem lineæ, & gradus, in judicio possessorio adversus masculos remotiores obtinere debet ex vulgari text. in cap. 1. *inter filiam. Si de feudo defunct. content. fit inter dom. & agnat. ibi. Apud filiam possessionem interim esse collocandam. Et in verlic. defuncto. Respon. di filiam in possessionem feudi manere debere, donec de eo judicetur.* ut ex hoc eodem textu censuerunt And. de Isern. Bald. & Alvaros cum aliis innumeris, quos citat Molin. de Primogen. lib. 3. cap. 4. n. 41. qui eam vocat communem sententiam, observans etiam num. 42. quod licet textus in dicto §. loquatur de filia respectu successionis patris, idem est judicium de sorore respectu successionis fratris, ut asserit Deci. conf. 498. num. 4. cum aliis pluribus ab eodem Authore citatis, atque adeo de filiis, vel nepotibus

N

fo-

fororis , qualis est Rex Catholicus respectu Caroli II. ex eadem prorsus ratione .

81. Nec relevat, quod contra ipsum potuerit opponi exceptio renuntiationis à Serenissima Avia emissâ . Hæc enim in judicio possessorio nequibat obtinere, quia cum illud summarissimum sit , non admittit exceptiones , quæ ad causam proprietatis spectant, & altiore indagine desiderant , qualis est ista , nisi fortè tales sint , quod possint incontinenti probari , pro ut decisum expressè habemus per leg. 9. Tauri tit. 7. lib. 5. novæ collection. in qua tempus ad has exceptiones opponendas , & probandas præfigitur . Cum ergo exceptio illa multa discutienda cõtineat in facto, & in jure, ut an fuerit libera , vel coacta ? an cum errore circa substantiam , vel causam finalem ? an absoluta , vel limitata , & pro quibus casibus ? an in ea inciderit enormissima læsio ? an potuerit stipulari in præjudicium filiorum, vel ulteriorum descendentium ? an, cum causa dotis facta sit , dote non soluta , subsistat ? an præjudicet respectu successionis fraternæ, cum solum sit paterna ? an, ea non obstante , possit succedere ex testamento ? an debeat substineri deficientibus omnibus masculis , & fœminis ejusdem lineæ , & gradus ? & alias satis implexas quæstiones, quæ nedum incontinenti, sed nec multiplici annorum revolutione trutinari possunt ; profecto in judicio possessorio attendi, etsi opposita fuisset , non deberet . Multo tamen minus , quando nullus est qui excipiat . Quando enim
suc;

successor ostendit scripturam originalem majoratus, ex qua liquida sit ejus vocatio, si nullus excipit, non est cur statim in possessionem non mittatur, & interesse habens, si non comparuit sibi imputet; alioquin nec remediis destitutus est; habet enim interdicta possessoria, quibus uti potest. Non ergo Hispani poterant possessionem Regi Philippo denegare, vel differre, cui lex Regni, quæ est hujus majoratus scriptura, expressè favet, & in omnium oculis posita ad successionem invitat; vel Augustissimum Cæsarem citare, aut vocare ad disceptandum; sed ipse per suos Ministros recurrere debebat, licet recursus ex dictis fuisset inutilis. Sed cum hanc instantiam omiserit, interdicto adipiscendæ, armis, scilicet, totus incumbit.

82. Demùm si tertio illo jure Regnorum successionis proprio, ut alii opinabantur, successio deferenda erat, quod partim hæreditarium, partim sanguinis sit; hoc privativè competere Regi Philippo nostro, extra controversiam, me judice, est. Ipse enim jure sanguinis proximior linea est, respectu Regis prædefuncti, quod non negant Austriades: ipse est ab eodem Rege hæres institutus: cum e regione neutrum habeat Augustissimus Imperator, vel ejus Serenissimus Filius; si ergo hæredi ostendenti testamentum, feudatario ostendenti investituram, ex quibus vocatio resultat, & successor ostendenti authographum majoratus, possessio statim concedenda est, quis eam negaret Catholico Regi Philippo V. ex testamento, ex Regni

fundamentalibus legibus simul ad successionem aspiranti?

83. Porro exemplum Regni Aragoniæ successionis nobis nequit inflecti ob manifestissimam rationem discriminis. Primo enim, quod attinet ad concedendam possessionem uni præ aliis, non poterant induci Aragonii ex motivis incontinenti examinandis in summarissimo illo judicio, quia omnes prestantes successionem demortuū Regem eodē gradu contingebant, & in hoc pares erant; disparitates vero, quibus quisque foveri adversus alios credebatur, proprietatis potius causam, quàm possessionis respectabant: Rursus nullus poterat præ alio testamentum præmortui Regis allegare, quia ipse Regnum reliquit, cui prout de jure: quæ clausula potius possessorio judicio repugnabat, quàm illud permittebat. Unde merito ad causam, seu judicium proprietatis omnia partium argumenta remissa sunt. Deinde, quod interesse prætendentes citaverint, verum est; sed postquam, & vivo, & mortuo Rege, sæpè sæpius instarunt. Hæc omnia in specie nostra inversa concurrunt. Nam Rex Philippus lineæ, & gradus potioritate Cæsarem, & ejus sobolem antecellit; hæres Caroli institutus; successor declaratus; ab Austriacis nulla juridica instantia, nec vivente, nec mortuo Rege præsentata; protestatio facta. Reliquum est, ut asseramus in utroque casu ex jure omnia processisse. Unde non mirabitur æquus lector, si Regi Catholico cuncta prosperè, Augustissimo verò

verò Cæsari, etsi in belli proœmio fortuna præluserit; cuncta jam infaultè succedant: bello injustè illato certissimè vertat; ut enim satis ethicè; & ad præsens institutum aptissimè, Dio Cass. lib. 12. *Maxima nobis justitiæ habenda est ratio, quæ si adsit, vis bellicæ spem bonam habet; sin absit, nihil quis certum habet, etiam si prima ex sententia succedant.* Ex his satis eluxit, ut opinor, injustitia belli hujus, ex parte Authoris, nec minus, imò magis ex parte causæ, ut credimus, elucescet.

SECTION II.

Injustitia belli Austriaci à parte injustæ causæ referatur:

EA injustitiæ labes, quæ bello ab injustitia causæ derivat, maxima, & potissima est, ipsumque substantialiter inficit; esto enim ab Authore injustum esse possit, ut vidimus, hæc tamen injustitia potius ex inversione ordinis ipsi adhæret, quàm ex fundamenti defectu. Cæterum quæ à causa erumpit, fundamentalis est. Sicut ergo si fundamentum ruinosum sit, necesse est ruat ædificium; si causa belli injusta est, necessario belli structura superædificata corrui. Perinde ac in judiciis aliis aliæ sunt nullitates ordinis, aliæ verò substantiales, quarum defectu redditur judicium injustum, sed diverso modo; priores enim sanari possunt;

posteriores verò neutiquam; & hujus posterioris generis est, injustitia causæ respectu judicii bellici. Ut enim eleganter scripsit Demosthen. Olynth. 11. *Sicut in domibus, & navigiis, rebusque similibus, quæ substernuntur firmissima esse oportet: ita in actionibus causas, ac fundamenta oportet justo, ac vero congruere.* Deberet ergo Principibus bellum commissuris salubre illud Coriolani consilium oculis obversari, apud Dionys. Halicarnas. *Id primum vobis curandum arbitror, ut piam, & justam accipiatis belli causam.* Consilium nedum Gentili, sed Catholico Principe dignum: quod belligerantium conscientiam in tuto ponit; & infallibili quadam sequela felices spondet eventus. *Tantum etiam inter arma (Panegyrist. attestante) bona conscientia sibi vindicat; ut jam ceperit non virtutis magis, quam integritatis esse victoria.*

Non tamen diffiteri ausim, quin aliquando belli exitus causæ justitiæ non respondeat; cum sciam non semel sanctissima, & piissima bella fructu fraudata. Quod nam justius sanctiusvè bellum, quam quod S. Ludovicus barbaris intulit? & tamen semel, & iterum intentatum, semel & iterum infortunatos, & tristes exitus habuit. E contra quot non scimus prosperatos tyrannos, qui quò injustiùs decertarunt, magis stipendialem habuisse videntur victoriam. Ferè unius sæculi spatio Mahumétani signa sua super universæ pænè Asiæ, Africæ, Hispaniæ arces felicissimè statuerunt. Sed hæc dixerim bella, an Dei irascentis flagella?

gella? Ipse Alaricum in Romam pepulit. Ipse Vvandalos, Silingas, Svevos, Gotthos, Hunnos, Francos ab avitis regionibus excussos Romano obarmavit Imperio. Ipse Arabas in Africam, in Hispanias, hominum commotus, lacessitus, provocatus delictis, conduxit, suæ justitiæ vindices, suæ indignationis dexteræ executrices, qui non semel *armavit creaturam ad ultionem inimicorum suorum, & pugnavit pro ea orbis terrarum contra insensatos*. At si de causæ merito victoria adscribenda sit, ut regulariter evenit; causæ justitiæ fructus erit; prout in præsentiarum nobis licet conjectare, fortuna juri Regis nostri Philippi tam hilari vultu arridente, *ut jam ceperit non virtutis magis, quàm integritatis esse victoria*.

Nec ideo petulanter asseverabo, bellum hoc, quod tanto ardore, armorum apparatu, & strepitu illatum à Cæsare est, cujus prima arena Italia fuit; nullis omninò causis subniti: hoc enim de tanti herôis innotescente pietate credere nefas esset: habet ergo suas causas, non justificas, sed suassorias, & justitiæ colore fucatas, quas si occasiones dixerimus, potius quam causas, proprius loquemur, & satius. Hæ tamen si adamussim liberi rectique judicii expendantur, licet à Cæsaris Ministris forsan magnificatæ, & exaltatæ citra veritatem, ultra justitiam; insubsistentes sunt, vel tam exilis probabilitatis, & verisimilitudinis, ut si quales sunt, Augustissimo Cæsari præsentarentur; bellum justificare haud possent. Quippe, ut præmisimus, ad bellum in-

fe-

ferendum prætextus, & colores satis non sunt, præcipuè contra justè possidentem; sed ea probabilitas, & verisimilitudo necessaria est, quæ sufficiat, ut affirmetur justitiam exploratam, perspectamque esse, quæ tanta esse debet, ut moralem certitudinem producat: alioquin in omni prudentum sive externo, sive interno tribunali, aggressiorem causa cadere, necesse erit, nec à piaculo injusti belli, & stragis consecrariæ insons pterit diffiniri.

Defendendum equidem suscipimus, Catholico Regi nostro Philippo V. ad universæ Hispaniarum Monarchiæ successionem adfuisse jus nedum quomodolibet probabile, sed longè probabilius, quàm Austriadum aliàs præclarissimæ domui; ut propterea dici debeat certum, perspectum, evidens eo tamen evidentix genere, quod subiecta materia permittit. In moralibus namque stultum esset quærere eam evidentiam, vel certitudinem, quæ reperitur in mathematicis. Etenim ex Arist. 1. Ethicor. cap. 3. indisciplinati hominis est eandem in omnibus certitudinem quærere; debet ergo quivis conquirere, dum certitudinem eam reperit, quam producere nata est materia, de qua disceptatur: æquale quippe vitium est mathematicum, velle persuadentem, & Ethicum demonstrantem. Si quidem in contingentibus ex quavis etiam minima circumstantia hypotesis sic alteratur: *Ut quid cui anteponendum sit, difficilis sæpè est judicatio*, ait Philosoph. 3. Ethic. prælaudato. Cæterum, quando in his materiis
opi-

opinio occurrit notabiliter, & sentibiliter opposita; probabilior, hæc dicenda est absolutè certa, quia habet illum certitudinis gradum, qui in subjecta materia potest obtineri: quando quidem jura opinionem vehementem certitudinem reputant. Gloss. in leg. *irreputanda*. in verb. *certus*. ff. *de acquirend. heredit.* Bald. in leg. *si quis extraneus*. §. *sciendum*. ff. *codem tit.* Ancharan. conf. 354. *visis diligenter*. num. 4. versic. *Et quod vehemens opinio*. favet text. in cap. *veniens. de presbit. non baptizat.* in fine ibi. *Et hæc præsumptio pro certitudine sit habenda*, & in cap. *Afferit. de præsumption.* Ex quibus consequi licet, quod quanvis jus, quod Augustiis. Leopoldus pro hujusmodi successione prætendit, in se spectatum probabile esset; compositum, cum jure, quod Regi nostro Philippo adest, ab omni probabilitate necessariò decideret; quia cum hoc sit juridicè, & legaliter certum, utpotè vehementissimè probabile; quod illud sit legaliter, & juridicè falsum, necesse est, ex dialectica contradictionum lege.

Sed enim instituto nostro proprius accedentes; duplicis generis argumentis nobis utendum erit, aliis offensivis, defensivis aliis; priora positiva sunt, quæ, scilicet, vindicant, & asserunt jura Regi Catholico Philippo adhærentia; posteriora negativa, quia contraria momenta dissipabunt, quibus dissectis, vel uti lux discussa caligine, aut fugatis nubilis, justitia causæ nostræ magis, magisque elucescet. Propterea hanc sectionem in duas partes distribuemus, quarum prima

argumenta nostra exhibebit; altera opposita refutabit. Illud tamen, ut ingenuitati meæ consulere, duxi præmittendum, quod si quid in hac sectione, quæ potius juridica, quam theologica est, curiosus Lector offenderit, ex his quæ Illustriss. & Spectabiliss. D. Seraphinus Biscardus Regens Neapolitanæ Cancellariæ, & Quinquievir Collateralis Consilii eruditissimus, & quàm mea indigeat commendatione, notissimus, vel perillustris Supremi Capuanæ, seu Sanctæ Claræ, ut dicunt, Consilii Auditor, singularissima juris cognitione, & probitate jam diù cunctis commendatus Amatus Danio in suis de hoc subjecto emissis opusculis, si quantitatem molis, justis operibus, si spectemus quantitatem virtutis, ediderunt; sciat me ex illis mutuare non erubuisse, meoque instituto aptasse. Quid enim erubescam extraneæ professioni addictus, per doctissimos in sua arte proficere? Nec crediderim, ex quo eorum scripta publici, & communis juris facta sunt, furti idcirco, aut peculatus justè posse damnari. Hoc autem dissimulare non debebam. Indignum namque duxero, illaudatos præterire, per quos profecerim.



PARSI.

P A R S I.

Fundamenta nostra proponens.

In hac priori Parte, juxta superius præmissa, argumenta positiva pro jure certo Regis Catholici expendenda suscipimus, ut opportunius postea contraria refellamus.

§. I.

Lex fundamentalis Regnorum Castelle, & Legionis controversiæ decisioni præmittitur.

84. **H**ispaniarum successio ex Hispanis legibus pensanda, & diffinienda est. Cum enim sit Hispania sui juris, absolutissima, & independens, ut sect. præcedenti §. 2. satis superque probavimus; non nisi ex patriis legibus causæ disceptari, aut decidi possunt. Porro juris communis seu Cæsarei sanctiones nullam majorem auctoritatem prætendunt, quam prudentissimorum, & Juris consultorum hominum opiniones præferant; nec nisi ut doctrinales decisiones allegari permittuntur; ut ex leg. 1. Taur. manifestum sit: quod multis probat insignis Jurisconsultus Joann. Lup. de Palat. rub. in repetit. rubric. de donat. in-

ter vir. & uxor. num. 16. Id ipsum ex eadem ratione, in Francia observari, ostendit pluribus etiam Carol. Grassal. lib. 1. Regal. Franc. in vii. jure. pag. 94. asserens leges Imperiales in eo Regno non admitti, nisi quatenus rationi innituntur.

85. Idcirco, ut à radice, & fundamento præstitutæ thesi, seu juri succedendi in Hispanam Monarchiam, Catholico Regi Philippo competenti, firmitatem securius, & solidius auspicemur; ab his nationalibus legibus auctoritatem, & patrocinium venabimur, quæ dumtaxat disceptationem legali, & judiciaria potestate dirimere possunt. Quæ sive juri Cæsareo consentiant, sive ab eo dissonent, aut discordent, parum nostra interest. Quia legem habemus, & secundum legem nostram Philippus Rex noster est. Interim dicant, clament Cæsariani nos non habemus Regem nisi Cæsarem. Non enim veremur, nè veniant Romani, & tollant locum nostrum, & gentem. Verumtamen suo quoque loco ostendemus jura nostra patritia, quæ se solis sufficiunt Monarchiam Catholico Philippo asserere, ejusque jura extra alcam ponere; à jure, sive Cæsareo, sive Canonico non exorbitare; quinimò ipsis, & quòd amplius est, juri naturali, & gentium, perpetuo, & amico fœdere cohærere.

86. Gotthorum Reges electionis jure, cessante tyrannide, & intrusione, quæ non semel accidit; ad Regium fuerunt erecti fastigium. Hæc Regni assecutio, ab Athaulpho, qui primus Hispanias sibi per Honorium

norium

noriū Imperatorem concellas, vindicare ab Vandalis, & Svevis (qui nullo alio jure , quàm quod in armis est eas occuparant , & detinebant) & Gotthorum scepro submittere cæpit, usque ad Rodericum , quo pereunte, eorum Imperium ab Arabibus occupatum est ; in usu, & viridi observantia fuit . Id ex Toletanis Conciliis clarius apparet, quàm quod probatione indigeat. Enim verò in Concil. Tolet. 4. Sissenando Rege, coactò , canon. 49. conceptis verbis statuitur . *Nullus apud nos sub præscriptione Regnum arripiat : nullus excitet mutuas seditiones civium : nemo meditetur interitus Regum : sed defuncto in pace Principe, Primates totius gentis cum Sacerdotibus successorum Regni consilio cõmuni constituent ; ut dùm unitatis concordia à nobis retinetur , nullus patriæ, gentisque diffidium per vim, & ambitum moliatur.* Huic canonì coherentia statuta, vel restituta sunt in Tolet. 5. Rege Chintilano, can. 1. cujus ea sunt verba , *Quoniam sunt inconsiderate quorundam mentes , & se minimè capientes, quos nec origo ornat , nec virtus decorat , qui passim licenterque putant ad Regalis Majestatis pervenire fastigia ; hujus rei causa nostra omnium cum invocatione divina proferatur sententia . Ut si quis talia meditatus fuerit, quem nec electio omnium præfecit , nec Gotthica gentis nobilitas ad hunc apicem trahit sit consortio Catholicorum privatus .* Sed quia impotens adhuc aliquorum imperandi libido contra jus, & fas Regnum violenter, & tyrannicè occuparat, priori lege minimè ob-

ob-

obstantes; quasi hac potteriori satis consultum, non esset electionis libertati, eam in 6. Concil. sub eodem Rege celebrato, denuò inculcare duxerunt. *Rege defuncto* (statuunt Patres) *nullus tyrannica præsumptione Regnum assumat, nullus sub Religionis habitu detentus, aut turpiter decalvatus, aut servilem originem trahens, vel extranea gentis homo, nisi genere Gotibus, eorum moribus dignus, provehatur ad apicem Regni.*

87. Hæc cum clarissima sint, nec aliquatenus eludi possint, testimonia, non possum non mirari vehementer doctissimum virum paulò ante prælaudatum Joann. Lupuin de Palat. rub. de obtentione Regni Navarra §. 10. p. 6. dubitare potuisse, an in Regno Gothorum successio jure sanguinis, aut genituræ, vel potius jure electionis deferretur? Idque incertum, & sub judice esse, asseruisse. Fortè deceptus est vir tantus exemplis Recaredi, qui successus est Leuvigildo, Liubæ, qui successit Recaredo, Flavi; Recesvinthi, qui subrogatus fuit Chindasvintho, Vvitizzæ, qui Egicani successit, filii scilicet majores natu, genitoribus. Sed enim hæc exempla solum suadent, aliquando filios parentibus successisse, non sanguinis quidem jure, sed genitorum providentia; qui ut in eos sceptrum infallibili sequela transiret, adhuc superstites, electorum accedente approbatione, & consensu, Regni consortes participes vè fecerunt; ut Romani Imperatores, milite consentiente, & approbante Senatu, vel Augustos, & Imperii socios cooptabant, vel declarabant Cæsares, quibus

bus post eorum obitum Respublica concedita ipso jure erat. Nec propterea quod plures filii genitoribus suffecti sint; Imperium jure sanguinis ipsis obvenit; licet non negemus in ultima, & jam de veta Imperii ætate, vel amorem à Principibus sup. generi conciliatum, ut planè accidit Magni Theodosii soboli: vel imperantium altum, illud pene hæreditarium reddidisse ob diutinam in eadem domo sceptri perseverantiam. At nec hoc satis est, ut absolute affirmetur hæreditarium, aut jure sanguinis successibile fuisse. Sceptrum enim Poloniæ quoadusque omnino extincta est familia Sigismundi, in ea conservatum est, iterata semper electione in posteros ob egregia Sigismundi merita, nec propterea Successores illud sanguini arrogare unquam ausi sunt.

88. Id ipsum Gotthicæ accidisse Genti, quæ reliqua nunc sunt illius temporis monumenta pervium reddunt. Ex illis namque deprehendimus Leuvigildum filium Recaredum Regni participem obtinuisse; Chindasvinthum, Recesvinthum; Egicanem Vvitizzam. Pariter Recaredo suffectum fuisse Procerum suffragis Liubam primogenitum, sed quia dulcissima Recaredi memoria, religione, & justitia subornati electores in, filii, genitori simillimi, exaltationem conspirarunt. Nec dissimile quid accidit Recaredo II. cui Sisebuti religiosissimi Principis egregia bello, & pace facinora electorum animos sollicitarunt, quò ad thronum post patris discessum exheretur. Quinimo in ipsis exemplis

op-

oppositum translucet, si diligenter expendantur. Nam Liubæ Recaredi primogenito, non successit immediate Svinthila secundogenitus, sed Vvitericus Regni invasor; Vviterico Gundemarus, Vviterici interfector. At cum hi arrepta tyrannide regnaverint, nec jus electionis, magis quàm sanguinis probant; bene tamen electio probatur, & successio linealis exploditur ex eo, quod Gundemaro defuncto, libera electione, successus fuerit Sisebutus, & Sisebuto Recaredus II. Svinthilane præterito; qui tandem Recaredo huic postremo, post varias fortunas, subrogatus est. Similiter Receluintho non successit Theodofredus secundogenitus; sed Vvamba volens nolens Rex renuntiatus fuit, teste Toletano in suo Chronio. Vvambæ tandem, præterito iterum Theodofredo, successit Hervigius, à quo usque ad Rodericum Chindasuinthi nepotem sceptrum à domo veteris Recaredi exulavit.

89 Sed cò magis miror virum utriusque juris, & Hispaniarum legum cum primis scientissimum hoc potuisse in dubium revocare; quò evidens est, id constare ex prisceis Góthorum legibus, quæ etiam nunc in ea collectione, quam forum judicum dicunt, seu vernacula lingua, *fuero iuxgo* perseverant. Siquidem in præmio leg. 1. habetur. *En esta ley dicen, como debense feer los Principes, y que las cosas, que ellos ganan deben fincar al Reyno.* Et in leg. 2. ejusdem præmio, luculentius adhuc eadem electio diffinitur. *Doncas establecemos, que de aqui adelante los Reyes*
deben

deben ser effeidos en la Cibdad de Roma, o en aquel lugar donde murio el otro Rey con consejo de los Obispos, y de los Ricos homes de la Corte, y del Pueblo, y no debe ser effeido de fuera de la Cibdad, ni de consejo de pocos, ni de Villanos de el Pueblo. Et quamvis eruditissimo viro D. Ludovico Molina suo celebri opere de Primogen. verbum illud. *En la Cibdad de Roma.* Negotium facessat; exiltimetque in annotationibus, quas operi eidem in calce subjunxit, annot. 1. ad cap. 2. lib. 1. nu. 11. mendum ibi irrepsisse, castigandumque esse, seu restituendum locum, ut pro. *En la Cibdad de Roma.* legatur. *En la Cibdad Regia.* prout, ipso teste, in latinis exemplaribus legitur. *Quod* (inquit) *manifestum est codicis mendum, tamen si id in omnibus libris hispanis verbis scriptis semper hoc pacto appositum sit: cum non in Urbe Roma, sed in Urbe Regia sit legendum, prout in libris latino sermone conscriptis legi solitum est.* Aliis tamen, qui Gotthorum ritus, moresque penitus introspectere, retinendum esse verbum placet. Gotthi enim tam æmuli Romani Imperii fuerunt, quàm à nobis in superioribus expositum est. Unde sicut in aliis pluribus, quæ inibi adnotavimus, Casares æmulari contenderunt, non mirandum si Regiam Urbem Toletum Imperii caput, hoc nomine adornare gestierint, prout Magnus Constantinus Bizantinam Regiam à se instauratam, ad quam sedem transtulit, jam à proprio nomine Constantinopolim, jam à Sede Imperii Romam dixit: ut nulli non obvium est. La-

tini Interpretes sic latinè legerunt : fateor . Sed potuit inde evenire , quod sensum solummodò attendentes traduxerint , & claritatis ergo Urbem Regiam dixerint ; ne ignorantibus posset ex primitiva lectione subnasci æquivocum ; mihi enim citra dubium est , non vulgaria ex latino , sed latina ex vulgari codice transumpta , exemplata fuisse ; cum hic vetustior , & usitator sit .

90. Utut autem Gotthi ad regium apicem fuerint exaltati ; extra controversiam tamen est , quod , extincto eorum florentissimo Imperio , emergenteq; ex ejus ruderibus , vel ruinis : ac ex Ausævæ latebris Regno Asturum erumpente sub Pelagio , primo post devastationem illam Hispano Rege ; ejus successores non amplius electivis calculis , sed jure lineali subintrarunt . Hec successionis formula eruitur ex lege fundamentalis illius novi , seu verius consurrecturi Regni præludii , quam antiquissimus juxtaque fidiissimus Hispanicarum rerum Scriptor Reverendiss. Lucas Tudenlis Episcopus , in Historia Pelagii his ipsis verbis descripsit . *Postremò etiam Gotthi ejus legibus se adstrinxerunt , pro lege perpetua statuentes , ut eorum Regis filius primogenitus , vel major , si deest primus , si pater fuerit Catholicus , cujuscumque vel minima sit etas , substituitur in Regnum . Si autem deest filius masculus , filia ejus , ordine prædicto , assumatur in Dominam : ex illa Magnatorum Gotthorum providentia de nobilioribus Gotthis accipiat virum , de quo regalis posteritas conservetur .*

91. Hæc

91. Hæc lex plura suggerit subsidia causæ nostræ mirum in modum faventia. Primò enim ex ea haurimus, systema successionis Gotthorum immutatum esse ex pacto, & conventione à Proceribus, qui ex clade Gotthorum superfuere, ista cum novo Rege Pelagio, ejus strenuo ducatu pristinam libertatem utcumque libare cæperunt: perpetuoque fêdere illius descendentibus sceptrum fuisse adjudicatum in primæva ipsa renascentis Monarchiæ constitutione. ibi. *pro lege perpetua statuentes, ut eorum Regis filius primogenitus; vel secundus, si deest primus: substituitur in Regnum.* Secundò: in vocatione ad successionem prædictam prius esse attendendam lineam. ibi. *ut eorum Regis filius primogenitus.* Ex quibus manifestè deducitur Regem quærendum esse in linea Regis demortui, quod si hic improlis obierit, in linea prædecessoris; postea, sexum, nam primo vocat filios masculos, subinde fæminas. ibi. *Si autè deest filius masculus, filia ejus, &c.* Tertiò tam inter masculos, quàm inter fæminas ad invicem, ætatis prærogativam. ibidem. *Filius primogenitus: vel secundus, si deest primus.* & ibi. *Si autem deest filius masculus, filia ejus, ordine prædicto, assumatur in Dominam.* Quartò gradus proximioritatem, siquidem vocat filios, & filias, quin ex sexus conditione transitum fecerit ad remotiores cognatos. Unde ex vi dictæ legis fæminæ descendentes sunt præferendæ masculis transversalibus: & ex eisdem verbis manifestissimè constat Regnum hujusmodi non esse.

agnaticum, & virile, sed cognaticum, in quo se ninae, deficientibus masculis ejusdem lineae, & gradus, sufficere debeant. Insuper deducitur Regis descendentes minimè vocari ad successionem jure hæreditario, sed ex legis providentia, aut pacto, quod colligitur tam ex prioribus verbis. *pro lege perpetua statuentes*, quàm ex illis, quibus successio explicatur *substituatur in Regnum: assumatur in Dominam*. quæ propriè significant successionem competentem ex pacto, vel providentia legis. Ulterius: inferitur paciscentes se se eò usque obstrinxisse lineæ, & gradui præmemoratis, ut nec etià pro casu, quo successor minus esset habilis ob ætatis defectum ad Regni habenas moderandas, sibi reservaverint alterum substituendi facultatem. *ibi. Cujuscumque, vel minima sit ætatis*. Demum, ut constet quanto jure Hispanis Monarchis hujus instauratæ lineæ respondeat epitheton Regum Catholicorum, in eo solum eventu potestatem invertendi prædictam seriem sibi Proceres paciscentes retinuerunt, quo pater Regis assumendi à vera, & Catholica Religione defecisset. *ibi. Si pater fuerit Catholicus*. Quæ sanè conditio, si Encomiastem ageremus, copiosam laudum segetem ministraret.

92. Ex quibus manifestissimè resultat vocatio ad successionem Catholici Regis nostri Philippi, exclusioque Augustissimi Cæsaris, & ejus Serenissimæ Prolis. Quando quidem Rex ipse Catholicus reperitur in linea descendenti Philippi IV. quæ attendenda est,

est, tanquam linea ultimi Regis prolifici, nam Carolus ejus filius sobolem non reliquit. At Augustissimus Cæsar in linea solum Philippi III. quæ cum adhuc vi-geat lineâ IV. non venit consideranda. Rex Catholicus descendit ex filia natu majore ipsius Philippi IV. unde etiam si proles Serenissimæ Infantis Margaritæ, quæ nupsit Augustissimo Leopoldo, superstes esset; excludenda foret, tanquam procedens à filia natu minore, siquidem inter masculos, & fēminas ad invicem præfertur per legem ætatis prærogativa: multoque magis excluditur Augustissimus ipse: qui transversalis est respectu prædicti Regis Philippi; transversales vero ex vi hujus legis non attenduntur, nisi extincta omni prole sive mascula, sive fēminea ultimi Regis, ut ex ea patet. Nec Cæsaris agnatio aliquid juvat; nam omisso, quod agnatio hujusmodi, quando considerationem admitteret, deberet referri ad primum Regem; non ad posteriores, qui non nisi cognatione ipsum pertinent, ut Cæsari accidit; perspicuum est; quod lex ista fundamentalis non consideravit agnationis jura; siquidem disertis verbis præfert fēminas existentes in linea descendenti ultimi Regis secundæ remotioribus agnatis, ut ibi observavimus, verba legis expedientes.

§. II.

Hujus primæva legis existentia invictæ propugnatur: & lex pariter expenditur:

93. **A**T, ne huic ædificio instabile, aut vacillans fundamentum subtruxisse videamur; hujus legis existentiam à nonnullius scrupuloso judicio asserere, & vindicare operæ pretium duximus. Enim verò D. D. Ludovicus de Molin. de ejus fide dubitavit duplici de causa. Primò, quia inter tot, tantosque rerum Hispanicarum Scriptores hujus notabilis certè legis unus meminerit Luc. Tudenf. apud alios verò sive antiquiores, sive cœvos, sive inferiores Historicos de ea prorsus nihil habemus. Secundò, quia nec totus ipse Tudenfis, ut ita loquar, hujus fundamentalis statuti mentionem fecit, cum in pluribus venerandæ antiquitatis prædicti Authoris exemplaribus altum sit de ea lege silentium: quod postquam plura pervolvere contigit, testatus est ante laudatus Molin: de Primogen. lib. 1. cap. 2. num. 13. his verbis. *Nos tamen apud hunc rerum Hispanicarum Scriptorem in uno, atque altero veneranda vetustatis exemplaribus, quæ nobis videre contigit, nihil tale unquam scriptum reperimus, nec alicubi invenire potuimus; quod nobis non modicam admirationem præstitit.*

94. Sed hæc talia, aut tanta non sunt, quæ sufficiant

ciant præfatæ legis existentiam, & Tudensis fidem evertere. Quamvis namque verum admittamus, pro-ut verum re ipsa est, alios Hispanos Historiographos ejus nusquam meminisse; non propterea statim deducere licet, falsam, supposititiamve esse, quia argumentum merè negativum est, & in his materiis nihil probans. Frequens enim historicis est, seipso sup-
plere, ut quod unus omisit, alius enarret, absque ulla repugnantia specie, vel umbra; quia nullus tam exacto calamo res omnes edisseruit, ut ipsi plura addenda nõ supersint, in quod posteriores ævo, ne actum agere crederentur, potissimè incubuerunt. Id ex sacra Historia Evangelica, quæ indubitabilis est veritatis, experimento comprobatur. Plura enim Lucas refert, quæ Matthæus omisit, & plurima Joannes, de quibus apud Lucam, vel Matthæum nec verbum quidem invenies. Quid inde? falsi id circo arguendi? absit. Sed ex omnibus integra Historia resultat. Omnes veraces sunt; sed non omnia omnes enarrarunt: posteriores priorum silentium supplere, & in eo maxime adlaborarunt, ut quæ ab illis missa facta sunt; hi ex professo, vel instituto, quia sic temporum conditio exigebat, mundo propalarent. Accedit, quod Hispani Scriptores, qui Tudensi præjerunt potius anacephalæosm, quam historiam rerum contexuerunt, & potius, quæ ad militaria, quibus Principes assidui insistebant, quàm, quæ ad civilia instituta conducebant. Unde non mirandum si legem præterierint.

95. Cæterum hujus Reverendissimi antiquarii fides tanti est apud veteres, vel recentiores rerum nostrarum tractatores, ut citra insignem injuriam de ejus autoritate dubitari nequeat. De quo, ac de Roderico Toletano Alphonsus Garfilla Matamoros, vir in judicandis doctorum hominum monumentis acerrimi & emuncti criterii, in suo opere de Academ. & doct. Hispan. viris, hoc protulit testimonium, scilicet, *quod non ad voluptatem aurium, sed ad memoriam, & judicium posteritatis scripserint; quàm à delitiis longè, tam ab ineptiis, & mendacio procul abfuisse.*

96. Nec inficias ire audemus, quod prædicta lex non in omnibus Tudenfis codicibus reperitur. Sed quid refert? hanc injuriam identidem veteres Scriptores à suis interpretibus passi sunt, qui aut oscitantia, aut incuria corruptos, & mutilatos posteris reddiderunt, quem scopulum ex eis transcribentes vitare non poterant. Hanc jacturam subiisse cum primis operæ hujus insignis Scriptoris dolebat Joan. Valæ. in suo Chronic. cap. 4. Qui cum Tudensem dixisset. *Authorem pro illo seculo non poenitendum*, statim subjungit, *sed vel temporum, vel Scriptorum vitio ita depravatum, ut non facile queat à quovis intelligi.*

97. Quamquam autem prælaudatus D. Ludovicus Molina asseruerit, de cujus asserto nullus dubito, se in duobus illis, quæ consuluit Tudenfis exemplaribus, legem istam offendere non potuisse; tamen certissimum est in pluribus reperiri. Imo ipse Molina

in.

ingenue profitetur in annotationibus, quas operi suo subjunxit, quod, cum hoc super dubio consulisset Illustriss. & Reverendiss. Dominum D. Didacum de Covarrub. qui Supremo Castellæ Senatui præsidebat; in ejus instructissima Bibliotheca reperit vetustum codicem continentem assertam legem totidem quot à nobis enuntiata est verbis. Proferam illius testimoniū.

Demum autem cum de hac re cum Illustriss. D. Didaco de Covarrubias Regis Senatus Præsidi agerem: exemplar ejusdem Authoris vetustum etiam mihi ostendit, in quo præfatam legem conditam fuisse legebatur: & lex ipsa hisce verbis apposita erat. Ecce contra duos codices, in quibus Molina hanc legem non invenit, producimus duos alios testes, in quibus illa eisdem concepta verbis invenitur, scilicet illum, à quo excepit Palat. rub. & hunc, quem Covarrub. pænes se habebat. Unde cum facilius sit transcribentibus præterire, quam adjungere, & hoc fide dignius sit, quia ad omittendum sufficit oscitantia, aut negligentia, ad addendum verò requiritur malitia, quæ non præsumitur: probabilius est legem illam verè repertam fuisse in hujus Scriptoris authographo, quam quod vitio alicujus ejus transumpto irrepsit. Sed & eandem legem eisdemque verbis transcriptam assert dissertissimus vir D. Christophorus de Paz Salmanticensis Jurisconsultus de tenut. tract. 2. cap. 85. num. 62. de quo dubitari nequit quin ex limpido fonte eam ebiberit, & P. Ludovic. Molin. de just. disp. 576. cum aliis.

Q

98. Ha.

98. Hactenus conjecturis solum, sed verosimillimis, præfatæ legis existentiam tuiti sumus; sed modo producemus in idem argumentum motivum insuperabile. Id ministrat lex. 2. titul. 15. partit. 2. quæ de Regni successione agit. Etenim in ea asseritur. *Los omes sabios, e entendidos catando el prò comunal de todos, e conociendo, que particien non se podia facer en los Reynos, que destruidos non fuiss. n. segun Nuestro Señor Iesu Christo dijo, que todo Reyno partido seria estragado; tubieron por derecho, que el Señorío del Reyno no lo oviesse sino el fijo maior despues de la muerte de su padre; y esto usaron siempre en todas las tierras del Mundo, doquier, que el Señorío ovieron por linage, maormente en España: e por escusar muchos males, que acaecieron, e podrian aun ser fechos, pusieron, que el Señorío del Reyno heredassen siempre aquellos, que viniessen por linea derecha, e por ende establecieron, que si fijo varon no oviesse la fija maior heredasse el Reyno, y aun mandaron, que si el fijo maior muriesse ante que heredasse, si dejasse fijo, o, ò fija, que oviesse de su muger legitima, que aquel, o aquella lo oviesse, e no otro alguno; pero si todos estos falleciesen; debe heredar el Reyno el mas propinquo pariente que oviesse, siendo ome para ello.* Hac quidem lege, ut ex ejus contextura satis manifestè apparet, successionis formula non nova stabilitur, sed à primis illis Hispani Imperii Fundatoribus constituta narratur, ut constat ex illis iteratis verbis. *Tubieron por derecho: pusieron; establecieron, y*
aun

aun mandaron, quæ antiquam huius legis promulgationem denotant. Cum ergò in substantia idem ipsum hæc lex afferat, quod illa à Tudenfi narrata, nisi quod hæc expressius, & dilucidius; illa preffius; & simplicius loquatur; in utraque enim successio defertur primogenito, & deficientibus masculis, feminae existentes in linea descendenti ultimi Regis sufficiuntur, hoc enim sonat illud, *aqueellos que uniesen por linea derecha, e por ende establiecieron, que si si, o varon no oviesse la fya maior beredasse el Reyno*: quasi dixisset: eate nus præferenda est linea descendens ultimi Regis, ut licet masculi in ea non sint, si feminae in ea supersint, non sit successio ad masculos collaterales recurvanda, sed femina illius lineæ ætate potior ad regium fastigiû evehenda sit; & quod in ista statuitur, antiquitus, & à Regni natalibus statutum asseratur; procul dubio lex illa, quæ apud Tudensem legitur, verè subsistit, sive verè, sive falso in suis operibus intromissa sit. Quod eò magis certum videtur, quo in ista partitarum lege asseveratur, hunc successionis ordinem apud Hispanos in usu perpetuo fuisse. ibi. *Y esto usaron siempre en todas las tierras del mundo doquier que el Señorio ovieron por linage, maiormente en España.*

99. Sed est, quod magis admiremur. Nimirum, ipse Molina hæc omnia agnovit, & nihilo secius scrupulum non deposuit: nam in annotatione prælaudatâ num. 3. & 4. concludit. *Sed si quis ex ultimi illius codicis, vel similium fide, atque præstantissimi viri de*

Palat. rub. relatione, & Regnorum Castellæ inviolata consuetudine, legis illius fidem adhuc probabilem esse contenderit, ex eo facile deducere poterit, leg. 2. tit. 15. part. 2. ubi de Regni Castellæ successione agitur, ex ea lege Gottthorum antiquissima originem duxisse. Demus enim, quod verba illa Tudenſi irrepperint; nullamque ex ejus autoritate sibi legem illam fidem vindicare. Quid interest? hanc legem statutam in Regni fundatione satis innuit lex illa partitarum: satis probat inviolata Regni Castellæ consuetudo: sive ergo scripto, sive consuetudinario jure, vel traditione, ad posterum devenerit; ejus existentia infallibilis est. Si ergo hic doctissimus Author agnoscit utrumque quomodo possit de ejus existentia dubitare, nescimus; licet enim eam prout in Tudenſi admittere recuset, ut redivivam in leg. illa partit. inficiari non potest.

100. Sive ergo lex illa apud Tudenſem verè sit, sive non; ex hac posteriori, & infallibili partitarum lege (sunt namque partitæ veluti juris communis Hispani pandectæ) constat, à primordiis hujus Regni jus fuisse, ex quo successio deberet regulari per omnia concors iis, quæ Tudenſis dixit, vel dixisse supponitur; & eo jure, Regnum generi Regio Pelagii fuisse adscriptum, ut ex illo. *Y esto usaron siempre en todas las tierras del Mundo, doquier que el Señorío ovieron por linage, maiormente en España.* Quæ verba nedum probât Regnum Castellæ, vel Legionis lineaticum esse, ut ferè omnia orbis Regna;

gna; verum etiam id ex uniformi omnium Hispaniæ Regnorum lege, vel inveterata consuetudine omnibus Hispaniæ Regnis maximè cōvenire. ibi. *maïormëte en España*. Rursus habemus, in successione præferendam esse lineam descendantē ultimi Regis. ibi. *El fixo maior despues de la muerte de su padre, & ibi. aquellos, que viniessen por linea derecha* cum sequentibus. Tertiò, præferendum esse sexum intra eandem lineam, ibi. *Eporende establecieron, que si fijo varon no oviesse; la fja maior beredasse el Reyno*. Quartò, lineam descendantem tantopere esse attendendam, ut filii vel nepotes ejus, qui succedere debebat, licet pater præmortuus sit successioni, ejus locum subeant, ut masculis, vel fëminis illius superstitibus, non sit regressus etiam ad filios secundogenitos ultimi Regis, ut ex illis. *T aun mandaron, que si el fijo maior muriesse antequae beredasse, si dejasse fja, o fja* cum aliis, quæ sequuntur. Tandem, post extinctionem lineæ ultimi Regis, vel ejus primogeniti modo enuntiato, transitum fieri ad collaterales, eodem ordine servato, ut ex illis verbis apparet. *Pero si todos estos falleciesen*, cum sequentibus; ubi observandum superest, in successione collateralium subesse Reipublicæ examini, an habiles sint ad Regni gerenda gubernacula, ut patet ex ultimis illis verbis. *Siendo ome para ello.*

101. Ex his constat, Catholicum Regem nostrū Philippum privativè ad Augustissimum Cæsarem, & ejus Serenissimam prolem, successorem esse eundem, quem

quem lex fundamentalis Regni, sive ut apud Tudesem reperitur, sive prout in hac partitarum lege describitur, in quo nulla substantialis differentia animadvertitur; ad successionem in nostra specie destinat, vocat, invitat. Quandoquidem ejus Serenissima Avia paterna in eadem erat linea Philippi IV. utpotè ejus filia, cum Catholico Rege Carolo II., qui ut masculus in Regnum successit, post Patris decelsum, vi dictæ legis. *El fijo maior despues de la muerte de su padre.* Caroloque sine prole obeunte, cum nullus ex eadem linea superesset præter prolem Serenissimæ ejusdem, Caroli majoris sororis, sicut Regnum ad eam, si supervixisset, deferendum esset, ex vi illius clausulæ. *Eporende establecieron, que si fijo varon no oviesse, la fija maior heredasse el Reyno.* Sic licet Carolo præmorta sit, ejus soboli deferatur necesse est, quæ ejus locum subijt ex vi illius clausulæ. *T aun mandaron, que si el fijo maior muriesse antes que heredasse, &c.* quæ non minus de filio masculo, quàm femina verificari, constat tum ex eo, quod inter masculos, & feminas ejusdem lineæ, & gradus, solum excipit lex sexus prærogativam, de cætero eos in omnibus æquiparat; tum etiam, quia semper lex quærit lineam rectam descendantem, à primogenito in primogenitum propagatam, quod ut observetur, eandem opus est concedere subitionem descendantibus ex feminis, quam obtinent descendentes ex masculis, ut patet ex illis verbis, *Pusieron, que el Señorío del Reyno, &c.* tum deniquè, quia ad præsentem

suc.

successionem si quis alius concurrere potest, sicut concurrat Augustissimus Cæsar, eadem subintratione in locum feminae opus habet, cum & ipse, nullum prætendat jus, nisi ut filius Serenissimæ Infantis Imperatricis Mariæ, filia Philippi III. atque adeo eam impugnare nequit. Augustissimus verò Cæsar cum respectu hujus lineæ transversalis sit, nisi ea prorsus extincta, ad successionem aspirare non valet, ex vi ultimæ dictæ legis clausulæ. *Pero si todos estos falleciesen*, cum reliquis. Quem casus eventum hactenus Deus noluit, & quod deinceps perpetuò nolit, pia fiducia speramus.

§. III.

*Perpetua hujus legis observantia exhibetur: e-
vera incompatibilitatis prima radix
manifestatur.*

102. **P**Ræstitutam succedendi formam, nedùm à primis vagientis adhuc Monarchiæ nostræ cunabulis, conventam, & statutam esse, utraque laudata lex asseverat; sed & continua, ac nunquam interrupta praxi religiosè observatam, illa ultimo loco exscripta, & expensa partitarum constitutio testatur. ibi. *Mayormente en España*. Et quia hujusmodi observantia satis luculenter probat primò jactæ legis existentiam, sive scripto, sive viva voce lata fuerit, quod parum refert; idcirco hanc succedendi praxim fulius demonstrare

aggredimur : ex ea sperantes , posse evincere , nullum dubitandi locum relinquendū esse ; cum non minus fundamentalis legis vices subeat ea consuetudo , quæ Regno coæva est , & ejus durationem æmulatur ; quam constitutio scripta , & expressè rogata : ut nulli non obvium est .

103 Igitur hanc succedendi formulam ex primordiis Regni descendere , & cessante tyrannide , sub qua leges filere compelluntur , perpetuo viguisse , historias percurrendo palàm fit . Nam ex ipsis constat , Pelagio primo instaurati Regni Principi , & moderatori successisse in Regno Favilam unicum ejus masculum . Favilæ immaturo , & acerbo fato prærepto , successit soror Ormesinda nupta Alphonso Cantabriæ Ducis filio , ex genere glorioso Recaredi ; ut attestatur Alphonfus II. cognomine Castus , ejus nepos , in privilegio concessio Lucensi Urbi anno Christi 832. & tradunt Rodericus Sanctius , Alphonfus de Carthag. Joann. Marian. Roderic. Toletan. Francisc. Tarraph. Joann. Vassæus , quos laudat , & amplectitur D. Didac. de Saabedra in Corona Gotthic. cap. 30. Ecce in primi Regis sobole priores legum clausulæ exactè adimpletæ . Ipsi enim successit filius , sexus gaudens prærogativa , & filio defuncto soror ; nec successio a linea descendenti primi Principis ob femineam conditionem ad transversales deflexit . Quin , & in hac prima femina hærede locum suum habuit providentia ea , & cautela , quam juxta legem illam , prout à Tudensi

re-

refertur; primi Regni institutores adhibuerunt; quod scilicet, de nobilioribus Gotthis acciperet Virum, de quo Regia posteritas conservaretur, prout ex nuper dictis manifestum est.

104. Ormesindæ successit Froilanus primogenitus: cui violenter sublato, tyrannica intrusione, & violentia suffectus est fratricida Aurelius. Aurelio, Adosinda soror jugata Siloni Regii sanguinis Principi; & licet hæc successio videatur à legibus desciscere, cum superstes esset Alphonfus Castus filius Froilani, & Veremundus filius Bimarani eorundem Froilani, & Aurelii germani fratris tertio geniti; Hoc tamen idcirco factum crediderim, quia Alphonfus ne in patruus manus incideret, diu latuit: unde Adosinda potius vicarium, quam proprium Regnum gessit; cujus argumentum est, quod adhuc vivens in Alphonsum sceptrum transtulerit. Successit ergo Adosindæ Alphonfus Castus ejus ex majori fratre nepos: qui per Maurecatum, arrepta tyrannide, pulsus est; qui postquam aliquandiu injustè, & impiè Regnum gessit; Alphoso post mortem adhuc infensus, vocavit eadem violentia ad successionem Veremundum primum filium Bimarani detonsum, & agente Aurelio, ad Diaconatum promotum, ne Regnum affectaret. Sed hic conscientie stimulis agitatus legitimum Regem Alphonsum restituit, propriæ oblitus prolis, quam ex matrimonio contracto post Diaconatum susceperat: fortè, quia ad ordinem coactus ascendisset, continen-

R

tia

tia lege se existimavit solutum. Sed Alphonſus, cum sine liberis obiisset, Ranemirum Veremundi patruelis ex Regis filium successorem declaravit, tanquam sibi & linea, & gradu conjunctiorem.

105. A Ranemiro ad Veremundum III. eodem ordine à patre in filium primogenitum, vel majorem natu, successio continuata est, & si aliquando inversa series est; non juribus, sed armis adjudicantibus, accidit: at violentia cessante, nec jota unum, vel unum, apicem posteri Reges præterierunt à lege. Veremundo III. prælio interfecto, successa est Sanctia soror, Ferdinando Magno, seu primo, primo itidem, ex Comite Castellæ Regi, copulata. Ferdinando, & Sanctiæ, tripartita successione, tres filii Sanctius, Alphonſus, & Garſſias successi fuere, sed Garſſia per Sanctium exauthorato, Alphonſo fugato, integrum Regnum Sanctius comparavit, non tam ut possideret, quam ut Alphonſo expulso individuum adveniret. Siquidem paulo post, dum Zamoram obsideret, lancea confossus interiit, & Alphonſus VI. restitutus paterna, maternaque Regna sine diminutione accepit. Alphonſo VI. sine masculis excedenti, successit Urraca primogenita, Raimundo Burgundo ex Capetana Familia (non Raimundo Berengario Barcinonens. ut perperam scripsit Arnif. de Jure Majest. tom. 1. lib: 2. cap. 2. sect. 1 2. n. 8.) justo fœdere nupta. Ab Urraca, & Raymundo processit Alphonſ. VII. (aliis VIII. qui computandum existimant Alphonsum Aragonium posteriorem Urracæ

vi-

virum) cujus virilem lineam usque ad Reges Catholicos propagatam esse, indubium est.

106. Sed priusquam hinc discedamus, non abs re me facturum autumo, si super legem illam, cujus existentiam contendimus, modò reflectamus. In ea namque ut à Tudensi Episcopo exaratur, ea ingentis momenti clausula continetur, scilicet. Quod si ad feminam Regii stipitis successio deferenda sit, masculis non extantibus in eadem linea, & gradu; illi Procerum providentia associetur vir ex nobilioribus Gothis, de quo Regalis posteritas conservetur. Qui ergo fieri potuit, ut Urracæ Soboli non ex Gottho Principe susceptæ; sed ex extero, qualis erat Raimundus, primus ejus maritus, successio in legis contemptum deferretur? Huic profectò difficultati non plenè faciet satis si quis dicat, Gotthos legem illam condentes eò respexisse, nè filia successura imparem Sponsum, suo indulgens genio, deligeret, de quo Regia posteritas non justo splendore conservaretur. Nam si hic fuisset legis finis, electionem Sponsi ad Gotthicum sanguinem non coarctassent; posset enim ex Regnis finitimis Sponsus prorsus æqualis tam genere, quàm majestate, ipsi provideri. Cum ergo nec in Urraca, nec etiam in Joanna Aragonia Ferdinandi Catholici filia hæc cautela fuerit considerata; quid sibi illa providentia velit, vel quid hæc clausula operetur, discussione satis dignum puto. Interim, dum alii solidius, subtiliusque rem edisserant; quid ipse opiner ingenuè proferam, eò

libentius, quò in subjectæ controversiæ scopum colligare animadverto.

107. Igitur priscis illis Gotthis in novæ hujus Monarchiæ constitutionem confluentibus, duo maxime præ oculis obversabantur; scilicet Monarchiæ, cui præludebant, perpetuitas in posteris Pelagii; & Gothicæ Gentis gloriæ, & nominis sub proprio, & infuso Rege, tanquàm sub indigete numine perennitas. Ad primum quod attinet, non multum referret, sive femina successura virum ex Gotthis Proceribus acciperet, sive exterum Principem, semper enim ejus posteritas, Pelagii posteritas foret. Sed quod attinet ad secundum, multum refert. Nam si femina extero Regi nuberet; Regnum hoc in aliam familiam migraret, habentem diversam nomenclaturam, stemmata representationem; & ut Provincia alteri Regno accederet, proprio nomine, propriis stemmatibus, propria representatione Gotthici Imperii post positis, aut oblitteratis; Regia posteritas non foret patritia; Regia transferretur, Regesque ipsi extra Hispaniam versarentur. Quæ omnia jam tunc, cum Regnum infans erat, Gotthi perhorruerunt. Ne igitur per feminam Regnum confundi, nomen Gotthici Imperii oblitterari, Regiam posteritatem exulare, Regiam, & thronum aberruncari ab Hispania contingere unquàm posset; satius duxerunt, eam Gotthico Nobili copulare, quàm externo Principi conjungere. Et quidem optimo consilio. Quia familia, nomen, representatio per feminam alteri

teri

teri familiæ, nomini, aut repræsentationi supposita, vulgari sensu dicitur extincta. Unde femina dicitur à Surd. decis. 9. num. 6. finis unius familiæ, & principium alterius; consentit Stephan. Grat. discept. forens. cap. 530. num. 19. atque adeò femina Rex, alteri Regi nupta foret finis unius Regni, & alterius principium. Nam ut perbellè Euripides.

Mulier egressa paternis ædibus

Non amplius est parentis, sed conjugis :

Masculum verò genus perpetuò manet in ædibus

Deorum paternorū, & sepulchrorum limitē honorat.

Hæc & plura alia ad præsens institutum opportuna; affert Stobæus serm. 75. hacque ratione introducta; esse à Republica Primogenia, quorum successione masculi foeminis præferantur, utpotè in quibus domus, familia, nomen, status perfectè conservantur, & prætenduntur, tradit Tiraquell. in tract. de Primogen. quæst. 10. & seq. & consonat his, quæ dicuntur in leg. pronuntiatio. §. familiæ. ff. de verb. significat. leg. Jurisconsultus. ff. de gradib. in princ. & §. 1. Instit. de legitim. agnat. success. scilicet, per foeminas potius familias extinguere, quàm conservari.

108. Quamquam enim non negemus, familiam, posteritatem, Regnum per foeminas, & ex eis descendentes utcumque conservari: cum familia, domus, posteritas in lata quadam significatione non solum agnatos, sed & cognatos complectatur: leg. cum pater. §. cum inter. & §. libertis. ff. de legat. 2. leg. final. C. de verb.

bor.

*bor. significat. leg. cum ita legatur. §. in fideicommiss. ff. eodem tit. Socin. consil. 43. num. 10. lib. 3. Dec. consil. 481. num. 11. Alciat. in leg. pronuntiatio. §. familia. verb. agnatorum. ff. de verbor. significat. Tamen lex nostra aliquid aliud intendit, scilicet, quod sic familia, Regiaque posteritas conservetur; ut nunquam, Regnum, Regiavè Familia, prout Regnum gerit, & repræsentat, alteri familiæ, nomini, aut Regno postponatur; sed solitariè perseveret; vel non ita uniatur, ut confundatur Regnum, Regia posteritas ab Hispania peregrinet, & Regia Sedes cum ea aliò transferatur; Sed in unione semper primas partes hoc Regnum sortiatur; vel unio nullatenus fiat. Ea propter providentiæ Procerum reliquit, filiam successuram nobilissimo Gottho conjungere: Esto enim in hoc conjugio femina naturæ, & sexus conditione inferior esset; dominio tamen, dignitate, nomine, insignibus semper præcelleret, Regnumque ipsum impermixtum, & inconfusum, ac perse subsistens perseveraret; nomen & gloriam propriam præferret, nec alteri adjectum illius ritus, mores, legesvè susciperet: nec etiam Regia posteritas, Regia, aut thronum ab Hispaniis evellerentur: ut de se patet. In illis namque conjugiiis, in quibus femina Princeps inferioris sortis virum ducit, etsi quoad officium naturæ maritus vir sit; quoad politica munia, & publicam repræsentationem uxor virum gerit, ideo virilibus, & non femineis titulis latine insigniri solet. Et fortè id volunt verba illa: *Ex qua**

Re;

Regalis posteritas conservetur; quasi vir ille duntaxat ad propagandam sobolem assumatur. Quod de Principe, aliàs Rege verificari vix posset; qui quoad omnia uxorem sibi subijci contenderet, eam à patris solo abducere vellet, & Regiam cum propria confundere; posteritasque Regia perpetuò Hispania exularet. Hæc est Hispanæ Monarchiæ cum Francica vera incompatibilitatis radix; & origo. Cum enim Francica Corona ob singulares, quibus, inter cæteras Europæ, gaudet prærogativis, nunquam pateretur alteri postponi, subijci, accedere; nec proprium Regem Regiam Hispanias transferre, ibique commorari, & Hispani ex fundamentalī lege id ipsum contendant; resultat inter eas vera incompatibilitas. Cum aliis verò Regnis, quæ Hispaniæ postponi non detrectarent; nec Reges domicilium in Hispaniis figere renuerent; hæc incompatibilitas non intercederet.

109. Nam quod Becman. in notit. orb. terr. cap. 6. §. 2. suggerit pro hujus incompatibilitatis radice; quod, scilicet, proveniat ex eo quod Francia Regna sibi unita confundit, & absorbet, & quod Hispania alteri accedere nequit, licet quoad hanc secundam partem verum sit; quoad primam nullius est roboris, nec substantiæ; ait enim. *Cum in Hispania, aliisque Regnis, etiamsi jurisdictioni Regis novi tractus accedant, priores termini tamen iidem maneant, & tractus illi peculiare status efforment, prout in utraque Sicilia, Ducatu Mediolanensi, Belgio, &c. elucet, quæ*

quæ Regis Hispaniæ imperium quidem suscipiunt, sed non tanquam Hispaniæ Regis, verum peculiaris status sui Principis. Sed à Gallis quidquid acquiritur, id ipsi Coronæ Gallicæ accedit, & quantumcumque sit, jurisdictionem Regis, tanquam Regis Galliæ agnoscere cogitur. Quod ipsum in causa esse observant Politici, cur Regnum Galliæ, & Hispaniæ veluti incompatibilia sunt, quia Hispaniæ alii coronæ inferi nequeat, Galliæ verò quidquid acquirit sibi annectat. Sed decipi hunc Authorem, dum incompatibilitatem huic principio reducit pluribus ostendi potest. Primò, quia cum Joanna Navarræ Regina, uxor Philippi Pulchri, dotale viro suo Regnum illud attulisset, & cum Regno Franciæ unionem conservasset usque ad Carolum Pulchrum; post ejus obitum Joanna Philippi Hutiini filia, Joannæ Navarræ neptis, ad quam jure devolutum erat, & vir ejus Philippus Comes Ebroicensis, tamdiu institerunt, quoad usque avitum Regnū obtinuerunt. Sanè, si Regna Franciæ conjugii jure adhærescentia unionem illam confusivam, quam cōmentus est Becmanus, paterentur, & partes fierent Regni Franciæ; Galli Navarram semel insertam, confusam, & permixtam, extrahi à Coronâ Franciæ, cui ex Regni legibus hoc modo immixta fuerat, haud permetterent; nec locus esset successioni Navarræ distinctæ ab universa Franciæ successionē; legeque salica, quæ feminas excludit, regulari successio deberet. Secundò: quoniam moderni Reges Christianissimi ab

Hen-

Henrico IV. sub quo iterum Navarra Franciæ est copulata, saltem quoad titulum, & jura prætenſa, utriusque Regni distincta nomina, & stemmata conservant, atque conservant, si quidem in diplomatibus legimus. *Ludovicus D.G. Rex Franciæ, atque Navarræ*, & cum liliis, Navarræ insignes catenæ conspiciuntur: non ergo prorsus per leges illius Regni, accidentia confunduntur, sed inconfusa perseverant. Tertiò, quia toto eo tempore, quo Navarra Franciæ Regibus subjacuit, propriis, & patritiis legibus recta est, perinde ac modo, dum Hispano paret imperio. Ubi est ergo illa confusio, illa insertio, illa propriarum legum extinctio, aut obliteratio? certè non video.

110. Hæc ab exemplo; sed à ratione idem ipsum evidenter demonstratur. Nam vel Regnum Franciæ id attentaret de facto, vel prætenderet de jure. Si de facto id potuisset contingere in Hispania, in Angliâ, & in quovis alio Regno perinde ac in Francia: posset enim Angliæ Parlamentum contendere Scotiam, & Hiberniam, nec in Regiis titulis fore nominandas, nec eorum stemmata cum stemmate Angliæ conjungenda, vel parlamenta nationalia conservanda; pariter Hispani possent attentare circa utriusque Siciliæ Regna, Status Belgicos, Ducatum Mediolanensem. Sed foret attentatum forte seditione, perduellione, aut bello purgandum. Si de jure. Cum nullum Regnum alienis legibus teneatur, licet sub eodem Rege sit, non magis posset hæc Franciæ lex obesse Navarræ,
S
quam

quam Franciæ obesset lex Navarræ lata, ut Regna ipsi accedentia ex superveniente jure cognatica fierent, esto ex propria lege agnatica forent. Quamvis enim Franciæ modo accedat, quoad titulum, & jura prætenfa, Navarra, ob Regni nobilitatem, magnitudinem, & antiquitatem; ex ordine tamen succedendi potius Francia Navarræ accessisset, quia ante quam Henricus Franciæ successionem adiisset, avito jure Rex Navarræ dicebatur. Commentitia est igitur hæc differentia, cui prælaudatus Author innixus est.

III. Nec contrarium probant exempla, quæ peti possunt ex statibus, quos sive in Francia, sive in Belgio sive in Austrasia Reges Christianissimi sibi asseruerunt; quia licet in his subsistat illa Becmani confusio: hoc inde evenit, quod Reges Franciæ hos status contemplantur, ut antiqua feuda suæ Coronæ, & ad veteres Franciæ Ethnarchias spectantes, qui propterea leges Regni, à quo exierunt, admittere jure coguntur; & cum eo confunduntur, non ut status denuò advenientes, sed ut antiquæ coronæ portiones, cui ita accrescunt, sicut Domino, expirante feudo, accrescit dominium utile consolidatum cum proprietatis dominio. Tenendum ergo est, veram incompatibilitatis radicem eam esse solummodò, quam nos insinuavimus, non illam, quam Becmanus addidit etiam, & commentus est.

II 2. Ad quæsitum ergo, cujus occasione randiæ digressi sumus, regredientes, dicimus, quòd cum mens,
 & spi-

& spiritus illius primordialis legis fuerit, ne per femi-
nam Hispano-Gothicum Imperium alteri accedens,
Regia translata, interiret, sed semper sub propria
principalius nomenclatura, quæ gloriam gentis præ-
ferret, perpetuò conservaretur, ad quod medium
quidem opportunum, sed non unicum, esset, feminam
regnaturam cum viro ex semine Gottho matrimonio
jungere: potuit, & re ipsa adimpleta est legis intentio
in matrimonio Urracæ cum Raymundo Burgundo
contracto. Nam cum ille lares proprios deseruisset, es-
setque secundogenitus domus Burgundiæ, nullus sub-
erat scrupulus, quod proles ex eo matrimonio suscep-
ta nomen, stemmata, & Regnum Hispano-Gothicum
virilibus insignibus non præferret, vel thronum in
Hispania non conservaret, prout Alphonsus Urracæ
filius executus est; tum quia cum pater esset secundo-
genitus suæ domus, nihil ex ejus jure Alphonso in
Burgundia obtigit: tum quia adhuc si primogenitus
fuisset, verendum non erat, quod Burgundiæ Comita-
tui non præferrentur Castellæ, & Legionis Regna,
Regio namque titulo, & majestati, cætera cedant ne-
cesse est. Unde lex illa, si causa finalis pensetur, ex-
actissime adimpleta est.

§. IV.

Materia præcedentis §. continuatur, & S. Ludovici IX. jura ad Castellæ coronam disceptantur.

113. **A**lphonfus Septimus, qui ab aliis dicitur Octavus Regna divisit inter duos filios Sanctium, & Ferdinandum: Sanctio primogenito adjudicans Castellam quâ quâ patet: Ferdinando Legionense Regnum cum primitivis Provinciis inseparabiliter ipsi annexis: & ab utroque filio linea propagata fuit. Sanctii linea eodem ordine in Castella successit usque ad Berengariam filiam Alphonfi VIII. aliis IX. quæ Henrico fratri successa est. Ferdinandi linea virilis ad Reges Catholicos usque fuit diffusa: Cæterum non ab altera Sanctii separata, sed cum ea confusa; nam in Ferdinando III. seu Sancto, Alphonfi IX. vel X. juxta diversas supputationes, filio ex Berengaria suscepto utraque familia, insuper & Regna, ultimo, & nunquam disjungenda copulata sunt.

114. Hic tamen occurrit inter Historicos, sive Hispanos, sive Gallos non contemnenda altercatio circa jus succedendi in Regno Castellæ: quam eò lubentius proponam, quò his, quæ §. præcedenti de primaria incompatibilitatis radice statuta sunt, lucem non exiguam afferre potens est. Nimirum: post immaturum obi-

obitum Henrici I. Alphonſi Caſtellani nuper laudati unici maſculi, Caſtellæ Magnates Berengariam paulo ante memoratam, Ferdinandi Sancti genitricem, ad thronum extulerunt. Hæc poſt adeptam Regni poſſeſſionem, comitiis coactis, in filium Ferdinandum, quem, licet juvenem, ad magna natum ab explorata diu indole cognoſcebat, ſceptrum tranſtulit. Et quidem prudentiſſimè, & felicitiſſimè; ut probavit eventus. An vero Henrico ſuffici Berengaria deberet, an Blanchæ Ludovico VIII. Regi Chriſtianiſſimo nupta? duæ ſunt opiniones, quarum utraque tam ex Hiſpanis, quàm ex Francis Scriptoribus patronos habet. Alii quidem putant Berengariam natu maximam inter filias Alphonſi, atque adeò exaltandam. Alii e regione hanc ætatis prærogativam, & ex conſequenti jus ſuccedendi, Blanchæ aſſeruere.

115. Pro Berengaria complures ex Hiſtoricis noſtris ſunt; & quidem ex coævīs Scriptoribus Rodericus Toletan. & Lucas Tudenſ. ipſi favent, quos frequentius ſequuntur moderni; ſed jura ejus ferè peroravit exculitiſſimus Regius Chronographus D. Alphonſ. Nuñez-de Caſtro in Chronic. Sæc. III. Alphon. VIII. & Henrici I. qui productis antiquiſſimis, & fide digniſſimis documentis videtur demonſtrare, eam jure primogenituræ ad ſolium paternum aſſumptam fuiſſe: quæ apud ipſum conſuli poſſunt. Hoc fortiſſimum fundamentum, triplici conjectura juvatur. Prima, quod ipſi Authores, qui partes Blanchæ tuentur, non inſi-

inficiantur. Alphonsum ejus genitorem anni 1188. Carrione comitia Regnorum celebrasse, in eisque equitem creasse Conradum Svevum, Federici primi seu *Ancobarbi* filium, ipsique desponsasse filiam Berengariam. Sanè non est consuetudinis apud nos (ut Labamus respondebat Jacobo) filias minores ante majores nuptui tradere; non ergo Blanka, sed Berengaria maxima natu erat. Accedit, quod in articulis matrimonialibus, apud Ant. de Yepes Benedictin. script. 27. in append. Alphonso paciscitur successione Berengariæ, casu, quo sine prole virili decedat, erat ergo primogenita. Secundo Berengaria nupsit anno prædicto Conrado, quorum conjugium ob consanguinitatem utriusque dissolutum est: & postea anno 1201. iterum Alphonso Legionensi adjudata est; Blanka, verò non nisi anno sequenti, ut Historici Franci consentiunt, Ludovico nupsit. Quod filia secundogenita ante primogenitam semel collocetur, facile est, ex aliquo interveniente respectu; sed quod semel & iterum ex genitoris providentia ante eam ad nuptias properet, valde difficile creditu est, quasi ipsa integram curam paternam, præteritis reliquis, exhauriret. Tertia; quia cum Alphonso tempore, quo Berengariam Alphonso Legionensi dedit uxorem, masculis careret; verosimilius est eam viro sui proprii generis filiam dedisse, quæ in Regno succederet, ne successio migraret ad extraneos, quam secundogenitam. Quarta. Nam si Berengaria primò nupsit Conrado ann. 1188. ad

mi-

minus duodecim, vel tredecim annos expleverat; atque adeo Blancha, si superior erat, tredecim, vel quatuordecim tunc habuisse, dicendum necessario; si his adjungas quatuordecim alios, qui elapsi sunt, priusquam Ludovicum desponsaret, ad thalamum accessit viginti octo annis præter propter nata, & cum Ludovicus quindennis uxorem acceperit, ut ex Historicis ipsis Francis evidens sit; resultat nimius excessus ætatis uxoris comparatæ ad viri ætatem, qui licet e converso so-
leat propagationi adulari, quando tamen excessus afficit Sponsam, generationi, quam Reges præcunctis rationalibus ambiunt, parum commodus, imo incommodus reputatur. Quinta & non minus premens; quod Blancha multo tempore ab inito conjugio nullos suscepit liberos; nam primogenitum S. Ludovicum enixa est anno 1215. tredecim scilicet à nuptiis annis, unde juxta hanc computationem cæpit filios edere in ætate constituta annorum unum de quadraginta; & si unum edidisset, & talem; posset teriò affirmari, ex gratia illum concepisse, sæpè enim Sancti Viri, qualis fuit S. Ludovicus, precibus impetrantur. At post ipsum peperit quatuor alios filios, Robertum Comitem Atrebatensem; Carolum Ducem Andegavens. qui cōtra Manfredum investitus est de utraq; Sicilia; Alphonsum Pictaviensem, & Arvernensem Comitem, & quintum, quem pater clero destinavit, ut ait ex Franciæ Historicis, Natal. Alex. Sæcul. 13. in Ludovic. VIII. quibus adjungenda est Isabella Clarissa Sanctimonialis,
vel

vel Sancta potius Monialis, quæ, nedum fama Sanctitatis celebris obiit in Monasterio Clarissarum apud Cāpum longum prope Parisios, sed etiam Apostolico Indulto ab universa Seraphica Religione officio celebratur quot annis Kalendis Septembris. Profectò tot filios, quos, fama est, proprio ubere lactasse, in tam devexa ad senectutem ætate enixam esse sine miraculo, duriuscule credi potest. Denique obitus Blanchæ contigit anno 1252. & ætatis suæ 63. magno scilicet Climaterico, ut vel ipsi Franci tenent Scriptores Spondan. ad ann. 1253. Till. ad ann. 1252. & alii ideoque ejus ortus retrahere nequit nisi ad ann. 1189. post quam Berengaria Conrado fuerat desponsata. Hæc omnia physicè contingere potuisse, non dubito; sed nemo cordatus asseret, quod non aliquam præferant moralis impossibilitatis speciem; ad quam emolliendam, congruentius ejus natalitium serius assignari debet.

116. *At e regione pro Blanchæ primogenitura sunt ex nostris Marian. lib. 12. cap. 7. Zurita loc. inferius allegando, & Garibay in Henrico I. cum pluribus ex Francis Scriptoribus; licet Marian. inconstans sibi, contrarium postea tenuerit, ut ostendit prælaudatus Núñez de Castro. Quorum hæc sunt potissima fundamenta. Primum, quod Comites Iaræ, sub quorum tutela Henricus decessit, diu inaugurationi Berengariæ restiterunt; arces, & castella sibi commendata, Blanchæ nomen sustinuerunt, nec nisi post grave bellum concesserunt Berengariæ; aut Ferdinandi ve-*

xilla

xilla acceptarunt: & quod magis est, quoadusque, Blanca à Larenſibus requiſita, eos à fidelitatis jramento relevavit; cum ob domeſticas ſeditiones, quas Franciæ Ludovici filii minorennitas ſuſcitaverat, non poſſet patrio Regno accurrere, quin filii Regnum, maniſeſtiſſimo periculo exponeret in eo rerum dubio diſcrimine: ut fuſè perſequitur Zurita lib. 2. cap. 75. Secundum, quod ann. 1269. in contractu ſponſalitio Ferdinandi Infantis de la Zerda cum Blanca S. Ludovici filia, conventum eſt; Regem S. Ludovicum, Sponſæ genitorem ceſſurum juri ad Regna Caſtellæ, & Legionis ſibi competenti, ea lege, ut liberi ex hoc matrimonio ſuſcepti, etiam deſuncto patre Ferdinando, Alphonſi Sapientis primogenito, ante aditam ſucceſſionem; Alphonſo Avo ſuccedere in throno deberent; ut teſtatur Rodericus Sanctius Episcopus Palentinus author coævus: igitur agnoſcebat Alphonſus jura S. Ludovici, quandoquidem eorum ceſſioni inhiavit, & in pacta nuptialia deduxit. Tertium; quod Alphonſus ipſe in ultimis tabulis vim horum capitulorum annoscens, ſucceſſores declaravit filios Ferdinandi primogeniti, morte prærepti; & in eorum deſectum, non Sanctium ſecundogenitum, qui Regnum occupaverat, nec cæteros filios, quos reliquit ex conjugè Violanta ſuſceptos; non fratres Philippum, Henricum, Emmanuelem, qui adhuc ſuperſtites erant; ſed Regem Chriſtianiſſimum Franciæ, tanquam, qui ceſſante ceſſionis cauſa, & reviviſcente jure; ſucceſſor

T

erat.

erat. ut videri est apud Garziam de expens. & meliorat. cap. 16. n. 26. in fine.

117. Non negaverim huic opinioni suam probabilitatem; in re enim tam annosa non contemptibilia hæc argumenta sunt; licet, si verum fatear, præcipua probabilitas potius ipsi ab Authoribus, qui eam defendunt, quàm ab intrinseca ratione accedat; quæ suas patitur exceptiones. Etenim: ad Comites Laræ quod attinet, scio ipsos enixè successioni Berengariæ restitisse, ex odio tamen, & timore Berengariæ, quam à marito disjunctam autoritate Apostolica ob consanguinitatis impedimentum, & in Castella habitantem sub fratris patrocinio, acerrimè infectati sunt, quia violentiam, rapinas, & tyrannidem, quæ tutorum nomine exercebant, frænare sæpe sæpius tentavit; nec dubito, quin hujus controversiæ, & prætensiæ majoritatis Blanchæ authores fuerint, ne ad Berengariam successio deveniret, quæ à suis factiosis propugnata, hanc decursu temporis potuerit probabilitatem nancisci. Hoc vel odium, vel timor adeò eos exagitavit, ut cum jam ab impulsu Ferdinandi æges defendere non possent; potius elegerint ad Africam transmigrare, ubi decesserunt, quàm cum eo pacisci, aut transigere, quod si justitiæ duntaxat amore decertassent; sub Rege piissimo, quâlis Ferdinandus erat, tam probroso exilio se ipsos mulctare, opus haud fuisset.

118. Non majoris roboris est, quod subjungit Zurita, videlicet, Blancham Reginam relictam Ludovici

vici VIII. tutricem filii S. Ludovici, Franciæque gubernatricem, juri suo vindicando insistere nō potuisse, ob internos Regni motus ex filii minorennitate suscitatos. Imò ex hoc capite magis magisque Berengariæ jura roborantur. Nam obitus Henrici I. ut ex omnibus Historiis nostris deducitur, contigit præter præter anno 1221. Blancha vero viro suo viduata est anno 1227. ut ex Francis Chronicis, constat, quando jam Ferdinandus, pulsus Larentibus, Castellam in pace possidebat, sex nempe annis ab Henrici cognati obitu. Quis porro credat Ludovicum VIII. jura uxoris præteruisse, nec aliquid in Ferdinandum intentasse sex illis annis, quos supervixit? & tamen nullum belli in ipsum suscepti vestigium est. Nimirum, Rex piissimus noluit bellum, quod Albigenibus intulerat deferere; ut vanam, & commentitiam successionem vindicaret, quam ætatis prærogativa in Larentium cerebro concepta, solum fovebat.

119. Quod affertur de pactis nuptialibus Ferdinandi Infantis de la Zerda; & ex Roderico Palentino urget. Spondanus ad annum Christi 1269. num. 9. nullum aliud fundamentum habet, nisi quod hic Athor vel dormitans, vel oscitans hoc suæ historiæ infuerit. Verum quidem est, his Infantibus Zerdensibus successionem debitam fuisse, etiam genitore præmortuo; sed non ex pacto, & conventionē; verum ex lege Regni fundamentali, cujus in illa leg. 2. part. 2. tit. 13. (quarum legum collectionem aggressum Ferdinandum

Sanctum, & publici juris fecisse Alphonsum filium, constans est omnium opinio) mentio fit . ibi. *T a u n mandaron, que si el fi,o maior muriesse ante que beredasse, si dejass. fi,o, o fija, que oviesse de su muger legitima, que aquel, o aquella lo oviesse, e no otro alguno.* Si ergo id lege primitiva cautum erat, & in partitis denudò instauratum; ut quid idem ipsum in nuptiales conventiones deduceretur? Palàm est, Rodericum, Zerdenibus benè affectum fundamentum innuisse, cui maxime horum Principum jura inhærebant, & fortè ignorans apud partitas inveniri, in fœdera nuptialia rejecit. Sed nec verum est Rodericum Authorem esse coævum; imo duobus ferè sæculis post elapsis Historiam concinnavit, sub Henrico IV. ut videre est in Biblioth. Hisp. Veter. lib. x. cap. xi.

120. Testamentum Alphonfi Sapientis profectò desipuit; Rex enim iste ex animi amaritudine, cum vidisset universos ferè Proceres, etiam germanos, & filios, eo deserto, in Sanctium inclinasse, unico verbo eos à successione pepulit, seu exhæredes fecit; cum ipse in culpa fuisset hujus Sanctii sequelæ, qui comitiis coactis eum, Zerdenibus nepotibus ex primogenito prorsus præteritis, successorem declaravit, & in ejus successionem omnes Proceres Sacramento adegit. Et licet postea facti penitens hanc declarationem retractaverit; sed eo tempore, quo rerum summa pænes Sanctium erat: unde tabulæ istæ tanquam ex alio motivo compositæ, & potius ex pœna, quam ex jure, parum

rum causæ faveat. Quinimo ex ipsis, si benè pensentur, elicitur conjectura ad oppositum non spernenda. Alphonso namque his verbis mentem suam aperuit. *E ordenamos aun mas, que si hijos de D. Fernando muriessen, que debiessen beredar, que tome este nuestro Señorio el Rey de Francia, porque viene derechamente de linea derecha, onde nos venimos del Emperador de España, y es bisnieto del Rey D. Alonso de Castilla bien como nos, e es nieto de su bija.* Rationem redditurus Alphonso, cur in Zerdensium defectu, Rex Fræciæ Philippus succedere deberet; non recurrit ad lineæ primogenituram; quæ efficacissima esset; Sed respectavit solummodo, quod (sicut ipse) linea recta descendebat ab Alphonso VIII: Castellæ Rege, utpotè nepos Blanchæ filiæ Alphonso; ut ipse nepos Berengariæ; cum enim filios, & fratres repulisset; credidit in eorum ultionem alium ejusdem lineæ substituere sibi licere; sanè si Philippum linea potiore existimaret, id non omitteret, quod fini suo vehementer cōducebat. Sed ut appareat luculentius Alphonsum dolore perculsum, non jure inductum, id scripsisse, mentemque ipsius fuisse filios, & fratres ut perduellēs a successione arcere; observare oportet, Regem Christianissimum nullum jus affectare potuisse ad Regni Legionensis successionem, sed solum Castellæ; in Legionem enim Ferdinandus successit tanquam primogenitus Alphonso IX. à quo Rex Fræciæ originem non ducebat; & tamen Alphonso Sapiens ut utriusque,

Re;

Regni hæredem cum faceret, Zerdensibus desideratis; meminit illius descendantiæ ab Alphonso Hispaniæ Imperatore, cujus filiam duxerat Rex Christianissimus Philippus I. missis filiis, fratribus, & patruelibus ex Infante Alphonso de Molina, Sancti Regis fratre, utrinque conjuncto; cujus linea, cum nihil in eum deliquisset, ex nullo capite ab illius Regni successione excludi debebat.

121. Ex dictis apparet, utramque sententiam probabilem esse; licet mihi ea quæ Berengariæ favet, magis probetur, tam ob monumenta, quæ produxit Nuñez de Castro, quæ in his antiquis concertationibus maximi momenti sunt, præsertim dum e regione alia non producuntur, quæ eorum fidem elidant; quàm ob conjecturas expensas. Cæterùm; quando verius esset, Blancham primogenituram sortitam fuisse; nihil successioni Berengariæ hæc prærogativa officeret; nec injustè Ferdinandus Sanctus Regnum obtinisset; ut malè argumentatur Philippus Brietius. ad annum Christi 1252. sub quo hæc de Ferdinando scripsit. *Obiit eo hoc anno Ferdinandus Rex Castellæ anno ætatis 52. cum pararet expeditionem in Mauros, Sanctus à suis habitus, non item ab aliis, cum Regi Fræcorum viro sanctissimo debitum Regnum retinisset.* At Ferdinandi cultum ab omni superstitione liberavit, Romana Ecclesia, quæ illum probavit, & ampliavit, atque extra aleam ejus Sanctitatis opinionem posuit, non obstante Regni retentione, quam opponit
ipsum

ipsi Brietius . Fundamentum hujus asserti est lex ipsa fundamentalis , quæ filiam successuram vult collocatam , aut conjunctam viro , qui nomen , stemmata , & familiam Gotthicæ Regiæ stirpis , vel solitariè , vel primo repræsentet ; eoque fine , ei potius Gotthum Maritum , quam alterius , Regiæ quamvis stirpis , amavit ; verita ne extraneo Principi conjuncta Gotthico . Hispanam Majestatem , alteri Regno supponeret , vel cum eo permixtam confunderet . Cum ergo tempore , quo Henricus I. obiit , Berengaria ex Rege ejusdem stirpitis prolem nacta fuisset in Hispania consistentem , quæ nomen , stemmata , & Regiam familiam solitariè , nedùm principalius , deferret ; ipsi tanquam in qua omnibus numeris lex fundamētalis expleta erat , etiam si prærogativa ætatis non gauderet , successio deferenda erat ; non Blanchæ ; quamvis eam primogenitam dicamus , quia alteri Regi nupta , qui gloriam , stemmata , & familiam suam Gotthicæ postponere noluisset , nec thronum in Hispania conservare . Id , licet non observaverit Mariana observarunt Regni Comitia , ipso referente . *Maturatis Comitibus , Blanca prætermissa , Populi , & Procerum consensu , Berengaria Regnum delatum est : externum imperium exhorrebant , & novorum motuum materiam , si Gallia Hispaniæ commissa esset , subtrahendam judicabant .* Bene quidem ; sed Populus , & Proceres id egerunt , quod vetustus mos , seu lex primæva Regni statuerat , id ipsum præsentiens , & prudentissima cautela præoccupans , ne unquam emergeret.

§. V.

Continuatur demonstratio ejusdem observantiae, & successio Sancti strenui, seu audacis controversitur.

122. **F**erdinando III. seu Sancto successit Alpho:
sus Sapiens filius natu maximus. Sed in
successione Alphonsi Sapientis offendimus aliam non
prætermittendam controversiam. Nam cum ejus pri-
mogenitus Ferdinandus de la Zerda, ut insinuavimus,
genitori fuerit præmortuus, duobus relictis masculis;
quos ex Blancha uxore, S. Ludovici filia, susceperat;
videbatur Avo successurus Alphonsus primogenitus
Ferdinandi, ex vi illius legis fundamentalis in illa par-
titarum lege memorata, per illa præsertim verba. *T
aun mandaron, que si el fi, o maior muriessse ante que
beredassse, se dejasse fiyo, o fiya, que oviesse de su muger
legitima, que aquel, o aquella lo oviesse, e non otro al-
guno.* Sed e perverso accidit; nam Sanctius præmortui
Ferdinandi frater secundogenitus, præteritis nepoti-
bus, declaratus est successor in Comitibus Regnorum,
frustra instante Blancha relictæ Ferdinandi, & occla-
mante Violanta Regina, quæ nepotum jura eo usque
propugnavit, ut maritum, quem in Sanctium propen-
sum vidit, deseruerit, quoadusque resipiscens suæ, sed
sine fructu, adhæsit patris sententiæ. At hæc successio
jure,

jure, an injuria Sanctio delata sit? adhuc disceptatur:

123. Et quidem, inspecta lege modo transcripta, injusta statim apparet: eoque magis, quo ipsemet Alphonsus Sapiens, qui in illis Comitibus Palantiæ habitis, pro adjudicanda Sanctio filio, adversus nepotes ex primogenito, successione institit, illam partitarum compilationem ceptam tempore patris sui S. Ferdinandi, complevit, & evulgavit, tanquam legem primitivam, & fundamentalem; unde nulla tergiversatione vel contrariæ consuetudinis, vel ignorantiae ab hac labe eximi potest, vel injustitiæ notam in nepotes ex primogenito, cujus etiam ipsi dulcis non poterat non esse memoria; declinare.

124. Nihilo fecius plurimi volunt, Sanctium jure fuisse suffectum, ex eo motivo præsertim; quod licet successio in partitarum lege sic determinata in hac specie sit, ut patruus cedere debeat nepoti ex majori filio, vel primogenito: attamen hæc partitarum collectio nullam tunc temporis præferebat legislativam auctoritatem, cum in ea contenta nunquam fuissent solemnem promulgatione, ut opus erat, intimata, nec hanc auctoritatem obtinere usque ad tempora Catholicorum Regum Ferdinandi, & Elisabethæ, qui prædictam compilationem, ut juris Hispani pandectas, recipi voverunt, necessaria auctoritate eam munientes, & honestantes; ut ait Burg. de Pac. ad leg. 1. Taur. nu. 367. 372. & 663. fuit enim hæc collectio facta, ut juris, sive Cæsarei, sive Canonici, foret dilucida quædam doctrina

nalis interpretatio, in his maximè, quæ propter Jurisconsultorum dissidiâ variasque sententias, declaratione indigebant. Idcirco has leges non aliàs, quàm ex earundem vel Civilium, vel Ecclesiasticarum legum sensu explicandas esse, docuerunt plurimi primi nominis Hispani Interpretes; Covarrub. lib. 1. variar. cap. 14. num. 5. Roderic. Suar. ad lib. 3. *fori judicum*. l. 1. num. 43. circa medium tit. *De las ganancias*, & alii. Quæ si vera sunt, suadere possunt probabili jure Sanctium ad successionem vocatum: Siquidem tota vis contrarii juris in ea lege nititur.

125. Nam, ea lege sublata, & juri communi inherendo, verior pluribus apparet illa sententia, quæ præfert patruum nepoti, quàm contraria, ex eo fundamento, quod doctè, ut solet prosequitur P. Ludovic. Molina de just. & jur. tom. 3. disp. 632. Videlicet: de jure civili, & antequàm fuisset repræsentatio introducta, proximiores gradu succedebant defuncto. Unde in linea descendenti filius excludebat nepotes ab Avihæreditate, & in linea collateralis excludebat consobrinos à successionem patrui. Postea verò ex quadam humanitate, & æquitate introductum fuit, ut nepotes ex filiis præmortuis, cum patruis concurrerent ad Avihæreditatem, sed non per capita, sed per stipites, quasi subeundo locum patris defuncti, ejusque personam repræsentando ad accipiendam eam dûtaxat portionem, quæ patri supersiti obtrigisset, subdividendam per capita inter ipsos. Ex quò deducitur quod juris intentio

tio

tio non fuit nepotes patruis præferre; sed eos ab Avihæreditate non prorsus excludere; ut consideranti jura, quæ repræsentationem invexerunt, est perspicuum; & inter alios affirmant Gamm. decis. 174. Bald. & alii, quos laudat Emmanuel Acoft. quæst. de patruo, & nepote num. 48. Qui consequenter asserunt, quod casu, quo jure hæreditario deferenda sit tanquam individua hæreditas, quæ ad unum tantum perventura est; præferre debet necessario patruus nepoti. Cum ergo repræsentatio de jure communi solum habeat locum in hæreditariis. leg. *Papinian. §. quoniam. ff. de inofficios. testam. §. cum filius. instit. de hæredit. quæ ab intest. defert.* & in hæreditatibus, quando dividuæ sunt, ex jam dictis; elicitur, quod in his, quæ jure sanguinis deferuntur, & individua sunt, quale est Regnum Castellæ, repræsentatio intrare nequeat. Non ergo improbabiler Sanctius nepotes à successione contendit excludere, siquidem in hac specie nullus erat repræsentationi locus.

126. Rursus. Quoniam repræsentatio est privilegium, ex *Authentic. de hæredib. ab intest. §. hujusmodi* *verò privilegium*, sed privilegium non est extendendum ultra personas, & casus, quibus fuerit concessum: unde in hæreditariis non extenditur ultra eos, qui sunt in linea descendentis, vel si transversales sint, ultra fratrum filios, quia id privilegio cautum est; sic nisi obftet jus speciale, non debet extendi ad ea, quæ hæreditaria non sunt, vel dividua; præsertim cum in his,

que deferuntur ut individua, successio per stipites, quam repræsentatio induxit, non sit practicabilis in Regno: quippe unus succedat necesse est, & is proximior, qualis est patruus respectu filiorum fratris; alioquin, juxta Servatoris nostri sententiam, statim verget in desolationem.

127. Imo videtur Sanctii successio ex post facto canonizata per sententiam, quam protulit Clemens V. in causa successionis Regni Siciliæ, vertente inter Robertum secundogenitum Caroli Claudii, & Carolum Umbertum Hungariæ Regem, filium Caroli Martelli, ejusdem Claudii primogeniti. In hac enim simillima, vel potius eâdem controversia, Clemens sententiam tulit pro Roberto, seu pro patruo, contra nepotem ex fratre primogenito; ut ex Historicis refert Summont. in Rege Roberto. Et ex consultis plures, quos laudat Gamm. decif. 307. num. 24. Et quamvis Barthol. rationem hujus Pontificiæ sententiæ trahere contendat ex eo, quod Regnum Siciliæ feudum Ecclesiæ erat; meritò refutatur ab Acosta, & Alvar. Valasc. q. 65. ex hoc namque principio potest bene colligi, quod Papa debebat controversiam definire; sed minimè, quod sic debebat definire. Nam potius in feudis repræsentatio obtinet, si dividua sunt; quæ Regnis liberis, & in quibus sanguis succedit, ob suam individuitatem, contingere nequit. Propterea, quod feudum Regnum Siciliæ sit, potius favebat, quam noceret Carolo Umberto, nec potuit præstare fundamentum, ut Roberto adjudicatum fuerit.

128. Si-

128. Simile quid contigit in successione Regni Portugalliæ per acerbum Sebastiani Regis fatum. Non enim successit Ducissa Parmensis, Eduardi majoris natu inter filios Emmanuelis, quorum proles exabat, primogenita; nec Ducissa Brigantina secundogenita ejusdem; sed Henricus Cardinalis earum patruus, post Eduardum natus. Nam quamvis Stephanus Garibay oppositum dicat, assignans Henrici ortum anno 1507. Eduardi verò anno 1515. profectò deceptus est. Quod ex eo constat; scilicet, Authores sive Castellani, sive Lusitani Henricum annum agere 66. quando pronepoti Sebastiano successit, frequenter asserunt. Successit autem anno 1578. quo infelicissima Sebastiani cõtingerat expeditio; ideoque non nisi anno 1512. ejus ortum assignare possumus. Accedit quod P. Ludovicus Molina, qui eodem fere tempore primarium agebat S. Theologiæ professorem in Eborenfi Acadèmia, & de hac controversia plenè instructus erat, ut apparet ex ejus disp. 632. de justit. & jur. conceptis verbis, asserit Eduardum fuisse tertio-genitum Emmanuelis, natum post Ludovicum; Henricum verò ultimo progenitum inter eos saltem filios, qui genitori supervixerunt. Unde Eduardi ortum ad annum illum 1507. quo Garibay assignabat ortum Henrici ponere debemus, & transferre Henrici natalitium ad annum 1512. ut superius innuebamus. Successit ergo Henricus, præteritis ex fratre majori neptibus, quia in his successio-nibus, quæ jure generis, vel sanguinis deferuntur, nullus

est

est repræsentationi locus, nisi expressè lege Regni introducta sit, sed succedere debet proximior linea, gradu, & sexu, respectu ultimi Regis præmortui.

129. Denique non temerè Sanctium hanc successione sibi arrogasse, sed bono jure suffulctum, non ineptè probat sententia Regum Franciæ, & Angliæ, qui ex contententium compromisso in hac causa pronuntiarunt, & Regno Sanctio relicto, quædam alia Zerdenſi Alphonſo adjudicaverunt, ut Marian. testatur lib. 12. cap. 9. & 14. cap. 8. rursus tempore Ferdinandi IV. qui interpellatus dicitur, novo compromisso diffinierunt Reges Aragoniæ, & Lusitaniæ, qui iterato Ferdinando, Sanctii filio, & successori, Regnum addixere, relicto Alphonſo Zerdenſi quibusdam locis, arcibus, & proventibus, quibus nativum splendorem commodè posset sustinere, ut refert Stephan. Garibay in Ferdinando IV. & tamen ex his arbitris, vel arbitratoribus ab utraque parte electis Reges Franciæ, & Aragoniæ Zerdenſium jura sustinuerant: par ergo est credere, causa discussa, cognovisse, jura à Sanctio, non à Zerdenſibus esse.

130. Hæc, si jus commune foret duntaxat attendendum, non dubito, quin Sanctii causam extra talos, & sortem ponere sufficerent. Sed enim, cum expressè Zerdenſibus Regnum lex fundamentalis adjudicaverit; nescio, quomodo Sanctii occupatio à violentia defæcari possit. Nam quod leges illæ in partitis contentæ fuerint promulgatæ ab Alphonſo, vel non;

pa-

parum prodest Sanctio; quia licet lex illa non haberet vim, ut ab Alphonso, admissio, quod eam non promulgaverit; cum tamen in illa compilatione non ut nova inducatur, sed ut descendens à primis illis sapientissimis Regni Conditoribus, traditione, consuetudine, vel scripto à Ferdinando, Alphonso, superioribusve Regibus accepta; ab his vim, & auctoritatem nata est; ut propterea Ferdinandus Sanctus, vel Alphonfus Sapiens, qui eam illi collectioni inseruit, solum fuerit testis, & quidem irrefragabilis, ejus existentiae, promulgationis, & observantiae, cui, si majori testimonio opus esset, contestarentur Jurisconsulti illi celeberrimi, qui antedictae compilationi operam impenderunt. Ideo non poterat Sanctius, nisi in eam legem committendo, Regnum, nepotibus debitum, invadere.

113. Accedit. Authores denegantes huic compilationi aliam, præter doctrinalem, auctoritatem; aperte sese implicare, aut irretire. Hæc enim duo sibi non consonant; quod scilicet, prædicta collectio facta fuisset ad dirimenda dissidia interpretum, qui contraria in pluribus opinati, suis judiciis, & ratiociniis, res obscuraverant, ad cipitesque reddiderant; & quod nullam decisivam auctoritatem inibi contenta habeant. Quomodo enim fieri poterat, ut per illas decisiones controversiæ diminerentur; si purè doctrinales, & non legales, & judiciales sunt? Sicut per posteriorum Scriptorum judicia, etiam si uni contradictionis parti accedant, præexistentes controversiæ authoritative non

re;

resolvuntur; sed solum parti, in quam propendent; novum accedit doctrinale suffragium: quod per alterius doctrinale judicium, ipsi oppositum, elidetur, atque adeo controversia crescit, non sopitur. Ita, si non alia sit hujus compilationis autoritas, ipsa solum parti, cui faveret, adderet novum suffragium, quo, si alii repugnarent, controversia magis cresceret, & novis involucris intricaretur. Id quod in subjecta specie comprobatur. Ante compilationem vigeat controversia circa patrum, & nepotem: compilatio eam elucidare, & dirimere voluit. Si illa decisio nullam habet auctoritatem præter doctrinalem; controversia, ipsis fatentibus, viguit, & Sanctius potuit bono, & meliori jure contra nepotes insurgere; quid ergo deseruit illa decisio? non extinxit; sed fovit controversiam; inutilis igitur, otiosus, & prorsus supervacaneus labor. Si ergo finis compilationis fuit diffidia illa terminare, & nodos illos abscindere; legis autoritas ipsi concedenda est; nam si hebes, vel obtusus fuisset Alexandri gladius, Gordii nodum haud abscidisset, quem aliàs extricare non valuit.

132. Alphonſus Sapiens, qui in Comitibus Pallentiz operam dedit, ut pro Sanctio decideretur, fuit quorundam Procerum Sanctio faventium suaffionibus imprudenter inductus; postea errorem animadvertens, emendare nequivit; erat enim ex illis, qui theoricè nimium sapientes, mille in praxi committunt solacismos; & ideo ejus suffragium, ut sibi non constans, flocci
fa-

faciendum : sed si quid inconstanti telli fidei adhibendum ; potius ex juribus posteriori testimonio , præsertim si in eo ad mortem usque perseveret , quam priori stari debet , de Alph. namque verificatur , quod posteriores curæ prioribus sapientiores fuere . Unde Zerdenfibus , quàm Sanctio potius favet .

133. Reges compromissarii , non ut arbitri , & ex juribus , sed ut arbitratores , amicabili quadam transactione disceptationem absolvere conati sunt . Animadvertentes ergo Regnum p̄enes Sanctium , aut Ferdinandum esse : nec dimissuros , nisi armis compulsi ; quod ferè impossibile erat ; in eam , quæ facilior vita est , concordiam , convenere ; ut relicto æmulis Regno , Zerdenfis locis , arcibus , & proventibus non parcè assignatis , contentus esset , & temporis , ac necessitati serviret .

134. Mihi ergo certissimum est , Sanctium non jure , sed vi thronum conscendisse ; nec ipsi defuit opportuna fatis occasio . Quia , Alphonso genitore in remotis agente , jura sua ad Romanum Imperium perferuturo , mortuus est inclitus adolescens Ferdinandus Infans *de la Zerda* , cui à Patre omnimoda rerum administratio commissa fuerat . Quo decedente , Sanctius , ipsi ordine nascendi immediatus , Reipublicæ administrandæ successit ; reque felicissimè adversus Mauros , domique gesta , cepit populum sibi devincire ; pluribus insuper Proceribus , donis , & promissis in partes suas tractis , facile fuit Alphonso reduci suaderi ; ut Zerdenfis Infantis filiis polthabitis , quorum ætas

Regno gerendo minus habilis videbatur, Sanctium; calatis comitiis, successorem declararet; prout factum est. Hanc postea declarationem ipse, ut audax erat, & bellicosus, armis etiam contra Patrem facti penitentem, egregiè sublinuit, parum curans de legibus; fortè si illis conveniretur responsurus cum Magn. Pompejo: *Armatus, ut leges cogitem?* benè enim illi aptari poterat illud, quo Horat. Pirr. ferociam describit.

Jura negat sibi nata; nihil non arrogat armis.

135. Nec ex eò quod Sanctius Regnum invaserit; credendum est in ejus posteris, qualis est Rex noster, minus legitimè reperiri. Nam, ut præmittam, quod fortè ille cepit bona fide possidere fidens opinioni complurium Doctorum, qui ejus jura potiora existimarunt, authoritati etiam Regni, cujus comitia pro solo pronuntiant. Ejus posterì omninò titulum legitimarunt cum ex sententiis arbitratorum, vel arbitratorum; tùm & maximè; quia Alphonsus Zerdenfis diutina contentione, & exilii pertæsus, inexpectatus occurrit Alphonso ultimo Sanctii ex filio nepoti, & deosculata manu ipsi obedientiam exhibuit, ac jura spontè renuntiavit: status, loca, arces, proventus, quibus à Rege muneratus est, libenter suscepit; sicque longæva lis tranquilla transactione sedata est, ut videre est apud Marian. Garibai, & alios Historicos nostros in vita hujus ultimi Alphonsi.

136. A Sanctio usque ad Petrum, quem crudellem dixerunt, continuata successio fuit à Primogenito.

in

in primogenitum. Sed Petrum ipse, qui interfecit, Henricus Rex salutatus est à compluribus ex Proceribus, & Populis; paucis tamen partes filiarum Petri egregiè subſtinentibus. Invaſio hæc fuit; non juſta ſucceſſio; ſed quam poſtea juſto titulo munierunt nuptiæ Henrici III. cum Catharina Lancaſtria Petri nepte ex majori filia, Conſtantia jura ſua in generum cedente. Hæc linea Henrici II. ad Henricum IV. à primogenito in primogenitum fuit in Caſtella propagata; & in Aragonia per Ferdinandum I. Henrici tertii fratrem minorem natu, uſque ad Ferdinandum Catholicum perſeveravit.

137: Henrico IV. ſuffecta eſt forma, moribus, ſapientia illuſtris Iſabella, uxor Ferdinandi Regis Aragoniæ, quorum nuptiis Aragonia Caſtellæ adjuncta fuit; ubi obſervare, operæ pretium eſt, quod licet Aragoniæ Regnum virile fuerit, Caſtellæ vero fœmineum; nihilo ſecius, ceſſit Aragonia Caſtellæ, quæ, ex primordiali lege, nulli Regno ſecunda eſſe poterat; atque in ea totius dominationis Regia eſt conſervata. Ab his proceſſit Joanna, cujus conjugium totam, quota eſt, Monarchiam Auſtriacis aſſeruit; ut in exſcripta huius belli occaſione præmiſimus. Horum Regum ſucceſſio iſdem, abſque ulla diſcrepantia, legibus regulata fuit, producta linea virili à primogenito in primogenitum uſque ad piſſimum Carolum II. nuper defunctum. Ex his manifeſtè liquet, ſucceſſionem juridicam Hiſpaniarum legibus præjactis (violentia, aut intruſione ceſſante) perpetuò fuisse cõformem. §. VI.

§. VI.

*Legum nostrarum priores particula conformes
æquitati naturali, & juribus
exhibentur.*

138. **M**eritò Legislatores nostri asseruerunt, leges istas successionem regulantes frequentiori totius orbis usu comprobari, ubivis successio generi, vel sanguini deferatur. Quia, cum sint naturali æquitati conformes, opus erat, quod ut in pluribus earum usus invalesceret. Hoc, pro majori earum decore, & reverentia, ostendere gestimus: præstabimusque cæsim, & per earum particulas discurrendo; quarum priores in hoc §. suscipimus demonstrandas.

139. Primo itaque Regni perpetuæ incolumitati prospicientes, ejus indivisionem statuerunt verbis illis. *Los Omes sabios, e entendidos, catando el prò communal de todos, e conociendo, que particion non se podia facer en los Reynos, que destruydos non fuesen segun nuestro Señor Iesu Christo dió, que todo Reyuo partido seria esfragado, tubieron por derecho, &c.* Sufficit, superestque ad probandam hujus clausulæ æquitatem, Christi, qui Veritas est, testimonium allegare. Sed & totius Orbis inviolatus mos id ipsum experimento confirmat. Unus enim in Francia Rex succedit, unus in Anglia, unus in Dania, unus in Svecia.

Tur;

Turcarum vastissimum Imperium unus administrat : Persarum Regnum unus gerit : in Synarum Monarchia, in Japoniensium ditioe unus sufficitur . Sacrum Romanum Imperium unus Cæsar moderatur , & si quando duo ipsi præfuerunt, ne pluralitas incolumitati officeret , communi consensu gubernarunt : quia omnibus veluti per se exploratum , perspectumque fuit, Regni incolumitati , indivisione statuta, consulendum fuisse , & vel lege lata , vel consuetudine continuata, consuluerunt : prout apud Justin. lib. 21. observatum legitur : *Firmius futurum esse Regnum, si panes unum remansisset , quàm si portionibus inter filios divideretur, arbitrabantur.*

140. Hanc indivisionem stabilitam fuisse in ipsis Monarchiæ primordiis , non solum ex lege ipsa partitarum cognoscimus , vel ex ipsa fundamentali lege , prout à Tudenti refertur , quæ unum duntaxat ordine successivo ad Regnū invitat ; sed etiam ex Historia generali, Alphonso Sapiente regnante, compilata luculentissimè constat. Hæc enim in vita Ferdinandi I. refert , quod cum hic Rex morti proximus amore filiorum in transversum actus , Regna divisisset inter filios , Sanctium, Alphonsum, & Garziam, Sanctius primogenitus, cui hæc divisio displicuit, nihil moratus, Ferdinando intrepidè objecit. *Ca los Reyes Godos antiguamente fixieron constitucion entre si, que nunca fuesse partido el su Imperio, despues, que fuesse siempre de un Señorio, e por esta razon non lo debia partir, pues Dios lo ayun-*

ayuntara en el que era fijo maior. Quam legem nolim credas latam à Gotthis Regibus, qui Hispaniarum ruinam præcesserunt; sed à Pelagio, & ejus immediatis successoribus, populo annuente: quod evidenter colligitur ex illis verbis. *Despues, que fuesse siempre de un Señorio,* quæ procul dubio præcavebant, ne Hispania à Mauris vindicata, cujus restaurationem nunquam desperarunt, scinderetur inter filios Regum. Hoc ante ruinam prævenire, necesse non erat. Quando quidem Regnum electivum erat, ut superius evicisse credimus, integrumque per electionem ad unum pervenire deberet. Quod verò tam Ferdinandus ipse, quam ejus pronepos Alphonsus divisionem fecerint, indulgendum nimio erga liberos amor; qui ut plurimum quæ non expediunt, nec licent, licentia, & honesta putat. Sed neutra divisio coaluit, Deo sic disponente, ut unitæ vires, nec domesticis jurgiis distractæ, facilius fidei hostes attererent. In Sancto ergo Ferdinando hæc Regna nunquam amplius dividenda, convenerunt.

141. Post statutam Regni individuitatem, legem ferentes sceptrum lineæ Regiæ perpetuò jure addixerunt, renuntiantes electioni, quæ ante Maurorum aluvionem in usu fuerat. *Tubieron por derecho, que el Señorio del Reyno lo oviese el fijo maior despues de la muerte de su padre,* seu, ut in Tudens. legimus. *Pro lege perpetua statuantes, ut eorum Regis filius primogenitus, vel maior, si deest primus, substituatur in Regnum.* Scio Regna alia esse electiva, alia hæreditaria,

ut

ut quæ armorum jure conquiruntur : alia ex pacto , & conventionione inita à populo cum primo Rege , & ejus posteritate , cujusmodi Hispaniæ Regnum est ; ac pro diversitate qualitaturn , diversa quoque esse successio- num instituta . Cæterum , si nihil de successione sit ex- pressè stabilitum , ex frequentiori praxi , & præsumpta populi voluntate , Regnum in familia conservari de- bet . Cùm enim filii Regis plusquam cæteri de Regno gerendo discere , patre præceptore , potuerint , & san- guinis claritate reliquos superent , magis expediens re- gimini eorum successio videtur , minusque invida sub- ditis exaltatio . Quod perbellè edisserit Curtius . x. *In eadem domo familiaque Imperii vires remāsuras esse : hereditarium Imperium stirpem Regiam vindicatu- ram : assuetos esse ipsos nomen colere , venerarique nec quemquam id capere , nisi genitum , ut regnaret .* Quis neget majorem , tutioremve concipi posse spem de Rege Regibus genito , quàm de privato ad Regium apicem exaltato ? instillatur quadamtenùs virtus pa- terna proli , & ut plurimùm in filiis parentes quadam occulta naturæ metamorphosi refinguntur . Tritum est illud . *Est in juvenis , est in equis patrum virtus .* Insuper notissimum illud Euripidis in Archelao . *In liberis etenim virtus nobilium concipitur , & genero- se nuptie præstant opulentis .*

142. Nihil tamen opportunius in hoc genere ad- duci poterit , quam argumentum illud , quo Plutarc. à pud Stobæum serm. 20. invehitur in Sophistas nobili-

ta-

ratem spernentes: sic enim eos percellit. *Absurda est Sophistarum contra nobilitatem calumnia: quia vulgaria etiam, & omnibus notissima non considerant; nempe, quod generanda sobolis gratia, generosi equi, & canes emuntur: item vitium, olearum, & reliquarum arborum optima quæque semina. Homini autem ad futuram successionem generis nobilitatem, baud conferre putant, sed tantundem valere sive barbaram, sive grecam originem. Neque credunt, latentia quædam principia, & semina virtutis in generatione liberis communicari, ut Telemacho Ulyssis, de quo Homerus clarissimo vocabulo utens, dixit. Instillata patris virtus tibi, tanquam assereret, ad paucas seminum guttas paternæ virtutis bona confluere. Nescio, an nervosius, an elegantius disputare potuisset? Habemus itaque quod si specialem legem populus super successione non rogaverit, ex æquitate, ex publica utilitate, ex ejusdem præsumpta voluntate, in stirpe primi Regis sceptrum propagandum sit.*

143. Subinde, leges nostræ non contentæ Regiæ posteritati perpetuò jure coronam addicere, ad successionem filium natu majorem iuvitarunt, ut ex utriusque legis paulò ante datis verbis satis superque liquet. Hanc primogeniti prælationem in Regnis, quæ ex pacto, & conventionione generi, aut sanguini deferuntur, meritò asserit lex nostra partitarum, esse omnium gentium uniformi consuetudine firmatam. *T esto usaron si empre en todas las tierras del mundo, doquier que*

que el Señorío ovieron por linage. Enimverò, quamquam missas faciamus prærogativas eas, quibus, adhuc sub naturæ lege viventes, gavisu sunt primogeniti; erat enim primogenitus caput, & veluti Rex familiæ, ipsiq; primogenituræ adnexum Sacerdotium erat; ut non obscurè deducitur ex Genes. 26. *Vende mihi primogenita tua*, & sequenti cap. ibi: *Et vestibus Esau valde bonis, quas apud se habebat domi, induit eum*. Adjuncta Lyrani nostri expositione, quam omnes ferè excipiunt interpretes; aliisque non exigui momenti supra cæteros fratres eminebat, quæ ex cap. 21. Deuteronom. patent, insinuat D. Thom. in cap. 21. epist. ad Hæbreos: viderique possunt in Gloss. ad cap. *Quam periculosum* 7. q. 1. Archidiac. & cæteris Scribentib. ibidem. & expendunt Joann. Andr. & Panormit. in cap. *licet*. de vot. Alexand. consil. 161. circa finem. Laud. tract. de Primogen. lib. 1. quæst. 1. 2. & 3. & lib. 2. quæst. 2. Tiraquel. de Primogen. in præfation. n. 12. & præmium hujus nostræ legis partitarum, quo radicitus, & veluti à priori hujus præminentiae multiplex ratio offertur eleganter juxta, ac eruditè.

144. Hæc, inquam, licet mittamus, ad solas gentilitias Regnorum successiones arctantes sermonem; certo certius est, apud omnes gentes morem præferendi in Regni successione primogenitum, vel majorem natu filium invaluisse, & in jus quodammodo gentium transiisse, ut Perseus disceptans de Regno Macedonia cum fratre Demetrio natu minore, robustè urge-

Y

bar,

bat, & refert Livi. lib. 40. his argumentis. *Regnare usque vis? obstat ætas mea: obstat gentium jus.* Sed paulò infra vehementius. *Cupit Regnum; & quidem sceleratè cupit, qui transcendere festinat ordinem ætatis, moris Macedonum, juris gentium.* Eadem ætatis prærogativa contendentem apud Trog. Pompei. Artabarzanein inducit Justin. lib. 2. cap. 10. cujus jura his verbis commendavit. *Artabarganes maximus natu ætatis privilegio Regnum sibi vindicabat, quod & ordo nascendi, & natura ipsa gentibus dedit.* Et rectè sanè: *Nam mos omnium populorum est, ut natu maximus imperium habeat;* prout in Polym. testatus est Herodot.

145. Nec tam justam, & æquitati naturali adeò consonam præcellentiam jus Cæsareum debuit abhorre-
 rere. Unde ipsi favent textus. leg. *final. ff. de fide instrument. leg. cum pater. 77. §. pater. ff. de legat. 2.* Illustrant Gamm. decis. 385. Tiraquell. de Primogen. qu. 4. num. 31. Illustris. D. D. Franciscus Ramos del Mázano, Caroli II. nuper Regis nostri pientissimi, piissimus Institutor, vir quidem omnigena divini, & humani juris eruditione nobilior, quam quod commendatione indigeat, in Syntagmat. pro Episcopatib. Lusitan. Petrus Gregorius lib. 7. de Rep. cap. 5. Cyriac. tom. 3. controversi. 402.

146. Sed enim jus Pontificium, quod naturalis æquitatis exta curiosius perscrutatur, & rimatur studiosius; ut ex ipsis suas sacras decisiones evisceret; &

cx.

expressissimè huic ordini succedendi in Regnis illis, in quibus sanguis suc cedit, & constantissimè assistit. textus expressus est in cap. *Licet de voto, & voti redemptione*. illis maximè verbis. *Et jure quod tibi, si dictus Rex sine prole decederet, in Regno Hungaria cõpetebat ordine genituræ; privandum, & Regnum ipsum ad minorem fratrem tuum, &c.* Videlicet Pontifex comminatur Andræ secundogenito Bellæ Hungariæ Regis præmortui, privationem succedendi in Regno Henrico primogenito, casu, quo sine liberis obiisset (quam successionem ipsi competere in eo casu, & hypotesi, ordine nascendi, quia secundogenitus erat, non probat, sed supponit) si Reges prædefuncti votum, quod in se susceperat, non adimpleat. Quia cum Regnum illud foret jure sanguinis successibile; statim Pontifex intulit, successionem ordine nativitatís deferri; ut major ætate, præcellat imperio. Est etiam notabilis textus in cap. *Grandi. de supplend. negligent. prælat. lib. 6.* in quo Pontifex assignat Sanctio Capello Lusitanæ Rēgi, qui impar Regni moderamini reperi- tus fuerat, coadiutorem Alphonsum ejus fratrem, tan- quam *qui eidem Rēgi, si absque legitimo decederet fi- lio, jure Regni* (inquit Pontifex) *succederet*. Cum enim Regnum esset successibile, & in eo sanguis succederet, planè post Sanctium primogenitum, si sine liberis obi- ret, secundogenitus jure Regni succedere debebat. Un- de hanc prærogativam primogenitos obtinuisse, vio- lentia cessante, in Hispanis aliis Regnis, in Francia,

Anglia, Scotia, Svecia, Hungaria, aliisque successibilibus, ex quo gentilitia facta sunt, ex historiis ad evidentiam patet. Ut propterea lex nostra verissimè asseverare potuerit. *Esto usaron siempre en todas las tierras del Mundo, doquier, que el Señorío ovieron por linage, e maiormente en España.* Et quamvis huic universali mori causam lex prædicta in majori parentum dilectione statuere videatur; tamen cum hæc ratio potius accomodetur his primogeniis, quæ filio competunt ex parentum beneficio, quam his, quæ à populi providentia ipsis obtingunt; quale Regnum sanguinis jure successibile est; efficacior, & specialior ea ratio est, quæ ex fine ipso depromitur. Cum enim Rex propter Regnum sit, non è converso Regnum propter Regem; is deligitur lege, qui habilior præsumi debet; quia ergo qui prius nascitur, magis instructus de regnandi difficillima arte censetur, pluribusque experimentis excultus; idcirco primitivo illo Reipublicæ judicio cæteris præpositus est. Huic solummodò innixus motivo fuit Cyr. apud Xenophont. ut grandiozem filium reliquis super poneret, nec imprudenter. *Imperium relinquo majori natu, ut quem par est, rerum esse peritiorum.*

§. VII.

*Alia legum particula, in qua foeminis deferretur
successio, cum praelatione ad masculos re-
motiores, rationi, & juribus
exhibetur conformis.*

147. **P** Ost vocationem masculorum, servata æta-
tis ad invicem prærogativa, leges ipsæ pro-
vident, quid servari debeat, si masculi desint filii Re-
gis decedentis; & consultissimè pariterque piissimè;
feminis ejusdem lineæ successionem deferunt, præte-
ritis masculis transversalibus. In partitarum laudata
lege docemur. *E por escusar muchos males, que acae-
cieron, y podrian aun ser fechos, pusieron, que el Se-
ñorio del Reyno heredasen siempre aquellos, que vi-
niessen por linea derecha. E por ende establecieron, que
si fijo varon no oviesse, la fija mayor heredase el Reyno.*
Apud Tudens. verò legitur, *Si autem deest filius ma-
sculus, filia eius, ordine prædicto, assumatur in Do-
minam.* In his verbis duo statuuntur, quorum alterum
ex altero, ut ex causa sequitur: nempe, quod Regnum
obtinerent semper hi, qui linea recta procedunt; quod
intelligi nequit solum de linea recta, prout à primo
Rege originem ducit; nam cum omnes cognati à com-
muni stipite, linea recta, procedant; ex hac causali
nulla immediatione necessaria deduceretur, quod in-
de-

defectum filii masculi, filia ultimi Regis succederet; siquidem etiam patruus, vel patruelis ejus, recta linea, à primo Rege descenderet. Et tamen verbum illud: *Epòr ende establecieron.* rigorosissimam causalem significat, valet namque idiomate Hispano tantum, quantum latino, particula *ideo.* ut sensus sit, *Et ideo statuerunt, &c.* Vera ergo mens legis est, quod debeant succedere semper, & in omni eventu illi, qui recta descendunt à primo Rege per lineam rectam primogenitorum, vel filiorum natu majorum; ita ut linea primogeniti, quandiu durat, excludat omnes secundogenitos; ea verò extincta, regressus fiat ad lineam secundogeniti immediatioris. Hinc optimè causali deductione inferitur altera verborum pars, scilicet, quod, deficiente filio masculino ultimi primogeniti, femina illius filia debeat ad thronum assumi. Et sensus erit, quod in Regno debent succedere semper ii, qui recta linea à primogenito, vel majori filio, in primogenitum producta descendunt, & ideo statuitur, quod si primogenitus masculos filios non habeat, filia ejus major in Regno succedat. Hic sensus, adhuc ex sequentibus redditur manifestior: nam subiungitur. *T. aun mandaron, que si el fixo mayor muriese ante que be- redase, si dejasse fijo, o fija, que oviese de su muger legítima, que aquel, o aquella oviesse el Reyno, e non otro ninguno. pero si todos estos falleciesen, debe be- redar el Reyno, el mas propinquo pariente.* Fatenus enim primogenitorum, vel majorum filiorum linea præ-

præfertur; ut etiam casu, quo primogenitus, vel filius major patri præmoriatur, si supervivat ejus linea sive in masculis, sive in feminis, semper præferatur. Quæ sanè prælatio est perpetua, & semper verificabilis de linea, quæ, aliis extinctis, supervivit, immediatori ultimo primogenito, cujus linea expiravit: Nam semper verum est, quod primogenitus hujus lineæ majoris superviventis, linea recta primogeniali descendat à primo Rege, quod de aliis consanguineis, verificari nequit, quoadusque hæc prorsus non extinguitur.

148. Ex his, quæ, ut arbitror, evidentissima sunt, luce clarius apparet, Regem Catholicum in ea linea reperiri, quam leges nostræ vocarunt; secus verò Austriades; Nam linea à primogenito in primogenitum producta fuit usque ad Carolum secundum, qui fuit ultimus primogenitus in hac linea; ipso sine liberis mortuo, extincta, & morte occupata est hujus lineæ continuatio, unde recurrendum esset ad masculos alios Philippi IV. & eorum descendentes lineas; sed nulli reliqui sunt. Unde recursus debet fieri ad feminas ejusdem Philippi, & easdem descendentes lineas eodem ordine ætatis servato; & quia prior natu reperitur Serenissima Infans Maria Theresia jam mortua, videntum an lineam produxerit? produxit quidem, nam ejus filius est Serenissimus Franciæ Delphinus, qui omni jure succedere deberet, ut primogenitus primogenitiæ, seu majoris natu filiæ. Sed quia successio ei debita ad Franciæ Coronam impedit successionem Hispanam,

nam, cujus Monarcha vel solitariè vel primo prætendere debet nomen, stemma, Regnorum Castellæ, & Legionis, ex primitiva lege, & in ea thronum conservare; procedimus ad ejus sobolem. In ea reperitur Ludovicus primogenitus, Dux Burgundiæ, cui similis obstat mediata successio; post quem invenimus Serenissimum nostrum Philippum, cui, cum nulla ratio obstat, successio debita est. At in hac linea neminem Austriadum Principum reperimus; non ergo sunt in linea præoptata per leges, quandiu linea hæc Serenissimæ Infantis nostræ Mariæ Theresiæ perseverabit.

149. Profectò ex dictis legibus sic forè regulandam Castellæ successionem, (ne proprio abduci iudicio contingat) edisco ex Authoribus tum domesticis, tum externis; ex quibus duos producam, qui distinctè id explicant; alterum externum, internum alterum, ut omnis conspirationis absit suspicio. Externus est celeberrimus Jurisconsultus Hugo Grotius, qui lib. 2. de jure bell. & pac. cap. 7. num. 22. hæc habet. *Frequens autem in Regnis est alia quædam successio non hereditaria, sed quæ linealis dicitur, non jus illud substitutionis in locum, quæ representatio dicitur; sed jus transmittendi futuram successionem quasi delatâ lege, scilicet, ex spe, quæ nihil ex se esse naturaliter operatur, jus quoddam verum excitante: quale scilicet jus est in his, quæ ex stipulatione conditionata debentur: ita ut hoc ipsum jus in posteros ex primo Rege venientes necessario transeat, sed ordine certo; ut pri-*
mò

mò vocentur liberi ultimi possessoris primi gradus, tam qui vivunt, quàm qui mortui sunt: tùm verò inter vivos, & mortuos ratio habeatur sexus primùm, deinde etatis. Mortuorum autem jus, si prævaleat, transeat ad eos, qui ab ipsis descendunt, pari rursus inter pares prerogativa sexus, ac deinceps etatis, salvaque semper transmissione virorum in mortuos; si liberi ejus defint, venit ad alios, qui proximi sunt, aut si viverent, essent, simili transmissione, & inter pares in eadem linea observato discrimine sexus, & etatis; ita ut ob sexum, & etatem nunquam transeat de linea in lineam. Cui consequens est, ut filia ex filio præferatur filio ex filia: & filia ex fratre, filio ex sorore: item filius majoris fratris. fratri minori, atque ita in ceteris. Hac est successio Regni Castella, ad cujus exemplum etiam Majoratus jura in eo Regno constituta sunt. Quo clarius, & distinctius testimonium vix cogitari posset.

150. Domesticus est D. Ludovicus de Molina, qui post quam lib. 1. cap. 2. & 3. solidè statuisset, Regnum Castellæ caput esse omnium ejusdem Regni Majoratum, in quibus proinde, nisi obstat specialis instituentis providentia, eodem ordine, ac in Regno succedendum est; lib. 3. cap. 4. num. 13. & 14. Successiones regulares ex Regni successione sic disponit. Primò (inquit) consideranda est linea, ut illi qui ex linea ultimi possessoris procedunt, ceteris præferantur, nec transitus fiat ad alias lineas, donec ex ea descen-

Z

den-

dentes finiantur. Textus in cap. 1. de natura success. feud. ibi. Ad solos, & ad omnes, qui ex illa linea sunt, ex qua iste fuit. Et ibi. Sed omnibus ex hac linea deficientibus, omnes alia linea equaliter vocantur. Secundò considerandus est gradus; ut qui sunt possessori magis conjuncti præferantur remotioribus. Tertiò considerandus est sexus; ut inter eos, qui sunt ejusdem linea præferatur masculus, ut paulo ante ostensum est. Quartò consideranda est ætas; ut inter pares linea, gradu, & sexu major natu præferatur minori. Quæ successioinum ordinatio cum dispositis legibus nostris mirum in modum cohæret.

151. Hanc ergo fœminarum successioinem in defectum masculorum ejusdem lineæ, & gradus, cum prælatione ad masculos lineæ remotioris, rationi, & juribus consentaneam esse, facile erit demonstrare. Et quidem, ni fallor, eam naturali æquitate dictatam, ex cap. 27. Numeror. colligitur. Cum enim obiisset Salpbaad de tribu Joseph sine masculis; ejus filiæ à Moyse postularunt ad paternam sortem inter contribules, & agnatos suos admitti; quarum instantiam Moyses Deo detulit, à quo hoc reportavit decretum. *Justam rem postulant filiæ Salpbaad: da eis possessionem inter cognatos patris sui, & in hæreditatem succedant. Ad filios autem Israel loqueris hæc. Homo cum mortuus fuerit absque filio; ad filiam ejus transibit hæreditas: si filiam non habuerit; habebit successores fratres suos; quod si & fratres non fuerint, dabis hæreditatem patrui*

trius ejus : si autem nec patruos habuerit, dabitur heredisas his, qui proximi sunt. Eritque hoc filiis Israel Sanctum lege perpetua. Ex hac divina decisione tria deducimus. Primum: instantiam filiarum Salphaad justam à Deo habitam fuisse, quia naturali æquitati concordem: nec enim ante hanc legem à Deo promulgatam, lex, præter naturalem rationem, erat, ad cujus amussim justitia illius potuerit regulari; atque adeo dubitari nequit, quin feminarum ad masculos remotiores prælatio, quoad successionem, à naturali æquitate originem traxerit. Secundum: hujus controversiæ occasione feminarum successionem lege lata inductam esse in populo Israelitico. Tertium, tam prælationem feminarum, quam ordinem succedendi, deficientibus masculis, & feminis superioris lineæ, hic contentum, uniformari prorsus cum ordine succedendi in primogenito legali, quale est Hispaniæ Regnum, ut videatur hoc ex illo derivare, ne de ejus æquitate ipsi unquam quæstio posset intentari.

152. Nec obscura est ratio naturalis, cui hæc decisio cohæret, quam hoc brevi discursu proferimus. Quilibet naturaliter magis afficitur ad propriam sobolem, quàm ad alienam, & ad magis conjunctos, quàm ad remotiores; ergo irrationabile foret & contra naturalis dilectionis instituta, si propriæ oblitus prolis, & si femina sit, suorum fructus laborum aliis relinquere compelleretur sub mortem. Nam sicut vivens institutionem naturæ sectatus, teneretur in extrema

necessitate prius filiis, aut filiabus subvenire, quam fratribus, vel remotioribus agnatis; sic moriens per relictam hæreditatem eorum contingentibus indigentis prospicere videtur. Natura enim non considerat, vel distinguit rationes agnationis, vel cognationis, sed eodem pondere fertur in agnatos, & cognatos, quorum discrimen nimia jurium invexit subtilitas: atque ideo ejus insitæ inclinationi adversaretur, ac ingentis æquitati, qui proximiores fēminas propter remotiores masculos præteriret.

153. Eidem instituto se Romanorum jura accommodavere. Quando quidem fēminæ jure duodecim tabularum, jure Prætorio, jureque novissimo ad successionem admittæ sunt; solumque lege Voconia, quam, Catone suadente, tulit tribunitia potestate Q. Voconius Saxa, ut constat ex Epitom. Liv. lib. 41. inhibebatur, nè fœmina etiam unica filia institui posset ab eo, qui tercentum mille sex tert. in bonis haberet. Cæterum hac lege iniquius nihil excogitari potuisse, conceptis verbis asserit D. August. de Civit. Dei. lib. 3. Denique de Jure Canonico nullum dubitandi locum relinquit Glossa communiter recepta in cap. si pater. de testament. lib. 6.

154. Hæc in hæreditariis successionibus, omni dubio procul, obtinent. Sed & in individuïs, & legalibus, qualia sunt Regnum, fœdum, Majoratus, obtinere quoque, quando speciale jus aliud non præscribit, & fēminas, masculos remotioris lineæ, & gradus ab his

his successione abercere, & excludere, tam certum Jurisconsultis visum est; ut Bald. leg. *in multis. ff. de stat. homin.* asseruerit, Regni consuetudinem admittentem solum primogenitum ad aliquam successionem; deficiente masculo, femina primogenitam non excludere; imò femina in locum masculi subrogatur: cui consentiunt Pet. de bella pertic. & Jacob. de Aret. in leg. *si pater filium. §. quindecim. ff. de legat.* Tiraquell. de Primogen. quæst. 10. num. 20. Covarrub. variar. resolut. lib. 3. cap. 5. num. 5. Ant. Gomez in leg. 40. Taur. num. 62. Burg. de Pace. in proem. legum. Taur. num. 66. cum sequentibus. Ideoque absolutè eas in his individuus, & legalibus successionebus præferendas, nisi expresso statuto absistere jubeantur, tenent Andr. de Ifern. in cap. 1. *de eo qui sibi, & heredibus suis.* num. 2. Bald. in leg. 1. ff. de Senat. Abb. in cap. *Dilecta, de majoritat. & obed.* num. 1. Archidiacon. in cap. *cum devotissim.* 12. q. 2. Angel. in leg. *cum Prætor. §. non autem.* ff. de judic. Decius in leg. *femina.* ff. de regul. jur. num. 3. & consil. 269. num. 2. Thom. Gramm. decis. 1. num. 28. Marthæ. de Afflict. in cap. 1. de natur. success. feud. num. 54. Ludovic. Gozadin. conf. 8. num. 16. Tiraquell. de Primogen. q. 10. num. 19. & 20. & alii propè innumeri.

155. Enim verò, si consideremus, quanta cum universalitate hæc feminarum potioris lineæ, & gradus subrogatio in defectum masculorum, cum exclusionem remotiorum, etiam si agnati sint, admittit in

toto ferè Orbe, tam priscis, quàm modernioribus ævis; poterit optimè de jure communi gentium æstimari. Nam harum successiõnum exemplis passim scatent historiæ; sufficeret allegare illud testimonium universale Claudian. ad Eutrop.

. . . . *Medis levibusque Sabæis*

*Imperat hic sexus, Reginarumque sub armis
Barbariæ pars magna jacet.*

Et ut à Medis cum hoc Poeta incipiamus, eorum potentissimum Imperium ad filiam devolutam post obitum Astiagis, ea reddita ratione, Trog. asseverat, quod *Astiages nullam virilem prolem reliquerat*. Eâdem ratione Cyaxares idem Imperium filix debere autumavit, ut testis est Xenophon. *Nec enim (ajebat) est mihi legitimus filius mas.* Sabæi Regni exemplum producit Scriptura lib. 3. Reg. cap. 10. in Regina illa, quæ, audita fama Salomonis, ænigmatibus gravis, venit Hierosolymam, ejus exploratura sapientiam. Diodor. Sicul. lib. 4. refert Zeuthram Myliæ Regem Argiæ filix Regnum reliquisse, *quia liberos masculos non habebat*. Pausan. lib. 2. tradit, Thebanum Regnum ad Antigone, & Atheniense ad Creusam pervenisse, quia nullus supererat mas. Illud Virgil. *Æneid*: 7. nulli non notum; loquitur de Latino Rege, & Lavinia filia.

Filius huic fato Divum prolesque virilis

Nulla fuit, primaque oriens erepta juventa est:

Sola domum, & tantas servabat filia sedes.

156. Hæc

156. Hæc antiqua. Sed si moderna quæramus; ut nostro sæculo vicina, eò magis obvia sunt. Excipe unam Franciam, in qua lex Salica agnationi prospicit; & in universa Europa Christiana nullum lineale Regnum ostendes, quod fœminis successioni aditum præcluserit; vel remotioribus consanguineis, sive cognatis, sive agnatis, non præposuerit. In Castella: ex superius dictis, numerabis, Ormesindam, Adosindam, Sanctiam, Berengariam, Elisabetham, Joannam, masculis remotioribus prælatas. In Aragonia; Petronillam, Eleonoram, vel ejus prolem Ferdinandū I. & Joannam. In Navarra: Blancha Comitissa Campaniæ, vel ejus jure Theobaldus. Joanna uxor Philippi pulchri Franci; Joanna uxor Philippi Ebroidensis, Blancha uxor Joannis Aragonii: Eleonora Comitissa Fuxensis, filia Blanchæ, Catharina neptis, Joanna abneptis, cujus jura subivit Regia Franciæ domus, successere. In Lusitania exemplis opus non est, tum Regnum illud originem ducat à fœmina. Sed tamen quoad jura successit Beatrix, licet successio fuerit per Magistrum Avisii occupata: jure fœminæ Elisabethæ successit Philippus secundus: & Petrus hodiernus, sive ejus pater Joānes, jure Catharinæ proaviæ fuerunt acclamati: Reges, an detentores? In Anglia ferè ævo nostro, Eduardo successit Maria, Mariæ, Elisabetha: jure an facto? scircitandum à Sum. Pont. Paul. IV. Elisabethæ, jure Matris Mariæ Stuartæ, Jacobus I. ut vetera mittamus, & moderniora Elisabethæ, & Annæ exempla, quæ merè in-

intrusæ sunt; atramen argumento esse, Regnum illud femineam successionem non averfari, nemo negabit. In utraque Sicilia id evincunt successiones Constantiæ uxoris Henrici Svevi: Joannæ primæ, quæ succesfit Roberto, Joannæ secundæ, quæ Ladislao, Mariæ Siculæ, quæ succesfit Regi Federico, & Joannæ Aragoniæ, quæ Ferdinando Catholico subrogata est. In Hungaria Ladislao succesfit Carolus Martellus jure matris: Ludovico ejus nepoti, Maria ab Hungaris dicta Rex, uxor Sigismundi; Ludovico ultimo, Anna soror, uxor Ferdinandi I. Cæsaris, cujus gloriosa posteritas in Augustissimo Cæsare conservatur: In Svecia obversatur oculis successio Christinæ Alexandræ Gustavi Adolphi filiæ, qui insimul Regnum, & Lutheranos errores abdicavit; in ejusque locum Carolus Gustavus Palatinus jure femineæ successor evasit, si non sponsus, prout fuerat destinatus. Similibus exemplis plena sunt universa Europæ Chronica: ut necesse sit admittere hujusmodi successiones juri gentium esse valdè cohærentes, & affines: meritoque leg. *Maximum vitium. C. de lib. præter.* culpari inducentes feminarum exclusionem in agnatorum favorem, tanquam accusatores naturæ.

§. VIII.

Regnum Castellæ non esse successionis hereditaria: Sed in eo succedi jure sanguinis, ex eisdem legibus demonstratur.

157. **L** Ex partitarum, quam exscripsimus, utpotè se ipsa sufficiens regulare Regnorum nostrorum successionem, cum de ejus authoritate nullus dubitandi scrupulus, unquam fuerit; multoque minus ut jus primævum Hispaniæ cōtestatur, tam gravis sensibus est, quam verbis concisa. Nihil namque, quod emerfuris controversiis dirimendis necesse esset, omisit; imò brevissima orationis linea, pluries id ipsum vel exprimit, vel insinuat. Sanè cum sceptrum iis, qui recta primogenitorum linea descendunt, adjudicasset; satis insinuaverat, successionem hujusmodi sanguinis jure deferri; cum in ipso primo Rege ejus posteritas vocata sit, ipsique legis ipsius providentia, absque ullo descendantium Regum juridico interven-tu, successionem perpetuò deferendam. Sed quasi hæc non sufficerent, dum aliud videtur agere, id ipsum inculcat; nimirum, dum omnibus ex linea decedentis Regis extinctis posteris, proximiori consanguineo sceptrum addicit. Si namque hæreditariæ successionis fuisset, dum proximas egreditur metas successionis ab intestato; liberum Regi ultimo foret successorem

A a

de-

deligere, sicut liberum ipsi est, quem maluerit hæredem instituere. Nihilofecius, quia argumentis, aut illationibus ad id opus erat, quibus interdum cavillis, & sophismatibus locus fit; ne cavillandi, aut sophisticandi, ansula superesset, simplici id assertiva stabilivit. *ibi. T esto usaron siempre en todas las tierras del mundo, doquier, que el Señorío ovieron por linage maiormente en España.* Quo nihil clarius concipi poterat. Hæc enim verba latinè loquentes sic vertere tenentur. *Et hoc ubique terrarum in usu fuit, ubi vis dominium delatum est ex genere, vel linea, vel sanguine* (sic enim sonat illud *(por linage) maximè in Hispania.*

138. Profectò; instituto nostro multum refert; utro in Castella modo succedatur. Quia si jure merè hæreditatio succederetur, renunciatio illa successione, quam ardentè, & enixè Austriades opponunt Catholico Regi nostro Philippo, de qua suo loco differendum erit; aliquid verisimilitudinis prætenderet. Quippe in hæreditariis, filii, & respectivè alii posterì, nullum jus habent, nisi quod sibi transmittitur à parentibus, vel progenitoribus suis: unde si pater, vel mater renunciavit hæreditati, cum abdicaverit à se jus succedendi; in filios, vel posteros transmittere nequibit, ex vulgari juris proloquio, seu regula, *Nemo plus juris in alium transferre potest, quam in se ipso babeat*, à philosophico principio trahente originem. *Nemo dat, quod non habet.* E regione verò contingit, si jure sanguinis succedatur. Nam posterì non succedunt per
jus

jus aliquod à progenitoribus transmissum, sed per jus sanguini eorum per legem concessum; ideoque duplex transfusio in eis considerata est: alia naturalis; legalis altera; duplex itidem causa transfundens: naturalis item, & legalis. Naturalis transfusio est sanguinis, quæ media genesi fit, & hujus causa transfusiva genitores sunt; legalis transfusio juris succedendi est, quæ sanguinis naturalem transfusionem consequitur, eamque supponit tanquam subjectum legalis; sed ejus causa transfusiva legislatores sunt, vel paciscentes in prima Regni constitutione de modo succedendi, qui quidem ea vel lege, vel conventionem sceptrum perpetuo addiderunt posteris primi Regis; posteritatis ratione se habente, non ut jus, sed ut conditio, ut jus transferatur; vel, ut subjectum constituens, cui jus illud, suo tempore, legis beneficio, deferendum sit.

159. Hinc consequenter elicitur, quod in his successioneibus, quæ jure sanguinis deferuntur, parentum renuntiatio liberis, vel posteris nocere non possit; nisi in eo solum casu, quo, parente renuntiante, successio per immediatum occupata fuisset ante filiorum ortum; minimè verò, quamdiu renuntiatio, respectu immediati, cui per illam videbatur consultum, & filiorum renuntiantis, adhuc est in pendentem: quia non adventavit casus, quo successio priori deferretur, nisi post renuntiantis sobolem procreatam. Hujus posterioris partis fundamentum, & quidem firmissimum est. Quod filii non veniant ad hanc successionem jure

Gbi à genitoribus transmissio, sed jure sibi proprio, à primis institutoribus legaliter transfuso, licet cum dependentia à naturali sanguinis transfusione, tanquam à conditione, vel forma constitutiva subjecti; unde genitores juri suo renuntiantes sibi quidem nocere possunt; filiis verò minimè, quia factio suo nequeunt impedire, quin jus ex populi beneficio filiis transferatur: licet enim transmissio sanguinis à parentibus sit; transmissio verò juris à lege est; & posita priori, quin posterior ponatur pater impedire nequit. Quod optimè edisseruit Hug. Grot. lib. 2. de jur. bell. & pac. cap. 7. num. 26. his verbis, quæ abs dubiorem continent: *Similis est questio, an abdicari possit Regnum, aut jus succedendi in Regnum? Et quin pro se quisque abdicare possit, non est dubium; an & pro liberis? magis controversum. Sed quod eadem distinctione expediri debet. Nam in hereditariis, qui jus à se abdicat, in liberos nihil potest transferre. At in lineali successionem patris factum nocere non potest liberis natis; quia simul, atque existere ceperunt, jus proprium eis questum est ex lege. Sed nec nascituris, quia impedire non potest, quin ad illos quoque suo tempore jus pervineat ex populi dono. Nec obstat de transmissione, quod diximus; est enim ea transmissio necessaria, non voluntaria, ad parentes quod attinet. eleganter, & plenè. Propterea semper ac renuntiatio est impendenti, si filii sint, etsi post renuntiationem nati; ipsis, ut ex potiori linea, & immediationibus deferatur successio,*
ne-

neceſſe eſt, patre ſe abdicante non conſiderato; quia habetur, veluti civiliter mortuus: ſicut ergo Avo ſuccedere deberent filii ex primogenito defuncto, patruo excluſo; ſic filii primogeniti, qui ſe abdicavit, patrum excludunt à ſucceſſione Avi, niſi ante eorum ortum ſucceſſionem occupaverit.

160. Hujus conditionalis, quæ erat prior pars aſſerti noſtri, ratio potiffima eſt. Quoniam primogenito, v. g., juſ ſuccedendi à ſe abdicante, apud ipſum nihil juſis remanet, nec in filiis, quos ſupponimus nondum natos; ſi ergo hoc tempore delatio ſucceſſionis contingat; nullus reperitur linea, & gradu proximior filio ſecundogenito; idcirco ejus ſpes ad actum reducta eſt, & ſucceſſio ipſi deferenda. Succeſſio verò poſtquam unam lineam ingreſſa eſt, eam non deſerit, niſi prorſus extingatur, quia ſemper hujus poſteri immediatiores ſunt ultimo Regi, qui per accidens, & ex facto fratris renuntiantis, cum Regnum in ejus juſe, & mancipio ultimò fuerit, primogenitus fuit: unde filii poſt hujus ſucceſſionem nati ad lineam veluti ſecundogenitam reducuntur. Quod optimo illo exemplo, quo uſus eſt in ſucceſſionibus Regnorum explicandis Martinus Aragonius apud Marian. lib. 19. cap. 20. manifèſtè comprobatur. *Sicut intercifa fontis vena, atque aliò derivata, rivi priores omnes, quibus antea deducebatur, exareſcunt, neque aqua recurrit in canale præſtinum, niſi irrigatis, completiſque omnibus poſterioribus aut rivis,*
aut

aut areis ; ita progenies ejus , quem semel à successione contigit removeri , excludatur necesse est in perpetuum , nè adeat hæreditatem , nisi sublatâ alterius successoris progenie . Nam cum res sint in jure , atque mancipio ultimi possessoris , non autem superiorum , quorum jus est in alios transmissum , ut quisque eis magis conjunctus fuerit ; ita optimo jure nitetur , sibi que jus succedendi vindicabit . Quo sive paradi gmate , sive discursu , nihil opportunius poterat excogitari .

161 Nec huic , quam in Regno Castellæ asserimus , successioni jure sanguinis obstat , quod ex adverso opponi potest (ne aliquid dissimulasse videamur) in eadem lege , cui potissimum nititur , contineri successionem prædictam juris esse hæreditarii , ac per consequens nihil firmi ex ea hauriri posse . Nam successionem diffinientes legis partitarum collectores , non usi sunt verbis successionem sanguinis , vel hæreditariam sapientibus . Dicunt namque , *Pusieron que el Señorío del Reyno le heredassen siempre aquellos , que viniesen por linea derecha* . Et paulo infra . *Pero si todos estos falleciesen , debe heredar el Reyno el mas propinquo pariente* . Porro verbum illud . *heredassen* , *heredar* , quo utuntur apertissimè successionem juris hæreditarii significant .

162. Non , inquam , obstat ; Quia cum semel differtis verbis asseruerint , in hoc Regno jure generis , seu sanguinis succedi . *Doquier que el Señorío ovieron por lineage , maiormen te en España , & paulò infra por ra-
zon*

zon de linage. Voces illæ. *beredassen*, *beredar*. quibus utuntur non in stricta, sed in lata significatione accipiendæ sunt, ut benè observat P. Ludovicus Molin. hæc eadem verba exponens disput. 626. de just. & jur. videlicet, similitudinariè; sæpè enim successores decessorum hæredes dicere solemus vulgari phrasi, esto juridicè tales plerumque dici nequeant: tam enim successor, quam hæres ad ea, quæ defunctus possidebat, veniunt, aut vocantur, sed alio, & alio jure. Hæres enim ab eo cujus hæres est causam habet, & hæreditatem capit; at successor ex sanguine, non ab eo, cui succedit; sed vel à lege, vel à Republica, vel ab institutore, ordine ab eis præstituto; ut optimè explicuit Valenzuel. conf. 198. num. 2. inquit; *Quod in Regno, & successione illius maximè procedit; pacto enim convento ob publicam salutem jam inde ab initio à tota Republica cum primo Principe inito, gentium jure inducto, Dei nomine confirmato, posteris primi illius præditur, seu aperitur Regnum; nec ab hoc, aut ab illo possessore accipitur, sed potius jure sanguinis defertur.* Unde quod hæredes dicantur, impropriè, & per quandam similitudinem intelligi debet; cum reverà constet sanguinis jure succedere.

163. Hujus non incongruum exemplar ex Sacra Theologia ministrat nobis transfusio originalis peccati. Deus constituens Adamum humanæ naturæ caput, à quo omnes homines originem ducerent, pactum cum eo iniit, & cum omni ejus posteritate, ex ipso per semi-

na-

nalem propagationem derivante, cujus etiam prothoplastum caput morale constituit; quod si præceptum de non comedendo de vetito ligno servaret, justitiam originalem posteris asseveraret, ut insinul cum natura in eos justitia originalis transfiret. Sin minus; traducens naturam, privatio originalis justitiæ, quæ peccatum originale est, in ipsos transmitteretur. Peccavit Adamus, & in posteros ipsa genitura peccatum transfuit, ita ut in passiva conceptione filii ex Adamo naturali genesi propagati contrahant, quisque propriam justitiæ privationem, seu proprium, quod ipsi inest, originale delictum, ut diffinit Sac. Sanct. Trident. Synod. sessio. 5. decreto de peccat. original. innixa Apostoli verbis ad Roman. 5. *Per unum hominem, peccatum in hunc mundum intravit, & per peccatum mors, & ita in omnes homines mors pertransiit.* Et tamen licet quivis in generatione contrahat culpam originalem, ipsa propriè hæreditaria non est; quia homo non à proximo genitore eam contrahendi causam habet, sed à primo, vel potius à pacto, quod in primo ut in capite omnes prævaricati sunt juxta illud Osæ 5. *Ipsi sicut Adam transgressi sunt pactum, ibi prævaricati sunt in me.* Sed, quia accedente naturæ propagatione, statim homo contrahit, & facit sibi propriam capitis injustitiam, licet à genitore immediatè naturam, & ab Adamo culpam habeat; per quamdam analogiam hæc originalis infelicitas naturæ genituræ connexa, hæreditaria macula à Patribus dici solet, teste

P. Fran-

P.Francisc.Amic.tom.3.disp.25.sect.1.num.1.cam-
que hoc nomine indigitalse D.Ambr. patet ex enarra-
tion. ad Psalm. 48. illa dum expendit verba. *Iniqui-
tas calcanei mei circumdabit me.* hæc habens. *Alia est
iniquitas nostra; alia calcanei nostri, in quo Adam
dente serpentis est vulneratus, & obnoxiam hæredi-
tatem successionis humane suo vulnere dereliquit, ut
omnes suo vulnere claudicemus.* & libro. de Job. Dia-
bolus Evam decepit, *ut supplantaret virum, obligä-
ret hæreditatem.* In hunc ferè modum, quia ex pacto
inito cum primo Rege, & ejus posteris, statim ac san-
guis propagatur, ipsi adhæret jus conditionatum suc-
cedendi, si alius, scilicet, proximior non supersit; licet
à genitore sanguis, & à pacto, à lege, vel à primo Re-
ge jus illud insit: propter utriusque connexionem,
utrumque videtur à genitore immediatè derivare,
quamquam solum sanguis derivet: & ideò, quod eo
jure succedatur, quid hæreditarium sapere videtur, non
tamen est.

164. In summa jus hæreditarium est adventi-
tium, & dependens ab institutione vel expressa, vel
præsumpta, aut interpretativa; quia vel testator in-
stituit hæredem, vel ex legibus instituere tenebatur,
aut instituisse præsumitur. Sic filius institutus hæres,
succedit ex institutione expressa: succedens ab intesta-
to ex institutione præsumpta: præteritus indebitè, ex
interpretativa, quia ex legibus tenebatur pater institue-
re; & ideò agit contra testamentum, & illud cassat,

B b

ut

ut locum habeat institutio . Jus verò sanguinis insitum est, & ab institutione illius, cui succeditur, omnino independens; ut sive instituatur ab eo ; sive, alio instituto hærede , prætereatur , non opus sit testamentum infirmare : quia cum non opus habeat institutione vel expressa, vel tacita, præsumpta , aut interpretativa , nihil sua refert , instituatur , vel prætereatur ; ut enim docet Barthol. leg. *ut jurisjurand. §. si liberi. num. 4. ff. de oper. lib.* ea quæ consanguineis , ut consanguineis deferuntur, etiam si hæredes non sint, ipsis præstari debent. Cōsentit. Bald. in cap. 1. *de eo qui sibi, & hæredibus suis.* num. 6. & 7. Ex quo oritur discrimen illud famosum, feudorum , quod alia sint familiaria , & hæreditaria alia ; quia in prioribus succeditur jure sanguinis , sive successor hæres sit , sive non , ut Bald. ipse docuit per text. in cap. 1. *an filius, vel agnatus. in usib. feudor.* & est communis sententia juxta Alexand. cons. 26. n. 4. lib. 5. Secus in posterioribus , in quibus ex institutione expressa , vel tacita succedi potest ; idcirco priora , quia à pacto vel primaria investitura eorum successio in familiæ favorem inducitur , ex pacto , & prudentia nuncupari solent.

165. In legeque nostra , prout à Tudenſi refertur , habemus exemplum , quo hoc possit elucidari . Nam in ea præscribitur , quod filius Regis patri succedat , si fuerit pater Catholicus , non successurus plane , si hæreticus fuisset , quia exceptio firmat regulam in contrarium . Sed hujusmodi patris hæretici filius posset
in-

institui hæres universalis genitoris: ergo ex vi legis esset hæres, & non successor: atque adeo ille, qui succederet, successor, & non hæres: non ergo jure hæreditario succeditur.

166. Si dixeris hanc hypotesim impossibilem esse, quia hæreticorum bona sunt ipso facto addicta fisco ex Jure Canonico cap. *Cum secundum. de hæretic. lib. 6.* omittentes modo eorum sententiam, qui opinati sunt, hanc penam locum non habere, quando sunt filii ante admissum hæresis crimen concepti, quam sequuntur plures, quos laudat, & quibus subscribit Marinus tom. 2. resolur. cap. 95. cujus veritatem, modo discutere nec juvat, nec vacat; eò maximè, quò si vera esset, in ea posset argumentum instaurari in filio Regis hæretici, ante hæresim concepto, vel nato.

167. Respondemus. Quod quando lex illa condita fuit, scilicet, anno Christi 718. vel circiter. imò nec multo post, nulla Lege Ecclesiastica hujus criminis rei suberant penæ hujusmodi confiscationis, nec etiam Cæsarea, quando ipsis erant filii Catholici. A tempore namque Arcadii, & Honorii statui cepit in hæreticos bonorum confiscatio, non absolutè, sed in filiorum Catholicorum defectum; nam si filii Catholici erant, ipsis hæreditas deferebatur, ut vel sic allicerentur ad parentum denuntiationem. Hæc pœna à sequentibus Imperatoribus firmata, ad Sacros Canones paulatim transiit, ut apparet. leg. *Manichæos. leg. cognovimus. Authent. idem. C. de hæretic. cap. quo jure. 8.*

distinſt. cap. Judæi. 1. q. 4. cap. 1. 23. q. 7. Innocentius 3. ut habetur ex cap. *vergentis. de hæretic.* statuit, bona hæreticorum esse addicenda fisco per sententiam, quamvis filios haberet Catholicos. Denique à Bonifac. VIII. cap. *cum secundum. de hæretic.* superius citato, instituta est confiscatio ipso jure, quamvis filios haberent Catholicæ communionis, inlabentes in hunc excessum, omnium bonorum, quæ restitutioni obnoxia non erant: quam temporum distinctionem observat Tellus Ferdinand. ad leg. 4. Taur. Ex qua patet, quod plusquam sexcentis annis, præcessit lex illa primæva Gotthorum confiscationem bonorum ipso jure à Bonifacio VIII. statutam: & plusquam quingentis confiscationem ferendam statutam ab Innocentio. Unde merito possumus ex illa lege argumentari; cum casus ille sæpe sæpius potuerit accidere, licet, Dei gratia, nunquam acciderit.

168. Ex dictis deducitur, nullum superesse nobis motivum disputandi celeberrimam illam controversiam, quæ Jurisconsultos hætenus exercuit, & in partes distraxit. Num scilicet in Regnis successio deferatur jure sanguinis, vel quo jure? In qua plures fuere sententiæ, sicut in rebus cum primis dubiis sæpè contingit. Nam Oldrad. & alii quos sequitur Tiraquell. de jur. primogen. q. 35. num. 3. & ex nostris Emman. à Cost. de Regn. success. 3. p. num. 2. Covarrub. Pract. quæst. cap. 1. num. 4. & 7. Garz. de expens. & meliorament. 3. p. cap. 16. num. 15. cum sequentib. Valasc. de jur. emphiteut.

teut. qu. 50. num. 2. & 12. cum aliis, quos laudat Aug. Barboſ. cap. *Grand. de ſupplend. neglig. Prælat. lib. 6.* Regni ſucceſſionem hæreditarii juris defendunt. E cõtra Bald. poſt Gloſ. in cap. *ſcripſit.* 27. q. 2. verbo. *Dignitate.* Joann. à Terra rub. Amedeus de Pont. Guilielm. Monferr. Mierel. Peregrin. Palat. rub. Molin. de primogenit. Greg. Lop. Valenzuela, Molin. Theolog. Caſtill. Cyriac. Robl. de repræſentat. Petrus Gregor. Arnif. Joann. Salgado de Araujo, Rivera, Tapia, Lannar, & alii plures, quos citant Barboſ. ubi ſupra, & D. Emmanuel. Gonzalez. in cap. *licet. de vot. & voti redempt.* eam juris ſanguinis eſſe tenuerunt. Alii vero media incedentes via opinati ſunt, nec jure purè hæreditario, nec jure ſanguinis in eis ſuccedi, ſed tertio quodam jure harum Regalium ſucceſſionum proprio, & peculiari: quam ſententiam ex citato cap. *Grandi.* elici ſibi perſuadent Purpurat. conſil. 429. num. 3. lib. 2. Jaſ. conſil. 8. num. 10. lib. 1. Alexand. Raudenſ. tom. 1. conſil. 1. num. 150. Caſtro de ſucceſſ. Portugall. 1. p. cap. 1. ſect. 1. Hugo verò Gror. ad ſententias concordandas diſtinguit Regna, quæ pleno dominio poſſidentur, & in patrimonio ſunt: in hiſque hæreditario jure ſuccedi autumat: & Regna, quæ ex libero populi conſenſu cõſtituta ſunt; & hæc adhuc ſunt in duplici differentia: nam vel populi conſenſus introduxit ſucceſſionem hæreditariam, & tunc non eſt dubium, quin hæreditario jure adeantur; vel linealem, & tunc jure ſanguinis obtinentur,

169. Sed lex nostra, ne in successione Castellæ hæc emergere unquam posset controversia, quæ disputabilem successionem redderet, cum ingenti (ut frequentius accidit) Reipublicæ jactura; eam præventivè dissolvit, asseverans jam à primordiis hujus coronæ, ejus successionem deferri generi, lineæ, seu sanguini. *Doquier, que el Señorio ovieron por linage, maiormente en España. & paulò infra. por raxon de linage.* quibus omni disputationi aditum præclufit, & observavit. Quid quid enim sit, an in reliquis Regnis successio hereditaria, vel sanguinis sit, vel tertio modo succedatur; in Castella certissimum est, sanguinis jure succedi, cum id lege expressum sit. Idem ipsum in reliquis Regnis, feudis, majoratibus, vel quibuscvis aliis successioneibus ex pacto, & providentia ducentibus originem, probabilius puto, juribus inspectis, præsertim Canonico, cum ex citatis textibus cap. *licet. de voto*, & cap. *Grandi. de supplend. negligent. prælator. lib. 6.* ferè manifestè deducatur, ut observavit August. Barboss. loco superius laudato.



§. I X.

*Proximioritas lineæ, & gradus ab ultimo Rege
tanquam à puncto centrico dimi-
tienda est, ex legibus
nostris.*

170. **M**Ajor, vel minor proximitas sive lineæ;
sive gradus, quæ ad successionem regu-
landam potissimum attendi debent, quædam legalis
distantiæ relationes sunt inter cognatos, quibus ex lege
nostra Regni deferenda successio est. Ideo de eis sicut
de quibuscvis aliis distantiæ respectibus discurremus,
necesse est. Porro ad omnem distantiam digno-
scendam, mensurandamvè, aliquod punctum fi-
xum, & immobile accipere oportet, à quo lineæ pro-
deunt, quò magis recedunt, plus distant; eoque mi-
nus, quo minus ab eo elongantur. Punctum centri
quia fixum, & immobile, omnis circumferentiæ di-
stantiæ optimum metrum est: ut quæ lineæ majori
tractu à centro absunt, distantiores sint, quæ minori
viciniores. Poli pariter, seu cardines, ut dicunt cœli,
optimæ distantiarum mensuræ dignoscendæ regulæ à
Mathematicis constituuntur; & per distantiam à polo
locorum ad invicem distantiam animadvertunt. Ad
cognoscendum ergo harum consanguinitatis linearum
majorem, vel proximitatem, vel distantiam, necesse
est,

est, stabilire, à quo velut à puncto centrico, seu à principio, deducenda mensura sit: quo stabilito, majorem vel propinquitatem, vel recessum ferè sensibilibiter cognoscere, poterimus. Cæterum in eo designando variant Doctores.

Nec inutile studium reputari debet, quod huic impenditur controversiæ. Nam Juris Austriaci defensores in memoriali, seu supplici libello oblato Sanctissimo Domino nostro Clementi XI. nunc felicissimè Petri naviculam gubernanti (utinam ad plurimos annos) pro investitura Regni Neapolis, hujus dissidii meminerunt, licet levi, ut dicunt, manu, & aliud agentes. Unde ne aliqua hanc refricandi disceptationem occasio relinquatur, eam hic præoccupare, ut in proprio loco conabimur.

171. Igitur in omni familiari successione, sive progenitura sit, sive feudum, sive Majoratus, sive Regnum, quod in Hispania præcipua primogenitura, & Majoratus est, imò omnium Majoratuum exemplar, ut supra tetigimus; distantiam dimetiendam esse à primo, vel instituto, vel investito, à quo cæteri profluunt, tanquàm à communi stipite, non jam ab ultimo ejus possessore, videtur colligi ex doctrina Barthol. in *leg. si cognatis*. nu. 2. ff. de reb. dub. Hanc opinionem approbant Alciat. *leg. cum ita legatur. §. in fideicommissio. ff. de legat. 2. num. 7.* Peralt. ibi. num. 22. Ripa in *leg. filius familias. §. divi*. num. 31. ff. de legat. 1. Idem in *leg. Ex facto*. in princip. num. 6. ff. ad Trebell. Anton. Rub.

Rub. conf. 126. num. 3. D. Didac. de Covarru. qui hanc opinionem in Hispanorum primogeniorum successione veriorē existimat, in Quæstionib. practic. quæst. 37. num. 1. eam communem appellant Joann. Dilect. de art. test. tit. 5. cautel. 21. num. 3. Marc. Mant. consil. 123. n. 6. Aymon. Cravet. conf. 43. num. 1. laudati à D. Ludovico Molina lib. 1. de Primogen. cap. 6. num. 46. qui lib. 3. cap. 9. à num. 4. usque ad 10. hujus sententiæ præcipua fundamenta fuso describit stylo.

172. Attamen contrariam opinionem, ut veriorē è regione defendunt plures alii, quos Author ipse laudat, sequiturque eodem lib. 1. cap. 6. num. 41. & ex professo propositis fundamentis, quibus innititur, suscipit defendendam citato lib. 3. cap. 9. à num. 11. & deinceps, quibus bene expensis, ea apparet procul dubio probabilior. Sed & P. Ludovicus Molina de just. & jur. disp. 628. per totam, eam solito acumine, & soliditate tuetur. Et quia contrariæ sententiæ patroni ducuntur exēplo fideicommissi familiæ relicto, in quo existimant decisum, majorem, vel minorem proximitatem substituti petendam esse à testante, & non ab ultimo possessore per leg. *Cum ita legatur. §. in fideicommissio. ff. de legat. 2.* illis maximè verbis. *Aut post eos omnes extinctos, qui ex nomine defuncti fuerint eo tempore, quo testator moritur, & qui ex his proximo gradu procreati sunt.* In quibus tres videtur Modestinus fecisse vocationes. primam, specialiter nominatorum: & post omnes extinctos: secundam, eorum qui sunt de

familia, & nomine testatoris, quo tempore testatur moritur. ibi. *Qui ex nomine defuncti fuerint eo tempore, quo testator moritur*. Tertiam, eorum *qui ex his proximo gradu procreati sunt*. Cum igitur secundo vocet magis conjunctos testatori, & tertio, eos qui iis magis conjuncti sunt; videtur quod ii semper succedere debeant, qui magis testatori conjuncti sunt.

173. Hic doctissimus Theologus ex hoc textu nihil, quod sententiæ illi faveat, deduci posse, manifestata eorundem Jurisconsulti verborum interpretatione, elucidavit. Mens, inquit, Modestini non est, tres successiones, sed duas expendere, videlicet, primo vocantur, qui in fideicommisso expressè nominabantur. Secundo, *post hos extinctos*, substituuntur, qui ex familia, & nomine testatoris sunt. Sed quia statim animum pulsabat quæstio, inter hos, qui ex familia testatoris sunt, quinam quibus præferri deberent, hoc dubium sequentibus verbis dissolvit, *et qui ex his proximo gradu procreati sunt*. quasi dicat per inversionem clariorem. *Ex his* (nimirum, qui ex nomine defuncti fuerint) *qui proximo gradu procreati sunt*. ut illud *ex his*. non debeat construi cum verbo. *procreati sunt*; quo casu nova induceretur substitutio, sed referri ad præcedentia verba. *Qui ex nomine defuncti fuerint*; & sensus est planus, quod ex his, qui de nomine defuncti fuerint, illi præcedant, qui proximo gradu procreati sunt. Tertiam verò successionem non statuit jurisconsultus, sed ex aliis legibus statuendam, & diffiniendam reliquit.

174. Et quidem hanc interpretationem non minus solidam esse, quàm subtilem inde probatur, quia irrationabile, imò incredibile est, Jurisconsultum omīsa dubii immediatè subnascentis decisione; mediatum, & posterius resultans occupare festinasse; sed id accideret, si vera esset contrariæ opinionis intelligentia; nam inter illos, qui expressè nominatis substituuntur, non decidisset dubium pullulans de eorum prælatione; & in secundò substitutis, id resolveret: non ergo credi potest ad posterius, priori, & immediatiori prætermisso, transitum fecisse: sed econtra, quod explicata substitutione primo nominatorum in communi, illis verbis, & *post eos omnes extinctos, qui ex nomine defuncti fuerint eo tempore, quo testator moritur*; progressus fuisset ad explicandum ordinem, quo ii substitui debent, quod explevit sequentibus verbis. *Et ex his qui proximo gradu procreati sunt*: atque adeo nihil de aliis substitutionibus cogitavit; nec ex ejus verbis elici potest, an deinceps substituendi suam proximitatem à testatore tanquàm à limite haurire debeant.

175. Utut autem fuerit, siue prima sententia in jure obtineat, siue secunda magis probetur, quod mihi verosimilius est: lex nostra relinquere noluit hujus Regni successionem his altercationibus obnoxiam; à subtilitatibusvè Jurisperitorum dependentem. Et merito quidem; quia in privatis successionibus nullum publicæ salutis ex hujusmodi controversiis forensibus imminet periculum; possuntque interesse habentes sine

Reipublicæ incommodo jura sua experiri, & opperiri Judicium decisionem; at verò in publicis Regnorum successione, quia identidem jura reddunt tormenta, non calamis; enses, non styli; prudentissimè possibiles adhuc controversiæ lege jugulantur. Lex ergo nostra partitarum, quæ ut diximus solum est scriptura Regni primò instituti, hanc difficultatem subodorata, sic loquitur. *Pero si todos estos falleciesen debe heredar el Reyno, el mas propinquo pariente, que oviesse.* Ne tamen recurreret præmissa quæstio, leg. 9. tit. 1. partit. 2. differtè explicat, à quo proquinquitas tanquàm à limite, & termino desumenda sit: nimirum, debere eos in successione præferri. *Que son mas propinquos parientes à los Reyes al tiempo de su finamiento.* perinde ac si latino dixisset idiomate, *debere in successione anteponi eos, qui Regibus, tempore obitus sui, proximiores sunt.* Ex quo manifestissimè apparet majorem, vel minorem proximitatem, vel distantiam mensurari debere à Rege illo, qui immediatè ante decessit, in cujus jure, & mancipio Regnum ultimo fuit, quod illo Martini paradigmate in §. præcedenti posito, satis oportune poterat illustrari.

176. Ex his satis superque claret, quomodo sit instituenda collatio inter Serenissimum Archiducem Carolum Austriacum, vel ejus Augustissimum Genitorem, & Catholicum Regem nostrum Philippum, majoris, vel minoris proximitatis ad effectum succedendi in Regnis Hispaniæ, quæ omnia Castellæ success.

cessioni uniformantur, ex lege nostra sæpius laudata. Nempè statuendus est Carolus II. dulcissimæ memoriæ, tanquàm limes, & punctum centricum, à quo petenda est proximitas, vel distantia utriusque cum sit ultimus Rex, in cuius jure, & mancipio Monarchia ultimò fuit: quo statuto, videndum quisnam ipsi linea magis appropinquet, & cum ipse lineam non produxerit descendente, quærenda est ejus linea ascendens, & inveniemus lineam Philippi IV. in qua ipse reperiebatur, tanquàm filius ejus; & quia in eadem linea reperiebatur Serenissima Infans Maria Theresia, tanquàm soror; ejus soboles in eadem linea est, nullusque alius superest ejusdem lineæ, nec etiam Augustissimus Cæsar: qui ex Philippo IV. non descendit; sed ex tertio. Unde planum est, quod Catholicus Rex Philippus V. linea proximior est. Et cum gradus computatio institui debeat inter eos, qui sunt in eadem linea, non in diversa; siue Cæsar gradu æqualis sit, siue non, nihil nostra referre potest, quia gradus proximioritas in eadem linea præfert; in diversa impertinens est, & minimè attendenda.



§. X.

*Lex fundamentalis alterari nequit, nisi ex causa
ipfi cohærente.*

177. **P**ossunt profectò Principes, quibus lege Regia omnis ad Rempublicam administrandam potestas concessa est, leges condere, quas publicæ salutis utiles existimaverint, ab antecessoribus, vel à se ipsis latas, si inutiles animadvertunt, abrogare, in ipsisq; causa rationabili suadente, dispensare; Sed minimè leges fundamentales, quibus Regia potestas veluti cardini innititur, abrogare, immutare, vel alterare queunt, nisi ex causa ipsis fundamentalibus legibus cohærente, publico populi accedente consensu: quæ mutatio potius declaratio quædam dicenda est, quam legis fundamentalis alteratio. Hujus ratio potissima est; Quod populus, in quo ab initio omnis legislativa potestas residebat, sub his legibus, & non aliàs, transtulit in Regem, ut in ministeriale caput, omnem suam potestatem, ut per ipsum exercendam, unde leges istæ vel antecedunt, vel comitantur ipsius potestatis translationem, atque adeo inferri non dependent ab ea potestate, quam in Principem transferunt, sed à radicali totius Reipublicæ potestate; ex cōmuni autem juris proloquio, res per quas causas nascitur per easdem dissolvitur; cui consonat Philosophorū

re-

receptum principium illud, à quo res pendet in esse; pendet & in conservari. Si igitur leges huiusmodi independentes à Principe sunt quoad fieri; ab eo dependere nequeunt quoad conservari, ac per consequens eas abrogare, immutare, vel alterare, quoquo modo Princeps potis non est.

178. Ex hoc pervio principio originem trahit prisca illa, & ubique gentium recepta consuetudo adstringens Principes jure Regni successuros, ut priusquam populus ipsis Sacramenti religione devinciatur; solemnissimè juramentum emittant de legibus Regni conservandis; quod de his fundamentalibus intelligendum est; siquidem alias, quæ potestate Regia sanctæ sunt, nemo dubitat, simili, quæ inaugurandis Regibus conceditur, facultate, quin immutare possint; imò cum publica utilitate identidem immutant: ut scilicet hoc novo firmitatis vinculo teneantur, leges illas, quarum perseverantiam Respublica semper amavit, illæsas, fartas tectasque custodire.

179. Maximi planè momenti hæc res est; & aqua præcipuè dependet Catholici Regis nostri Philippi jus conspicuum successionis; quando quidem, ea stabilita, prorsus corrui Austriacæ Domus conatus. Nam, cum negare haud possint Regi nostro competere linæ, & gradus prærogativam; unus superest ipsis recursus: dispositio, scilicet exclusiva Philippi IV. qui perpetuo abercuit à successionem descendentes Serenissimæ Infantis Mariæ Theresiæ, postea Franciæ Christiani-

stianissimæ Reginæ: & Carolo sine liberis decedenti Austriacæ Domus germina substituit; eaque propter, hac, si inutilis sit, dispositione ablegata, Austriades principaliori destituuntur, imò unico suæ causæ subsidio. Idcirco in re tanti momenti, ne proprio abduci judicio, vel Regis amore credamur, liberiora promenda nobis erunt suffragia.

180. Ad assertum nostrum itaque firmandum est textus expressus in cap. *Intellecto*, de *jure jurand.* in quo Summ. Pontifex Andræam Hungariæ Regem, qui sub juramento plura Regni bona abalienaverat, à vinculo juramenti absolvit, ex ea expressa in textu ratione, quod prædicta alienatio facta fuerat, contra leges fundamentales Regni, quarum observantiam in ipsa ad thronum assumptione juraverat. Si contractus juramento firmatus celebratus à Rege contra leges Regni fundamentales, non sustinetur, sed potius, irritato juramento, cassatur: argumentum est, nihil posse Reges contra hujusmodi fundamentales leges intentare. Videndus Abb. in hoc cap. col. 2. cui consonant *Felin.* in cap. *Prudentiarum. de off. delegat.* col. 2. *Jas.* in leg. *nemo potest. ff. de legat. 2.* *Tiraquell.* de *Primogen.* q. 21. & 27. & alii complures.

181. Nec vim hujus manifestissimi textus infirmabit, qui respondeat: idcirco contractum recisum, juramentumque irritum declaratum, quia contractus initus, & juramentum emisum contra religionem prioris juramenti; non quia contra leges Regni funda-

da.

damentales, quæ se ipsis, & à robore quod ex jure jurando naſcitur ſunt, præſcindendo; nec infirmarent contractum, nec irritum juramentum facerent. Non, inquam, vis argumenti hac evaſione enervatur. Quia Pontifex ex æquo dixit, juramentum fuiſſe emiſſum, & alienationes factas, contra leges Regni, quas Andræas tenebatur, & in ſua exaltatione obſervare juraverat: ideoque non eſt ratio cur potius ad prioris juramenti vinculum, quàm ad legum obſervandarum obligationem irritatio, & reſciſio referantur; niſi quis divinam mentem Pontificis præſumat: & conſequenter ad utrūque referri debent; imò principalius obligationem ſervandi leges illas reſpectaſſe Pontificem, patet, ex eo, quod principalius illius obligationis meminit, inquit enim. *Quia cum teneatur* (ecce principalius) *et in coronatione ſua juraverit* (ecce minus principale) *Regni ſui jura, et honorem coronæ illibata ſervare, &c.* Quod expreſſè docuit D. Eman. Gonzal. Tell. in Commentar. ad prædictum cap. ſub fine. Ex alio etiam principio deducitur, primario, & per ſe in cauſa prædictæ irritationis, & reſciſionis fuiſſe obligationem leges illas obſervandi: videlicet, ſi Rex ab earum legum obligatione ſolutus eſſet, ita ut eas potuiſſet alterare, abrogare, vel ipsis, quoad aliquem ſpecialeſ casum, derogare, ſi non eſſet juramentum; poſſet utique accedente juramento. Quia juramentum non fuit de non alterando, abrogando, derogando legibus prædictis; ſed de eis obſervandis; obſervantia autem ſupponit earum

existentiam; cum ergo Rex posset eis derogare; vel abrogare, in eo casu juramento non teneretur, quia juramentum sequitur naturam rei super quam cadit, ut infra videbimus: ergo eodem modo eas posset abrogare, vel derogare, stante juramento eas observandi, ac si tale juramentum nunquam accessisset. Unde ad obligationem inaufertibilem eas observandi, quia leges fundamentales sunt, quàm ad jurisjurandi vinculum irritatio, & rescissio potius referri debent.

182. Explicatur, & confirmatur hoc. Commune est omnibus sive Theologis, sive Canonistis, qui de juramenti obligatione aliquid ediderunt; quod juramenti obligatio extinguatur, extincta materia, super quam cadit: quia corrumpente fundamento, corrumpit id, quod superædificatum est. Ut si quis sub juramento promissit bona sua ex testamento alteri relinquere; si bona jam sua non sunt tempore testamenti, ab obligatione liberatur; bona autem alieni juris multimodis fieri potuerunt, venditione, donatione, consumptione, & aliis, aut merè casualibus, aut ipsi liberis; per vinculum enim juramenti legandi, vel instituendi, non se arctavit ad non donandum, non vendendum, non consumendum; sed ad bona stantia tempore conditi testamenti relinquendum. Si igitur Rex Hungariæ facultatem ex natura Regiæ potestatis habuit dispensandi, vel abrogandi ea, quæ legibus fundamentalibus præscribebantur; hanc potestatem haud abdicavit per juramentum ea observandi; quia sicut jurans relinquere ex testamento,

mento, obligatur solum relinquere bona stantia, non tamen abdicavit facultatem ea donandi, vendendi, vel consumendi; consimili modo jurans observare leges, obligatur eas observare, si perseverent, non autem abdicavit facultatem eas ex rationabili causa abrogandi, vel ipsis derogandi. Censendus ergo esset Andræas ipsis derogasse, dum pacta illa icebat juramento firmata, ex communi regula, quod contractus valori debeat favere interpretatio. Atque adeò Pontifex ex capite juramenti infirmum deprompsisset argumentum ad irritandum posterius juramentum, & rescindendos contractus. Ergo præter propter juramentum præcedens, posterius irritavit, & contractus rescindendos edixit. Licet scopo nostro satis superque esset, quod omnes Reges in inauguratione sua hoc juramentum emittere teneantur, & re ipsa emittant; si ex eo resultat, quod prædictas leges nequeunt immutare.

183. Sed contractus, & in specie, leges fundamentales successionem concernentes immutari non posse, auferendo primogenito, vel majori filio successionem, eamque posteriori addicendo, probatur argumento text. in cap. *Sicut. de voto*, & *voti redempt.* & in cap. *Grandi. de supplend. negligent. Prælat. lib. 6.* ut adnotarunt Joann. Andr. Imol. Archidiacon. & nuperimè D. Emman. Gonzal. Tellez. dict. cap. num. 2. Et ratio efficacissima id persuadet. Etenim successuri habent jus quæsitum ad successionem non à Regibus præcedentibus; sed ab eodem fonte, à quo hi hauserunt,

D d 2 runt,

runt, & illi hauriunt, & insimul omnes, licet suo ordine, invitati sunt, scilicet, à populo lege lata, supposita derivatione à primo Rege; ergo justipolis conpetens ex populi dono, non verò ex Regum beneficio, Reges auferre nequeunt. Antecedens ex præcedenti §. VIII. hujus Sectionis constat. Consequentiam verò probat solidissimè text. in leg. *Cum filius familias ff. de militari testament. ibi. Quia hereditati quidem sue miles, quam velit substitutionem facere potest: verumtamen alienum ius tollere non potest.* quem textum versans Bald. appositissimè dixit, *posse militem hereditati propriae, non alienae legem imponere.* Et juxta hanc doctrinam consil. 215. lib. 2. ait; quod si antiqua feudi investitura vocaret masculos taxativè; nova nequit insimul masculos, & fēminas vocare; quia prima semper est attendenda; illi enim haud potest posterioribus derogari. Cui adstipulantur Deci. consil. 185. n. 3. & consil. 445. num. 22: Bertrand. consil. 1. nu. 98. volum. 1. Gozadin. consil. 53. num. 18. Tiraquell. de Primogen. quæst. 21. num. 8. Afflic. decis. 112. Carol. Molinæus in consuetudinib. Paris. tit. 1. §. 8. gloss. 3. nu. 7. Covarru. in cap. *si heredes de testam.* num. 9. Cels. consil. 26. num. 24. cum sequentibus. Cum ergo Regnum non sit Regis, sed Reipublicæ; hujus, & non illius est de ejus successione statuere: ut pulchrè dixerit Thuan. ad ann. 1593. laudatus ab eruditissimo Rege gente Biscardo. *Legis esse, non Regis, de Regni successione decernere.*

184. Non dubito, quin hæ doctrinæ Doctissimi P. Ludovici Molina oculis obversarentur, dùm disput. 627. de justit. & jur. hoc super subjecto discurrens illa præclara verba contexuit. *Princeps autem, Consilarii que ejus nihil de novo possunt statuere circa successionem in Regno à Republica ipsa statutam, aliquid augendo, aut minuendo, vel etiam declarando, quo jus uni tribuatur, aut ab alio auferatur etiam in posterum; sed id ad Rempublicam totam spectat, antequam alicui jus acquiratur: nec Respublica ipsa id potest, postquam jam jus fuerat aliovi questum vi primæ Regni institutionis.* Ubi animadvertere oportet, quod tantam in his legibus stabilitatem hic Author confideravit, ut nè dùm Regibus facultatem eas alterandi denegaverit; verùm & ipsi Reipublicæ, si semel ex primæva lege jam alicui jus quæsitum sit; rectè quidem, nam postquàm jus alicui quæsitum est, nequit sine injuria eo expoliari, sive illud quæsitum fuerit donatione, sive pacto convento, sive alio modo: semper enim verum est, quod jus suum est, & per consequens, quod citra injuriam nequeat ab alio, quam à se ipso expoliari. In eo tamen differunt Rex, & Respublica. Quod Rex nequit leges istas invertere, sive jus quæsitum sit, sive non; Respublica verò, accedente causa ipsi legi cohærente, id possit respectu eorum, qui jus adhuc non quæsierunt, si ii, ad quos attinet, consensum præstent. Imò si causa gravissima foret, & maximè legibus cohærens, etiam genitoribus invitis, resultantia juris

juris posset per Rempublicam impediri ; ut notavit Hug. Grot. citato opere de jur. bell. & pac. lib. 2. cap. 7. num. 26. in calce. *Illud interest inter natos, & nascituros; quod nascituris nondum quaesitum sit jus; atque idèd auferri iis possit populi voluntate, si etiam parentes, quorum interest jus ad filios transire, jus illud remiserint.* Id autem intelligi debet sano modo, nempe ex causa rationabili ipsis legibus consentanea. Nam cum eadem sit Respublica, semper eadem moraliter perseverans; ex pactoque convento, & acceptato cum primo Rege pro se, & posteris suis, jus succedendi, etiam nascituris, suo tempore deferendum esset; non posset Respublica adhuc ex consensu genitorum, impedire, quin transeat, nisi talis causa sit, quod ex mente convenientium, & paciscentium, si occurreret ab initio, prædicti juris resultantia verosimiliter impediretur: eaque causa debet ex ipso pacto, vel lege aliquomodo innotescere, ne voluntaria interpretatio in re discrimine, & alea plena, ex privata affectione fiat, & in tãti momenti negotio proximius vocati jure competituro præventiva violentia exuantur, vel potius spem succedendi inducere prohibeantur.

185. Non tamen negaverim, quin Reges, quando causa legibus apertè cohæret, possint, pacto convento cum habentibus interesse, ordinem succedendi Reipublicæ nomine invertere; quia cum sit Regni sponsus; ut ait Luc. de Pen. in leg. *Quicumque. C. de omn. ag. desert. lib. 11.* Cum sit Regni Tutor, ut ait Renat.

Renat. Cupin. de Domin. Franc. lib. 2. tit. 1. Mieres. p. 4. q. 1. num. 230. Cost. de Tert. cap. 17. num. 9. Cum sit Regni caput, ut de se patet; ad ipsum spectat legum observantiam urgere, & Reipublicæ bono, ac Regni incolumitati providere. Ideoque quidquid in simili hypotesi paciscitur, non potest à Republica non gratum, ratumque haberi; quia ab eo gestum, cui proprio munere incumbit Regni leges, & instituta defendere ex ipsa Regni institutione. At si res non ita clara sit, sed potius dubium prudens emergat, an legibus primitivis conveniat, vel ab eis discordet? Respublica consulenda est, penes quam est autoritativa potestas declarandi, re benè perspecta, & sine privata affectione ponderata; quæ si post disceptationem appareat legibus connexa; poterit, ex ea procedere ad exclusionem; si solum consona, exigere renuntiationem, modo paulo ante insinuato.

186. Peregrinus consil. unic. post tractatum de jure Fisc. quem ad idem induxit prælaudatus D. Regens Biscardus §. 10. suæ excultissimæ, & doctissimæ pariter Epistolæ pro jure Regis nostri Philippi, non ita pridem editæ, ex alio motivo hanc communem adstruxit sententiam. Nimirum. *Spes (sunt ejus verba) quam habet filius Regis, aut frater Regis viventis de succedendo post illius mortem in Regno, est adeò jure, & usu gentium comprobata, quod nec ordinatione, aut alia Regis voluntate tolli, aut immutari possit præponendo secundogenitum primogenito, aut tertium secundo,*

cundo, aut aliter. In Regnis ergo lineaticis, in quibus jure sanguinis succeditur, vel succedit sanguis ipse à primo Rege propagatus de jure gentium est, usu, & longæva consuetudine, nunquam interrupta confirmato, quod Reges nequeant quidquam circa ejus successionem per Rempublicam semel statutam dispendere, invertere, aut quoquo modo immutare; sed Regnum vocatus à lege obtinere debet, eodem ordine, ac ipsi obtinuerunt. Quæ doctrina suadet nos hanc immutationem lege nostra prohibitam. Siquidem id quod reliquæ nationes quoad successionem ex jure sanguinis observarunt semper, fuisse itidem perpetuò in Hispania sanctè observatum lex partitarum toties commendata asseverat. *Y esto usaron siempre en todas las partes del mundo, doquier, que el Señorio ovieron por lineage, e majormente en España.* Quibus verbis si addamus illam exclusivam, quam eadem lex apponit, dum filios ex primogenito prædefuncto præfert patruis quoad successionem Avi, scilicet. *Y aun mandaron, que si el fiyo maior moriese ante que heredase, si dejase fiyo, o fija, que oviese de su muger legitima, que aquel, o aquella lo oviese, e no otro ninguno.* Videtur per dictam legem facultatem ademptam Regibus prædictam legem invertendi; ut quid enim post vocatos expressè filios ex præmortuo primogenito ad Avi successionem, illam exclusivam apposuit, *e no otro ninguno?* nisi ut innueret, hanc vocationem nullo colore, nullo prætextu posse Reges invertere, vel declaratione

clu-

cludere, ut potè per Rempublicam stabilitam, quod licet reliquis ejusdem legis dispositionibus commune sit; in hac tamen legislatoribus præsertim adnotare placuit, quia non inani motivo, sed urgentissima suspicione verebantur, ne amor erga secundogenitum masculum abduceret Regem, ut illum nepoti, & maxime neptri, in successione præferret, si potestatem has leges declarandi, vel immutandi sibi posset vindicare.

187. Cyriacus autem controvers. 402. eidem sententiæ suffragatur, sed ex causa enormissimæ, aut potius totalis læsionis, quam Rex proximiori inferret: ait enim. *Læsionem autem enormem, imò totalem, considerant Doctores respectu successionis, si pater, vel alter ultimò defunctus, tolleret successionem debitam uni, & conferret alteri, siue deberetur filio, siue collateralis. Id enim prædecessori non licet.* Cum enim jus succedendi sit donum soboli primi Regis ordinatè concessum; sine injuria, & læsione nequit à Rege eo destitui, & cum in rerum summa hæc destitutio versaretur, proculdubio læsionem enormem, & totalem, inferret. Multus essem, si omnia vellem Authorum, huic certissimæ, & tutissimæ sententiæ expendere faventia suffragia: ea propter ne lectori fastidio sumus, consultò duximus omittenda.

188. Sed quia diximus posse Rempublicam ex aliqua causa legibus ipsis cohærente, eisdem in aliquo eventu deregare, & ex consensu parentum, ad quos attinet, ne filii jure suo tempore ipsis competituro an-

E c

tici-

icipata injuria fraudentur: vel ipsis invitis, si causa vehementer legibus consonet, gravissimaque sit, impedire, jus hujusmodi nè ad eos, qui illud non quæsierunt, in posterum transeat; edisserendum restat, quænam sit hæc causa; item quæ ratio hujus limitationis? Ad primum quod attinet; causa justa & probabilis ea censenda est, quæ à legibus ipsis aliquomodo innuitur, vel ex ipsis congrua interpretatione, attento principaliori fine, deducitur, hæc enim causa est legibus ipsis cohærens. Exemplum erit in legibus nostris opportunum. Si filius secundogenitus Regum Castellæ ducere vellet filiam natu majorem, & hæredem Angliæ, vel Daniæ ab Ecclesiæ Catholicæ fide dissentientem, posset Respublica ab eo exigere renuntiationem pro se, & filiis ex eo conjugio nascituris, casu, quo juxta ordinem genituræ ipsis deferenda successio foret, & ex ejus consensu filios etiam in Catholica Fide instruendos à successione excludere; quia cum lex fundamentalis vocet filios filii majoris ad successionem, si pater fuerit Catholicus, & in rigore hoc de solo genitore verificetur; nemo tamen dubitare potest quin ipsi legi cohæreant, quod uterque Genitor Catholicus sit; plus enim hoc modo satus præsumitur distare à labo, & hæresis suspicione, quam si solo patre Catholico fuerit progenitus; eoque minus vereri de ipso poterit, ne Rempublicam à vera fide abducat, quod est finis illius conditionis. Quod si filia major Regum Castellæ Regem Angliæ pridem hæreticum, postea vñ ad Catho-

tholicam Fidem conversum, virum accepisset; posset Respublica etiam, ea invita, filios hujus conjugii à successione arcere; licet enim pater Catholicus sit, vehementer legi cohæret ejus exclusio, quia cum lex vocet proximiorē ad successionem, cujus pater fuerit Catholicus, vehementer præsumitur legem voluisse, quod semper fuerit Catholicus, seu quod nunquam fuerit hæreticus, potentior quippe censetur efficacia genitoris in filios, quàm genitricis, unde majus everisionis fidei periculum inde immineret, si fortè ejus conversio subdola, & ficta fuisset, & temporalibus potius suavia motivis, quàm ex animi vera sententia.

189. Hic consequenter eruitur, quod si filia Regis, populo renuente, externo Principi, vel Regi nuberet, cum periculo mutationis status, si ejus soboles in successionem veniret; Respublica posset ejus sobolem à successione arcere, sive ipsa consentiret, sive dissentiret; quia ex lege fundamentali, filia successura debet Reipublicæ providentia collocari, ut hæc suis nuptiis sibi, & Regiæ posteritati consulat, ut scilicet Regnum conservetur sub proprio Principe sine alterius dependentia, in tantum, ut satius visum fuerit Reipublicæ quod indigenæ equiti nuberet, quàm potentissimo Regi, si ex posteriori conjugio periculum mutationis status non præcaveatur, ut patet ex illis verbis. *Et illa Magnatorum Gothorum providentia de nobilioribus Gothis accipiat virum, de quo regalis posteritas conservetur, scilicet in Hispania perseverans.*

Sed si populus conjugio non dissentiat, poterit ab ipsa exquiri renunciatio pro se, & posteris suis de jure successionis, quatenus prædicto fini adversatur; scilicet, si nulla, tempore successionis deferendæ esset proles, quæ perseveranter in Hispania morari posset, & de qua regalis posteritas in Hispania conservetur, imò, ipsa hoc modo renunciare renuente, prolem quatenus prædictæ legi, & ejus fini adversatur, à successionē excludere; unde si tempore deferendæ successionis unicus filius esset, isque in Hispania morari recusaret; successio, eo post habito, proximiori deferenda esset, ut Regnum immutatum omnino, & regalis posteritas in Hispania conservetur.

190. Ratio verò hujus limitationis, & quidem obvia, ac manifesta, est. Quia cum Respublica, quæ Regio sanguini sceptrum perpetuè adjudicavit, eadem sit moraliter semper perseverans, licet non possit absolute jus tenet translatum, & Regiæ soboli concessum, ipsi eripere; potest tamen, cum quoad hoc superiorem non habeat, leges, sub quibus hoc elargita est donum, vindicare, & asserere; & ubi dubiæ sunt, sine fraude declarare; perinde ac à principio, si casus omnes occurrissent, declarasset. Nam qui vis hanc legislator facultatem habet suas leges explicandi, & ubi verba obscura sunt, mentem declarandi, non solum doctrinaliter, sed authoritative, easque ad observantiam deducendi. Id autem tunc sine fraude factum agnoscitur, quando causa est ipsis legibus cohærens, vel in ipsis

ipsis insinuata; quis enim alius, quid Respublica voluerit, assequi poterit, quam ipsa Respublica, quæ per moralem perseverantiam eadem modo est, quæ fuit ab initio, & per continuam traditionem à parentibus in filios, quid primò ipsa voluerit deprehendit? Unde oportunè satis Hug. Grot. de jur. bell. & pac. lib. 2. cap. 3. num. 27. asseruit, quod quando de primæva populi voluntate quæstio incidit, ipsius Reipublicæ est mentem suam aperire. Sin verò causa sit vehementer legibus connexa, jam tunc legibus diffinita videtur, atque adeo Respublica, vel Rex, qui jurium Reipublicæ vindex, & procurator est, ipsa consentiente, vel non reluctante, ejus nomine legum observantiam poterit urgere, etiam excludendo positivè, qui alias excludi nequibant, non enim tunc affert ipsis jus, sed per legem ablatum declarat; ut in posterum nequeat affectari. Hæc, quæ dicendis non parum subserviunt, hic ut in proprio loco prænotare, operæ pretium duximus.

§. X I.

*Ex dictis hac priori Sectionis parte formatur
argumentum positivum pro successione
Regis Catholici.*

191: **H** Actenus latomi, aut cæmentarii partes subivimus, materiam, scilicet, aptantes, & fundamenta jacentes; nunc verò ædificium super hæc

hæc fundamenta architectabimus. Ex his, quæ tota hac prima Sectionis parte sparsim diximus, infallibile, & ineluctabile jus Catholici Regis nostri Philippi præ quovis alio, etiam Augustissimo Cæsare, & ejus Serenissima sobole à primo ad ultimum sic dilcurrendo colligimus.

102. Ille est verus Monarchiæ Hispanæ Successor, quem leges fundamentales Regni Castellæ ad successionem, aliis exclusis, invitant. Sed hujus Regni leges fundamentales invitant, aliis exclusis, Catholicum Regem nostrum Philippum. Ergo Catholicus Rex noster Philippus est unicus, verus, & justus Hispanæ Monarchiæ Successor. Discursus ad rigidas logicæ regulas constructus est. Unde si præmissæ constiterint, de consequio dubitari nequit. Præmissæ itaque probandæ.

103. Ad majorem, quod attinet, crediderim apud Austriades sic receptam fore, quod probatione non indigeat. Quando quidem, & ipsi contendunt successionem universæ Monarchiæ ex eisdem legibus; cum enim sit Regnum Castellæ potior, & maxima, principaliorvè pars præfatæ Monarchiæ, cui reliqua omnia sive Regna, sive Provinciæ accedunt, & adhærent; nec reliqua aliquam specialem succedendi legem à Castellæ successionem difformem prætendant; consequens est, ut qui ad successionem hujus Coronæ jus habet, ad cætera etiam vocetur. Porro quod successio regulari debeat in Regno Castellæ juribus propriis, certissimum est,

est, quia cum sit Regnum prorsus liberum, & independens, ex Reipublicæ constitutione suam originem trahens; suis legibus, non alienis gubernari debet. Libertas, & exemptio constat ex his, quæ fusè tractavimus sect. 1. §. 2. Leges verò ipsas dedimus in hac prima sectionis 2. part. §. 1. & 2. & earum observantiam probavimus §. 3. 4. & 5. Atque ex abundanti, eas omnino conformes naturali æquitati, juri gentium, Cæsareo, & Canonico ostendimus §. 6. & 7. cæsim, & per particulas eas versando. Ideoque quidquid de hoc desiderari poterat, inibi præconceptum relinquimus.

194. Minor verò, ad quam tota, necesse est, devolvatur difficultas, probatur. Quia per hujusmodi leges primò vocatur linea recta primogenitorum, vel majorum natu filiorum à primo Rege Pelagio derivans, de quo egimus hujus partis §. 6. Post modum, ne linea recta recurvetur; fēminas à primogenito, qui lineam superiorem constituit, & produxit, recta descendentes, præponunt masculis collateralibus, vel transversalibus, ut exhibuimus §. 7. Inter concurrentes lineæ, & gradus proximitas mensuranda est ab ultimo Rege, ut visum est §. 9. Descendentes ex mortuis potioris lineæ se præferunt, ex dictis eodem §. 7. In hoc Regno succeditur jure sanguinis, non hæreditario, ut ex §. 8. atque adeo parentis renuntiatio liberis jure suo venientibus, ex ibi insinuat, & expressius discutendis in posteri sectionis parte, officere nequit. Hujusmodi leges nulla Regnantium dispositione sive inter

apparebit. Ergo in solo Philippo concurrunt ea omnia, quæ leges desiderant, & in nullo alio; atque adeo ipse, aliis exclusis, est quem leges fundamentales invitant. Hæc omnia ex dictis certissima sunt, si demas ea, quæ de renuntiatione, & exclusione innuebamus, quæ quia potius ad negativa, quam ad positiva attinent; posteriori, quam aggredimur jam, Sectionis partem ex professo disceptanda reservavimus.

SECTIONIS II.

PARS ALTERA.

Fundamenta Austriacum discutiens.

Vidimus modo usque Catholicum Regem nostrum Philippum, attentis fundamentalibus Regni Castellæ legibus, quæ à jure gentium, Cæsareo, & Ecclesiastico non discordant, unum esse, legitimum, quæ Hispanæ Monarchiæ Successorem. Videndum modò quæ ab Austriacis ipsi opponuntur; ut his everfis, ejus jus, quod hætenus positivè eluxit, etiam negativè, & veluti à contrario magis magisque elucescat, sicut diciscens aurora sine lucis incremento, quò dispelluntur recedentis noctis tenebræ, eo magis albescit, & claret.

§. I.

*Renuntiationes ab Austriacis objectæ non
attinent ad controversiam.*

196. **P** Rincipio: Austriaci Juris defensores toto conatu, & veluti firmissiori machina arietare tentant Catholici Regis successionem famosis illis renuntiationibus cum Serenissimæ Infantis Annæ Mauritiæ, postea nuptæ Ludovico XIII. Regi Christianissimo; Serenissimæ item Infantis Mariæ Theresiæ, quæ consimili sorte nupsit Ludovico Magno, seu XIV. adhuc felicissimè in Francia regnante, & quem ad etherodoxos evertendos, plurimos annos regnatum speramus. Ex his enim duabus successivè Franciæ Reginis, Hispanis Regibus Philippo III. & IV. successivè progenitis, Catholicus Rex sua jura vindicat: ideoque si prædictæ renuntiationes subsistunt; credunt Austriaci, omni jure destitutum fore. Renuntiationes porro istas hoc modo urgeri posse crediderim. Philippus III. Rex Catholicus, priusquam filiam natu majorem, Serenissimam Infantem Annam Ludovico XIII. Regi Christianissimo, desponderet, & Filio suo Philippo IV. Regni Successori, Serenissimam Elisabetham Ludovici præfati sororem Sponsam acciperet, (hoc duplicato nodo Hispanam cum Francica Monarchia perpetuo innectere volens) ne ex his nuptiis aliquando posset

set evenire, quod hæ duæ Monarchiæ in una eâdemque persona coirent; cum utriusque jactura, & præjudicio (cum enim tantæ sint, non nisi incommodè ab uno eodemque Principe administrari possent, & quod deterius esset, quævis prætenderet Regem intra proprios fines, Regiamque conservare, quia neutra alteri cedere vellet; cum qua diù multumque de primatu, & principatate decertaverat) exegit à Serenissima filia amplissimam renuntiationem, omnibus possibilibus cautelis vallatam, præsertim jure jurando; quod bis prædicta, renuntians præstitit, & ante contractum, & post contractum conjugium; cui simili renuntiatione correspondit Serenissima Elisabetha, antequàm eam Philippus duxisset, ut contractus mutuus æqualibus hinc inde legibus celebraretur.

197. Ex matrimonio Christianissimi Regis Ludovici cum Serenissima Infante Anna Mauricia, post plurima populorum vota; processit Christianissimus Rex Ludovicus XIV. ex nuptiis vero Philippi IV. cum Serenissima Elisabetha, Serenissima Infans Maria Theresia, inter quos conjugium, replicato vinculo, pactum est; ea tamen lege, ut deberet Sponsa similem, ex simili causa, renuntiationem emittere, prout eisdem cautelis, clausulis, & juramentis bis etiam emisit, ante, scilicet, & post matrimonium in faccie Ecclesiæ contractum. Hoc supposito, inquit adversarii, nequit Rex Philippus jus aliquod ad successionem prætere; quia si quod ipsi competere posset, esset vel à Serenissima

Avia Maria Theresia transmissum, vel à Serenissima Proavia Anna Mauritii; sed ab his nullum succedendi jus transmitti potuit, cum illud à te solemnissime abdicaverint ante conjugium: & ne super validitate hujus abdicationis lis aliqua superesset, post conjugium, & sui juris factæ, in potestate virorum, non parentum, constitutæ, prædictam renuntiationem iterarunt; unde exceptiones minorennitatis, erroris, metus gravis, & similes, quæ intentari possent, evanescent. Nullum igitur reliquum in ipsis jus fuit, quod ad sobolem ex prædicto matrimonio nascituram transmittere possent: præsertim cum in utroque actu juramentum intervenerit, cujus religione, licet renuntiatio Jure Cæsareo nõ substatueatur, Jure Ecclesiastico convalescit. Ex his quæ tradunt Doctor. in cap. *Quamvis pactum de jure jurando*. & ut solet, copiosè, & eruditè D. Covarrub. in relect. ad prædict. cap. §. 1.

198. At verò, cessante jure Serenissimarum Franciæ Reginarum, nullus proximior linea, & gradu reperitur respectu præmortui Regis Catholici Caroli, Augustissimo Cæsare Leopoldo; siquidem ipse est filius Serenissimæ Imperatricis Mariæ Austriacæ, Philippi IV. post Annam sororis, nec ex Philippo III. utriusque genitore alia soboles superest, præter illam, quæ renuntiationibus prædictis afficitur, & earum virtute exclusa prætenditur. Ipse ergo, & secundum eum ejus filius Serenissimus Archidux Austriæ in prædicta Monarchia videtur indubitatus successor.

199. Hoc est potissimum Austriadum fundamentum: quod pluribus aliis reflexionibus coadjuvari potest. Sed ne omnia simul involvamus, cum jactura claritatis, eas seorsim suis locis pōderare duximus; ut propria cujusque solutio cum ejus gravitate cōferri possit. Amamus, ut res prout in se sunt, intelligantur, & ut id assequamur, distinctionem, commodamque earum distributionem enitimur, sine qua potius obnubuntur, quàm explicantur.

200. Sed hic Austriaci Juris, vel Hector, vel Achilles, ignavus plane est, & cui nulla victoriæ spes in-
niti possit. Negamus enim, Serenissimas Infantes præfatas aliquam emisisse renuntiationem juris succedendi in Catholica Monarchia; solum enim renuntiaverunt bonis hæreditatis paternæ, & maternæ, ex causa dotis; ut luce clarius constat ex ipsis pactis nuptialibus utriusque quæ mutatis solummodo Infantium ipsarum nominibus, cæterò ejusdem contexturæ sunt. Ecce verba clausulæ 4. in qua renuntiatio convenitur. *Que mediante el pagamento efectivo hecho à Su Mag. Christianissima, o a quien por su mādado lo buviere de recibir, de dichos quinientos mil escudos de oro del sol, o su justo valor en los plazos arriva dichos, la Serenissima Infanta D. Maria Teresa se baya de cōtentar, i contente con la dicha dote, sin que le quede recurso, accion, ni derecho alguno, para pedir, o pretender, que le pertenecen, o pueden pertenecer otros mas bienes, derechos, ni acciones de las herencias de Sus Mag. Catholicas*
fus

sus padres, ò por contemplacion de sus personas, ò en otra qualquier manera, ò por otro qualquier titulo sabido, ò ignorado, porque de todos ellos de qualquier condicion, naturaleza, ò calidad, que sean, ha de quedar exclusa, y antes de la effectuacion de su desposorio barà renunciacion en forma de ello con todas las fuerzas, firmezas. y solemnidades, que se requieren, ò son necesarias, la qual barà antes de casarse por palabras de presente, y despues la aprobarà, y ratificarà juntamente con el Rey Christianissimo luego, que baya celebrado su casamiento. Hæc est emiliæ renuntiationis materia, videlicet, hæreditas bonorum patris, & matris; nec ullum verbum est, quod successionem Regnorum, de qua modo disputamus, aliquo modo concernat. Unde quantumcumque valide sint hujusmodi renuntiationes, extra controversiam nostram sunt, quæ solum jura successionis in Regnis, nõ in hæreditariis modò disceptat.

201. *Nisi velint adversarii, in renuntiatione hæreditatis paternæ, & maternæ comprehendere successionem in Regnis, aut paternis, aut maternis, fortè, quia in ipsis, ut nonnulli dicunt, succeditur jure hæreditario. Sed hoc nihil prodest: tum, quia licet in aliis Regnis locum habere posset prædicta tenentia, quæ tamen frequentioribus Juristarum suffragiis rejicitur, ut vidimus parte præcedenti. §. 8. in Regnis Hispaniæ procul dubio obtinere nequit: quando quidem ex ipsis legibus constet, successionem in eis deferri jure sanguinis, ut ibidem expensis verbis ostendimus; Consequens igitur est, quod*

quod in renuntiatione, etiam amplissima, hæreditatis, Regni successio cadere nequeat. Tum etiam, quia licet in Regnis successio juris hæreditarii foret, adhuc non veniret renuntiatio sub terminis quomodolibet indefinitis successione hæreditatis paternæ, vel maternæ. Et ratio est. Quia licet in Regno, in Fædo, in Majoratu succederetur hæreditario jure, tamen Regnum, Fædum, vel Majoratus non sunt bona omnino, & propriè paterna, vel materna, ut docet Covarrub. citat. cap. *Quamvis pactum* part. 3. §. 3. num. 6. unde filius, vel filia renuntians hæreditati paternæ, vel maternæ etiam sub juramento, non censetur renuntiasse Regno, Fædo, vel Majoratui, & pro hac opinione citat Alvaro. & Præposit. in cap. 1. *De eo qui fin. fecit agnat. de fædo paterno*. Paris. consil. 12. num. 59. Thom. Grammat. dec. 101. num. 10. quorum opinionem verissimam appellat, & obviis ulnis suscipit P. Ludovic. Molin. de just. & jur. disp. 579. num. 22.

202. Rursus. Quando Regnum, Fædum, vel Majoratus forent bona paterna, ut ex hoc capite propriè sub nomine paternæ hæreditatis venire possent; adhuc sub generali renuntiatione his verbis concepta, non caderent. Quid enim in jurisprudentia sive Civili, sive Canonica frequentius, quam quod in generali dispositione, vel concessione non veniant, quæ speciali nota digna sunt; vel quis non esset in specie concessurus? planè nihil: videatur Regula *in generali concessione*. de regul. juris lib. 6. & Doctores ibidem collecti ab Augu:

gustin. Barbof. Numquid Regnum, Feudum, vel Majoratus speciali nota indigna contrarii existimabunt? vel illius conditionis, ut qui paternæ hereditati genericè renuntiavit, juri succedendi in Regno, in Feudo, in Majoratu, si renuntiatio specificè ab ipso requireretur, in specie renuntiaret? Non credam. Si namque in his regulæ non tenerent, vix daretur casus, in quo possent verificari.

203. Nihilominus, ut videant Regi Catholico tantum juris esse, ut possit etiam sine incommodo suo Austriacis donare; donemus & nos ipsorum defensoribus Regnum fore juris hereditarii, & renuntiata hereditate in genere, intellegi Regnum etiam renuntiatum. Adhuc his donatis nihil habent; misera, & deploranda reverà causa, quæ omnia decerpit arbitria, & adhuc sententiam favorem reportare nequit. Ratio est manifesta; quia hæ Serenissimæ renuntiantes renuntiarunt quidem hereditati paternæ, & maternæ, sed non fraternæ, ut ex ipso contextu renuntiationis jam exarata apparet; ideo si patri, aut matri succedere potuerint siue non; fratri & ipsæ, & earum soboles potuerunt succedere intestato; multo melius ex testamento. Hujus duplicis asserti duplicem produco testem, utrumque omni exceptione majorem alterum ex Juridico cætu, & ex Theologorum albo alterum. Prior est doctissimus Covarrub. qui in laudata relectione ad cap. *Quamvis pactum* 3. part. §. 3. num. 2. hæc habet. *Decimoquarto, eadem ferè ratione responsio hujus capituli est*

est intelligenda, ubi filia paterna bona, ut paterna petierit, nam excluditur per pactum juramento præstito firmatum. Quod si ea bona, ut fraterna petere velit, postquam à patre illa devenere in fratrem, cui ipsa succedere intestato poterit; nihil filia nocebit paternæ hereditatis renuntiatio: sicuti expressim probare conantur Angel. conf. 52. Alexand. in leg. 1. §. veteris. ff. de acquirend. possession. Paul. & Aret. in leg. Paul. §. 1. ff. de acquirend. heredit. Decius in leg. hereditas. nu. 8. ff. de reg. jur. quo in loco hoc ipsum censet; intelligendum esse, quoties patris hereditas fuerit per renuntiantis fratrem adita: unde aliud dicendum, si nondum fuerit adita per fratrem hereditas paterna, cum adhuc hæc hereditas paterna sit, potius quam fraterna. leg. sed si plures. §. si filio. ff. de vulg. Nihilominus ipse opinor, non esse in hoc vim aliquam; modo filia, quæ renuntiaverit hereditati paternæ, bona paterna petierit, ut hæres fratris, non patris: quod idem Decius considerat in leg. quoties duplici jure. in fine ff. de regul. jur. post Benedict. à Capra. consil. 12. ad fin. Aret. consil. 161. in princip. atque ita jure optimo procedit hic intellectus, quem itidem sequuntur Socin. conf. 74. lib. 3. & Purpurat. in d. leg. ul. Cod. de pactis. n. 198. Audivimus Juristam; non pigeat audire Theologum. Is est P. Ludovicus Molina qui disp. citata 579. num. 20. hæc habet. Licet quis cum juramento renuntiaverit hereditatem alicujus, v.g., patris; potest nihilominus succedere in bonis illius loco alterius, ad quem immediate

ex patre ea bona deferantur; ut loco fratris, cui is, qui paternæ hereditati renunciavit, immediate succedat. Id quidem non solum si is frater, qui immediate patri succedit, adiit hereditatem patris; sed etiam si illam nondum aditam transmittat in fratrem, qui paternæ hereditati renunciavit, juxta ea, quæ disput. 180. dicta sunt. Utrumque affirmat communis Doctorum sententia, quam referunt, & sequuntur Anton. Gomez. leg. 2.2. cit. num. 3. Covarrub. cap. Quamvis patrum. part. 3. §. 3. num. 2. multisque id Anton. Gomez. confirmat, estque ex se satis perspicuum. Duos hos citasse sufficiat, quorum quilibet instar multorum est, & quia cum pluribus loquitur, & quia etiam si solus loqueretur, ob insignem peritiam multis benè equipollet.

204. Ex hoc primo asserto corollarie depromitur alterum, quod nimirum, filius, vel filia renuntians hereditati paternæ sub juramento possit fratri, vel alteri, qui paternam hereditatem adiit ex testamento succedere. Nam quisquis capax est succedendi alicui intestato, potest potiori titulo, & duplici veluti jure ex testamento: unde in re clarissima testibus non egemus, ii enim, qui ipsi intestato succedere, tenent, à fortiori ex testamento, succedere posse, substinent. At ut constet, quàm hoc citra controversiam sit, id adungere placuit; nedum fratri, sed & patri, cui renunciavit, potest ex testamento succedere, necquidquam obstante renuntiatione. Redeat idem ipse Covarrub. loco superius laudato, in initio 3. part. nu. 8. sub quo hæc habet.

Se-

Secundò: præmissa eadem pactione, qua patri filia renuntiat futura hereditati; atque in effectu juxta juramentum præstitum patrem liberat, & eximit ab obligatione legali, qua tenebatur filia legitimam portionem titulo institutionis relinquere: si pater non obstante hoc pacto, in testamento filiam vocaret ad aliquam hereditatis partem, nihilominus eam percipere poterit: & admittenda est ex testamento; nec potest à fratribus pactum hoc eidem objici. Potuit enim pater pacto huic tacitè, vel expressè renuntiare, ac remittere libertatem ex eo pacto sibi acquisitam, ut nihil teneretur filia in morte relinquere. Hujus opinionis Author est Barthol. in d. leg. stipulatio hoc modo concepta. & ibi Roman. ff. de verbor. obligat. Bald. in leg. pactum dotale. q. 6. C. de collat. & Matth. Afflict. in cap. si quis investierit. n. 24. de feud. dato in vicem leg. commis. quorum opinio ex his, quæ juniores tradidere in d. leg. pactum. & in d. leg. stipulatio hoc modo concepta. Frequentiori Doctorum calculo recepta videtur. Hæc Covarrub. non quidem unus, sed probatorum Jurisconsultorum stipatus subsidiis. Sed eidem succedat prælaudatus Molina, qui disp. allegat. num. 23. inquit. Filius, qui cum juramento renuntiavit hereditati paternæ, esto expresserit, nec ex testamento illi successurum, si tamen postea hæres à patre instituitur potest illi succedere in portione, in qua fuerit institutus, nihil impediante juramento. Ita communis Doctorum sententia, quam referunt, ac sequuntur Anton. Gom. leg. 22.

citat. Covarrub. cap. Quamvis pactum. p. 3. in init. nu. 8. Molin. lib. 2. de Primogen. cap. 3. num. 6. Nec etiam solus nobiscum venit hic celebris Theologus. Quid mirum, si est communis sententia?

205. Accedit ratio manifesta. Nam licet in prædicta renuntiatione jurata, filius, vel filia cesserit juri passivo, ut institueretur, ut propterea pater obligatione legali instituendi exemptus sit; tamen patrem non privavit, nec privare potuit jure suo; nec etiam pater admittens prædictam renuntiationem se ipsum privare censetur; illa enim concernit patris favorem; non odium: si ergo pater liber est, & facultatem habet quem velit ex filiis instituendi in portione sibi renuntiata; potest, licet non teneatur, ipsum filium, vel filiam, quæ renuntiaverit, instituere; & institutus petere portionem, cui solum renuntiavit, ut pater liberè institueret, non obstante juramenti vinculo: quod solum officit renuntianti, ne, nisi instituat, hæreditatem petere possit; non verò, ne vocatus suscipiat, quod citra obligationem pater ipsi reliquit.

206. Ex his apparet liquido; nihil conferre posse Juri Austriaco, quod ipsi donavimus, scilicet, Regnum Hispanicum fore successionis hereditariæ, ipsique renuntiatum intelligi à Serenissimis Infantibus Anna; & Maria, quando paternæ, & maternæ hæreditati renuntiarunt. Cum enim hæ renuntiationes impedire nequiverint, quin à Regibus patre, vel fratre institui potuerint hæredes ex testamento, & proles Serenissimæ

In-

Infantis Mariæ Theresiæ re ipsa fuerit instituta, & ad Regnum vocata per fratrem Carolum II. dulcissimæ memoriæ, pridem defunctum; si jure hæreditario succedendum sit, omni dubio procul, Rex noster Philippus expressè vocatus, & institutus succedere debuit. Necessè igitur est, quod alterutrum, velint nolint, admittant; vel renuntiationes illas tantopere magnificatas, & decantatas, controversiam præsentem non attingere, quæ agitur de Regno, in quo succeditur jure sanguinis, non hæreditario jure; vel si jus hæreditariæ successionis in eo locum habeat, causam ipsis desperatam prorsus esse.

207. Et quidem si prædictis Authoribus fides adhibenda est (sed quibus melius credi potest?) nedùm Carolo intestato (fortius instituenti) succedere potuit Philippus noster; sed, quod magis est, Philippo ipsi IV: si in his circumstantiis, sub quibus Carolus, obiisset, nempe absque alia prole, præter eam, quæ ab ejus filia renuntiante procedit, renuntiatione, & juramento frustra contentibus, successisset intestato, vel eum præterenti. Rationem assignat Covarrub. loc. cit. num. 4. his verbis. *Quartò, si paternam dilectionem, & erga liberos amorem consideremus, pactum illud renuntiationis hereditatis paternæ conceptum eo tempore, quo pater alios habet filios, vel habere sperat, & ab ipso acceptatum pro se suisque heredibus; ita erit intelligendum; quod si pater mortem obierit absque aliis liberis, minimè nocebit huic renuntianti: imò ea admittitur*

omnino & ab intestato, & ex testamento adhuc contra voluntatem patris. Nam etiam si in ea pactione de heredibus feminis, & masculis intelligendum sit; non tamen est præsumendum, paciscentes de exteris intellexisse: imò tantum de his, qui fuerint descendentes à patre; cum alii maxima cum injuria præferantur filiæ. leg. cum acutissimi. C. de fideicommiss. leg. ex facto §. ult. ff. ad Trebellian. Nec per latum unguem discordat Molin. disp. 579. num. 19. prope medium. Quare (inquit) si deficiant omnes fratres, & sorores renuntiantis, totaque eorum soboles, regulariter expirat renuntiatio. Ita communis Doctorum sententia, quam referunt, & sequuntur Ant. Gom. leg. 22. citat. num. 11. Covarrub. cap. quamvis pactum. §. 3. num. 4. Molin. cap. 3. citat. num. 48. Ne autem quis putet verbum illud. regulariter. mysterium aliquod continere contra institutum præsens, subjungimus ejus intellectum. Dixi regulariter, quoniam si filius, vel filia religionem ingrediens renuntiet cum juramento successionis parentum, videtur renuntiare, ut esto parentes liberos non habeant, possint ad libitum disponere de suis bonis, vel ad alia pia, vel inter collaterales. Hæc cum ita sint, & tempore obitus Caroli nulla Philippi IV. alia proles superesset, præter filium, & nepotes Serenissimæ Mariæ Theresiæ; si Philippus ipse sub eisdem decessisset circumstantiis, videtur indubium (quando Regnū hæreditario jure adeundum foret) necessario eidem volenti, nolenti, prolem ejusdem filiæ, quæ renuntiaverat,

verat, successuram fuisse. Nec moramur in tam manifesta hypothefi *nondum declamatorem de ludo, vel rabulam de foro, sed nec doctissimum, & perfectissimum Oratorem*, ut Tulli in Orat. phrasi utamur:

§. II.

Exclusiones Serenissimarum Infantium, pacto cum Christianissimis Regibus à Catholicis isto, disceptantur.

208. **S**ed clamitant, & clamando raucescunt Austriaci, in prædictis pactis nuptialibus clausula 5. reperiri amplissimam renuntiationem cujuscunque juris succedendi in Regnis, Statibus, & Dominiis Regum Catholicorum, suorum Genitorum, emissam ab his Serenissimis Infantibus pro se, & omni sua posteritate in perpetuum, juramenti vinculo vallatam, omnibusque cautelis munitam, cum expresso assensu utriusque Regis Catholici, & Christianissimi, ex causa publica conceptam, quam inficiari, esset soli lucem disputare; cum ergo, vi earum proles Serenissimæ Infantis Mariæ Theresiæ (& idem dicendum de prole Serenissimæ Annæ, quæ similem prorsus renuntiationem emisit, ut ex suis pactis nuptialibus) perpetuò arceatur à successione in prædicta Monarchia; non videtur superesse dubitandi locum; quin successio ad Serenissimi Leopoldi prolem devolvatur, tanquam (altera

exclusa) & linea, & gradu Carolo II. proximorem, ut ex dictis, & à nobis non negatis satis patet.

209. Hæc instantia urget nos, ut in medium prædictam clausulam proferamus, & factum concordetur; alioquin semper & ipsi, & nos in æquivoco cespitabimus. Ecce clausulam. *Que por quanto por las Magestades Catholica, y Christianissima se hà venido, y viene en este casamiento para con el vinculo deel perpetuar, y asegurar mas la paz publica de la Christianidad, y entre sus Magestades el amor, y hermandad, que se desea, y en consideracion de las justas causas, que muestran, y persuaden las conveniencias del dicho casamiento, mediante el qual, y con el favor de Dios, se pueden esperar felices successos en gran bien, y augmento de la Fè, y Religion Christiana, y beneficio comun de los Reynos, Subditos, y Vassallos de ambas Coronas: y por lo que importa al estado publico, que siendo tan grandes no se junten, y queden prevenidas las ocasiones, que podria haver en juntarse, y en razon de la igualdad, y conveniencia, que se pretende, y otras justas razones, se assienta por pacto convencional, que sus Magestades quieren tenga fuerza, y vigor de ley establecida en favor de sus Reynos, y de la causa publica de ellos, que la Serenissima Infanta D. Maria Theresia, y los hijos que tuviere varones, y hembras, y los descendientes dellos, y dellas, assi primogenitos, como segundos, tercero, y quart genitos, y de alli adelante en qualquier grado que se hallen, para siempre jamas no*
pue-

puedan suceder, ni sucedan en los Reynos, Estados, y Señorios de Su Magestad Catholica, & post expressa dominia, subjungitur, aunque en vida de la Serenissima Infanta D. Maria Theresa, ò despues en las de qualesquier descendientes primogenitos, segundogenitos, ò ulteriores llegue, y suceda el caso, y casos, en que por derecho, leyes, ò costumbres de dichos Reynos, Estados, y Señorios, y de las disposiciones, y titulos por dõ se sucede, y pretendiere suceder en ellos, les avia de pertenecer la sucession, porque della, y del derecho, y la esperanza de poder suceder en estos Reynos, Estados, y Señorios, y de cada uno de ellos, desde luego se declara queda esclusa la dicha Serenissima Infanta D. Maria Theresa, y todos sus hijos, y descendientes, varones, y hembras, aunque digan, ò puedan decir, y pretender, que en sus personas nocorren, ni se pueden considerar las razones de la causa publica, ni otras, en que se pudo fundar esta exclusion, y que quieseren alegar, que aya faltado, lo que Dios no quiera, ni permita la sucession de Su Magestad Catholica, y de los Serenissimos Principes, y Infantes, y de los demas hijos, que tiene, y tubiere, y de todos los legitimos Successores, porque toda via, como dicho es, en ningun caso, ni tiempo, ni suceso, ni acacimientto, ban de suceder, ni pretender suceder ella, ni sus hijos, ni descendientes. Sin embargo de las dichas leyes, costumbres, &c. Cætera pertinent ad cautelas, & derogatorias particulas, quæ modò non deserviunt; & quidem satis transcripta essent, si bona essent.

210. Ut verum fatear, in singula hujus clausulę verba pluries oculos intendi, & post singula spectata, lecta, considerata, renuntiationem nullam invenio juris succedendi à Serenissima Infante emissam, ut dicebant contrarii: percurrat ea, quęso, curiosus Lector, & si invenerit, indiget mihi; ne vivam, si mercedem non solvam. Ubi ergo illa est tantopere decantata renuntiatione? Hic, nisi mentiantur oculi, solummodo continetur exclusio Serenissimę Infantis, & ejus prolis perpetua, & pro omni eventu, pacto convento inter Reges Catholicum, & Christianissimum, non vero renuntiatione. Porro inter exclusionem, & renuntiationem ingens patet spatium, grandeque mediat discrimen. Renuntiatione est actus voluntatis renuntiantis, spontaneus, & liber; exclusio est actus voluntatis alterius. Qui renuntiat, abdicat liberę à se jura, quibus renuntiat: qui excluditur, non abdicat liberę; sed volens nolens illis exuitur. Hinc aliud oritur notabile discrimen, quod qui renuntiat, potest jura à se illicitę, sed validę abdicare, quia quivis, lege non prohibitus, res suas alienare, potest, si tamen prodige, inutiliter, aut contra propriam charitatem, peccabit quidem, sed contractus tenet; at vero exclusio à proprio jure nequit fingi valida, & illicita: eo enim ipso, quo sine justifica causa fit, inutiliter, & illicitę fit. Si ergo Austriaci volunt, quod in prædicta clausula contineatur amplissima francigenę prolis exclusio; non renuemus: si renuntiatione emissă à Serenissima Infante, constanter negamus: nec illam unquam,

quàm, vel usquam ostendere poterunt.

211. Sed priusquam hujus exclusionis vires expendamus, id in confirmationem eorum, quæ §. præcedenti statuimus, prænotare debemus; Jurisconsultos, qui hanc exclusionem, & illam renuntiationem conceperunt, qui omni procul dubio viri fuerunt doctissimi, & ex præcipuis Regni Ministris; nihil Serenissimæ Infantæ, & ejus proli nascituræ per prædictam paternæ, & maternæ hæreditatis renuntiationem, quoad jura successionis, derogatum optimè cognoverunt. Si enim per illam renuntiationem satis consultum existimarèt possibili periculo illius successionis: ut quid denuo hanc amplissimam exclusionem, pacto convento, & habente vim legis, excogitarunt? Sanè quia certum illis erat, in hoc Regno successionem juris sanguinis esse, non hæreditarii; subindeque non posse genitricem facto suo impedire, nè liberi suo tempore proprio jure succederent, quibusvis clausulis successionem pro se, & illis abdicasset; parum fidentes huic renuntiationi; illam absolutam, & omnimodam exclusionem Serenissimæ Infantis invexerunt: an felicius? ex sequētibus clarescet.

212. Eam nullius roboris esse manifestant quæ §. X. partis prioris produximus ad probandum Reges nulla potiri facultate invertendi leges Regni fundamentales, eas præsertim, quæ formam succedendi præscribunt: & quia hujusmodi leges ab ipsa Republica latæ sunt independenter à ministerio Regum: & quia per illas omnis Regia posteritas quoddam inchoatum

jus quæſivit in primo Rege, cui nequeunt ſucceſſores pre-
judicare: & tandem quia in ſua aſſumptione jurant earum
intemeratam obſervantiam. Unde exclusio hujusmodi
etiam, pacto convento, facta, ut pote procedens à non
habente poteſtatem paciſcendi, vel abrogandi leges
fundamentales, quibus contrariatur, nullius ſubſtité-
tiæ eſt, quatenus à Regibus, ut Regibus, & non à Re-
publica originem trahit. *Cum Regna habeant jura ſan-
guinis, & in illis ſuccedant primis Regibus, qui Re-
gnum habuerunt, non autem ultimò morientibus, ni-
hil in præjudicium ſucceſſorum diſponere poſſunt.* Di-
xit ex noſtris Jurisconſultis Sanctius de Mieres. de Ma-
jorat. q. 1. p. 4. num. 127.

213. Attamen, etiam ſi Reges ex cauſa publica
facultate potirentur invertendi leges Regni fundamē-
tales, adhuc illas, quæ ſucceſſionem concernunt; hu-
juſmodi exclusio Sereniſſimæ Infantis, & ejus ſobolis
in perpetuum, nullius eſſet roboris, quia Sereniſſima
Infans, ex quo nata fuerat ex ſanguine Philippi IV.
jus quæſierat ad ſuccedendum, & ſecundum eam pro-
les ipſius: vel, ut clarius loquar, jus quæſierat, ut ſuc-
ceſſio, in caſu non exiſtentis, vel deficientis maſculi;
ſibi, & linæ ex ea procedenti deferretur: porrò priva-
re filiam jure quæſito pro ſe, & linea ſua Rex nequi-
bat, & ſi antequam jus quæreretur id ex publica cauſa
potuiſſet. Nam talis exclusio foret contra naturalem
æquitatem, irrationalis, & ſæva, ut ait Bald. leg. final.
num. 3. C. qui non poſ. ad liber. perven. Corn. conf. 82.
num.

num. 8. lib. 4. Alexand. consil. 10. lib. 1. ante num. 1. Socin. Junior. consil. 1. num. 46. lib. 1. Et quamvis hi Doctores loquantur de filia, quæ à parentis hæreditate excluditur; nihilofecius in filia Majoratui succedenti, & à fortiori, Regno, idem dicendum esse videtur, ut benè arguit D. Ludovic. Molin. de Primogen. lib. 3. cap. 4. num. 20. Cum enim postquam Regnum, vel Majoratus ad parentem devenit, filia major, deficiente mafculo, jus quæſierit, ut ad se, & ex se descendentes necessariò deveniat, nec possit ad alios remotiores, nisi in sui, & suorum defectum transire: consequens esset, ut talis exclusio foret iniqua totius illius lineæ, imò turpior, & deterior exheredationis species; cum privaretur ab eo, non quod à patre, ut patre accipere, vel sperare posset; sed ab eo, quod ex lege sibi debetur. unde Hug. Grot. lib. 2. de jure bell. cap. 7. num. 25. hanc exclusionem habentem exheredationis figuram improbat. *Multo minus (ait) procederet exheredatio in lineali successione, ubi nulla imitatione hereditatis, ex dono populi Regnum pervenit ad singulos præscripto ordine.* Si ergo etiam ex delicto (quo in casu loquitur hic Author) nequit filius Regni successione à genitore privari, quod legis providentia ipsi defertur; quomodo innocens filia, & ejus soboles, quæ nisi in Adamo, priusquam nasceretur, non deliquit, poterit à genitore sibi debita successione arceri.

214. Deinde. Quia exclusio illa se ipsam destruit, & implicat, atque ideo etiam si Reges haberent facultatem

tatem invertendi, vel immutandi leges Regnorum fundamentales, per hanc exclusionem, ut potè sibi ipsi repugnantem, id minimè assequi possent. Etenim illa stabilita asseritur vi pacti. ibi. *Se asienta por pacto convencional*; & postmodum huic pacto vim legis adjiciunt, nam proseguuntur, *que Sus Mag. quieren tenga fuerza, y vigor de ley establecida en favor de sus Reynos*. Porro si pactum, non lex; si lex, non pactum. Nam pactum est privata conventio, quæ ultra pacificantes nō extenditur; pactum igitur illud non poterat alios præter Reges Catholicum, & Christianissimum, inter quos celebratum est, obligare. Unde ex eo Serenissimæ Infantæ, & ejus proli nullum derivare poterat præjudicium. Lex e converso fertur ad omnes, omnesque obligat coactivè, præter ipsos ferentes, debetque promulgari, & si ad ea, quæ Respublica in prima constitutione statuit, contraria sit; nec ab eadem poterit acceptari; hæc omnia pacto contraria sunt; si igitur illa exclusivè pacto convento statuta est; suos solum obligavit Authores, quia ex vulgari juris regula, *nemini gestum inter alios nocet*, ex alterius namque pacto, vel contractu nemo obligatur. ex leg. 3. *C. ne uxor pro marit. in fin.* Si lege; cum sine causæ cognitione, & discussione, ac Reipublicæ consensu lata sit, & contra leges fundamentales Regni, nullius roboris erit. Est igitur hæc exclusio per modum pacti habentis vim legis, implicans in se ipsa. Consequentè dicendum, hanc intentam a Rege Catholico exclusionem, & quia à non habente

potestatem in mutandi leges Regni inuenta, & quia quando haberet potestatem, non poterat eam exercere in filiam gaudentem jam jure ad successionem; & quia per conventionem implicatoriam statuta, inutilis est, & nullius roboris, aut subsistentiæ. Quod amplius clarebit ex dicendis.

§. III.

Predicta exclusio ex approbatione juramento firmata Serenissimæ Infantis minimè convalescere potuit.

215. **V**erum insistent adversarii. Esto illud pactum ut initum inter Reges Catholicum, & Christianissimum, vim excludendi ex se non habeat Serenissimam Infantem, & ejus nascituram prolem, ut pote habentem jus quæsitum ad succedendum in casu non existentis sobolis masculæi sexus, ex lege Regni, per quam invitabatur; accedente tamen ejusdem Serenissimæ Infantis approbatione, & consensu, juramenti vinculo firmato, convaluit, & vim obligandi nactum est & in ratione pacti, & sub ratione juramenti. Nam multi contractus, & pacta jure infirmata, accedente juramento, convalescunt, & substinentur, non solum ratione religionis ex juramento, sed ex justitia, per juramentum validato contractu; ut patet in alienatione fundi dotalis prohibita, leg. Julia. de adulter. quæ licet
nu.

nudè concepta nullius sit valoris, si tamen juramento muniatur, substatinetur, & mulier agere nequit ad rescissionem contractus, ex cap. *Cum contingat, de jur. jur.* & ibidem repetent. Et in pacto, quo filia, dote accepta, renuntiat legitimæ portioni, quod nudè initum irritum est; accedente verò juramento convalescit, ex cap. *Quamvis pactum*, & ex repentib. ibi. Quod vero Serenissima utraque Infans hoc pactum exclusivum sub juramento bis approbaverint, semel ante contractum conjugium, & semel post conjugium initum, prout in ipsis pactis nuptialibus claus. 6. præscribitur, constat ex ipsis Hispanis Scriptoribus; eaque propter, cum hæc exclusio approbata, & jurata formalissimæ, & plenissimæ renuntiationi æquipolleat, meritò Austriaci contendunt, Serenissimas Infantes juribus successione pro se, & posteris in perpetuum renuntiasse, nullumque ratione illarum jus potuisse earundem proli competere.

216. Hæc, non quia hætenus dixerint, sed quia dicere possunt (ne quæ ipsis speciètenus favere videntur, dissimulasse, culpemur) ingenuè proposuimus: quod & præstabo eadem sinceritate, quando aliquid occurrat, ex quo causa eorum vires resumere poterit; quia Catholici Regis jus tantum, tamquæ clarum est, ut non indigeat furtiva obumbratione, aut subdola imminutione Juris Austriaci; imò quod de persona Trajani dicebat in suo Paneg. Plin. posterior, sed elegantior. *Tu quidem major omnibus eras; sed sine ullius di-*

diminutione major. Juri Regis nostri optimè quadrat. Igitur, ad reflexionem devenientes, non negamus, Serenissimas Infantes prædictam exclusionem probasse, sub juris jurandi vinculo, ante, & post matrimonium contractum. Sed hinc ad summum colligi potest, Infantes ipsas remansisse exclusas à jure succedendi; non verò earum prolem, quæ nec consensum præstitit, nec, parentes consentiendo prædictæ pactioni, & ejus observantiam jurando, jus, quod ex legis beneficio illi suo tempore competiturum erat, occupare, aut præripere poterant: nam pactum tertio præjudiciale, pro ea parte, qua tertio præjudicat, nullo juramento roboratur ex cap. *Venientes*, & cap. *cum contingat. de jur. jurand.* & cap. *2. eod. tit. lib. 6.* Nequit enim juramentum, quod est vinculum religionis, trahi, ut sit iniquitatis vinculum: parum ergo officit Philippo Regi Catholico, quod & jus Avia consensum illi exclusioni sub juramento accommodaverit.

217. Præterea: pactio illa exclusiva ex defectu potestatis paciscentium nulla erat, non accedente consensu Serenissimarum Infantum; ut propterea in pactis nuptialibus approbatio sub juramento fuerit conventa. Sed Serenissimæ Infantes non potuerunt illam approbare, nisi quatenus concernebat jus proprium, non verò jus alienum filiorum, & nepotum, non ab eis in illos derivaturum, sed, supposita genesi, legis beneficio, ergo nec juramentum facere potuit, quod illa pactio convalesceret, respectu filiorum, & nepotum;

quia juramentum personale, quale istud erat, emissum ad abdicandum jus proprium, non verò hæreditarium, nullo modo transit ad hæredes, vel successores, etiam si expressè juratum fuerit pro se, & hæredibus, vel successoribus, ut expressè docent Theologi post Doctor. Angelic. 2. 2. quæst. 98. art. 2. Sotus. Sylvest. & alii, quos laudat P. Gabr. Vazq. ad eandem quæst. & art. num. 93. & ex modernis Summistis Martin. Bonacin. tom. 2. disput. 3. de restitut. sect. 2. punct. 2. num. 14. ex Jurisconsultis Bart. Bald. & alii, quos laudat, & sequitur Covarr. in cap. *Quamvis pactum*. part. 2. §. 1. nu. 7. Semper ergo illa exclusio nulla à principio, nulla fuit respectu prolis nascituræ.

218. Deinde. Nam hæc pactio, & exclusiva conventio, inita fuit inter Reges Catholicum, & Christianissimum sine interventu filiarum, quas cum sua nascitura prole à successione arcere prætendebant; ut ex ipsis pactis, & clausulis exscriptis manifestum est: proptereaque earum consensus accessit ex post facto virtute approbationis, & ratificationis factarum ad tenorem clausulæ 6. *Que la Serenissima Infanta D. Maria Theresa antes de celebrar, y contraher el matrimonio por palabras de presente, haya de otorgar escritura obligandose porfi, y sus sucesores al cumplimiento, y observancia de lo susso dicho, y de la exclusion suya, y de sus descendientes, aprobandolo todo segun como se contiene en esta Capitulacion con las clausulas necesarias, y juramento, &c.* At in hac specie, hæc ratihabitio.

bitio non sanat nullitatem illius pactionis, nec per consensum ex post facto præstitum, pactum illud vim aliquam nanciscitur adversus sobolem Serenissimarum Infantum. Etenim, licet non negemus, ratihabitionem fictione juris retraheri, & tantumdem operari, ac si consensus intercessisset ab initio, & dari posse ratihabitionem actus gesti in præjudicium ratumhabentis, ut tradit Barthol. *leg. 1. §. sed etsi ff. de vi, & vi armata*, & colligitur ex *leg. si fundus. §. 1. ff. de pignor. & leg. aliena 20. ff. de pignorat. act. in princip. & leg. mater. 3. C. de rei vindicat*. Hæc tamen doctrina procedit duplici sub conditione: prima, quod negotium ab initio validum sit, vel in potestate ratumhabentis illud validum efficere; alioquin si ab initio nullum fuit, & in potestate ratumhabentis non est illud validare, cessat retractio, nec fictio aliquid potest operari, ut probatur ex *leg. observare. in fine. ff. de offic. Preconsul.* ubi Barth. n. 4. Innocent. Abb. & Dec. collecti ab Aug. Barbof. ad regul. 10. num. 4. de reg. jur. lib. 6. quam opinionem ipse dicit communem sensum ex Menoch. remed. 15. recuper. num. 154. & 156. Secunda, quod ex ratihabitione nullum tertio sequatur præjudicium: si enim tertio sit præjudicialis, fictio retractionem operari non potest, pro ea saltem parte, qua præjudicium inferre nata est, ut probat expressè text. in cap. *Prote. & in cap. Quamvis. de rescript. lib. 6.* & frequentissimè Scriptores, quos uberi manu congerit Tiraquell. de Primogen. qu. 34. n. 19. & de retract. §. 1. gloss. 10. num. 71.

219. Utraque conditio in casu nostro desideratur. Nam Serenissimæ Infantes non habebant potestatem excludendi à successione prolem sibi nascituram, tùm quia jure suo vocaretur; non parentum: tùm etiam, quia si Reges ipsi, obstantibus legibus, id facere nequeunt, ut verior sententia tenet; multo minus id poterant filia, quæ privata erant. Rursus, ex illa ratihabitione duplex procederet præjudicium tertii, si effectum obtineret: primum Reipublicæ, cujus interest, successionem juxta pristinas leges iri regulandam: alterum nascituræ prolis, quæ ex ipsis legibus, & beneficio Reipublicæ ad successionem vocabatur. Non ergo consensus ille, & ratihabitio ex post facto accedens, illam exclusionem quoad has condiciones sanare potuit: nec juramentum validare: & quia juramentum non validat contractum jure naturali nullum, quale illud est, cui consensus deficit; & quia nullam addit vim contractui, quo jus tertii læditur, ne sit vinculum iniquitatis.

220. Accedit, quod leges Regni, quibus successio eorumdem regulatur, concernunt favorem publicum. Respublica enim ab initio constituit illud successionum systema, quod commodius, & opportunius existimavit, omnibus pensatis, ad Regni, & Regiæ Stirpis conservationem; unde eos excludere ab eo systemate, quos leges ipsæ primitivæ includunt, manifestissimè vergit contra favorem publicum, maturè in iis legibus à Republica consideratum, & respectatum,
pri-

primò & per se; licet secundariò concernat favorem privatum Rēgiæ prolis, cui secundario Respublica prospexit. Sed pactum militans primò & per se contra favorem publicum nullum est nullitate insanabili, etiã ad cōto cataplasmate juris jurandi cujusvis privatæ personæ, quamvis illa sit, cui secundario prospectum est. Poterit utique hæc se abdicare, si voluerit; non tamen ex pacto, & juramento, Republica renuente, tenetur se abdicare; quia pacto militanti contra publicum favorem principaliter juramentum nullam vim addit, ut probat Covarrub. laudata relect. in cap. *Quamvis pactum*. 2. part. §. 1. num. 1. ex text. in cap. *Si diligenti. de for. compet. cap. cum ad Apostolic. de Regular. ex leg. jus publicum. ff. de pact.* ex ea ratione ad præsens institutum concepta, quod *non possit jus publicum facto privatorum remitti*; pro eaque sententia allegat Barthol. in leg. *Si quis pro eo. ff. de fidejuf.* quem inibi sequuntur Doctores: & Ant. Abb. & alios in cap. *Cum contingat de jure jurand.* Nunquam igitur consensus, approbatio, ratificatio, & juramentum Serenissimarum Infantium potuerunt prædictam exclusionem validare, præsertim respectu prolis nascituræ: atque adeo tam inermis est hæc exclusio post dictam approbationem, ac antea.

221. Urgetur hæc consideratio ex cōmuni Theologorum doctrina asserentium, juramentum promissorium de re à tertio dependente esse conditionatum, nec transire in absolutum, nisi accedente illius tertii con-

consensu, semper enim in hoc juramento implicatur conditio, *si ille velit*: quod adeò verum est, ut voluntas illa Dei, quam commendat Apostol. 1. ad Timoth. cap. 2. erga omnes homines, perducendi, scilicet, eos ad vitam æternam, *Deus vult omnes homines salvos fieri; &c.* quia Deus ab eorum voluntate constituit dependentem adulatorum salutem (non enim voluit salvare hominem sine homine) quamvis explicitè nullam conditionem præferat, conditionem implicare, dixit D. Ambros. ibi. *Conditio latet, si accedant ad eum, si ipsi velint*. Hinc benè deducit P. Ascan. Tambur. de præcept. Decalog. lib. 3. cap. 3. §. 6: Quod, si quis promisit sub juramento posteriori Creditori solvere, hoc juramentum non teneat, nisi prior contentus sit, habet enim implicitam conditionem, *si prior consentiat*. Si quis sub obedientia constitutus, promisit sub juramento de loco non discedere, juramentum habet implicitam conditionem, *nisi Superior alias disponat*; quia de re à Superioris voluntate dependenti. Ergo juramentum de exclusionem sui, & prolis nascituræ à successionem, quæ maximè pendet à Republica, ex causa legibus cohærente, habet hanc implicitam conditionem, *si Respublica approbet, consentiat: si proles non repugnet*. Ideoque illa approbatio cum subsecuto juramento non immutant exclusionem illam, nec vii illi adjiciunt.

222. Urgetur denuò, considerando, quid promisit, quid juravit, utraque Serenissima Infans? promisit,

misit, ut patet ex verbis præfatis claus. 6. observantiam exclusionis prædictæ sui, & suorum descendendum, approbationemque prædictæ exclusionis sub juramento. Modo, si juramentum cadat supra approbationem, est purè assertorium, & nullam de reliquo parit obligationem: perinde enim est, ac si dicat; juro me approbare, & ratam habere hanc exclusionem: quia juramentum assertorium nullum post se vinculum relinquit, ut advertit Bonac. disp. 3. de contract. punct. 1. n. 7. Si cadat super observantiam erit promissorium, & faciet hunc sensum juro me semper observaturam hanc exclusionem à successione factam de me, & de mea posteritate, & id juro (demus etiam hoc) pro me, & mea posteritate. Admittamus ipsam promittentem contraxisse obligationem ex virtute Religionis abstinendi à successione; utraque Infans. abstinuit; quia quandiu vivere, casus succedendi non devenit. Ad quid amplius tenebantur? ad summum ad procurandum, & operam omnem impendendum, ne sua proles in exclusionem reclamaret. Erat enim promissio de facto alieno; & qui factum alienum promittit, solum censetur promississe, se acturum, & curaturum, ut probatur ex gloss. in cap. *Eleutherius*. 9 1. dist. quam sequuntur Ant. Abb. & Præpos. in cap. *Ex litteris*. 2. de sponsalib. Felin. in cap. *Ex rescripto*. de jur. jurand. Et est communis opinio, ut asserit Covarrub. loc. citat. part. 2. §. 5. num. 2. & jurans promissionem illam consequenter jurat se acturum, & curaturum, juramentum enim non mutat promiss-

missionem, ut benè advertit idem Author. ibidem. Cum ergo utraque Serenissima Infans dum vixit abstinerit, casu non veniente; & ab obligatione agendi, & curandi, per mortem fuerit liberata; etiam si juramentum eas affecisset, jam illud juramentum functum est munere suo, vel cum morte jurantis defunctum est omni vinculo, & obligatione: atque aded exclusio in suis viribus primigeniis, quæ nullæ sunt, uti in puris naturalibus relicta est.

223. Ulterius: cum pactum illud, seu conventio exclusiva, ut celebrata à non habentibus potestatem (quem defectum supplere non poterat consensus, & approbatio utriusque Infantis, quia concernebat favorem Reipublicæ) nunquam potuerit per juramentum utriusque vestiri, & assumere naturam synallagmatis (quod proprium est cujusvis contractus jure naturæ iriti, sive ex defectu consensus, sive ex alio defectu substantiali; nunquam enim vestitur, & actionem parit, ut docent uniformes Theolog. & Canonistæ relati a Bonacin. loc. superius allegato num. 7. in fine) esto concederemus juramentum illud titulo Religionis obligasse promittentes, & earum successores, & descendentes (quod falsissimum est) nunquam tamen tenerentur ex vi pacti exclusivi, seu ex justitia abstinere; sed solum ex Religione, ut prædictum est. Hinc consequenter deducitur, quod juramentum illos in præsentis specie, nullatenus afficit, vel aliquo titulo obstringit: non quidem titulo justitiæ, quia nullus ex pacto nullo
jure

jure naturæ resultavit ; non titulo Religionis , quia ipsi non se ingesserunt ; sed à Rege , à Republica vocati sunt ; aliud enim est successione contendere , aliud invitatum accipere ; primum ad summum potuit exigere juramentum , non secundum . Et si obstinare velis utrumque : summum dicis (sed falso) Regem successisse contra juramentum ; quod tua non interest ; non contra justitiam , quod maximè tua referret ; ut docent clarissimè Suar. lib. 2. cap. 19. nu. 7. de jurament. Sanch. lib. 3. cap. 12. num. 82. Paul. Layman. lib. 4. tract. 3. cap. 8. num. 5. Castropal. tom. 3. tract. 14. disp. 2. p. 9. §. 7. Thomas Tamburin. lib. 3. in Decalog. cap. 3. de juram. §. 5. num. 9. estque communis sententia : quod adeo verum est , ut etiam in casu , quo jurans , in emissionem juramenti habuisset intentionem abdicandi à se facultatem validè , & justè faciendi actum contrarium ; adhuc validè , & citra injustitiam actum eliceret ; cum enim non à propria potestate , sed à superiori dependeat , capacem , vel incapacem reddere voluntatem , ut validè , vel invalidè velit ; non posset , etiam si vellet , eam potestatem à se abdicare , ut pluribus citatis , tradit Bonacin. disp. 4. de jurament. punct. 6. num. 2. & consequenter pactio illa exclusiva à Serenissima Avia approbata , & juramento confirmata , etiam si juramenti vinculum reale foret , & ad hæredes transiens , nunquam Regem nostrum Catholicum constituisset injustum Monarchiæ successorem ; de quo controversia præsens unicè agitur .

224. Ad hæc: hujus approbationis, promissionis, & juramenti utriusque Serenissimæ Infantis nullitatē, & insubsistentiam evidentē probat error substantialis intercedens. Etenim, ipsa approbavit, promisit, juravit observantiam illius conventionis exclusivæ, prout continebatur in pactis nuptialibus: sed in hac conventionē, prout in pactis nuptialibus continetur, sunt plura, ex quibus approbans, & jurans substantialē errorem concepisse, cognoscitur; promisit ergo, probavit, & juravit substantialiter errans. Patet hoc si ad exclusionem, ut continetur in pactis reflectamus. Quia, ut modò omittamus phaleras illas causæ publicæ, utriusque Monarchiæ interesse, majoris pacis firmitatis, aliasque hujusmodi, quibus ornabatur conventio, & ex quibus facillimè simplex, & candida virguncula in errorem induci poterat. Hæc duo substantialia sunt, scilicet, quod Reges prælaudati asseruntur hanc conventionem injisse, eique vim legis pro utroque Regno donasse, alterum: alterum verò, quod sive hæc ratificatio, approbatio, & juramentum fierent, sive non; ex vi pactorum eorundem, intelligerentur facta, semel ac matrimonium contractum esset, & eandem vim habere, ac si prædicta Serenissima Infans expressè approbasset, ratificasset, jurasset, ut ex clausula 6. Modo: sic Serenissimæ Infantes approbarunt, ratihabuerunt, & juramento promissierunt observantiam exclusionis ipsis propositæ per modum legis ab utroque Rege pro suis Regnis respectivè statutæ; ergo credebant teneri ap-
pro-

probare, ratificare, & observare; quia bene sciebant, legibus Infantes subiacere, maxime legibus expressè pro ipsis editis, & rogatis. Rursus audierunt, exclusionem eandem vim habituram, siue approbassent, siue non, siue jurassent; siue jurare detrectassent; ergo non sciebant, quod illa approbatio, ratificatio, & juramentum ipsis libera erant, in earum potestate physice, & legaliter posita, & ab ea dependentia. Quis major in substantia, vel substantialior error contingere potest, quam putare necessarium actum, qui liber est: credere, quod promittat id, quod sine promissione exequi debet, cum non ita sit? Dicant quæso adversarii, si mulier fuisset adacta ad fidejubendum pro marito ex eo, quod Judex ipse assereret, teneri fidejubere, & jurare, imò seu fidejussionem emitteret, siue non; bona dotalia manere obnoxia creditori, & constante ex instrumento hoc errore, fidejuberet, promitteret, juraret, juribus suis renuntiaret; subsisteret fidejussio? teneret juramentum? haud quaquam; quia fuisset substantialiter erronea, errore antecedente dante causam contractui, & juramento: & ubi is error, imò & concomitans dumtaxat, intervenit, contractus est nullus, juramentum irritum, ut docet Suar. de juram. lib. 1. cap. 12. Sanch. in Summ. lib. 3. cap. 11. num. 42. Filliuc. tract. 25. cap. 6. q. 5. num. 153. & 154. Bonac. disp. præcit. punct. 8. num. 3. Unde Philippus noster Rex Catholicus contra hanc approbationem, & ratificationem, juramento roboratam excipere potest, prout

apud Ovidium excipiebat Cydippe contra promissam
Acontio, incautèque jurata, Sponsalia.

Consilium prudensque animi sententia jurat :

Et nisi judicii vincula nulla tenent .

225. Ex omnibus, quæ contra hanc approbationem, ratificationem, & consensum hoc §. protulimus, deducitur, eam non posse renuntiationi æquipollere. Nam in renuntiatione renuntians activè se habet quoad juris abdicationem; approbans vero, ratificans, (etiam in casu, quo foret utilis ratihabitio) & observantiam jurans exclusionis ab alio factæ, passivè: & ad summum, si utilis foret, approbatio æquipolleret renuntiationi purè personalis juris, non familiæ, nò descendendum. Sed ex hac ultima ratione, manifestissimè deducitur, prædictam approbationem, & ratificationem, etiam accedente juramento, nec umbram renuntiationis gerere potuisse, ut consideranti patebit.

§. IV.

*Etiam si approbatio jurata prædictæ exclusionis
foret per æquipollentiam renuntiatio juris
succeedendi, non obesset Regi
Catholico .*

226. **V**idimus §. 1. hujus partis, renuntiationem emissam à Serenissima Infante Anna, quam postea imitata est Serenissima Maria Theresia, solum ferri

ferri ad hæreditatem paternam, maternamque, sub qua non cadit in Regnis successio, & quando caderet, debuisse Regem nostrum Philippum succedere Carolo II. intestato, & fortiori titulo ex testamento ipsum ad successionem vocanti. Propterea ab illa renuntiatione, tanquam extra præsentem controversiam, supersedendo: quæsiuimus cum adversariis in pactis nuptialibus per eosdem allegatis aliam renuntiationem juris succedendi, & nihil invenimus præter exclusionem illam, de qua in Superioribus actum est, quam nec formaliter, nec per æquipollentiam censeri debere renuntiationem ex ibidem dictis, ni nos nostra decipiat opinio, satis superque constat. Sed quia iustitia Regis Catholici non his implicatur quisquiliis, morem ipsis gerere duxi, & hanc approbationem, & ratificationem juramento firmatam gratis æquipollentem renuntiationem juris succedendi deinceps dicam. De hac ergo admissa renuntiatione, jam nobis sermo est, eamque Regis nostri successionem minimè incommodare posse statuimus.

227. Enim verò, parentum renuntiatio utcumque concepta in his successionibus, quæ competunt jure sanguinis, & ex populi dono, qualis ex Superioribus constat, quod sit successio Regnorum Hispanam Monarchiam constituentium, nequit liberis, & ulterioribus descenditibus impedimento esse; quin suo tempore veniant jure suo, non jure genitoris, (cui supponimus renuntiatum) ad successionem; poterit ergo

gc.

genitor renuntians sibi obesse, quia quisque potest juri suo cedere; posset & filiis nascituris, si ante eorum ortum à sequenti in gradu successio fuisset occupata; non enim debet de una in aliam lineam migrare, sed postquam unam ingressa est, nisi ea prorsus extincta, aliam non ingreditur; minimè verò obesse poterit filiis natis, antequam sequens in gradu successionem occupasset. Hoc, quod in superioribus innuimus, hic fusiùs probandum. Primo quidem legali ratione, postea Doctorum suffragiis.

228. Ratio legalis est; quia parentes juri suo pro se, & posteris renuntiantes, illud posterorum jus renuntiare possunt, quod ab eis in ipsos derivaret, non, quod aliunde illis veniret: illud enim, quod aliunde venit, cum non sit in patre, nec in re, nec in spe, sub abdicatione sua cadere nequit: poterit ne renuntiatione sua genitor impedire ne transeat ad filios jus legitimæ maternæ? si hoc non à patre in filios, sed à matre derivat, quomodo impedire poterit? Qui rumpit aqueductum in proprio fundo constructum, potest quidem impedire, ne aqua, quæ per illum aqueductum decurreret, fontem influat; sed si ex alia scaturigine aqua in eundem fontem confluebat, utique non impediret sua intercisione; quin ex alia vena aqua in fontem derivaret. Cum ergo jus successionis non transeat per patres ad filios, sed, sine intermedio canali, communicetur à lege, vel à pacto icto cum primo Rege; pater successioni renuntians impedit, ne sibi successio defe-

ra-

feratur; non tamen impedit, ne filiis transeat, qui nō ab ipso, sed à lege habuerunt jus succedendi tam immediatè, quàm ipse.

229. Hanc rationem confirmat singularissima illa decisio *leg. 3. de interdict. relegat. & deportat.* quam satis opportunè, ut moris habet, induxit excultissimus D. Regens Biscard. *Eum, qui Civitatem amitteret* (inquit Jurisconsultus) *nihil aliud juris adimere liberis, nisi quod ab ipso venturum esset ad eos, si intestatus in Civitate moreretur, hoc est hereditatem ejus, &c.* Quæ verò non à patre, sed à genere, à Civitate, à rerum natura tribuerentur, ea manere eis incolumia. Itaque & fratres fratribus fore legitimos heredes, & agnatorum tutelæ, & hereditates habituros; non enim hæc patrem, sed majores eis dedisse. Præclare sanè. Tam perspicuam, lævissimamvè decisionem, qui cavillis deflectere vellet, nodum quæreret in scirpo.

230. Autoritas à præcipuis Jurisconsultis peti posset; sed ne molesti simus in re nimium obvia, unum transcribam plures referentem D. Ludovicum Molina. lib. 1. de Primogen. cap. 6. num. 45. Imo. (inquit) *nec poterit primogenitus Majoratum cedere secundogenito seu subsequenti in gradu in præjudicium filiorum, ac descendentium suorum, qui nati sunt, vel etiam nasciturorum, quod probatur ex text. in cap. 1. §. hoc quoque. de success. feud. ubi gloss. & communiter Scribentes hoc notant. Jas. in leg. is potest. ff. de acquirend. heredit. Decius. consil. 443. num. 29. & cons. 445. n. 56.*
cum

cum sequentib. Tiraquel. de Primogen. q. 26. num. 5. Burg. de Pace in dicto Progm. num. 96. Uni alterum adjungo Ludovicum Molina, Theologum illum celeberrimum, qui disp. 6 24. num. 7. de just. & jure subscribit, his verbis. Quando primogenitus renuntiaret successioni in favorem secundogeniti, tunc ea renuntiatio, seu cessio successionis Majoratus ipsi præjudicaret, & succederet secundogenitus. Sed paulo post subdit. Ceterum si primogenitus liberos haberet tempore talis renuntiationis, vel postea illos procrearet, illa non posset illis præjudicare: Et hoc verum est etiam si pro se, & liberis renuntiaret, ut tradunt Præposit. Loffred. & alii apud Othoman. penes eundem Biscard. §. 7.

231. Nec adversus hanc certissimam doctrinam argumentum fieri potest ex eo, quod filia renuntians paternæ hæreditati sub juramento pro se, & posteris suis, non habeat ad paterna bona regressum. ex cap. *Quamvis pactum. de pactis*, nec etiam filii ejus, quando renuntians diem obierit extremum post patrem, in cujus favorem renuntiavit, quod tanquam certissimum tradit Covarr. relect. laudata in cap. prædict. 3. p. §. 3. n. 7. Ex hoc namque vel principio, vel exemplo colligi nequit, quod si filia renuntians successioni Regni, vel Majoratus, patri, cui renuntiavit, supervixerit, nec ipsa, nec ejus posteris possint ad successionem sive Avi, sive Avunculi admitti, ut contingit in specie nostra. Nam est longum patensque in utroque casu discrimen. In casu renuntiationis hæreditatis paternæ filia abdicat à se

à se jus, quod ex ipsa ad filios, & posteros derivaret; unde cum filii ejus recipi ad successionem non possint, nisi jure matris, & hæc, si patri supervivat, propter abdicationem factam recipi nequeat; consequens est, quod nec filii recipiantur, matre exclusa. *Nec mirum est* (ait præfatus insignis Jurisconsultus) *quod juramentum hoc in casu non tantum noceat, & præjudicet juranti, sed etiam ejus hæredibus: cum tamen, textus hic, & in cap. cum contingat. de jur. jurand. hoc præcipue consideraverint, nempe juramentum istud minimè in alterius præjudicium, aut detrimentum tendere. Nam hæredibus ex propria natura vis contractus, & pactionis per juramentum valide nocet omnino: filiis autem, etiam si hæredes non sint, nocet ipsa itidem pactio; dum jure ipsius matris admitti volunt, nec ex alio possunt ad avi hereditatem jus habere: mater autem juramento & pacto exclusa quidem est. Oppositum e regione accidit in successionebus convenientibus jure sanguinis. Quia cum filii proprium jus habeant, sibi non à matre derivans, sed legis beneficio convenientes; quantumque mater renuntiet sub juramento pro se, & posteris suis, ipsis, quoad illud jus, nocere nequit; quia id facto suo eis præripere posset, quod ab ea ipsis veniret, non quod aliunde, cum hoc sub ejus potestate non sit: & juramentum si hoc jus respectaret, ut iniquum, & in tertii præjudicium emissum, nullius roboris esset. In cujus discriminis luculentiorè confirmationem reducenda in memoriam sunt egregia illa Grotii verba*

part. præcedenti §. VIII. *In lineali successione patris factum nocere non potest liberis natis, quia simul atque existere caperunt, jus proprium eis questum est ex lege, sed neque nascituris, quia impedire non potest, quin ad illos quoque suo tempore jus pertineat ex populi dono.*

232. Sed opportunè poterunt Austriaci replicare. Esto mater renuntians successioni etiam sub juramento, non possit filiis nocere venientibus, & vocatis jure proprio; quia *nequit* impedire, quin suo tempore legis, vel Reipublicæ dono jus ipsis competat, aut communicetur: poterit tamen consentire Reipublicæ disponenti, quod filiis ex ea nascituris jus suo tempore non derivet: cum enim Respublica sit quæ jus dat primi Regis posteris, statim ac nascuntur: ipsa poterit ex causa publica illud jus præripere, si mater, cujus interest, ne posteritas sua illo jure destituatur, consentiat: Id quod idem prælaudatus Grotius statim subjunxit, & nos admissimus part. præcedenti §. X. ubi ejus verba transcripsimus. Sed in casu nostro sic se res habet: siquidem, Reges Catholici ex causa publica elicerunt à prædictis Serenissimis Infantibus approbationem, & consensum exclusionis suæ posteritatis, quam ipsi nomine Reipublicæ statuere potuerunt, tanquam capita illius ministerialia: & ad omnem firmitatem prædictæ exclusio lege à Republica lata in Comitibus Matritensibus celebratis anno 1618. statuta, & rogata fuit: Igitur in casu præsentis, ex specialibus his motivis, substineri de-

debet renuntiatio Serenissimarum Infantium pro se, & suis posteris, & descendantibus, saltem ut consensus validè præstitus Reipublicæ ad derogandum juri posterorum, lege rogata.

233. Nec vim hujus difficultatis evacuabit, si quis dicat, ex ea ad summum haberi, solum substinendam renuntiationem Serenissimæ Annæ, non verò Serenissimæ Mariæ Theresiæ, à qua proximius Rex Catholicus descendit, & cujus ratione proximius cum Carolo II. conjungitur linea, & gradu: ex eo discrimine, quod exclusio, aut renuntiatio Serenissimæ Annæ fuit in Comitibus illis lege lata admissa, & ejus posteritas exclusæ; at vero renuntiatio Serenissimæ Theresiæ nunquam fuit per Reipublicam approbata, nec super ea substinenda, vel non, celebrata comitia. Non inquam hæc discriminis ratio, esto verissima sit, sufficiens est, vim illius replicæ infirmare. Quia cum utraque renuntiatio ex eisdem causis omninò facta fuerit, & eisdem ferè verbis, casus nedum est similis, sed idem, cum sola individuali differentia renuntiantium; atque adeò nova Reipublicæ lege opus non erat, sed in priori hic casus etiam continebatur, comprehensivè: in his enim, quæ sub legis, vel dispositionis ratione comprehenduntur, non fit interpretatio extensiva, sed cōprehensiva, juxta doctrinam Bald. in leg. *Quamvis. in princ. C. de fideic.* quam amplectuntur Oldrad. conf. 185. Calderin. conf. 1. *ut lite pend.* & consil. 1. de regular. Tiraquell. leg. si *unquam. verbo. libert. C. de revocat. donat.* num. 37.

Roland. à Vall. conf. 27. num. 6. & 7. Ideo hic posterior casus in illa lege censeri debet expressus; quia expressum est, quod sub ratione comprehenditur, licet verbis non exprimatur. per leg. *Scio quesitum. ff. de test. leg. si postulaverit. §. sed si negavit. ff. ad leg. Juli. de adulter.* Bald. consil. 384. lib. 1. Alexand. consil. 130. num. 4. cum seq. lib. 3. Decium. conf. 15. num. 2. & 6. Paris. cōsil. 92. num. 47. lib. 2. & consil. 66. num. 60. lib. 3. & consil. 72. num. 98. lib. 4. Nec obstat illa materialis, & individua differentia personarum, ut casus idem dicatur, quia illa non tollit summam utriusque casus similitudinem formalem, quam leges ut identitatem considerant: unde eleganter Bald. consil. 408. *Quidam Civis.* num. 3. versic. *Quia propter de necessitate*, quem laudat, & sequitur Cardin. Thusc. concl. 246. num. 6. lit. S. animadvertit, quod licet simile non sit idem, tamen valdè simile idem reputatur. Quod mirum in modum congruit iis, quæ Logici tradunt de identitate specifica, quæ cum relativa sit, necessario distinctionem numericam, & materialem extremorum desiderat, ut patet in Petro, & Paulo, qui sunt idem in natura humana, & specifica, non obstante distinctione materiali, & numerica. Cum ergo doctrinæ citatæ de identitate, relata loquantur, alioquin nulla opus esset interpretatione; quia absolutè idem, nequit esse expressum, & omissum, comprehensum, & non comprehensum, quandoquidem contradictoria de eodem secundum idem verificari nequeunt; deducitur, quod distinctio illa

illa non obstat in casu præsentis, sed potius requiratur, ut doctrinæ illæ locum habeant.

Hæc replica, ut quod verum est, ingenuè confiteamur, cominus attingit controversiæ præsentis scopum, quem cætera hucusque producta eminus duntaxat appetebant. Propterea serio in ea rejicienda incumbendum nobis est.

§. V.

*Renuntiatio, vel exclusio substatinetur, quatenus
ex causa legibus primævis cohærente:*

234. **U**T præmissæ difficultati veram solutionem aptemus, revocanda in memoriam sunt, ea, quæ §. X. partis præcedentis præjecimus. Diximus ibi, Reges non posse à successionē arcere eos, quos fundamentales leges invitant; posse tamen Rempublicam, cujus autoritate leges illæ latæ sunt, ipsis derogare, & quidem aliquando ex consensu parentum impedire, ne posteris nascituris jus deinceps conveniat, scilicet, quando urget causa legibus ipsis cohærens: aliquando verò, etiam parentibus renuentibus; quando videlicet causa tantopere legibus ipsis connexa est, ut casus sine violentia declarari possit ibi vel comprehensivè, vel extensivè contentus. Ex his ad institutum nostrum descendentes, fatemur, exclusionem illam utriusque Serenissimæ Infantis Annæ, & Theresiæ, ab utraque approbatam,

tam, ratificatam, & jure jurando vallatam, inniti procul dubio causæ legibus valdè cohærenti. Quia cum leges fundamentales tantumdem desiderarint conservationem proprii Imperii in posteris primi Regis Pelagii, primariò, & per se repræsentati, insuper mentionem Regiæ Sedis intra Regni finès; ut in casu femineæ successionis potius amaverint Reginam indigenæ privato copulatam, quam extero potentissimo Principi conjunctam; ne successio posset ad alios, qui repræsentationem diversorum sceptri, & stemmatum præferrent primario, quique Regiam aliò transferre fortè attentarent devenire, ut ex §. III. præcedentis partis conspicuè constat; palàm huic legi cohærebat, quod feminae conjungendæ Regibus Christianissimis à jure successionis pro se, & posteris abisterent, pro his casibus, in quibus ex successione præfata hæc tantòlonge prævisa incommoda, & præcavenda per Rempublicam inconvenientia emergere possent. Nullus enim dubitare potest, Reges Christianissimos, si succederent, non prælaturos nomen, stemmata, & insignia Hispana, Francis, neque Parisios deserturos, ut utrique Regno jus Matrati dicerent, Francosvè hoc consensuros. Atque adeò, potuit Respublica ipsa exigere renuntiationem, vel à Rege ejus vices agente exactam, approbare, & lege firmare: vel, ut proprius loquar, exclusionem in pactum deductam per Reges ipsos, tanquam legi cohærentem lata lege declarativa roborare, etiam si Sere-
nissimarum Infantium non accessisset approbatio, con-
sen-

sensus, & juramentum, quæ tamen prudentissimè exacta sunt, ne dubitari contingeret, an Respublica in eo casu indignislet consensu, vel non?

235. Ex quibus consequenter deducitur, quàm cautè, & juridicè processerint Jurisconsulti illi, qui nuptialia harum Infantium pacta digesserunt. Etenim primo exegerunt renuntiationem hæreditatis, ne super hac aliquando inter Reges contingeret disceptatio, & hanc ex causâ dotis assignatæ conceperunt, quæ, accedente juramento, prout accessit, validissima est, nec filix sic renuntianti superest ad paterna bona regressus, ex cit. cap. *Quamvis pactum* & de pactis lib. 6. *Repetentib.* ibi. Nuntius, ut successioni consulerent, cui benè noverant, pactum illud renuntiativum hæreditatis haud officere, excogitarunt illam exclusionem ab eisdem Infantibus pro se, & posteris approbandam, ex causâ incompatibilitatis utriusque sceptri, seu inconfusæ Hispaniarum administrationis, tamquam legibus primitivis connexa. Quæ exclusio, genitricis accedente consensu, cujus intererat, nè proles ablegaretur à successionem, dubium, quæ de causâ pullulare posset, jugulatum reliquit. Sed quia Reges tanto operi satis esse non judicabant, quorû vires hæc exclusio sine dubio superabat, ut rem in tuto ponerent, Comitiorum auctoritatem suggererunt; quæ prædictam exclusionem ex causâ assignata, legibus primigeniis cohærente, nedum approbarunt; sed novæ legis firmitate roborarunt. Ut hinc appareat prædictos Jurisconsultos semper hæsisse, quoad

adusque Respublica suo munere, & facultate functa est, nec in aliis præeuntibus cautelis eorum mentes, imaginibus plenas, quiescere omnino potuisse. Si tantum viri his non se crediderunt, quid ex eis subsidii causæ suæ Austriades opperiri possunt?

236. Porro huic exclusioni causam dedisse hanc Regni Castellani naturam, vel primævam constitutionem, quæ ipsi forma est; licet non ita expressè, (quia fortè primævæ legis verba non pænitus observarunt) asserunt quotquot hanc materiam versarunt. Becman. supra citatus in notitia Orbis cap. 6. de Gall. §. 2. ex duplici fonte hanc utriusque successionis incompatibilitatem hausit, & ex parte legum fundamentalium Franciæ, quæ quidquid ipsi Coronæ accedit, confundunt: quod §. III. partis superioris rejecimus, & ex natura Coronæ Hispanicæ. quæ alteri inferi, & accedere nequit, quod libenter excepimus, ut legi illi consentaneum, & cohærens. *Quod ipsum* (inquit) *in causa esse observant Politici, cur Regnum Gallie, & Hispanie incompatibilia sunt, quia Hispania alii Coronæ inferi nequeat.* Clarius adhuc Salzed. lib. 2. Politic. cap. 14. *Iuste ergo, ne Hispanorum antiquitas, & gloria à Gothorum antiquitate deducta, obliviscatur subiecta Gallis, statutum fuit, abdicatumque jus succedendi Regiæ Galliarum, ejusque Successoribus.* Illustris. D. Francisc. Ramos del Manzano dum contra Gallos hujus renuntiationis, vel exclusionis vires defendit, eandem causam non tam expresse allegat, quam

ut

ut certissimam supponit; dum reddit rationem, de non
exclusionem aliarum Infantum, quæ Aragoniæ, Por-
tugalliæ, Navarræ, Angliæ, Daniæ, & aliis Regno-
rum hæredibus nupserunt; cum nubentes Franciæ hæ-
redibus exclusæ sint, vel renuntiare successioni iussæ.
ibi. *No podia dudarse, que si la successon llegase à re-
car à las Infantes, ò sus descendientes poseedores de
aquellos Reynos, y Estados, havian de residir. en los de
España como mas principales, y proporcionados à la re-
presentacion, y regimiento de todo. Vea el Autor de
este tratado si estas consideraciones se ajustan à los ma-
trimonios con la Francia, y si la misma se conformaria,
en que uniendose por bija, que no hubiesse renunciado,
las dos Coronas, fuesse España la Silla, y Cabeza del
Imperio. Vide sis, totum difficultatis pondus in eo esse,
ne Regia Sedes ex Hispania averruncetur: ne Gotthi-
ca repræsentatio alteri postponatur. Hac eadem ratio-
ne, ut Mariana refert in hist. lib. ult. ubi de gestis Re-
gum Catholicorum Ferdinandi, & Isabellæ; cuius etiam
meminit prælaudatus Illustr. Ramos ubi supra, propo-
nente Ludovic. XI. Rege Christianissimo conjugium
Elisabethæ majoris natu filiæ Ferdinandi, cum Duce
Bifurigenfium Fratre suo; dum Rex Catholicus id per
litteras Elisabethæ uxori renuntiasset; ab ea sapientissi-
mè nuptiæ dispulsæ sunt. Heredando el de Ber-
ri el Reyno de Francia, los Franceses se otorgarian
principalidad, y maioria de titulo, teniendo estos Rey-
nos por Provincia sufraganea, y que la Reyna havia*

M m

de

de seguir lo que las leyes de sus Reynos disponian en gloria, y acréscimiento del Cetro Real dellos. Ubi disertissimè supponit accessiōem hujus Coronæ repugnare ejus constitutioni, & primitivæ majestati, quam jam tunc ex cunis fundatores ipsi augurabantur.

237. His præmissis, antequàm directè respondeam, scire vellem ab adversariis, an hujusmodi exclusionem, vel renuntiationem existiment legibus Hispaniæ ita coherentem, ut etiam sine consensu Serenissimæ Infantis potuerit Reipublica eam, ejusque sobolem à successione repellere, tanquam legibus ipsis contraria, vel ad hujusmodi exclusionis valorem fuerit necessaria, & Reipublicæ dispositio, & ipsius Infantis renuntiatio; quia causa esto legi consentanea, non tamen necessario ipsi connexa erat? Nam si hoc posterius dixerint; respōdebimus, quod cum renuntiatio, vel exclusio Serenissimæ Mariæ Theresiæ non fuerit *authoritate* Reipublicæ facta, ut ipsi nequeunt non admittere; siquidem nulla pro ipsa approbanda, validanda, aut confirmanda comitia usquàm, vel unquam coacta sunt; nullius roboris erit ex defectu potestatis, & consensus Reipublicæ, qui non intercessit. Nec obstat, quod hic casus, & ille Serenissimæ Infantis Annæ sint idem formaliter, ut hic in illa dispositione Comitiorum anni 1618. censeatur comprehensus. Nam licet doctrinæ ibidem allatæ optimæ sint, & subsistant, quando agitur de interpretatione cōprehensiva in favorabilibus; non tamen in odiosis, & juris communis correctoriis, qualis

qualis respectu juris Hispaniæ foret hæc exclusio, semel ac cum legibus fundamentalibus necessario non connecitur. In odiosis verò, & tertio præjudicialibus, semper est stricta interpretatio facienda, nec illa comprehensio locum habet, ut animadvertit Calderin. consil. 147. alias consil. unico. *ut lite pendente. vers. per prædicta.* Portol. in tract. de consort. & fideicomm. cap. 6. num. 5. Cardinal. Thusc. practicar. conclus. tom. 6. conclus. 31. num. 43. lit. R. præsertim cum sub hac consideratione dispositio Comitiorum legis nomen non mereatur, sed specialis providentiæ in casu emergenti. Nam ut docet Alberic: leg. *Si major. C. de legit. heredis.* de his, quæ semel aut vix contingunt, leges non feruntur, quod probat leg. *Nam ad ea. ff. de legib.* quæ cum in secundo, & nostro casu non intervenerit, potius arguendum foret, Rempubicam noluisse pro hoc secundo casu præstare consensum; quia ex vulgari regula adversus eum, qui jus dicere potuit, & non dixit, expressius est interpretatio facienda.

228. Si verò hanc exclusionem ita existiment (prout & ego existimo) legibus fundamentalibus vehementer connexam, ut Serenissima Infans volens, nolens, potuerit cum sua sobole à successione arceri incompatibilitatis motivo; non dubito, quin hic posterior casus, qui est omnino idem cum priori in illa Comitiorum dispositione, quæ non tam lex, quàm legis fundamentalis declaratio dicenda est, comprehendatur. Sed tunc comprehensio ista peræquè nocere videtur Augustis-

fimo Cæsari, ac Regi nostro; Quia cum successio Cæsaris non minus incompatibilis sit cum successione Hispaniæ, quam successio hæredis Franciæ, quia (omittendo quod Imperium extraheret Sedem Regiam ex Hispaniis, & primariam Coronæ hujus repræsentationem; possunt enim respondere hoc esse temporale, & per accidens, non perpetuum; opponereque exemplum Caroli V. utrumque munus multo tempore gerentis. Hoc inquam omisso) Cæsar, vel ejus primogenitus est hæres Regnorum Hungariæ, & Bohemiæ, quæ cum Hispania ob nimiam distantiam, & regiminis difficultatem coire nequeunt, terra marique communicatione interclusa, id quod à posteriori dignoscitur, siquidem Augustus non sibi, aut primogenito successionem, sed secundogenito, contendit. Dum autem eadem incompatibilitatis ratio militat; ejus successio in casu præsentis æque lege illa, vel declarativa dispositione Reipublicæ afficitur. Si ergo, hoc non obstante, contendit *successu-*rum filium Carolum, quia in eo cessat incompatibilitas, cur non succedet Philippus noster, ex potiori, & meliori linea, vocatus, expetitus, in quo adhuc firmitus incompatibilitas cessat ob pluralitatem prolis Sereniss. Genitoris? Certe quid responderi possit non video.

239. Sed ut ad punctum, seu cardinem difficultatis deveniamus, fatemur hanc renuntiationem ab utraque Serenissima Infante Anna, & Theresia emissam, à Republica publicis Comitibus approbatam, sustineri debere, quatenus causa, ex qua elicitæ fuit legibus Re-

gni

gni fundamentalibus cohæret, seu, quatenus consulit, & providet illis incommodis, quæ leges ipsæ vitare voluerunt, dum Infantes hæredes, vel successuras extra Hispaniam nubere reñuerunt: qualia superius descripsimus, confundendæ scilicet Monarchiæ, postponendę representationis, throni avellendi. Sed ultra hunc casum legibus ipsis prævisum, nec Serenissimas renuntiantes potuisse posteris suis nocere, nec Reges ad earum posteritatem removendam potestatem habuisse; nec Rempublicam ipsam nascituris ex earum conjugiiis filiis impedire juris succedendi ex legis beneficio communicationem valuisse, constantissimè assero; ex his, quæ part. præcedenti §. X. fusè demonstravimus. Unde cum in casu adeundæ successionis per decessum Caroli II. in Catholico Rege nostro Philippo, hæc omnia cessasse deprehensa sunt; ad amussim legum nostrarum ipsi necessario successio delata est, renuntiatiõne, exclusione, & lege rogata minimè obstantibus, quæ non pro hoc casu, sed pro illo, legibus præviso, adhibita sunt. Sed quamvis hujus responsionis veritas ex citato §. satis superque liqueat, ex ipsarum renuntiationis, approbationis, ratificationis, & legis visceribus ejus robustissima confirmatio petenda est.

§. VI.

*Renuntiatio, vel exclusio Regem nostrum non
afficit, quia in eo cessavit causa ipsius
renuntiationis, vel ex-
clusionis.*

240. **S**atis est, ut Catholicus Rex noster Philip-
pus non attingeretur renuntiatione, exclu-
sione, & lege exscriptis, quod in casu, quo ipsi delata
successio est, nulla subesset causa legibus fundamenta-
libus cohærens, ut §. præcedenti diximus; at satius est,
quod etiam causa illa in renuntiatione, exclusione, &
lege expressa, non substiterit: nam duplici titulo ces-
sare renuntiationem necesse est, & quia cessat causa
legibus ipsis præconcepta, & quia ex mente excluden-
tis, & renuntiantis cessat itidem exclusio, vel renuntia-
tio. Porro nihil in Jurisprudencia sive Cæsarea, sive
Canonica frequentius est, quam quod cessante causa
dispositionis, dispositio cesset, & evanida fiat, ex vul-
gari Philosophorum maxima, quod cessante causa
cessat effectus, quæ ad legalia instituta translata vide-
tur. leg. adigere. §. quamvis. ff. de jur. patr. leg. si pater ff.
de hered. instit. itidem ad Canonica. Cap. magnæ. in fin.
de vot. 69. vot. redemp. cap. Cum cessante. de appellat.
de qua plenissimè discurret Tiraquell. in speciali tract.
cessante causa. & de jure primogen. qu. 40. num. 170.

Bru-

Brunor. in loc. commun. verbo. *causa*. Cardos. in praxi judic. eodem verbo. num. 2. Petr. de Ancharan. conf. 47. *pro clariori*. num. 4. ubi conceptis verbis ait, esse regulam generalem in legibus, contractibus, & aliis dispositionibus, quod cessante causa, super quam fundatur dispositio, cesset, & dispositio ipsa. Angel. consil. 346. *Titius*. qui ait, quod omnis dispositio sive legalis, sive conventionalis, sive testamentaria, sive inter vivos, per hanc regulam dirigitur, quia omnis dispositio a causa regulatur, restringitur, & ampliatur.

241. Quæ doctrina tam certa est, ut in renuntiatione filiae de futura hæreditate facta ex causa expressa, censuerit P. Ludovic. Molin. disput. 579. de just. & jur. num. 19. deficiente causa expressa, evanescere renuntiationem, filiamque succedere ab intestato, etsi fuerit præterita, dicere posse de nullitate testamenti. *Quando filius, aut filia paterne hereditati cum juramento renuntiat, attendendum est maximè ad causam, in cujus favorem renuntiat, & ad quam parens renuntiationem petit. Si enim ea causa deficiat, cum renuntiatio sub conditione ejus causæ facta censeatur, eo ipso expirat renuntiatio, & obligatio ex juramento; ac proinde renuntians succedit parenti ab intestato, & parens ex testamēto tenetur relinquere ei ut minimum suam integram portionem legitimam; alioquin filius dicere poterit testamentum nullum, in quo ita fuerit præteritus, & exheredatus. Sic hoc in successione hæreditariis locum habet, etiam respectu illius, qui se*
ab-

abdicavit sub juramento; quid putamus dicendum in
 successionibus linealibus, in quibus renuntians nedum
 se privat jure proprio, & personali, sed posteritatem
 suam jure, quod non à renuntiante, sed à Republica, à
 lege, à pacto convento cum primo Rege, sibi aliquando
 conveniret?

242. Doctrinam prædictam intelligi de causa fi-
 nali dispositionis, seu motiva ad eam eliciendam, non
 dubito, & in hac acceptione, seu consideratione credi-
 derim, disceptationem non pati; sed cessare dispositio-
 nem, etiam quovis Religionis Sacramento firmatam.
 Et ratio id efficacissimè probat. Quia quævis disposi-
 tio vim haurit ab intentione disponentis, sed disponent
 non disponit, nisi intendendo finem, quia omnis in-
 tentio est de fine, & actus elicit vel imperari ex inten-
 tione sunt propter finem: etenim secundum Philoso-
 phum omne agens secundum rationem agit propter fi-
 nem; ergo, finem non existente, dispositio cessat ex defe-
 ctu consensus, qui ferri nequit ultra finem. Unde ces-
 sante causa finali motiva dispositionis, etiam juramen-
 to roboratæ, evanescere dispositionem, quæquæ illa sit,
 tradunt Navarr. cap. 18. num. 66. Reginald. lib. 25. n.
 65. Vazq. in opuscul. de restitut. cap. 7. dub. 10. nu. 90.
 Sylvest. in Summ. verb. *factum*. q. 4. Rebell. lib. 28. qu.
 16. Molin. tract. 7. de just. disp. 209. Less. lib. 2. de just.
 cap. 18. dub. 16. Beja 1. p. cas. 40. Filliuc. tract. 33. num.
 178. apud Bonacin. de contract. disp. 3. punct. 4. n. 2.

243. Ex eodem principio colligunt Jurisconsulti;
 quod

quod verba dispositionis considerata non sunt, sed finis, ad quem dispositio dirigitur, & ordinatur, leg. *Et si non sint. §. praveniamus. ff. de aur. & argent. legat.* quia verba sunt media, & media sunt propter finem: ut autem per hunc textum dixit Barth. *Cum quid est propter aliud, consideratur id, propter quod est. leg. 3. C. de institut. & substit. leg. certum. ff. si cert. petat.* Nam causa finalis semper est prima quoad ordinem intellectus, etiam quando post dispositionem assignatur: licet enim in effectu ultimum locum teneat, semper præcedit in intentione disponentis, ut eleganter observat Bald. in leg. *Generaliter. C. de Episc. & Cleric.* quod desumpsit ex vulgari illo Philosophorum principio. *Finis est prior ordine intentionis, licet posterior ordine executionis,* ut expendit idem Bald. in leg. 2. *C. locati. num. 2. Socin. consil. 89. num. 20. lib. 4. Paris. consil. 72. num. 65. lib. 4.*

244. Ecce ineluctabile motivum successionis Regis nostri Philippi, necquidquam obstantibus renuntiatione, approbatione, juramento, exclusione, & lege rogata Comitiorum Castellæ. In omnibus enim his dispositionibus eadem semper causa, & ratio exprimitur removendi prædictas Serenissimas Infantes, & earum sobolem in perpetuum à successionem nostræ Monarchiæ, scilicet, ne confundatur Monarchia Hispanica, ne Francicæ adhæreat in Provinciam redacta, ne unionis occasione inter ipsas jurgium enascatur implacabile, quænam primariam repræsentationem præferre debeat, & Regiam conservare, & si quæ alia ex prædicta

N n

unio-

abdicaſſet ſub juramento; quid putamus dicendum in ſucceſſionibus linealibus, in quibus renuntians nedum ſe privat jure proprio, & personali, ſed poſteritatem ſuam jure, quod non à renuntiante, ſed à Republica, à lege, à pacto convento cum primo Rege, ſibi aliquando conveniret?

242. Doctrinam prædictam intelligi de cauſa finali diſpoſitionis, ſeu motiva ad eam eliciendam, non dubito, & in hac acceptione, ſeu conſideratione crediderim, diſceptationem non pati; ſed ceſſare diſpoſitionem, etiam quovis Religionis Sacramento firmatam. Et ratio id efficaciffimè probat. Quia quævis diſpoſitio vini haurit ab intentione diſponentis, ſed diſponens non diſponit, niſi intendendo finem, quia omnis intentio eſt de fine, & actus elicit vel imperati ex intentione ſunt propter finem: etenim ſecundum Philoſophum omne agens ſecundum rationem agit propter finem; ergo, ſine non exiſtente, diſpoſitio ceſſat ex defectu conſenſus, qui ferri nequit ultra finem. Unde ceſſante cauſa finali motiva diſpoſitionis, etiam juramento roboratæ, evaneſcere diſpoſitionem, quæquæ illa ſit, tradunt Navarr. cap. 18. num. 66. Reginald. lib. 25. n. 65. Vazq. in opuscul. de reſtitut. cap. 7. dub. 10. nu. 90. Sylveſt. in Summ. verb. *factum*. q. 4. Rebell. lib. 28. qu. 16. Molin. tract. 7. de juſt. diſp. 209. Leſſ. lib. 2. de juſt. cap. 18. dub. 16. Beja. 1. p. caſ. 40. Filliuc. tract. 33. num. 178. apud Bonacin. de contract. diſp. 3. punct. 4. n. 2.

243. Ex eodem principio colligunt Jurisconſulti; quod

quod
nis,
ſi no
quia
aut
ter,
inſt
ſa fi
etia
in e
inte
leg.
ex v
ordi
ut es
con

gis
riati
rog
ſpo
ren
ſol
chi
ne I
nis
le, c
beat

quod verba dispositionis considerata non sunt, sed finis, ad quem dispositio dirigitur, & ordinatur. leg. *Et si non sint. §. praveniamus. ff. de aur. & argent. legat.* quia verba sunt media, & media sunt propter finem: ut autem per hunc textum dixit Barth. *Cum quid est propter aliud, consideratur id, propter quod est. leg. 3. C. de institut. & substit. leg. certum. ff. si cert. petat.* Nam causa finalis semper est prima quoad ordinem intellectus, etiam quando post dispositionem assignatur: licet enim in effectu ultimum locum teneat, semper præcedit in intentione disponentis, ut eleganter observat Bald. in leg. *Generaliter. C. de Episc. & Cleric.* quod desumpsit ex vulgari illo Philosophorum principio. *Finis est prior ordine intentionis, licet posterior ordine executionis,* ut expendit idem Bald. in leg. 2. *C. locati. num. 2. Socin. consil. 89. num. 20. lib. 4. Paris. conf. 72. num. 65. lib. 4.*

244. Ecce ineluctabile motivum successionis Regis nostri Philippi, necquidquam obstantibus renuntiatione, approbatione, juramento, exclusione, & lege rogata Comitiorum Castellæ. In omnibus enim his dispositionibus eadem semper causa, & ratio exprimitur removendi prædictas Serenissimas Infantes, & earum sobolem in perpetuum à successionem nostræ Monarchiæ, scilicet, ne confundatur Monarchia Hispanica, ne Francicæ adhæreat in Provinciam redacta, ne unionis occasione inter ipsas jurgium enascatur implacabile, quænam primariam repræsentationem præferre debeat, & Regiam conservare, & si quæ alia ex prædicta

N n

unio-

unione resultare possent inconvenientia. Hæc omnia cessasse in specie nostra, quis neget? Cum Hispania nacta sit Successorem Philippum V. qui eam solitariè administraret, Francia reservata fratri ejus primogenito Serenissimo Ludovico, Burgundiæ Duci, cui, ne aliquis atrabile exagitatus, casum unionis ex ejus prolis defectu posset comminisci, Deus O. M. masculo germine ditavit, ex quo perpetua pullulatione lilia propaganda, speramus: Philippus ejus stemmata, imagines, nominaque Majorum gerit, præfert, gloriam Gotthicæ Gentis suo egregio Martiali spiritu suscitât, Hispaniæ Thronum, Regiamque conservat. Ecce nō succederet? Quæ lex, quæ conventio, quæ renuntiatio, quæ approbatio exclusionis, quæ ratificatio, quod juramentum huic casui potest adaptari? Hic nihil eorum militat, quæ his causam dederunt: numquid sine causa erat refutandus? Quo jure? Qua æquitate? Prorsus nescio: sed quis sciat?

245. Enim verò; nedùm quia causa, quæ in his dispositionibus ut motiva, & finali exprimitur, cessat, prædictæ dispositiones successioni Philippi Regis nostri non officiunt; sed nec ipsi nocerent, etiam absolute conceptæ, seu, nulla assignata causa, elicitæ; quia cum ex sola hujusmodi incompatibilitatis causa potuerit soboles nascitura Serenissimarum Infantum à successionem depelli, ut satis superque patet ex dictis, perinde foret, hanc causam, & rationem sive exprimere, si ve reticere; semper enim per hanc causam, seu

mo-

motivam rationem à legibus prævisam deberent hujusmodi dispositiones regulari; quia quando dispositioni una præcisa causa assignari potest, hæc sive exprimatur, sive supprimatur, semper censeretur expressa, & eisdem producit effectus implicita, quos explicita produceret, ut observat Felin. in cap. *Translat. de constit.* num. 11. ad finem. idem in cap. *Si quando. de rescript.* num. 11. cum sequentibus. Alex. consil. 24. num. 44. lib. 2. Dec. qui plura congerit consil. 15. n. 2. & consil. 64. num. 6. Curt. Senior. consil. 1. col. 3. & consil. 20. col. 6. Paris. consil. 16. nu. 36. lib. 3. Tiraquell. in leg. *Si unquam. C. de revoc. donat.* in princip. n. 62. Francisc. Pisc. de statut. excludentibus. fæmin. n. 29.

246. Nec hujus argumenti efficaciam eludere adversarii poterunt, etiam si dicant, quod licet causa finalis ea sit, tamen exclusio generalis est, & pro omni eventu, sive ratio cesset, sive non, ut patet ex ejus contextu, maximè illis verbis. *Aunque digan, ò puedan decir, y pretender, que en sus personas no corren, ni se pueden considerar las razones de la causa publica, ni otras, en que se pudo fundar esta exclusion;* in quibus præventivè excludentes vim hujus argumenti videntur exarmasse. Nam respondemus, quod cum causa, & ratio illius particularis sit, ne scilicet Monarchiæ uniantur, imò nec poterat prædicta exclusio alii inniti, ut validè fieret; quamvis verba generalissima sint, per dictam causam, & rationem restringi debent, ut prob. ex leg. *Cum pater. §. dulcissimis. ff. de legat. 2. leg. si de*

certa re. C. de transact. Garcia Girond. de privileg. seu exempt. significat. num. 277. Ozasch. Pedemont. decis. 98. num. 10. Surd. consil. 389. num. 9. & sequentib. quos allegat Barbof. tract. de axiomatib. axiomat. 73. num. 7. Quia ratio dispositionis est ipsa dispositio, cum sit veluti pars formalis illius, & ejus anima, seu spiritus, ut dixit Bald. leg. *Si quis servo. num. 7. C. de furt.* Dec. in cap. *Requiris. 2. de appellat.* num. 1. Tiraquell. in leg. *Si unquam.* num. 38. C. de revoc. donat. Paris. consil. 16. num. 27. & 30. lib. 3. Atque ideo fidei commissa extendi, ampliari, limitari, ac declarari ex ratione, & causa, ex qua disponens motus intelligitur ad disponendum, ex prædicta leg. *Cum pater. §. dulcissimis. leg. nomen debitorum, §. final. ff. deleg. 3.* Tradunt Scribentes, & signanter Curt. Sen. consil. 43. col. 5. & consil. 44. col. 1. Socin. consil. 77. num. 2. lib. 3. Unde, cum in solo unionis casu potuerit Respublica procedere ad exclusionem; non in alio: parum refert, quod verba sonent exclusionem generalem, & pro omni eventu; restringi enim debent per rationem ipsam, & causam finalem dispositionis, quæ expressa est; maxime, cum ex alia, vel ex nulla excludere causa, excludentium superet facultatem.

247. Hæc solidissima responsio, esto confirmatione non indigeat, tamen duplici reflexione summo perè roboratur. Prima: Quoniam si subsisteret adversariorum intellectus, quod scilicet proles Serenissimarum Infantum absolutè, & in omni eventu foret exclusâ,

clusa, etiam causa deficiente, aut cessante, prout colligere conantur ex contextu ipsius exclusionis; sequeretur eundem contextum implicationem, & absurdum continere. Implicationem quidem, quia cum excludentes moveantur ex eo. *T por lo que importa al estado publico, que siendo tan grandes no se juntem*; postea disponentur (juxta intellectum ab adversariis intetum) quod nec Serenissima Infans, nec ejus soboles succederet, etiam si allegare possent, cessasse erga illos publicæ causæ rationem, & interesse. ibi. *Aunque digan, y puedan decir, y pretender, que en sus personas no corren, ni se puedan considerar las razones de la causa publica, ni otras, en que se pudo fundar esta exclusion*. Quæ duo, juxta contrariorum intelligentiam, hunc sensum facerent. Quod, quia multum publicæ interest causæ, nè hæ duæ vattissimæ Monarchiæ uniantur; nec Serenissima Infans, nec ejus descendentes succedere possint, etiam in casu, quo nihil publicæ causæ referret, sive succederent, sive non. Siquidem, adhuc cessantibus rationibus illis, quibus exclusio innititur, publicæ utilitatis, & interesse, quo casu nihil causæ publicæ referret successio, per illos excluduntur. Plane hæc manifesta implicatio est; excluduntur, quia multum interest exclusio, etiam in casu, quo nihil interest exclusio. Cum ergo contradictio in dispositionibus maximè in eodem contextu admitti non debeat, sed posteriora prioribus concordanda; melius nos posteriora verba ex ratione, & causæ dispositionis, interpretantes, dicemus, sensum esse, præ-
di-

dictam exclusionem vivere, semper ac vivit causa illa finalis, etiam si falsò, vel apparenter allegari possit, quod cessaverit; secus si verè cessaverit: aliàs enim fieret interpretatio contra jura, quæ tantumdem deferunt causæ, quod sive positivè, sive negativè, & contrariè cesset, dispositio ipsi innitens evanescat; adeò, ut si pater, causa expressa, filium exhæredaverit, cessante causa finali exhæredationis, sive positivè, sive contrariè, aut negativè, dispositio cesset, esto causa publicam utilitatem respectet: ut ait Imol. consil. 87. vers. *Præterea secundo*. laudatus à Cardinal. Thusc. conclus. 202. nu. 2. & in terminis exclusionis, cessante causa exclusionis, exclusionem cessare dixit Rot. decis. 463. part. 1. recent. apud Farinac. & Ambros. de Perus. decis. 1. num. 5. & decis. 3. num. 9. Propterea verius, & conformius ad legalem intellectum prædicti contextus, absque ulla contradictionis umbra, dicimus nos, quod ideo Philippus noster successit, tanquam soboles Serenissimæ Infantis Mariæ Theresiæ, licet fuerit exclusa, quia nihil interest quod fuerit exclusa, quando causæ publicæ nihil interest ejus exclusio.

248. Secundò, quod prædictus contextus, si intelligendus esset, prout adversarii contendunt, contineret absurdum; non minus certum est: nam si in casu, quo causa publica illius renuntiationis, vel exclusionis cessaret, non cessaret exclusio; sequeretur, quod Serenissima Infans, & ejus soboles excluderetur in eo casu sine causa; siquidem excluduntur in eo casu, in quo nulla
causa

causa militat, vel omnis causa cessat: profecto excludere filiam à tali successione, ad quam cum prole sua, per leges invitatur sine causa, irrationabile est, barbarum est, absurdum est; quod nec inter Scithas tolerandum foret; quanto minus inter Christianos? Præterea legibus fundamentalibus derogare posse Regem, vel Rempublicam sine causa, quis unquam somniavit? cum nec ipsi legislatores sine causa legibus suis licitè derogent, nec justè, postquam ex eis jus tertio quæsitum est; quid ergo absurdius excogitari potest, quàm quod Hispani leges fundamentales sui Regni temerare, invertere, vel abrogare sine causa tentaverint? Cum ergo intellectus absurdus in legum, vel dispositionum interpretatione pro viribus vitari debeat. ex leg. *Nam absurdum. ff. de bon. damnat. leg. observare. §. finali. ff. de offic. Procons. cap. Quemadmodum. de jure jurand. cap. Dudum. de prebend. lib. 6. Valas. consil. 174. num. 11. Garcia Girond. de privileg. explicat. num. 284. intellectus ille violentus, & crudelis, quem prædictæ dispositioni assuere volunt Austriaci, rejectandus est; & tenendus, quem nos ex visceribus jurisprudentiæ, & causa ibidem expressa eruimus, ut æquitati naturali, finique disponentium consentaneus.*

249. Quod si adhuc obstinatè replicare pergant: prædictam exclusionem, vel renuntiationem non cessasse; quia licet cessaverit causa in particulari, non cessaverit in communi; vel, & fortè melius, quod causa non cessaverit adæquatè; quia motivum prædictæ exclusionis

exclusionis non fuit solum præcavere unionem utriusque Monarchiæ; sed unionis occasiones, & pericula, ibi: *¶ porque queden prevenidas las ocasiones, que podria haber en juntarse*; quæ in posteritate prædictarum Serenissimarum Infantium, perpetuò vivent; siquidem, attenta rerum humanarum vicissitudine, & lege Salica Franciæ, semper obtingere potest successio illius Regni soboli masculæ, sicut obtigit Henrico IV., qui, agnatione inspecta, solum vigesimo secundo gradu decessorem suum contingebat, teste Briet. in annalib. ad ann. Christi 1589. Quando verò causa finalis legis, vel dispositionis non cessat adæquatè, lex vel dispositio nõ cessat; sed solum quando adæquatè, & omnino cessat. ex leg. *In omni.* ubi Barthol. ff. de adopt. leg. quod dictum. ff. de pact. cap. *Et si Christus.* de jur. jurand. Eversard. in Topic. legalib. loc. 85. Tiraquell. citato tract. *Cessante causa.* part. 1. num. 11. Berthazol. in repetit. leg. *Si quis major.* num. 263. *C. de transact.* Surd. consil. 375. num. 24. & alii plures.

250. Adhuc hoc recursum nihil evincunt; quia in specie nostra causa prædictæ dispositionis, vel exclusionis, omninò & adæquatè cessavit: ea enim duntaxat fuit ad unionem vitandam, qua vitata, vitantur unionis pericula; nam si semel stabilitur, quod utriusque Monarchiæ nequeat esse unus, idemque Successor; omne. removetur, de jure, unionis periculum; semper enim respectu Successoris Franciæ viget exclusio, & succedet Hispaniæ sequens in gradu, sive Francus, sive

Au-

Austriacus, sive Sabaudus: si verò contrarii velint, per prædictam dispositionem præcaveri etiam pericula unionis de facto: hoc ridiculum est, nullique humanæ providentiæ concessum; cum semper Reges Franciæ, si leges non revererentur, jure, vel injuria; imò quivis alius Princeps, id possent attentare. Sed ne voluntariè loqui videamur, hoc eruimus ex ipsis verbis à contrariis productis. *Y porque queden prevenidas las ocasiones, que podria haver en juntarse*: Hic non præveniūt disponentes occasiones unionis, sed occasiones jurgii, dissidii, & implacabilis altercationis, quæ ex unionem nascituræ credebantur; alioquin juxta Hispani dialecti rigorem, quem observasse statuentes in tam solemnem, & publicam dispositionem, nequit in dubium revocari, nō dixissent. *Las ocasiones que podria haber en juntarse*, sed *Las ocasiones, que podria haver de juntarse*. Nam cum particula *en* latinè *in*. regat ablativum, perinde est prævenire occasiones, quæ possēt occurrere, *en juntarse*, ac prævenire occasiones, quæ possēt occurrere in unionem: e converso, cum particula *de* regat genitivum, faceret proprium sensum, scilicet, *usque præcaveantur occasiones unionis*; quod cuique Hispanicè mediocriter loquenti obvium, & palmarium est: nisi contrarii velint, viris illis sine dubio doctissimis, adhuc in patrio idiomate solœcum impingere, quod sine temeritate fieri nequit.

251. Sed ex his, quæ contrarii urgent, inferre contra eos posset, si vera essent; non Cæsarem, non

Archiducem, non Philippum successores esse, quod ipsi enixe negabunt; sed filiam Serenissimi Ducis Aurelianensis natu majorem; quia si motivum cessat adæquatè, quando cessat unio, & unionis periculum; cum femina Regii Sanguinis Franciæ nequeant in Francia succedere, Salica lege obstante; in feminis, cessaret unio, & omne remotissimum unionis periculum: cumque femina illius stipitis descendant à Serenissima Infante Anna, quæ major natu erat Serenissima Infante Maria, à qua descendit Augustissimus Cæsar; ipsæ ad regulas Regni præferri deberent. Videant contrarii, quo eos abducant sua præjudicia! Certum igitur est, quod adæquata causa dispositionis fuerit, in perpetuum unionem utriusque Monarchiæ præpedire; quæ præpedita, ridiculum foret, velle etiam omne remotum unionis de facto periculum præcavere, quia moraliter impossibile. Deus enim, qui pericula proxima peccandi fugere jubet; remota præcavere non jubet; quia humanæ fragilitati hoc impossibile est; imo asserret hæc præcautio majora pericula, quia opus esset, quod homines se ipsos mutilarent, oculos eruerent, aures obserarent; ex quovis enim sensu plurima remota emergunt peccandi pericula; & volunt Austriaci, quod Hispani tantumdem præsumerent in gratiam suæ domus, ut tentaverint, remotissima pericula unionis de facto utriusque Monarchiæ sua dispositione præcavere: temerarii forent, satis illis fuit radici admoveere securim, & unionem repugnantem esse, declarare.

252. Cæterum verba prædicta fore intelligenda de occasionibus, quæ ex unione enasci possent, iurgii, & contentionis inter duas Monarchias, non verò de occasionibus unionis vitandis, ex subsequentiis verbis clarius adhuc depròmitur. *T queden prevenidas las ocasiones, que podría haver en juntarse, y en razon de la ygualdad, y conveniencia, que se pretende;* quæ verba procul dubio eo referenda sunt, ut scilicet per illam exclusionem prævenirentur occasiones rixarum, & contentionum, quæ necessariò inter utramque gentem excitaret æqualitas, imò superioritas, quam utraque gens affectaret; neutra enim alteri cedere vellet, aut alteri adhærere: sed quævis contenderet Regem debere præferre suas imagines, stemmata, prænomina, & repræsentationem, & in propria Curia residere; non de alia jura recipere; quod adeo clarum est, ut dubitari nequeat. Et tamen Austriaci prætendunt, illam æqualitatem fuisse intentam ab Hispanis, tanquam causam exclusionis: videlicet Reginas illas Serenissimas fuisse exclusas, ut sicut feminae Regii Sanguinis Franciæ non succedunt ad sceptrum, ita nec feminae Hispaniæ succederent. Sed quis non videat hunc sensum esse impro-
prium, violentum, & falsum. Etenim in hoc nulla est inæqualitas, sed utraque gens à principio ea de successione instituta amplexa est, quæ, omnibus pensatis, opportuniora existimavit: nec minus de publica Hispanorum re est, quod pateat feminis aditus ad successionem; quàm possit esse de re Francorum lex Salica;

Quid igitur hæc exclusio utilitatis importaret, ut Hispani leges fundamentales contra jus fasque invertèrent, ad eam introducendam? Et si hoc contenderunt; æqualitatem minimè afsecuti sunt, quando quidem Regiæ Feminae Franciæ, nec domi, nec foris nuptæ succedunt; Feminae verò Hispaniæ, saltem extra Franciam uxoratæ, capaces successione remanserunt. Ubi est ergo illa æqualitas quoad successionem? Verus, & obviu sensus est, quod quia multum intererat utriusque Monarchiæ, ne copularentur, ut prævenirentur occasiones simultatis, & discordiæ, quæ ex unione sine dubio nascerentur, exclusionem illam statuerunt, cujus nullà alia causa motiva fuit præter publicam utilitatem, quæ illam unionem respuebat. Unde ea cessante, cessat adæquatè causa finalis motiva exclusionis prædictæ.

253. Altera reflexio, quæ principalem illam responsionem confirmat: nimirum, quod quamvis exclusio generalissima sit, debet tamen restringi ex speciali causa, & ratione expressa, cui innititur, est solemnisissima declaratio Caroli II. facta in ultimis tabulis, sub quibus diem obiit extremum. Hic piissimus Rex, re consulta cum insignioribus Hispaniarum hominibus, sive doctrinam, sive pietatem spectes, qui Regi Austriaci stipitis, & agnationis, nisi veritate perculsi, contra Austriacos minimè consuluisse; prædictam renuntiationem, vel exclusionem hoc sensu interpretatus est; ut teneret quidem in illis, qui utriusque

suc-

successionis simultatem facerent ; non in his , qui seorsim in Hispania succedere possunt . Si dixeris , Reges nec posse invertere , nec declarare leges fundamentales ; consentiam : sed declarationes legum fundamentalium factas à Republica , ubi opus est , poterunt declarare . Renuis ? Gaudeo : sic enim fateris , quod tanta harum legum vis sit , ut Reges nec declarare eas possint , sed hoc munus Reipublicæ est : nec etiam Reipublicæ declarationes , qualis est illa exclusio , ubi opus est , explicare . Sed non negabis , Rempublicam posse : alioquin , quod , aut unde , Austriacis jus ? At Respublica Hispana id patentissimè declaravit facto ipso , Philippum vocando , gratulationibus excipiendo , acclamationibus comitando , jure jurando se se ejus Imperio obstringendo , ipsum impensè amando , promptè obediendo , & sibilis Austriacorum aures fortissimè obsecrando . Quis ergo dubitandi amplius locus superest ? Non video .

§. VII.

*Casus præsentis successionis Regis nostri Philippi
est æquivalenter exceptus in exclusionis
contextu .*

254. **N**ihilominus contendere possunt ex alio principio Austriaci subsistentiam præfatæ renuntiationis , sive exclusionis : Nimirum.

rum. In ipsa excluduntur duo casus, in quibus Serenissimæ Infantes, ea non obstante, possunt ad successionem venire. Hi sunt. Si relictæ sine prole à Regibus Christianissimis, qui eas duxerunt, Hispanias remigrarent, prior; posterior, si ex publica utilitate, approbatione, & consensu Regis Genitoris, vel Fratris, ad secundas nuptias transirent, ut habetur in calce clausulæ quintæ præcitatæ, his verbis. *Pero juntamente se declara expressamente, que, si lo que Dios no quiera, ni permita, acaeciere en viudar la Serenissima Infanta sin hijos deste matrimonio, que en tal caso queda libre de la exclusion, que queda dicha, y capaz de los derechos de poder suceder, en todo lo que le pueda pertenecer, en dos casos. El uno si quedando viuda deste matrimonio, y sin hijos se viniere à España. El otro, si por conveniencias del bien publico, y justas consideraciones, se casasse con voluntad del Rey Catholico su padre, y del Principe de las Españas su hermano.* Hæc duorum casuum exceptio argumento est, disponentes voluisse, quod in nullo alio prædictæ Serenissimæ exclusæ, vel earum posteritas, succedere possent; tum, quia ex vulgari juris regula, exceptio firmat regulam in casibus non exceptis. Leg. *Cum Prætor ff. de jud. leg. Cum maritus. C. de procurator. Leg. Quamvis. C. de pignor.* tum etiam, quia sicut illa duorum casuum exceptio expressa fuit à disponentibus post generalem illam exclusionem; si aliis casibus prædictis Serenissimis Infantibus, & earum posteritati aperiendus foret successionis

adi-

aditus; illos utique expressissent; sicut istos expresserunt. Cum ergo eos suppreferint, & silentio obvolutos reliquerint, videtur indubium, quod de eorum mente succedere non possint.

255. Huic difficultati facilis est responsio ex superius dictis, & disputatis; scilicet, in his casibus capaces esse successionis Serenissimas Infantes, & earum posteritatem, non quia excepti sunt, sed quia excepti sunt ex cessatione causæ finalis prædictæ exclusionis; in illis enim, siue exciperentur, siue non; semper succedere deberent, quia earum successio non dependet à voluntate Regum, vel Reipublicæ, quibus integrum non est leges successiones invertere; sed à voluntate Reipublicæ regulata causa legibus fundamentalibus connexa, qualis est causa assignata in his exclusionibus, quæ cum in illis duobus casibus manifestè cesset, volente nolente Republica, præfata Serenissimæ exclusæ successionis, de jure loquendo, admittendæ essent. In aliis vero casibus his similibus, vel in quibus eadem ratio militat, admittendæ etiam sunt, etiam si excepti non reperiantur, quia cum in ipsis ex æquo cesset causa finalis exclusionis, nullo jure poterunt à successione repelli. Reges enim, vel Respublicæ nequeunt ex quavis causa, vel potius, ex nulla possunt successionem cognaticam à principio introductam, agnaticam facere, vel feminas pro nutu suo repellere, sed quibus legibus à principio regulata successio est; eisdem, eadem Republica, & Regno durante, semper regulanda est.

256. Verum, licet hæc responsio certissima sit, & prorsus difficultatem enervet; Nos contendimus ex eisdem casibus expressis probare, successionem in casu nostro competere Serenissimo Regi nostro Philippo; ut hic casus successionis dici debeat æquivalenter exceptus in illis, quos dispositio expressè excepit. Et quidem maximo fundamento. Nam licet disponentes hos solum duos casus expresserint, non ideo reliquos ejusdem omnino rationis rejecerunt, sed hos uti magis obvios, & veluti aliorum exempla protulerunt: quod & ex ipso contextu, & legali ratiocinio demonstratur. Ex contextu demonstratur positivè, ex illa particula: *Se declara expressamente*, in qua duo habemus: primum, quod hæc exceptio sit exclusionis illius generalis declaratio; non authoritativa limitatio. Porro si declarant disponentes, exclusionem prædictam Serenissimas Infantes in subjectis casibus minimè afficere; ideo fuit, quia ratio, cui innitebatur exclusio, in præfatis casibus non vigeat; quia dispositiones ex causa finali declarantur, & ratione ipsa, cui innituntur; ut supra vidimus: unde in quovis casu id ipsum contingat, similis declaratio locum habet. Secundum, quod sit declaratio expressa, *expressamente*, illorum duorum casuum; sed implicita omnium illorum, in quibus eadem ratio militet; ut quid enim dicerent, quod expressè declarabant, nisi ut innuerent, illam declarationem, non officere declarationi aliorum casuum consimilium, qui in his explicitè declaratis, implicitè declarabantur:

alio-

alioquin illud adverbium frustraneum esset, nam si ipsa declaratio illorum casuum est exercitè expressa declaratio, otiosum esset adjungere illam expressionem signatam, quæ nihil importaret. Videtur ergo certum, quod illi duo casus expressi sint ut exempla, tanquam magis obvia, & quæ facilius contingere poterant.

257. Ratio legalis est, quam superius pro contrariis produximus, contendentibus, legem comitiorum Matritensium rogatam ad firmandam exclusionem Serenissimæ Infantis Annæ, extendendam rationem identitatis ad exclusionem Serenissimæ Infantis Mariæ Theresiæ; videlicet, quod de expresso, & non expresso eadem est facienda interpretatio, quando utriusque est eadem ratio; quia expressum censetur, quod sub ratione comprehenditur, ex ibi cit. leg. *Scio quasitum. de testib. leg. Si postulaverit. §. sed si negavit. ff. ad leg. Jul. de adulter.* & Doctoribus ibidem laudatis: quia ubi militat eadem prorsus ratio, fit interpretatio comprehensiva, ut ibidem probatum est, quamquam dispositio nis verba aliud sonent. In omni enim dispositione sive juris, sive hominis, sive testamentaria, sive inter vivos, ratio potius, quam verba, æstimanda est. leg. *Scire. §. aliud. ff. de excusat. tutor.* Menoch. consil. 998. num. 11. Fufar. de subst. q. 480. num. 40. quia mens disponentium per rationem comprehensa præponderat verbis ipsis, ut docet Marian. Sozin. consil. 35. circa prædictam. vers. *et quamvis.* lib. 1. quem lau-

dat Cardinal. Thusc. conc. 31. num. 6. lit. R. & sanè, re-
ctissimè, nam verba debent servire intentioni, non in-
tentio verbis. *leg. cum pater. §. donatum. ff. de leg. 2. leg.*
si uno. ff. de locat. & ibi Barthol. leg. ubi ita donatur. ff.
de donat. caus. mort. cap. constitutus. de religios. domib.
cap. solit. de majorit. & obed. Corn. conf. 239. num. 5.
lib. 1. & consil. 138. num. 3. lib. 3. Menoch. de præsump.
lib. 3. præsumpt. 104. num. 28. Mascard. de probation.
concl. 1131. num. 20. Gonzales ad regul. 8. Cancellar.
glos. 84. à num. 53. Cardin. Seraphin. decis. 121. n. 11.
& alii innumeri; ut censi debeat communis intelle-
ctus Jurisconsultorum. Sed eadem ratio militat in casu
successionis Regis nostri Philippi, ac in casibus ex-
pressè exceptis in dispositione illa exclusiva: quia ea-
tenus Serenissimis Infantibus in illis duobus casibus
præservabatur jus succedendi, quia ex earum successio-
ne nulla sequebatur unio, aut accessio Hispanæ Coronæ
ad Francæ; quæ ratio in casu nostro equaliter currit, ut
non Successor Francicæ Coronæ Hispanis imperat, sed
Philippus, qui solitariè, inconfusè, & ex propria Re-
gia Hispanias, & adnexas ditiones administrat, ut om-
nes vident: casus igitur iste successionis nedùm non
fuit in illa generali exclusione comprehensus; verùm
etiam in illis duobus casibus expressè exceptis fuit ex-
pressus exemplariter, & ob identitatem rationis æqui-
valenter exceptus.

258. Idcirco non obstat, quod contrarii allegât
ex vulgari regula de exceptionibus; quia etsi regula
illa

illa verissima sit; attamen non militat in specie nostra, quia ut advertit Thom. de Thomas. in Florib. leg. reg. 148. & Menoch. consil. 197. num. 83. *vers. non obstat primò.* Non tenet regula, quando in excepto, & non excepto, seu in inclusò, & exclusò est eadem omnino ratio; cum ergo in casu nostro, licet verbis non excepto à generali dispositione, vel non inclusò positivè in illa exceptione, eadem sit, & vigeat ratio, quæ in illis duobus ab exclusione exceptis, vel in exceptione inclusis; inclusus exemplariter censetur in exceptione, & exceptus ab exclusione in, & cum illis duobus, quos contrarii nobis opposuerunt. Unde optimè dixerunt Dec. consil. 11. num. 17. & consil. 99. col. final. *vers. Tercio non obstat.* Alexand. consil. 75. *videatur.* num. 3. & 4. Quod quando exceptum, & non exceptum, inclusum, & non inclusum eadem ratione regulantur, non solum exceptio unius non est inclusio alterius; vel unius inclusio alterius exceptio, sed e contrario unius inclusio est inclusio alterius, & exceptio unius alterius exceptio, atque adeo exceptio duorum casuum ab illa dispositione, est exceptio casus nostri, & inclusio illorum in exceptione, est casus successionis Catholici Regis inclusio.

259. Et quidem (ni velimus illam exclusionem animosam credere, & potius in odium Regiæ Franciæ stirpis conceptam, quàm ad maiestatem Monarchiæ tuendam excogitatam, quo casu ut irrationabilem, odiosam, invidam, & peccaminosam, quocum-

que vinculo non obstante, ruere necesse est, etiam si ad eam edendam potestate potiretur Respublica) quàm plures casus, præter exceptos admittere tenemur, in quibus illa exclusio substineri non posset. Unus ex his ille est, quem antea insinuavimus: nempe. Si Serenissima Infans Anna, vel Maria Theresia ex conjugio inito cum Regibus Christianissimis Ludovico XIII. & XIV. respectivè relicta fuisset cum sobole feminea, quam secum duceret in Hispanias; quæro, an deficientibus masculis ejusdem gradus, & lineæ admittenda foret ad successionem? Non enim in successione ipsius vel filiæ considerari posset causa illa unionis utriusque Monarchiæ, quia femina ad Coronam Franciæ non succedunt; imo nec unionis periculum, prout dicunt Austriaci: ex quo ergo capite foret, vel mater, vel filia repellenda? nisi dixeris, quia mater nupsit Regi Franciæ, & filia ex Franco genere nata, nullam verosimilem rationem exclusionis afferes: An hæc sit verisimilis? consideret pius Lector. Et tamen hic casus non est exceptus; non ergo omnes casus expressè excepti sunt, in quibus non viget exclusio.

260. E contrario, nec omnes, in quibus exclusio vim habet. Si enim Serenissima Archiducissa Maria Antonia nupsisset Serenissimo Delphino, nullamque ex hoc conjugio prolem reliquisset præter unum masculum, quantumque nec ejus Genitrix, nec ipse in illa exclusionem expressè comprehensi inveniantur; crediderim Augustissimum Cæsarem ejus successionem impu-

pu-

pugnaturum , ex eo motivo, quod licet non renuntiasset, non fuisset exclusa ; nihilo secius casus hic idem est cum illis , pro quibus exclusio facta est . Si ergo exclusio ex identitate rationis tunc fuisset extendenda ; cur exceptio ibidem facta ex rationis identitate casum nostrum non comprehendet ? Sed si ex hujusmodi possibili cōjugio Serenissimus Delphinus tres filios procreasset , prout procreavit ex Serenissima Coniuge ; Cæsar verò nullam aliam prolem suscepisset ; credemus, in eo eventu consensurum , quod successio deferretur ad Serenissimum Ducem Sabaudia , potius quam ad nepotem secundogenitum ? Quis credere poterit ? & tamen casus foret idem omninò cum præsentis . Seponat Augustissimus Cæsar suæ prolis nimium amorem , quo præoccupatus hos possibiles eventus , prout par est , non considerat ; & facilè sibi persuadeat , spero, successionem Catholici Regis ex jure , non ex injuria Austriacæ Domus processisse .

§. VIII.

Quod Summ. Rom. Pontifex probaverit articulos pacis Pyrenæi , non obstat successioni Catholici Regis Philippi :

261. **C**UM Austriaci à civili auctoritate nihil suæ causæ præsidii conciliare possint ; ad Sacram confugiunt : & Apostolicam Majestatem cum Re-

Regia Franciæ, & Hispaniæ committere pertentant. In sistunt namque, & adhuc enituntur, præfatam exclusionem respectu prolis Serenissimarum Infantium, gloriosissimè postea in Francia regnantium, absolutè, in omni eventu, & absque ulla interpretatione fore substinendam ex novo sacro motivo; videlicet, quod tractatus illi nuptiales attinebant ad pacis inter Reges Christianissimum, & Catholicum conventiones, quæ publicam causam respectabant, non horum duntaxat Regnorum, sed totius Europæ; cum per illas universæ Europæ, in partes distractæ, pax reddita sit. Et ideo approbatæ à Summis Pontificibus Paulo V. & Alexandro VII. universæ Ecclesiæ præsidentibus, quorum, nisi sacra authoritas temeretur, ab illis fœderibus resilire, non licet. Quanti autem ponderis interventus Pontificiæ Authoritatis in fœderibus pacis publicæ sit, nullus ignorat; eo enim pacem reprobante, fœderum, quantalibet religione firmatorum, vis evanescit; juramenta irritantur; & tanquàm si nihil esset actum, bellum ex eadem causa innovare licet; e contrario accedente Apostolicæ Sedis approbatione, pacta sancita sanctaque sunt, nec retractari amplius possunt; aut bellum, nisi ex superveniente causa, honestari. Si igitur illa exclusio, ratificatio, juramentum à Sede Apostolica probante ultimam nacta sunt firmitatem; quo jure poterit Rex Catholicus in prædictam exclusionem insurgere?

262. Ad pacta nuptialia quod attinet Serenissime
In-

Infantis Annæ Mauritiæ, & Ludovici XIII. Regis Christianissimi, falluntur Austriaci, si ea ad conventiones pacis utriusque Coronæ referre velint. Nam cum anno 1612. quo hæc fœdera conventa fuere, nullum inter Francos, Hispanosque bellum fuerit, imò nec a tempore pacis factæ cum Henrico IV. Rege Christianissimo à Philippo II. sedente Clemente VIII. & suo nomine agente Cardinale Mediceo (qui postea ad Cathedram Apostolicam evectus, Leo XI. dictus est) & ad finem eam stabiliendi Legato à latere misso, ullum inter has duas Monarchias bellum suscitatum fuerit; palàm est hujusmodi nuptialia pacta ex causa restituendæ pacis Europæ icta non fuisse. Et quamquàm Paul. V. fœlicis record. illa conjugia Regis Franci cum Hispana Anna, & Principis Philippi cum Francica Elisabetha promoverit, & probaverit, tanquam pristinæ pacis vinculum recentius; tamen hæc approbatio non respectavit articulos illos nuptiarum, quorum tenor Ecclesiæ non intererat, sed effectum illorum, scilicet, conjugium, quod ut novus nexus horum Regnorum, a quibus pax Europæ maximè pendebat, Summo Pontifici universali Pastori, non placere non poterat. Atque adeò Pontificia hujus matrimonialis tractatus approbatio, aut promotio ejus articulos, pacta, & conditiones in suo nativo, & proprio vigore reliquit, nec ad firmiorem, aut altiore dignitatem evexit.

263. Pacta verò, & conventiones nuptiales Serenissimæ Mariæ Theresiæ cum Rege Christianissimo

Lu-

Ludovico XIV. nunc fœliciter regnante, simul cum tractatu pacis Pyrenæi constituta sunt; sed sub diverso, & peculiari tractatu, ut ex Brachel. observavit insignis vir literaturæ, Spectabilis Consiliarius Amatus Danio, in suo tractatu solidissimo pro successione Regis Catholici: qui producit verba præfati Authoris tom. 4. histor. ubi exscribit cap. 33. prædicti pacis tractatus. *Ut pax hæc, confederatio, bonaque correspondentia, quem admodum in votis habent, tanto sit magis firma, durabilis, minusque dissolubilis, nominati ante duo præcipui Ministri Cardinalis Dux Marchio, & Comes Dux vigore specialis potestatis hunc in finem ab ambobus Dominis Regibus sibi datæ, eorum nomine, Regis Christianissimi cum Serenissima Infante Domina Maria Theresia, Regis Catholici filia natu majore, matrimonium pacti sunt, & stabilierunt, eodemque ipso die, quo præsentibus datæ, peculiarem, ad quem ob conditiones reciprocas dicti matrimonii, illudque celebrandi tempus, qui vis remittitur, tractatum concluderunt, & subfignarunt. Tractatus hic peculiaris, matrimoniique capitulatio, ejusdem ac præsens pacis tractatus, cum sit pars ejus præcipua, & dignissima, simulque maximum, ac pretiosissimum certæ ejus durationis pignus, roboris, ac vigoris habeamur. Quamvis autem hic tractatus peculiaris conjugii à prædictis Procuratoribus, seu, ut dicunt, Plenipotentariis, quoad vigorem, & robur relatus sit ad pacis articulos; non tamen statim sequitur, quod quævis ejus conditio ad*

pa;

pacis articulos pertineat; & quando pertineret; quod Summus Pontifex approbans fœdera pacis, approbet, muniat, & sua autoritate confirmet quæcumque in dicto peculiari tractatu contenta, ut videntur contendere adversarii.

264. Non sequitur primum: quia prædictus tractatus conclusus fuit inter duos illos magnos Ministros Regnorum Cardinalem Mazzarinum, Franciæ, & Ludovicum de Haro Comitem Ducem Olivarenses, Hispaniæ, tanquam Procuratores suorum Regum, ut ex transcriptis verbis apparet; nullus autem intervenit Sponsæ mandatum; poterant ergo hi duo Ministri tractatum illum partem tractatus pacis declarare, prout pendebat à prædictis Regibus, non prout pendebat à Sponsa, seu prout unus promisit, quantum in ipso erat, dare; alter accipere Serenissimam Infantem in uxorem, ut sub conditione hujus matrimonii, & non aliàs pax statuta esse intelligeretur: quoad cætera verò, quæ desiderabant Sponsæ consensum, nec absolute promittere potuerunt, nec ad pacis tractatum annexere. Et quidem ad finem intentum, scilicet, quod pax coalesceret, conjugium ipsum desiderabatur, sive his, sive illis conditionibus fieret; non hæc determinatæ conditiones, aut conventiones; & ideo tractatus ille ad pacem attinuit, prout contractum fuit simpliciter; non prout his, vel illis pactis contractum: Subindeque capitulis conjugii nihil fuit cum capitulis pacis commune. Exemplo res claratur. Conjugium fuit conven-

tum sub conditione dotis quingentorum mille aureorum; hæc tamen conditio ad conditiones pacis universalis minimè pertinet; nec ex non solutione pacta pacis infirmarentur; & quamquàm posset Rex Christianissimus armis agere ad dotis solutionem, si denegaretur; non tamen bellum præcedens renovari censendum foret, rescisso prorsus contractu; sed bellum ex nova causa superveniens, perinde ac si post pacem stabilitam, matrimonium conventum fuisset; quo casu ex denegatione dotis novum bellum posset supervenire; quæ ex ipsis verbis transcriptis colliguntur; in quibus matrimonium censetur pertinere ad pacem, tanquam pars præcipua, quia sine illo pax evanesceret, & tanquam pretiosissimum pignus ejus durationis, quod propriè convenit sanguinis, & affectuum conjunctioni, non illis, vel his qualitatibus, sub quibus celebratum, aut conventum fuit; quorum aliquæ, præsertim exclusio, aut renuntiatio, potius occasio, & seminarium bellorum, quam certissimum durationis ejus pignus dici deberent.

265. Sed quævis singulæ tractatus conjugalis conditiones censi deberent spectare ad pacis articulos, tanquam eorum partes, & conditiones, nihilo scilicet non sequeretur alterum, videlicet, quod Summus Pontifex approbans articulos pacis, approbet singulas conditiones tractatus matrimonialis, illisque novum robur, vel firmitas ex hujusmodi approbatione accrescat. Ratio est, quia Summus Pontifex approbans,
vel

vel reprobans fœdera pacis, non considerat hujusmodi fœdera prout pacta temporalia merè sunt, sed prout ex fine spirituali possunt dijudicari; nam sub prima consideratione à Principum paciscentium solummodò voluntate vim obligandi habent: sub secunda verò Pontifex approbans, ipsis firmitatem præbet, reprobans verò, cassat & infirmat. Porro causa spiritualis, ex qua Summus Pontifex hujusmodi tractatibus se ingerit, est Ecclesiæ libertas, immunitas, & Catholicæ Fidei, cuius depositum ipse custodit, omnimoda indemnitas. Unde quando Summus Pontifex approbat aliquem pacis tractatum ab aliquibus, vel aliquo Christiano, & Catholico Principe conventum, hoc ipsi robur præstat, quod rescindi nequeat, ut Ecclesiæ juribus, libertati, statui, aut fidei conservationi contrarius; & e regione si reprobat, illum infirmat, & cassat ea parte, qua Ecclesiæ juribus, libertatibus, fidei indemnitati, aut propagationi adversum, ut reprobavit Inocent. X. ann. 1648. pacem Ferdinand. III. cum protestantibus, quæ dicta fuit pax Germaniæ, & antiquitus reprobata fuit pax Norimbergæ facta à Carolo V. cum eisdem, quia ex utraque jactura non medioeris statui Catholicæ Ecclesiæ resultabat. Cæterò pacta illa merè, & purè temporalia, quæ nullum Ecclesiæ inferunt præjudicium, vel afferunt commodum, Pontifex in sua propria virtute relinquit; seu illis nullatenus suam auctoritatem immiscet; sed paciscentium, quorum interest jurium suorum persecutio, voluntati, & potestati subjacent absque depen-

dentia aliqua ab Ecclesiastica Potestate. Hoc volventi Annales Ecclesiasticos Baronii, Spondani, Raynaldi, Bzovii multis exemplis clarescet.

266. Verumtamen efficacissima ratione Canonica comprobatur. Nam quidquid sit de illa celeberrima controversia, an nimirum Summus Pontifex supremam civilem potestatem, jurisdictionemvè temporalem habeat super omnes Principes, & Monarchas, quæ gladius temporalis dici consuevit, in qua plures, quos Navarr. laudat cap. Novit. de judic. partem affirmativam tenuerunt; quam tamen Panormit. eodem cap. & in cap. Si duobus. de appellat. sic intelligit, ut illam habitualiter censeatur habere, & veluti in vagina compressam; idest ei concessam, non per se, sed per Principes ad suum nutum exercendam, nisi in casu necessitatis. Hocque innuere videtur præclara illa B. Bernard. verba lib. 4. de considerat. ad Eugenium. *Quid tu denud usurpare gladium tentes, quem semel iussus est ponere in vagina? quem tamen qui tuum negat, non satis mihi videtur attendere verbum Domini dicentis sic. Convertite gladium tuum in vaginam. Tuus ergo & ipse, tuo forsitan nutu, etsi non tua manu evaginandus. Alioqui si nullo modo ad te pertineret & is, dicentibus Apostolis. Ecce duo gladii hic, non respondisset Dominus, satis est; sed nimis est. Vterque ergo Ecclesiæ, & spiritualis scilicet gladius, & materialis; sed is quidem pro Ecclesiæ; ille verò ab Ecclesiæ exercendus. ille Sacerdotis, is militis manu. sed sanè ad nutum*

um Sacerdotis, & iussu Imperatoris. Quibus ad suam extravagantem. *unam Sanctam.* firmandam usus est Bonifac. VIII. in famosa illa, nulli non nota controversia cum Philippo Pulchro, quæ non parum dixerat Ecclesiam. Plures etiam in extremam e regione sententiam abierunt, quorum meminit idem Navarr. loc. superius citato, & fundamenta diluit Cardinal. Turrecremat. lib. 2. Summ. cap. 115. & 116. Alii ne alterutri potestati injurii viderentur, concordiam excogitarunt utriusque extremæ opinionis, & mediam quamdam non infulsè statuerunt, concedentem scilicet Pontifici Summ. indirectam in Reges potestatem, etiam quoad temporalia, seu quatenus fini supernaturali necessaria sit; cum enim respectu hujus finis quædam architectonica providentia Summo spiritualium Præfecto, qualis est Rom. Pontifex necessario concedenda sit (ni velimus Summum Provisorem, mutilè, & diminutè suo Gregi providisse) necesse ex consequenti videtur, quod ratione hujus finis, nedum media elicienda, & ejusdem ordinis possit providere, sed etiam inferiora à temporali potestate elicienda, imperare, & ad finem prædictum ordinare: prout Architectus, nedum providet ea, quæ ædificio ex vi directæ artis connectuntur, ut designatio spatii, latitudinis, altitudinis, profunditatis fundamentorum, murorum, mænium, turrium, verum cæmentariis, latomis, fabris lapidum, lignorum, ferri, & aliis inferioribus artificibus imperat facienda, & ad finem exemplatum, & præscriptum ordi-

ord nat. Idcirco hanc indirectam potestatem in temporalia vocant præfati Doctores gladium sub gladio. Hujus sententiæ fuerunt Navarr. ipse laudato cap. *Novit*. Turrecremat. loco nuper allegat. cap. 113. Victor. relect. de Indif. p. 1. à num. 26. Sot. in 4. dist. 25. q. 2. art. 1. à tertia conclus. Henric. Quodlibet. 6. q. 23. Albert. Pigh. lib. 5. Hierarch. Eccles. Petrus de Palud. lib. de Potest. Ecclesiast. Vvaldens. lib. 2. doctrin. fidei. art. 3. cap. 76. & duobus sequentibus. Nicol. Sander. visib. Monarch. lib. 2. cap. 4. Dried. lib. 1. de libert. Christian. cap. 15. & sequenti. & lib. 2. cap. 2. innumerique alii, quos citat, & sequitur Barbos. de potest. Episc. p. 1. tit. 3. cap. 2. num. 24.

267. Quidquid, inquam, sit de hac controversia, hoc certissimum est, Summos Pontifices, ubi causa spiritualis libertatis, immunitatis Ecclesiæ, indemnitate, vel propagationis fidei, non intercedit, non immiscere suam auctoritatem in Regum controversiis vel dijudicandis, vel componendis, nisi summum ut caduceatores, vel pacis sequestros, vel ad pacem hortantes, & paternis monitionibus allicientes; sed Regibus, aut Principibus ipsis sua jura temporalia intermerata relinquere. Id quando minus probant verba Nicol. 1. transcripta in cap. *Cum ad verum*. 96. distinct. ad Michael. Imperator. *Cum ad verum*, ait, *ventum est, ultra sibi nec Imperator jura Pontificatus arripuit; neque Pontifex nomen Imperatorium usurpavit. Quoniam idem mediator Dei & hominum Homo Christus*
Iesus

Iesus actibus propriis, & dignitatibus distinctis officia potestatis utriusque discrevit. Cum ergo Summ. Ecclesiæ Præful nolit Principum juribus vel minimum præjudiciū inferre, nec suam auctoritatem, nisi ex causa Ecclesiæ, cujus jura ut Sponsus tueri tenetur, rebus eorum inferere; quando fœdera pacis reprobat, in eo sensu intelligendus est, ut ea, & juramenta desuper facta, caslet, irritet, & infirmet, quia, & quatenus per ea Ecclesiæ jura violantur, non aliàs: si approbat, quod ex capite hoc, scilicet, quia Ecclesiæ juribus contraria, nec ipsa, nec desuper concepta juramenta irritari, casari, & annullari possint; de reliquo ea intacta, & in sua primæva virtute, aut infirmitate linquit omnino.

268. Id tam certum est; quod non solum in causis purè, & merè profanis, quæ nec principaliter, nec incidenter spiritualement finem concernunt, Papa Regum juribus non deroget; verum etiam in illis adhuc causis temporalibus, quæ incidenter eundem finem respectant; seu, quæ causis spiritualibus incidunt; quas potiori titulo ad se posset avocare; si earum cognitio ad Reges attineat, eorum auctoritati derogare aliquantisper nolit. Quod duplici magistrali textu dilucidè probatur. Primus habetur in cap. *Tuam non credimus. de ordin. cognition.* in quo Summus Pontifex causam successionis in Comitatu Capaniæ Regis Christianissimi cognitioni, à cujus Corona fœdum illud movebat, reservavit, licet quæstio inciderit in causa valoris matrimonii, ut putat Fagn. vel saltem cum illa cōnexa esset, & causa spiritualis,

lis, ut magis digna, etiam incidens, trahat ad se causam temporalem ut quidam tenent. Secundus & expressior in cap. *Causam. Qui filii sint legitim. ibi. Nos attendentes, quod ad Regem pertinet, non ad Ecclesiam, de talibus possessionibus judicare; ne videamur juri, & dignitati charissimi in Christo filii Regis Anglorum detrabere; & infra. Quatenus Regi possessionum judicium relinquentes, de causa principali, &c.* Ecce causa spiritualis principalis erat; causa temporalis possessionum, incidens, vel accessoria; & tamen Pontifex, qui ratione causae principalis, incidentem, & accessoriam jure optimo ad suum judicium avocare, & trahere poterat; ne Regis juri vel minimum derogaret, eam Regio judicio resc. rat. Quis ergo credat, quod in causa pure materiali, aut profana suam vellet inferere auctoritatem?

269. Sed quamquam haec disceptationem omnem fugiant, & consequenter per illa argumentum ex hoc capite petatum nullius roboris compertum sit; ex abundanti concedamus Austriacis, Pontificem etiam circa conjugii condiciones suam voluisse auctoritatem exercere: adhuc non ipsis suffragatur, ex triplici solidissimo fundamento. Primò, quod, cum condiciones conjugii in separato libello repositae sint, ut patet ex verbis supra expensis, & inter capitula pacis solum remissivè reperiantur enuntiatae, nullam ex approbatione specifica tractatus pacis aliam approbationem condiciones conjugii à Summo Pontifice reportare potuerunt, quam in forma generali, aut communi: quia confirmatio spe-

specifica non cadit nisi super id, quod in specie fuit expositum; ideoque sæpe sæpius in instrumento approbationis, vel confirmationis inseritur de verbo ad verbum, vel clausula tantumdem operans, ac si id quod approbatur, vel confirmatur de verbo ad verbum fuisset insertum. At confirmatio in forma communi nulum jus denuò confert, sed dispositionem in eodem statu relinquit; unde parum valet, ut ait gloss. ultim. in cap. *Si quis. de confirmat. util. vel inutil.* & ibi Abb. antiq. num. 2. vers. *aut non apponitur.* Abb. Sicul. num. 6. Callador. dec. unic. eodem titul. Rota decis. 84. num. 8. part. 7. recent. & plures alii, quos citat Fagnan. cod. cap. num. 20.

270. Secundò: quia esto confirmatio, vel approbatio illa processisset in forma specifica, & quibusvis munita cautelis, non operaretur, etiam in materia purè spiritali, & Summi Pontificis dispositioni funditus subiecta, in præjudicium prolis nascituræ; quia Papa nunquam præsumitur velle inferre tertio præjudicium, ut observat Gail. lib. 1. observat. 1. num. 14. & deducitur ex cap. *Quod vero dicitis.* 25. q. 2. cap. *Pervenit.* 11. q. 1. cap. *Libet. de off. ordinar.* cap. *Dilecto. de verb. signific.* gloss. verbo. *intentionis.* in cap. *Super eo. de off. delegat.* Xuar. allegat. 7. num. 4. Hippol. sing. 295. vers. *Secundo scias.* Card. Thusc. tom. 6. litt. D. conclus. 687. Quod nedum verum est in Summ. Pontif. cujus dispositiones æquitatem spirant, sed in quovis Principe sæculari, cujus rescripta sic debent explicari etiam impro-

R r

pria;

priatis verbis, ut nemini injuria sint. Dec. consil. 11. num. 4. quia semper præsumitur ejus intentio æquitate regulata, ut servetur illæsum jus tertii. Dec. consil. 271. & 544. & 606. num. 17. Curt. Juni. consil. 88. num. 8: & consil. 172. num. 3. Hippol. ling. 440. Alciat. de præsumpt. regul. 3. præsumpt. 11. adeo ut ipsæ dispositiones motu proprio emanantes, in præjudicium tertii nõ operentur, quia potius debet præsumi Princeps circumventus, quam ex intentione tertio præjudicare; ut notavit Apont. consil. 59. num. 35. etiam si contingat modicum præjudicium; ut dixit Riminald. consil. 6: nu. 68. volumin. 1. Quomodo igitur posset illa Pontificia approbatio, vel confirmatio trahi in obtentum injustæ exclusionis sobolis Serenissimæ Infantis, ubi nulla subest exclusionis causa?

271. Tertio, & efficacissimè. Quoniam etiam dato, quod per hujusmodi Pontificiam confirmationem novam vim, novum robur, novamque obligandi efficaciam prædictus tractatus nactus fuisset, id verificari debet pro his casibus, pro quibus tractatus ipse propriis viribus obligabat, confirmatio enim illa supponit tractatum validum, non facit: & obligatorium, non enim vim obligandi confert, sed roborat, perficit, & auget: unde si tractatus foret naturaliter nullus, per confirmationem non validaretur, nec vim obligandi obtineret, maximè per confirmationem in forma communi, ut docet Specul. tit. de legat. §. *Nunc ostendendum.* vers. 11. num. 8. Ostiens. in Sum. de confirmat. util. vel

Contra Carb. Hisp. Regem Philippum V. 315
 vel inutil. §. *Quis sit effectus.* Alex. consil. 123. n. 18.
 lib. 4. Paris. cons. 5. n. 36. lib. 4. Sed tractatus iste etiam
 ut complectitur renuntiationem, exclusionem, ratifi-
 cationem, vel juramentum, nullum ponebat obicem
 in specie nostra successioni Regis Catholici Philippi,
 ex cessatione causæ finalis, ex æquivalenti exceptione,
 ex defectu potestatis in excludentibus respectu hujus
 casus legibus fundamentalibus prorsus consoni. Igitur
 nec approbatio Pontificia pro hoc casu valorem, vel
 vim aliquam conferre potest exclusioni præfatæ.

§. IX.

*Afferta Pontificia approbatio non obest successioni
 Regis Catholici Philippi in Regno
 Neapolis.*

272. **S** Ed enim poterunt Austriaci (ne queran-
 tur, nos ex industria aliquid, quod quomo-
 dolibet suis juribus congruit, dissimulasse) contra præ-
 cedens responsum insurgere hoc motivo. Quamvis pa-
 ctiones, sub quibus conventum est conjugium Serenif-
 simæ Infantis cum Rege Christianissimo, merè tem-
 porales censeantur, prout concernunt successionem in
 Regnis Hispaniarum, reliquisque Statibus huic domi-
 nationi accedentibus, quibus propterea Summus Pon-
 tifex suam authoritatem non immisceat, sed potius ab
 eis absistat; prout tamen tractatus præfatus concerne-

bat Regni etiam Neapolitani successionem, quod est Ecclesiæ Romanæ feudum, & ad Div. Petri Patrimonium spectat; Juris Pontificii erat, prædictum tractatum approbare, vel reprobare; cum absque ipsius consensu nihil de hujus Regni successione, investituræ contrarium, statui poterat. Et quidem ex hoc capite censeri debet, ad Sedem Apostolicam delatum hujusmodi conjugium; nam si pacta illa abdicationis, vel exclusionis, sine approbatione, confirmatione, aut consensu Sedis Apostolicæ processissent; nedum quoad hoc Regnum, nullius roboris fuissent, verum Apostolica Sedes prætendisset Regem Catholicum hujusmodi feudo decidisse, cum disponderet de feudo sine consensu directi Domini, quæ dispositio caducitatem inducit, ut Scribentes resolvunt super cap. *Imperialem. de probib. feud. alienat. per Federicum.* etiam si protestaretur se disponere salvo, & reservato consensu Pontificis, quia protestatio foret facta contraria, ut observavit Jul. Clar. quæst. 30. §. *Feudum.* Silvest. verbo. *Feudum.* q. 18. Reg. Lefs. & alii citati à Bonac. disp. 3. de contractib. q. 8. punct. 3. §. 4. num. 1. Exemplumque ex subiecta materia potest in confirmationem adduci, videlicet, quod fcl. record. Jul. 2. Ludovicum XII. Regem Christianissimum declaraverit feudo Regni Neapolis cecidisse, de quo ab Alex. VI. fuerat investitus, eo quod medietatem prædicti Regni sine consensu Sedis Apostolicæ alienaverit, eam cedendo Ferdinando Aragonio, Regi Catholico, ut constat ex diplomate, quod reperitur inter

ter Bullas hujus Pontificis apud Laert. Cherubin. ibi. *Quodque etiam Majestas sua facere non debuisse, Regnum ipsum cum tota portione ei concessa absque voluntate nostra, nobisque inconsultis alienare præsumpsit: Auctoritate Apostolica tenore præsentium dictum Ludovicum Regem à Regno Neapolis, & Jerusalem, & Neapolitana, & Cajetana Civitatibus, Terralaboris, & Provincia Aprutina, omnique eorum jure penitus cecidiss. illaque propterea ad Nos, & Romanam Ecclesiam plenè, & liberè rediisse, & devoluta esse, decernendum merito duximus, & censendum, ut harum serie decernimus, & censemus.* Cum ergo nec Paul. V. sub quo prima exclusio facta fuit, nec Alex. VII. quo sedente, secunda; nec posteriores Pontifices in has dispositiones unquam reclamaverint: argumento est, ipsos sua approbatione pactiones hujusmodi roborasse, ex causa publica quietis totius Europæ, prædictamque approbationem absolutam, & pro omni eventu quoad hoc Regnum, exceptis duobus illis casibus, quos ipsæ conventiones expressè excipiunt, censeri debere, cum Summus Pontifex non possit argui defectus potestatis, sicut Rex, vel Respublica, quoad Regni Neapolis successionem.

273. Potest hoc ipsum alia ratiocinatione roborari, quæ licet argumentum negativum sit; ex circumstantiis tamen non parum urget. Nimirum: Si Summi Pontifices non approbassent prædictas exclusiones, aut renuntiationes, seu conventiones nuptiales: hæc, quoad

Re-

Regnum Neapolis ad minus, nullius roboris essent, quia nulla dispositio quantumvis generalis, & quibuscumque vinculis obsignata, comprehendit id, de quo disponens non posset in specie disponere, ut probat Anchar. consil. 155. *Optimis rationibus.* num. 10. quem laudat Card. Thusc. tom. 2. lit. D. conclus. 490. nu. 16. at dubitari nequit, quod nec Reges, nec Respublica Hispana excludendo, nec Serenissimæ Infantes renuntiando, etiam sub juramento, poterant novam dispositionem inducere in præjudicium prolis nascituræ ex præfatis conjugiiis, sine consensu, & autoritate Sedis Apostolicæ, vel contra primarias hujus Regni investituras concessas Ferdinando Catholico, & Carolo V. nullum igitur dubium reliquum esset, quin Regi Catholico competeret hujus Regni investitura. Nihilominus Summus Pontifex Clemens XI. doctissimus, & juxta æquissimus Judex, hucusque prædictam investituram concedere detrectavit. Igitur, quia agnoscit, ex prædecessorum suorum consensu, & approbatione, præfatas nuptiales conventiones ratas, firmasque evasisse pro omni casu, exceptis illis duobus in ipsa dispositione comprehensis; subindeque cum casus præsentis successionis ex illis non sit; jus succedendi Augustissimo Cæsari obvenisse: Quia deficiente linea Serenissimarum Infantum, proximior est linea, & gradu Carolo II. ultimo Regi, & lineæ primogenitorum Ferdinandi primò investiti: quod nemo disputat.

274. Hæc nova instantia, quæ fieri quiret ab Austria-

striacis, statim jugulari potest, admittendo cum ipsis Pontificiam approbationem cadentem super matrimonia, & singula eorum pacta: Nam ea admissa, dicemus, prout §. præcedenti diximus, approbationem Pontificiam non mutasse substantialiter contractum; sed firmasse, ipsique novum autoritatis, & roboris pondus attulisse; Cumque ex contractu ipso, seu causa illius expressa, & casibus in eo exceptis deprompserimus, in casu præsentis successionis nihil esse, quod Regi Catholico nostro Philippo impedire valeat, quominus ei deferatur; consequenter deducitur, ex vi Pontificiæ approbationis, quæ eodem passu incedit cum contractu ipso, debuisse successioni integræ Hispanæ, Neapolis quoque successionem accedere. Ideoque ipsa Pontificia autoritas, quam urgent, potius favet, quàm noceat Regi Catholico, ut consideranti illicò patet.

275. Cæterum, quia credimus, Pontificiam approbationem in specie cecidisse super fœdera pacis; & solùm in communi, aut in genere super matrimonium, in illis fœderibus duntaxat insinuatum: respondemus producta in objectione vim aliquam factura, si conventiones hujusmodi quidquam signanter, & in specie disponderent de Regni Neapolis successionem; hæc enim sine Apostolicæ Sedis consensu nullius roboris forent; possentque à Summo Pontifice cassari, & irritari. Non autem posset fœdi caducitas declarari: quia quoad hoc esset manifestum discrimen inter casum nostrum,

& ca-

& casum Ludovici XII. Ille enim alienavit de facto, ut cunctis obvium est, quo casu injuria irrogatur supremo Domino; hic autem nulla foret contraventio investituræ de facto, sed conventio quædam, quam, si Domino displiceret, integrum ipsi semper foret irritare, sine cujus autoritate, & consensu successio ab uno in alterum nequit migrare. Cæterum exclusio, vel conventiones prædictæ directè, & expressè loquuntur de Regnis, & dominiis propriis, & principalibus Regis Catholici primario; secundo verò de dominiis aliis, quæ his accessere, vel aggregata sunt, ut patet ex verbis illis clausulæ quintæ exclusionem continentis.

Ni en todos los comprehendidos, incluidos, y agregados à ellos, quibus Regnum Neapolis accenseri debet, quod perpetua unione à Julio II. Regno Aragoniæ adnexum est, ut constat ex verbis ipsis investituræ, in quibus Ferdinando Regnum Citerioris Siciliae. *Pro se suisque in Regno Aragoniæ heredibus, & successoribus* (ait Pontifex) *tam masculis, quàm feminis ex eo recta linea descendantibus, natis, & nascituris, cum omnibus juribus, & pertinentiis suis. concedimus, & elargimur.* In his duæ subordinatè conditiones ad hujus Regni successionem desiderantur, prima, quod successurus recta linea descendat à Rege Catholico Ferdinando. Secunda, quod sit ejus in Regno Aragoniæ hæres, vel successor; ideoque is qui in Regno Aragoniæ succedit jure Ferdinando tanquam linea, & gradu potior, statim jus habet ad investituram Regni prædicti.

dicti. Porrò licet Reges Catholici, & Regna Hispaniarum, non potuerint, Sede Apostolica inconsulta, disponere de successione expressa Regni Neapolis; potuerunt tamen, citra ipsius Sanctę Sedis injuriã, declarare, vel juxta leges Regni fundamentales excludere à successione Aragoniæ Principem ex hoc conjugio natum, qui in simul jure patris successurus esset in Monarchia Franciæ: qua facta juxta leges exclusionis, in consequentiam veniret successio Regni Neapolis: quia ex quo hoc Regnum Sedis Apostolicę beneficio accedit Aragoniæ, successio Aragoniæ tanquam principalis trahit ad se illam minus principalem, & accessoriam successionem. Accessorium enim ex vulgari regula sequitur naturam principalis, quod adeò verum est, ut principale etiam minus dignum trahat ad se accessorium dignius, ut tradit Roman. consil. 330. *Circa primum.* num. 13. in fine. cum pluribus aliis collectis ab August. Barbof. tract. de axiomatib. axiomat. 4. num. 7. ex qua doctrina deducunt Canonistę, quod si Parochialis Ecclesia accessorie uniatur simplici Beneficio, assumat naturam, & conditiones Beneficii simplicis. Sic Navarr. Azor. Nicol. Garzia laudati ab eodem Authore axiomat. prius allegato. Hujus doctrinę clypeo munitus Archiepiscopus Nazzarenus, licet habeat in Castro Barol. Ecclesiam personale residentiam exigentem, ab onere residendi, se exceptum semper existimavit; quia cum prædicta Ecclesia accessorie unita sit Archiepiscopali Dignitati Nazzarenę, quę residentiam non

exigit, ut pote sita in partibus Infidelium, non habens clerum, vel populum; accedentia Beneficia ejus naturam sapiunt, aut induunt, aut sapere, & inducere contendunt qui hac dignitate decorantur.

276. Hæc est vera causa, quare Summi Pontifices de hac dispositione conquesti nunquam sunt, quia, scilicet, ea Regnum Neapolis primò, directè, & expressè non respectabat; sed indirectè, & accessoriè, in quo nihil Pontificiæ supremæ in hoc Regno Potestati derogatum est, vel minima injuria irrogata. Præsertim, cum hæc dispositio indirecta reduci non posset de potentia ad actum, sine expresso Summi Pontificis interventu, à quo succedens in eo casu deberet investiri; atque adeò semper integrum fuisset examinare, an ex jure, an ex injuria procederet? & Ecclesiæ jura vindicare, asserere, sancta testaque servare. Credimus tamen, quod si casus incompatibilitatis prædictæ evenisset, sese prædictæ exclusioni accommodasset; non quia expressè fuerit ab Ecclesia approbata; sed quia conformis legibus Regni Aragoniæ, cui Neapolis adhæret; in eo quippe eventu proximior linea, & gradu post exclusos, foret regularis successor, & veluti hæres Ferdinandi, proindeque jus ad investituram indubitatum haberet.

277. Nec obstat, si urgeant, non constare, modò usquè, quod prædicta exclusio sit Regni Aragoniæ legibus conformis; sed duntaxat Castellæ: atque adeo, si vim ab expresso Sedis Apostolicæ consensu non habuisset, nullius roboris esset; quod nec nos admittimus.

pro-

pro casu unius successoris respectu utriusque Coronæ. Non obstat. Nam cum inter Regna constituenta Monarchiam, Castella primatum habeat, compatibiliras, vel incompatibiliras ex ea est attendenda, quæ quoad successionem reliqua secum portat propter eorū unionem, nisi specialis eorum lex resistat, quæ tamen non resistit. Rursus, quia Regni Aragoniæ prima constitutio Reges suos strictius ligavit, quàm Regni Castellæ lex fundamentalis; reservarunt quippe sibi Regni comitia dispositione in casibus irregularibus, ut viderè est apud Authores Aragonios Blanch. Zuritam, & alios. Unde casus successionis, vel sunt ex his, qui aliquando evenerunt; & tunc quod comitia jam statuerunt, legis vim habet; vel ex his, qui nunquam evenerunt, & tunc requirenda est comitiorum declaratio. Exemplo res illustratur. Si controverteretur, an femina succedere debeat in Regno Aragoniæ? non requiritur comitiorum decisio, quia ex quo Petronillæ successionem derulerunt comitia Regni, jam pro feminis decisum est. Unde Joannæ Aragoniæ successio delata fuit sine controversia. Si controvertatur, an filiæ exteris nuptæ patruo præferantur? controversia decisa est in casu obitus Joannis primi, cujus filiæ exteris nuptæ patruo Martino cesserunt. Si controvertatur quisnam, è concurrentibus ad successionem transversalibus debeat præferri? controversia decisa est in successione Ferdinandi Honesti, qui, ut proximior ultimo Regi ex sorore majori natu, ad successionem vocatus est. Si controvertatur,

an filia major extero nupta, & ejus filii præferri debeant filiæ secundogenitæ in Hispania nuptæ, & ejus soboli? controversia decisa est in successione Joannæ Aragoniæ, nimirum si filia major domicilium figat in Hispania, in eaque Regia conservetur, prout fecit Joanna, filia major natu præferenda est, ut Joanna prælata fuit Mariæ nuptæ Emmanueli Lusitano. In quo exemplo decisa est controversia incompatibilitatis, simul considerato exemplo successione Martini: ex utroque enim constat Aragonios externum dominium averfari, nec etiam filiabus præmortuorum Regum successionem deferre exteris nuptis, nisi in Hispania domicilium figant, & in ea Regiam conservent. Unde non opus erat requirere expressiorem consensum, siquidem in exemplis dictis Comitibus Regni satis superque se declararant.

278. Hæc dicta sunt, ut incompatibilitatem utriusque Coronæ consequenter tueamur; non quia objectio Austriadum hoc desideret. Etenim si admittamus, exclusionem illam nullam vim habuisse in Regnis Aragoniæ, & Neapolis ex defectu expressi consensus illius Regni, & Apostolicæ Sedis; pro Rege Catholico Philippo fortius jus resultat quoad hanc successionem, fortiusque conatus Austriadum retunditur. Nam præscindendo à prædicta vel exclusionem, vel renuntiatione, aut exclusionis ratificatione jurata; nulli dubium esse potest, quin debeat succedere Carolo II. soboles ejus sororis majoris natu juxta leges, & consuetudines

Ara-

Aragonæ : atque ideo Serenissimus Franciæ Delphinus : hocque se abdicante , Serenissimus Dux Burgundiæ : & eo renuntiante , Serenissimus Philippus ; non verò Augustissimus Leopoldus , qui ex remotiori linea descendit . Huic formulæ succedendi respondet investitura Regni Neapolis concessa Ferdinando . ibi. *Descendentes autem ex ipso Ferdinando Rege , aut suis heredibus , & successoribus præfatis maribus , & femine in eodem Regno Sicilia , & Hierusalem succedant ; ita tamen , quod masculi feminis , & natu maiores minoribus in eodem gradu præferantur , & sic exinde in omnibus successionebus observetur . Volumus tamen filium , vel filiam filii vel filie majoris etiam in vita patris , & matris præmortui , aut præmortuæ , in successione prædicta semper patruo , vel amito , aut matertera aliisvè transversalibus præferri .* His extantibus quisnam recursus subest Aultriacis ? Vel enim Regnum Aragoniæ sequi leges Regni Castellæ in hac successione debet , vel non ? si debet , quæ diximus de Regno Castellæ , dicta sunt de Regno Aragoniæ . Sicut ergo pro casu præsentis successione nullum ponit obicem exclusio facta ad leges Castellæ , nec etiam ponet ad successionem Aragoniæ : Rexque Catholicus tantumquam verus successor & Castellæ , & Aragoniæ jus habet ad investituram Regni Neapolis . Si non debet : cum renuntiatio , vel exclusio non processerit secundum ipsos in Regno Aragoniæ , & secundum leges hujus Regni Philippus , non Leopoldus succedere debeat ;

non

non ille, sed ille jus habet ad successionem Regni Neapolis. Pariter, vel Summus Pontifex approbavit exclusionem, aut renuntiationem; vel non; si approbavit, approbatio regulanda erit sicut exclusio; cumque exclusio hunc casum non comprehendat; nec approbatio Pontificia ad hunc casum extenditur subindeque semper attendenda est nativa vis exclusionis, vel renuntiationis: Si ergo Rex Catholicus, non obstante ea, jure succedit in Aragonia, non obstante approbatione, jure succedet in Regno Neapolis. Si non approbavit, cum jure Regni, & jure communi Philippus, non Leopoldus succedat in Aragonia, & jure investituræ vocetur ad successionem Neapolis, ipsi hujusmodi successio debetur; non Cæsari.

279. Imò ipsi adversarii contententes hanc Neapolis successionem suppeditant nobis verum incompatibilitatis, quam urgent, intellectum. Neminem latet, Romæ Pontifices expertos, quot calamitates Imperatores generis Svevi Romanæ Ecclesiæ, universæque Italiæ struxerint, quibus non levem fomitem præbuit possessio uniusque Siciliæ; privata jure succedendi universa sobole Federici II. sceptrum à Svevis ad Carolum Andegavensem S. Ludovici fratrem transfuisse, ea lege, ut sub pœna caducitatis nunquam Regna præfata cum Romano Imperio coirent; quam itidem cautelam adhibuerunt, quando ab Andegavensibus ad Aragonios Regnum Neapolitanum transivit; innovataque fuit in investitura Ferdinandi apud Cherubini.

inter

inter diplomata Julii II. Unde Carolus V. ad Romanum Imperium electus hujus conditionis veniam coactus est à Leone X. impetrare, impetravitque solutione pacta annui census aurcorum septem millium ultracandidum palafrænum, quem ex investitura Ferdinandi præsentare tenebatur, ut Marian. advertit in Hist. lib. 29. cap. 24. Ecce modo instantiam. Regnum Neapolis est incompatible ex vi investituræ cum Sacro Romano Imperio; ut propterea Imperator nullo jure ad ejus successionem contendere possit; & tamen Augustissimus Cæsar actu impeditus, impedito etiam primogenito, quia Rex Romanorum, & in Imperio successor destinatus est, putat ad secundogenitum Carolum, in quo impedimentum cessat, jus successionis transiisse; ergo licet Regnum Franciæ cum Hispaniæ Regno, & consequenter Neapolis incompatible sit, nec propterea succedere possit Serenissimus Delphinus (cui alias successio de jure competeret) quia successor Regni Franciæ: nec Serenissimus Dux Burgundiæ, quia ex ortus conditione successor est patris; ad ejus secundogenitum Philippum nostrum successio devolvitur Hispaniæ, & Neapolis. Et quoad Neapolis successionem eò fortius urget instantia, quo incompatibilitas cum Imperio inducta fuit expressa Sedis Apostolicæ dispositione; incompatibilitas vero cum Corona Franciæ venit, non ex Sedis prædictæ dispositione, sed in consequentiam incompatibilitatis Hispaniæ. Si ergo, hoc non obstante, putant, teneri Pontifi-

tificem investire filium secundogenitum, in quo non urget incompatibilitas; cur non credemus jus investituræ competere Regi nostro, quem nulla incompatibilitas, nec per Sedem Apostolicam inducta, nec ex Regni legibus statuta, afficit, cum alioqui potior, & gradu, & linea sit Augustissimo Cæsare, & ejus prole? vellem audire discrimen.

280. Nam si iterum dicant, exclusionem sanguinis Gallici processisse ad impediendam unionem, & unionis periculum. Iterum hoc exemplo reponam; quod ubi arcetur unio, arcetur unionis periculum, licet non è contra. Ideo Pontifices Summi ad arcendum periculum unionis Regni Neapolis cum Imperio induxerunt incompatibilitatem cum caducitatis pœna; semel enim stabilita incompatibilitate, cessat omne periculum unionis de jure, nec aliud providere necesse fuit; alioquin si ex solo periculo unionis cum Imperio, Archiduci denegaretur successio exemplo hujus exclusionis; acquiesceret fortè Cæsar? cum igitur æquale periculum sit hoc cum illo, cur Pontifex ex periculo, quod sua non refert, nec investituræ præcavent, procedet ad denegandam investituram Principi alias legitime vocato?

281. Quod verò hætenus Summus hodiernus Pontifex Clemens XI. quem Deus, ut Ecclesiæ utilis postulat, diu multumque conservet, Regi nostro Catholico investituram distulerit, potius quam detræxerit, nihil, de quo sibi possint blandiri Austriaci,
præ-

præferret. Non enim Pontifex scientissimus dubitat de bono Philippi nostri jure, quem dum Regem Aragoniæ agnovit, tacite fassus est, cum esse, quem vocat investitura; imo si circa hoc hæreret, præsentationes ad Regni Ecclesias non admisisset; quod vero de eis Bullas non expedierit; non velim referant Austriaci ad bona jura Augustissimi Imperatoris: sed consequens hoc est ad investituræ dilationem. Quia non est moris Ecclesiæ Bullas dirigere ad Principes feudatarios, priusquam ab eadem investiantur: eaque ratione nec provisorum Apostolica nominatione in eo Regno Bullas hucusque expedivit. Si Summus Pontifex aliquam Archiducis præsentationem admisisset, vel in Regno Aragoniæ, vel Neapolis, si ad eum tanquam Regem Hispaniarum Legatos direxisset; crediderim in ipsum propendere; sed cum erga Catholicum hæc omnia expleverit, non erga Serenissimum Carolum, haud video, quid investituræ dilatio spei Austriacis ingerere valeat.

282. Cur vero, ais, illam procrastinat? Sacra arcu-
canorum adyta, quæ sibi Summus reservavit Sacerdos,
penetrare velle, piaculum est. Hoc certum, à Summo
Pontifice, sapientissimo, justissimo, prudentissimo, &
omnigenis rerum experimentis ad regimen universalis
Ecclesiæ non tam instructo, quam conslato, nihil
non justum, nihil non prudens sperari debere. Sed si
ex his, quæ extrinsecus innotescunt, discurrere licet;
quin sacra alia consilii sui arcana temeraria præsump-

T t

tionē

tione rimemur; hanc procrastinationem ad consultissimam, & probatissimam ejus prudentiam referemus. Nimirum, prius universalis Patris vices, quam Judicis munia inter has præcipuas Europæ potentias subire voluit; rectissimo sanè consilio. Nam si pro Rege Catholico, cuius iustitia ipsi perspectissima non esse non potest, decidisset; Austriaci, qui suis præjudiciis occupatissimi sunt, nunquam forsàn iudicium ex jure, sed ex affectione privata dixissent, ut in consimili specie ferè, discurret P. Ludovic. Molin. de just. & jur. disp. 103. his verbis. *Quamvis autem, quando lis est inter Principes Christianos, & iudicaretur bono Ecclesie, finique supernaturali expedire omnino, ut Summus Pontifex rem diffiniret; posset pro plenitudine potestatis, quam ad finem supernaturalem habet, se intromittere, & causam ad se advocare, eamque sententia definire, & censuris, & aliis viis rebellem compescere, ut disp. 29. dictum est. Ordinariè tamen expedientius est, ne id faciat: quoniam id occasio esse posset gravissimorum malorum: dum qui damnaretur, facile in odium Summi Pontificis exardesceret; arbitrareturque passione ductum, aut re non benè perspecta, sententiam contra se tulisse: indeque sumere occasionem denegandi obedientiam Summo Pontifici, tum in aliis; cum etiam eà in re, tam perspectumque obtenderet ius suum, ut diceret, se etiam adversus Summum Pontificem posse bellum movere. Atque hac de causa raro aut nunquam solet se intromittere in litibus Principum*

pum

pum Christianorum utendo plenitudine hac suæ potestatis: sed solum tanquam pater solet eos monere, ut se ipsos componant, & à bello abstineant. Hic duo sunt, alterum de jure, de facto alterum: & licet in casu Molinæ, de jure multi negent; multi asserant; de quo superius dictum est; in casu nostro utrumque potest Pontifex sine controversia. Cæterum, nec hic, nec ibi expedit uti hac potestatis plenitudine, quæ invidiam Ecclesiæ moveret; Hac ratione motum Clement. XI. scientissimum, experientissimumque Pontificem, sine temeratione arcanorum suorum credere possumus, qui, sententiam differendo, omnem à se suspicionem dispellit, ut partes arbitri, & sequestri in pace statuenda, quam ex imis visceribus optat, de utriusque partis consensu facilius, majoriq; Ecclesiæ honore, & reverentia, possit obire. Et tandem cum Rex Catholicus, eo nequaquam reluctante, Regnum liberè administret, nemo dubitat, quin tacitè investitus sit, suo quoque tempore expresse opportunius investiendus.

§. X.

A Regum Catholicorum testamentis nihil præsidii Austriacis accedit.

283. **I**N testamentis Catholicorum Regum Philippi III. & Philippi IV. vim magnam facturos, sibi pollicentur Austriaci. Producent ergo in confir-

T t 2 ma;

mationem juris sui primò testamentum Philippi III. Hic Catholicus Princeps, attenta renuntiatione Serenissimæ Infantis Annæ, ejus filix natus majoris, vel exclusione in pactis nuptialibus conuenta, ab ea approbata, ratificata, & juramento confirmata, ipsam in ultimis tabulis præterivit, & post vocatos ad successionem, suo ordine, filios masculos Philippum, Carolum, & Ferdinandum, in eorum defectum vocat Serenissimam Infantem Mariam, ejus secundogenitam, quæ postea nupta Augustissimo Ferdinando II. edidit Augustissimum Leopoldum unicum masculum superstitem. Imò &, hac deficiente linea, uniformans mentem suam Philippi II. Genitoris ultimæ dispositioni vocat sororem Isabellam Claram: post eam, Serenissimum Sabaudix Ducem, ut descendente ex ejus sorore Catharina; quin in ullo eventu nec Serenissimæ Annæ, nec ejus prolis primo, vel secundo, aut tertio genitæ, meminerit, quam absolutè, & pro omni casu exclusam, bene sciebat. Huic testamento congruunt etiam pacta nuptialia Serenissimæ Infantis Mariæ, in quibus sibi reservat jus succedendi in Monarchia Hispana, post masculos extinctos, sibi conveniens, supposita exclusione, aut renuntiatione, Serenissimæ Annæ Sororis majoris natus; jure genituræ, & vigore paterni testamenti; ut nullum superesse possit locus dubitandi, quin hanc exclusionem Reges ipsi, & Principes Regiæ Domus Hispaniæ, absolutam, & pro omni eventu crediderint respectu Sobolis Serenissimæ Annæ

ex

ex matrimonio cum Christianissimo Rege susceptæ :

284. Producent itidem testamentum Philippi IV. quod quoad præteritionem Serenissimæ Infantis Mariæ Theresiæ idem, vel geminum cum patris testamento est. Quippe post Carol. II. unicum masculum, superstitem, præterita præfata Serenissima Franciæ Regina, vocat ad successionem filiam secundogenitam Margaritam, & in ejus defectum, Serenissimum Leopoldum Cæsarem, ut filium sororis Mariæ Imperatricis, geminans hic motiva præteritionis filia natu majoris, scilicet exclusionem, aut renuntiationem juris succedendi afficientem universam prolem ex matrimonio cum Rege Christianissimo Ludovico XIV. susceptam, & suscipiendam. Hæ dispositiones, si ut testamenta horum Regum vim nullam habeant; saltem non possunt non admitti, ut documenta, ex quibus dilucidè constat, qualis fuerit utriusque Regis intentio in hujusmodi renuntiationibus, vel exclusionibus; & cum dispositiones ex intentione disponentium debeant regulari, quia non intentio verbis, sed verba intentioni servire debent, ut superius observavimus, & probavimus; videtur cōtroverti non posse, quin Catholicus Rex Philippus, ex intentione disponentium, exclusus veniat ab hujusmodi Monarchiæ successionē.

285. Ex dictis parte præcedenti hujus Sectionis; signanter §. 10. constat, Reges de Regnorum successionē, nec inter vivos, nec testamentaria dispositione decernere posse: ut ibi multis probabimus, & latissimè de-

demonstrat Arnixæus de jure Majest. tom. 2. lib. 1. cap. 7. Legis enim, non Regis est de Regno disponere; & universim in his successioneibus, quæ sanguini deferuntur, in quibus succellor ab antecessore causam non habet, institutiones antecessorum nihil prorsus operantur, etiam si antecessor instituat eum, quem dispositio primi Institutoris indubiè vocat ad successionem; quanto minus, si contra primam dispositionem instituat? ut optimè probat D. Ludovic. Molina. de Primogen. lib. 1. cap. 8. num. 20. exemplo feud. ex text. in cap. *Unico in princip. de success. feud. in usibus feud.* ibi. *Nulla ordinatione defuncti in feudo manente; seu valente.* Hunc textum sic intelligunt And. de Ifern. Bald. & communiter Scribentes ibidem. & communem opinionem dicit Socin. Junior. conf. 72. Curt. etiam Junior. de feud. 4. part. princip. 1. regul. q. penult. Jul. Clar. lib. 4. sent. §. *feudum.* q. 40. & in bonis non feud. alibus probat textus in leg. *irritum. C. ad leg. falc. leg. Si te solum.* §. 1. ibi. *Quia satis plena fuit prior institutio. ff. de hered. instit. leg. Si servo fideicommiss, ff. eodem titul. illis verbis. Qui enim invito defuncto poterat libertatem extorquere, non magnum à defuncto videtur beneficium consequi; imo nihil commodi sensisse, sed debitam libertatem accepisse.* de hoc fusè Peralt. leg. 3. §. *qui fideicomm.* ff. de hered. instit. à num. 36. Anton. Gomez. in leg. 40. Taur. num. 8. Unde; ut ex his testamentis aliquid suæ causæ propitium eruere possent contrarii, plura prius ipsis probanda erant:

erant: videlicet, Regna componentia hanc Monarchiam successionis esse hæreditariæ, non sanguinis. Rursus; cum adhuc foret hæreditas debita uni, & natu majori; potuisse parentem suo facto præjudicium filiis, vel nepotibus venientibus jure proprio, prædefuncto Genitore tempore deferendæ successionis, procudere. Tertio, non posse renuntiantem, vel ejus posteros succedere ex testamento alteri, qui successit, ei, cui renuntiatum est. Quarto, non extingui renuntiationem, cessante causa, cujus contemplatione emissæ sunt: ac alia plura, quæ, ex præmissis, à vera, & communiori Jurisprudentum sententia discordant. Propterea testamenta hæc non promovent jura Austriadum.

286. Sed enim, etsi neutrum testamentum juri Catholici Regis præjudicet, prius illud Philippi III. nec minus controversiam præsentem attingit. Nam in eo præteritur quidem Serenissima Infans Anna, & in defectum sobolis masculorum substituitur (si sic fari licet in simili materia) Serenissima Infans Maria. At tamen casus non venit; nam Philippus IV. ejus primogenitus sobolem reliquit Carolum II. præclaræ memoriæ, nuper defunctum, ac Serenissimas Infantes Mariam Theresiam, & Margaritam; & proles Serenissimæ Mariæ Theresiæ perseverat, ad eamque spectat Catholicus Rex noster Philippus. Cum ergo Philippus III. primo vocet ad successionem Philippum IV. & ejus sobolem, & Serenissimus Rex noster soboles sit Philippi IV. ejus, scilicet, ex filia pronepos; per testam-

stamentum hoc potius vocatur, quam excluditur Rex Catholicus. Nec refert, si dixerint, Philippum V. prolem esse Serenissimæ Infantis Annæ ex conjugio procedentem ipsius cum Rege Christianissimo Ludovico XIII. prolem porro illius conjugii in perpetuum à successione exclusam esse. Nam id intelligi debet ad summum reduplicativè, & ut proles illius est, seu ex jure ipsius: non verò specificative. Alioquin si Carolus II. filios procreasset ex Serenissima Maria Aloysia Aurelianensi, priori conjugē; hi filii exclusi fuissent, quia ex illo etiam conjugio processissent; cum Serenissima hæc Heroïna neptis esset ex filio secundogenito Serenissimæ Infantis Annæ. Probat hunc intellectum text. in leg. 7. §. *Si quis ff. de Senator.* ubi Ulpianus videtur in terminis eum decidisse. *Si quis & Avum, & Patrem habuerit Senatorem, & quasi filius, & quasi nepos Senatoris intelligitur. Sed si Pater amiserit dignitatem ante conceptionem hujus, quæri poterit, an quamvis quasi Senatoris filius non intelligatur, quasi nepos tamen intelligi debeat? & magis est ut debeat; ut Avi potius dignitas ei profit, quam ubi sit casus Patris.* Potiori titulo dicturus, si calus fuisset Avi, & Patre restituto filius progenitus. Nunc; proles Serenissimæ Annæ est etiam proles Philippi IV. quamvis ergo Serenissimæ Annæ renuntiatio ipsi noceat; Philippi vocatio, & inclusio ipsi faver. Quoadusque igitur ostendatur. prolem Philippi IV. ex filia majore descendentem fuisse consimili exclusionē repulsam, nihil contra ipsam

ipsam evincitur . Unde testamentum prioris Philip pi non est de controversia . Ac eodem responso satisfieri præservationi juris Serenissimæ Infantis Mariæ inclusæ in pactis ejusdem nuptialibus cum Augustissimo Ferdinando III. tam evidens est , ut innuisse sufficiat .

Verùm quando prædictis testamentis jus aliquod vel conferri, vel auferri posset successuro ; credimus ex eis succedere debuisse, prout successit, Catholicus Rex noster Philippus. Quoniam tam Philippi III. quàm IV. testamenta innituntur renuntiationi illi æquipollenti, vel formali exclusioni Serenissimarum Infantum : atque adeò regulanda sunt illarum dispositionum legibus . Eo magis , quò in ipsis replicatur eadem finalis causa exclusionis , quæ in pactis nuptialibus ut basis hujus dispositionis præjacitur . Ex quo consequenter deducimus, quod, deficiente in specie nostra causa illa finali unionis duorum Sceptrorum Franciæ, & Hispaniæ in una Regentis manu , cessat quævis testamentaria dispositio, sicut cessasse dispositionem illam conventionalem , suo loco ostendimus .

287. Quamvis hæc certa sint ; nihilominus evidentior proferre probationem, non piget. Hæc eruitur ex solennissima declaratione Caroli II. qui in proximo decedens , ne Monarchia controversiis successionis divexaretur , sensum illius renuntiationis , vel exclusionis elucidavit in ultimis tabulis, sub quibus diem ultimum obiit. Fatetur ergo, animum , & intentionem, qua prædicta exclusio elicitæ fuit, in eo sistere,

nè duæ hæ Monarchiæ unquam copulenter, nequid aliud vel Reges, vel Regnum intentasse. Cumque Dei providentia hæc unionis occasio cessarit, multiplicata sobole Serenissimi Delphini, sui ex majore sorore, imo unici, nepotis; successionem devolutam ipso jure fuisse ad ejus; secundogenitum Philippum Ducem Andegavensium. Hæc Caroli II. declaratio, multis titulis, testamentis illis præferenda est. Primo, quia conformis legibus Regni, quibus per mille ferè integros annos successio Hispaniarum regulata est, quibus posteriores Reges, vel Respublica sine causa legibus ipsis consona, contraire non potuerunt. Secundo, quia conformior testamentis Superiorum Regum Ferdinandi, & Elisabethæ, Caroli V. Philippi II. à quibus posteriores deflectere non debuissent Philippus III. & IV. Tertiò, quia conformis pactis nuptialibus, in quibus hæc sola causa finalis assignatur; imò nec alia subsistens poterat assignari. Unde, ea cessante, pacta ipsa in successionem *prout de jure* resolvuntur. Quartò, quia interpretatur testamenta Patris, & Avi in sensu congruo, ut abstergat ab eis absurdum, iniquitatem, & contradictionem. Quintò, quia casus evenit post Patris, & Avi testamenta, quem fortè non præviderunt; Carolo verò experientia ante conspectum, & cōtemplationem posuit; propterea illæ dispositiones, ut abstractæ declarari debent per istam in concreto. Sextò, quia vidit casum præsentem identificari cum casibus in pactis, & in testamentis ipsis exceptis; atque

adco

adeo deberi exceptum consimili motivo declarari. Septimò tandem, quia huic declarationi universa Monarchia, Deo certè inspirante, accommodavit consensum, & facto ipso suam fecit, suoque suffragio authenticavit. Hæc profectò motiva quanti facienda hæc declaratio sit mirum in modum ostendunt: sicut fundamentum in Regum prælaudatorum testamentis constitutum funditus evertunt, & conterunt, ni mea me fallat opinio.

288. Quàm verò legalis, aut jurium apicibus consona sit hæc declaratio, patebit, si ejus circumstantias conferamus cum his, quæ disertissimus Jurisconsultus Hug. Grat. de jur. bell. & pac. lib. 2. cap. 16. num. 22. assert de interpretationibus restringentibus, quæ totidem verbis huic Caroli nostri interpretationi respondent. At ergo: *Restringens interpretatio extra significationem verborum, quæ promissionem continent, aut ex defectu petitur originario voluntatis, aut ex casus emergentis repugnantia cum voluntate. Defectus voluntatis originarius intelligitur ex absurdo, quod aliqui evidenter sequeretur: ex cessatione rationis, quæ sola plenè efficaciter movit voluntatem, & ex materia defectu.* Primum in eo fundamentum habet, quod nemo credendus est velle absurda. Secundum ex eo, quod contentum in promissione, ubi ratio talis additur, aut de ea constat, non consideratur nudè, sed quatenus sub ea ratione venit. Tertium, in eo, quod materia, de qua agitur semper intelligenda est.

obversari animo loquentis, etiam si verba latius pateant. Nihil, meo judicio, opportunius pro hac illultranda Caroli restringenti vel renuntiationis, vel exclusionis, vel testamentorum interpretatione dici potuit, cuius omnia ferè capita nostræ interpretationi omnino respondent. Ea enim petitur *ex absurdo*: absurdissimum enim foret filiam excludere à successione, ubi nulla causa subest; & tamen, nisi exclusio hac interpretatione donetur, sine causa exclusa foret cum omni posteritate; quando quidem si verba solum attendamus, ita late patent; ut etiam si allegare possit, cessasse causam exclusionis, adhuc exclusa remaneat, ut vidimus §. VI. hujus posterioris partis sectionis. Petitur etiam *ex cessatione rationis*, quæ sola plenè, & efficaciter movit, & juridicè loquendo, movere potuit, voluntatem, quæ fuit, vitatio unionis, aut coitionis utriusque Monarchiæ in eodem Principe, quàm in specie nostra cessasse, nemo negare potest. Petitur etiam *ex defectu materiae*. Materia enim erat subordinatio, & accessio Hispaniæ ad Franciam, Regnantium extraneitas, seu peregrinatio generis Regii, throni translatio, stemmatum, & nominis Regii postpositio, & alia incommoda, quæ Hispani cùm veteres, tum moderni perpetuò exhorruerunt. Quæ materia defecit, ex quo proprium, peculiarem, & distinctum Regem nacti, Dei gratia, sumus. Quid quæris? Et tamen, ne aliquid intactum relinquamus, locum fuisse huic conjecturali interpretationi, quia casus testamentis supervenerit,

nec

nec à Regibus fuerit nisi in communi prævisus, docet Cardinal. Mantic. suo egregio opere de conjectur. ultim. volunt. præsertim lib. 3. tit. 2.

289. Si malint, Regnum ejus conditionis esse, quod testamento possit relinqui, Regesque tantæ potestatis, ut successorem possint instituere; testamenta ab adversariis allegata illis non profunt, & testamentum Caroli II. Regi Catholico favet. Non profunt illis sua testamenta, quia etiam dato, quod instituere possent successorem, substitutiones facere non possent; quia Successor Regnum liberum, & sine aliquo onere ab antecessore accipere debet, nec enim ex judicio antecessoris, sed ex providentia legis successor instituitur. leg. *Si adrogatos. ff. de adopt.* in legitima vero hæreditate nullum gravamen apponi potest. leg. *Quoniam. C. de inofficios.* quia legitima non est lucrum testamentarium, sed debitum patrimonium. leg. *Si quis legatum. §. finali. C. de Codicill.* & ibi Glos. Præterea cum successor sit æqualis cum eo authoritatis, posset substitutiones cassare, & irritare. Cum ergo Carolus II. Philippum nostrum ad successionem vocet, aut, ut cum ipsis loquamur, successorem instituat; Cæsar verò in prædictis testamentis non institutus, sed substitus sit, sanè testamenta sua nihil profunt, refragante ipsis Caroli institutione.

290. Superest, ut illud discutiamus, quod tandem opponebant; haberi videlicet ex his testamentis intentio vera, & expressa præfatorum Regum excludendi

dendi in omni eventu prolem susceptā ex illis conjugis
 à Monarchiæ successione, in favoremq; propriæ agna-
 tionis hæc excogitasse artificia. Sed ad hoc facile est ex-
 peditumque respōsum. Vel enim Reges re ipsa conten-
 debant, prout juvāt credere ex eorum pietate, ne Mo-
 narchiæ confunderentur, & ex hac intentione ad ex-
 clusionem processerunt; & in hoc casu, eorum inten-
 tio æquitate, & legibus regulata, suum sortita est effe-
 ctum in successione Regis nostri Philippi; quo succe-
 dente, unio, & commistio cessat. Vel sub obtentu hujus
 incompatibilitatis, voluerunt coronam in propria
 agnatione conservare, vel genus Francicum ab ejus
 successione excludere (quod credere non debemus) &
 in hoc casu, quia eorum intentio contrābat legibus
 Regni, quibus successio regulatur, & quibus ipsi ex-
 cludentes admissi ad successionem sunt, parvi facien-
 da est; quia disponebant de alieno, non de proprio;
 quia contra leges fundamentales; quia in præjudicium
 tertii; quia in effectū in odium proprii sanguinis, licet
 non quia proprii, sed quia cum Franco mixti. Cum
 ergo, si talis fuisset eorum intentio nullum sortiri de-
 beret effectum, ut injusta, & crudelis, nec de his Prin-
 cipibus hæc sibi persuadere quisquam possit; congruen-
 ter, & piè eorum filius, & nepos eam conjectavit in
 sensu nullum absurdum continente, & legibus Regni,
 bonoq; publico accommodo. Et quidem cum ipsi quid
 intenderint, nisi per prædicta documenta jam explica-
 re non possint, & hæc juxta leges debeant interpretari;

in.

intentio hæc juridica, & legalis est de re nostra; non privata alia, aut personalis, si illam unquam habuerunt (quod est incredibile) quæ nec probari, nec substitui posset, etiam si probaretur.

291. Præterea nonnulla, quæ contra hujus testamenti Caroli II. fidem in quorundam errantibus foliis circumferuntur; indigna enim ea existimo, quibus respondeatur. Sanè si hujus instrumenti fides disputabilis foret; nulla legali cautela possent dispositiones humanæ muniri: liberum quippe esset, omnes falsi arguere: nulla fides Notariis, nulla testibus quantumvis qualificatis, omnique exceptione majoribus. Quis credidit unquam Regis testamentum potuisse falsari? Si Reges ultimis voluntatibus frustrari possunt; quæ fides testamentis privatorum habenda? Sed sponte sua hic indignus cavillus statim ruit. Quis vobis dixit. Carolum alias disposuisse? Carolus ne ipse post mortem? Unde probatis, quod vera apparitione vobis præsentatus id affirmaverit? mortuos testes qui citat, veritatem sepeliri amat. An aliquis ex his, qui interfuerunt? proferte vel unum duntaxat, & quamvis aliorum attestatio hujus testimonium elideret; nihilominus incipiam vobiscum dubitare. Sed si nullum producere potestis, ex his qui interfuere, quis vobis credat; qui nec vidistis, nec interfuistis, & fidem non habeat tot tantisque, qui viderunt, & interfuerunt? Quis unquam Judex testes contestes de visu, & audito proprio rejecit, & fidem habuit testibus singularibus, qui nec viderunt,

nec

nec audierunt, nec videre poterant, vel audire; maxime si eorum fides labari caperit? O bellum judicium! ò novam judicandi methodum!

292. Sed ea est Dei providentia; ut in tanti momenti rebus, nedùm falsum; sed falli etiam suspicionem præoccupet. Carolus II. ut tenerrimæ conscientix Princeps, post consultos totius ferè Hispaniæ viros doctiores, & graviores Prælatos, quamvis eos in hunc sensum conspirantes repererit, adhuc non quievit, utque nihil non actum relinqueret, ad sacram Ecclesiæ anchoram confugit, Summum Pontificem adivit, audivit, & sensum excepit. Videte nunc, an ultimæ Caroli tabulæ respondeant Pontificis Maximi Innoc. XII. judicio? facile erit conferre. Si discordant; obstrepite, clamate, irascimini: ignoscemus. Sed si consonant; ut quid auctoritatem, fidem, integritatem tantorum hominum, quos vel ipsa suspicio veretur incessere, deturpare aggredimini? Satiùs fuisset propriam levitatem, esto serius, agnoscere; quàm tam ruinosa, & malè sibi coherente materia, pervicaciæ munitionem construere.

§. XI.

*Fœdorum Imperialium Hispania accedentium
successio Philippo Regi Catholico debebatur.*

293. **S**æpe sæpius mecum ipse cogitavi, quo motivo induci potuerint Germanici Imperii Prin-

Principes ad declarandum Imperii bellum hoc, quod re ipsa Serenissimæ Domus Austriacæ peculiare est. Quis sciat, an fortan hanc resolutionem inierint occasione Fædorum Imperialium, quæ Regibus Hispaniæ à benè multis retro annis accedūt? Autumabunt enim, quod, cum in Imperialibus Fæudis fæminæ non succedant regulariter loquendo, & Philippus V. Rex Catholicus ad fæminas Austriacas referre genus suum debeat, ut contendat horum statuum ab Imperio movētium, successione; status hujusmodi ad Sacrum Romanum Imperiū devoluti sint, subq; Cæsaris dispositione ceciderint; ac possit de eis, quem maluerit, investire. Nam si eandem renuntiationis, vel exclusionis recināt cantilenam; eodem tono respondebimus, quo de fæudo Regio Neapolis; imo urgentiori motivo; nam, quod attinet ad exclusionem renuntiationis Serenissimæ Annæ, nullum Cæsaris reperimus in ea interveni- rum. Ideoque potius præservaretur jus hujus Serenissimæ Infantis, nisi in consequentiam veniret cum aliis statibus renuntiatis, quam infirmaretur. Sed certè hæc renuntiatio, vel exclusio, cum legibus, quas superius aperuimus, regulanda sit, nullum pro his fæudis potius quam pro reliquis Monarchiæ dominiis jus supeditat. Reliquum igitur est, quod ex eo capite Imperium huic successioni se immisceat, quia successio ad prolem licet virilem, ad fæminam tamen referentem, jus sanguinis, devoluta sit.

294. Attamen; ex hoc capite nescio, quomodo

X x

Au.

Augustissimus Imperator item Catholico Regi nostro possit intentare; nam in his omnibus, si Ducatum Mediolanensē cum annexo Marchionatu Finalis, & Thuscæ arcēs seponamus, fēminas succedere, controversiam non patitur; ex quo illa per fēminam, Mariam Burgundam, unicam Caroli audacis prolem, Maximiliano nuptam, Domui Austriacæ dotalia advenierint. Serenissima ergo Domus Austriadum quo jure descendentes ex fēminis proximiores masculos titulo agnationis repellere potest, quando & ipsa non alio jure, quam ex fēminis comparato succedere possit, ut scribens de successione Aragoniæ, jam à nobis insinuata, urgebat Ancharanus? Vel quomodo nunc Sacrum Romanum Imperium hæc fœuda fēminea negabit, quo consentiente, fēmina tot retro annis adivit? Quid dixerim fēminam? Fēminæ non semel, sed pluries in hujusmodi Imperialia Fœuda successere, nec nisi per iterata conjugia coire potuerunt; quæ si quis curiosus disquirere cupiat, adeat Cæsarem Campanam in vita Philippi II. & Zamalloam in Genealogia Philippi I. insertam, ultimo libro histor. Castellæ, & distinctissimè agnoscat, quibus feminarum repetitis successionebus Fœuda Imperialia Belgii, & Citerioris Germaniæ ad Austriacam Gentem corrivarint.

295. Ducatum Mediolanensem triplici jure successoribus suis in Regno Hispaniæ Carolus V. perpetuò aggregavit, sive masculis, sive fēminis. Primo, quia armis, & impensis hujus Regni bis Sfortiæ familiæ as-

sertus

sertus fuit. Secundo, ex testamento Philippi Mariæ Vicecomitis, qui decedens sine legitima prole hæredem instituit Alphonsum Aragoniæ, & Neapolis Regem, quamquam hic magnanimus Princeps, aliis curis distentus, & jura sua persequi impeditus, locum fecerit Francisco Sfortiæ Attendolo, qui Blancham Mariam, ejusdem Philippi filiam naturalem duxerat, avitum, Ducatum armis, & arte vindicandi. Tertio, ex testamento Francisci Mariæ ultimi ex Sfortia Gente Ducis, Carolum hæredem instituentis. Cumque Cæsar, his juribus deficientibus, potuerit de eo investire, quem maluerit, illis fulctus, & Cæsarea authoritate, quaungebatur Carolus, potuit illum Coronæ Hispanicæ, cujus præcipuè impensis bis fuerat quæsitus, perpetuo uicere, prout univit. Quando ergo Augustissimus Leopoldus se ostendat verum in Sceptro Hispano successorem Caroli II. tun c irrefragabile jus in hoc statu nanciscetur; sed hoc, cum jura ipsi refragentur, impossibile est; consequenterque illud desperata res erit.

296. Sed si devolutum ad Sacrum Romanum Imperium velit hoc feudum ex masculæ prolis extinctione, vel ad ejus lineam, lege agnationis: neuter titulus ipsi favet; non hic secundus, ut ab eo incipiamus, quia Serenissima Domus Austriaca nō descendit à Carolo V. vel à Philippo II. ejus filio primis investitis nisi per feminam, cum genus referat ad Ferdinandum I. non descendentem, sed Fratrem Caroli; descendunt igitur Austriades à Carolo per Imperatricem Mariam uxore

Maximiliani II. & à Philippo II. per Imperatricem, itidem Mariam, ejus ex filio neptim: Leges ergo agnationis servatæ in aliis Germaniæ feudis quoad hunc Ducatum non favent Augustissimo Leopoldo.

297. Nec etiam primus: Nam hic Ducatus, sicut alia Fæda Imperialia Germano Belgica, Francum, ut Feudistæ loquuntur, fædum est. Porro, esto disceptatum fuerit, num fæminæ in fæudo franco succedant? & partem negativam multi tenuerint, quos citat Henric. Rosenthal. in tract. de fæud. cap. 7. concl. 33. nu. 17. Communior tamen sententia pro fæminis decidit, pro qua Rosenthal. ipse in addit. cap. 1. conclus. 54. lit. P. enumerat viginti octo Doctores; & Camill. Borell. tit. 4. de fæud. num. 177. & 195. insuper num. 203. & 207. allegat triginta tres. Joann. vero Andr. Georg. in repet. fæud. cap. 51. num. 27. recenset triginta sex. His si addatur Rot. decis. 41. prim. part. divers. & decis. 1105. apud Seraphin. p. 2. hanc sententiam, juribus, & auctoritatibus pensatis, esse longè probabiliorem contraria, dubitari vix potest.

298. Præterea quod fædum (si fædum est) sit omnino francum, constat ex eo, quod Dux Mediolanens. habet omnia Jura Regalia, & Fiscalia, & potest in suo Ducatu quod Imperator in Imperio; gaudet enim prærogativa leg. *Benè à Zenon. C. de quad. præscript.* ut ait Muscul. tom. 1. commun. opinion. lib. 1. tit. 17. num. 25. Vivian. lib. 3. tit. 11. num. 72. versic. *Mediolan.* Malcard. de probat. concl. 139. Menoch. consil

consil. 307. num. 1. Anton. Oliban. de jur. Fisc. cap. 3. num. 79. Curt. Junior. consil. 1. num. 29. & consil. 61, num. 10. & consil. 106. num. 3. Roland. cons. 88. n. 27. volum. 1. Dec. consil. 41. num. 1. & 2. vol. 2. Surd. consil. 210. num. 22. Peregrin. consil. 2. num. 36. Quod adeò verum est, ut ab ejus Senatu nulla ad Imperium detur appellatio, Scacc. de appellat. q. 16. limit. 4. num. 6. Sed cessat omnis difficultas, ex quo in investituris Caroli, Ferdin. Maximil. & Rodolp. expressè feminae ad hujus Ducatus successionem vocantur, ut ex ipsis patet perspicuè.

299. Consultò diximus, si fœdum est. Nam si hujus nobilissimi Ducatus natales altius repetamus; non negabimus, cum partem fuisse antiquioris Romani Imperii, quem cum alijs Italiae Provinciis Ostrogothi, & Longobardi subtraxerunt; vindicatum, post devictum, mortuumque Desiderium, à Carolo Magno. Cæterum si specialis illius regiminis exordia, progressus, & statum contemplemur; consulamusque nobiles Italiae Scriptores Jacob. Philipp. Bergomat. D. Anton. Paul. Jovium, Ripamont. & alios; plura inveniemus, quæ ejus ingenuitatem, & solum specie tenus dependentiam ab Imperio persuadeant. Primo enim, certum est circiter annum 1022. ipsam Rempublicam se subduxisse Imperii regimini, Principemque creasse Heliprandum ex Principum Angleriae genere; qui armis Mediolani libertatem asseruit, & sine investiturae charta ad posteros transmisit usque ad Gualvianum, quo

quo improbi moriente, Respublica ipsa Aristocratiam introduxit, quæ 52. annos perseveravit, fortè nunc perseveratura, ni Joannes Turrianus qua ingenio, qua armis Patriam sua libertate spoliasset. Ejus tyrannica vestigia presserunt tres ejusdem familiæ Principes. Sed, his extinctis, Ottho Vicecomes, ex veteri Anglerienfi sanguine, Archiepiscopus Mediolanensis, dominium temporale populi suffragiis comparavit, pluribus annis prudentissimè administravit, & ad suam Vicecomitum familiam successibile, vel hæreditarium transmisit, sub titulo Dominorum.

300. Has varias, & alternantes vel ethnarcarum, vel Aristocratia, vel Tyrannorum vicissitudines expertus est hic status absque aliquo vel positivo, vel contrario Imperii influxu; nullius enim superfuit in historiis vestigium, vel alterius ab eo dependentiæ; nisi quod tempore procedente, & Ducum succrescente potentia, Imperatoris vicaria munia per univèrsam Italiam ipsis commissæ sunt; & quod Joannes Galleazius Vicecomes, qui suum dominium per univèrsam ferè Lombardiam, & AEmiliam distenderat, angustum nomen *Domini* dilatato Principatui minus bene respondere putans, ab Imperatore Vvenceslao Ducis titulum impetravit. De cætero, à Vicecomitibus ad Sfortias Ducatus jure armorum potius quam sanguinis traductus est, nec ad nitente, nec renitente Imperio. Unde plures ex allegatis nuper Authoribus absolutè negant Imperii faudum esse.

301. His de causis semper crediderunt Duces Mediolani, se posse libere disponere de Ducatu; deficiente prole; prout fecit Philippus Maria in favorem Aragonii Regis, & Franciscus Maria in favorem Caroli V. Quod certè non attentassent, si Ducatum hunc præferre à Germanico Imperio eas dependentiæ leges, quibus alia fæuda non franca subjacent; autumassent. Cumque in hujusmodi fæudis fæminæ sint succedendi capaces, ut probavimus; non est, unde possit Regi nostro Philippo successio controversi.

302. Historis omnium Nationum linguis loquentibus proditum est acerrima bella, quæ Hispanos Francosque tandiù super successione hujus status divexarunt, temporibus Ludovici XII. Regis Christianissimi, & Francisci I. ex una, Ferdinandi Aragonii, & Caroli V. cum Sfortiis ex alia partibus, nullam originem habuisse aliam, à fæmine hujus status successione. Nam Ludovicus, & Franciscus, ut descendentes ex Valentina filia Joannis Galeazii, quæ nupserat Ludovico Aurelianensi, filio secundogenito Caroli V. Regis Christianissimi, contendebant successionem ad se devolutam esse, jure Valentiniæ, exclusis Sfortiis, qui ad Blancham Mariam Philippi Mariæ non justam sobolem, genus referebant; & tamen utraq; præterita fuerat, ut refert Guicciardin. lib. 4. & Sleidan. lib. 10. Quomodo ergo Imperium titulo intermixtæ fæminæ poterit Regi Catholico hanc successionem disputare, quæ, Imperio ad partes eunte, inter descendentes

tes ex feminis tandiu disceptate est?

303. Sed quamvis omittamus hujus Ducatus antiquas prærogativas, quisnam locus disceptandi superest, ex quo Carolus V. cum indissolubili vinculo cum Regno Hispaniarum copulavit? Ipse, sive, ut hæres Alphonsi Aragonii, sive ut hæres Francisci Mariæ Sfortiæ, sive ut Imperator potuit hanc unionem facere, & ad hujusmodi Ducatum vocare suos hæredes, tam mares, quam feminas, & successores in Regno Castellæ, prout vocavit, sequentibus Cæsaribus Ferdinando, Maximiliano, & Rodolpho confirmantibus istiusmodi vocationem, poterit ne Imperium hanc unionem, quam (si ad ipsum spectabat) tot annis probavit, suscepit, agnovit, non redarguit; modo, quia Philippus V. Hispaniarum successor est, post liminio impugnare? Potest quidem, sed eo eventu, quo jure. Similes sunt uniones Munitionum, ut dicunt, Thuscæ; unde nihil de eis superest subjungendum.

§. XII.

*Ex præmissis reformatur argumentum negativum
pro successione Regis Catholici.*

EX dictis hac secunda Sectionis parte eruitur argumentum negativum pro Catholici Regis nostri Philippi successione, quod sub hac formula confici potest. Id circo non spectaret successio ad Catholicum Re-

Regem Philippum, vel quia renunciatio hæreditatis emissa à Serenissima Infante Maria Theresia, Regina Franciæ, ejus Avia, ipsi obstaret; vel quia obstaret æquipollens renunciatio juris succedendi in Dominiis paternis resultans ex exclusione facta à Rege Catholico ejus Genitore, pacto convento cum Rege Christianissimo, ab eadem approbata, ratificata, & jure jurando roborata, ex causâ publica, & in vim legis à Comitibus Regni Castellæ admittâ, tandemque à Sede Apostolica promotâ, & acceptata. Sed nihil horum obstat ejus successionis; ergo, cum aliundè per leges invitetur, debuit succedere Carolo II. in Hispanica Monarchia. Mai. completitur causas omnes, quibus contrarii cum à successionis dispellere contendunt. Minor, ad quam devolvitur difficultas, probatur discurrendo remissive per singula.

304. Primo: non obstat renunciatio hæreditatis emissa à Serenissima Avia. Quia ut vidimus §. 1. hujus secundæ partis, in hac Monarchia non succeditur jure hæreditario. Et quamvis succederetur, hæc hæreditas ut pote individua, & singularis non caderet sub renuntiatione. Etsi caderet, non impediret, quominus succederet ex testamento, maximè extinctis omnibus masculis, & fæminis ejusdem lineæ, & gradus; ergo cum Philippus V. fuerit vocatus ex testamento Caroli, & jure sanguinis, ac legis providentiâ; prædicta renuntiatio nihil potest operari.

305. Secundò: non obstat exclusio facta per Re-

gen Catholicum ejus Genitorem, pacto convento cum Rege Christianissimo, ex dictis §. II. quia Reges nequeunt disponere de jure successionis, illud alterare, uni præripere, & alteri dare; atque adeo hæc exclusio nullam vim habet. Nec ex approbatione, ratificatione, & juramento Serenissimæ illius Avix potuit convalescere, ex dictis §. III. Nec illa renuntiatio æquipollens ex his omnibus resultans potuit obesse, ex dictis §. IV. Quia non poterat posteris auferre, nisi id solum, quod ab ea, ipsis posset derivare, Præterea ex dictis §. V. constat, hanc æquipollentem renuntiationem sustineri solum, debere in casu legibus fundamentalibus coherente, non in casu nostro, quia à prædictis legibus exorbitat; & in quo cessavit causa ipsa legibus insinuata, ex dictis §. VI. & quia prædictus casus fuit æquivalenter in ipsa dispositione exceptus, ex dictis §. VII. Atque adeo à prædicta exclusione, vel renuntiatione, ut cumque consideretur, nihil depromitur, ne dicam adversum, sed Regi Catholico ad hujusmodi successionem non favens.

396. Tertiò non obstat, quod renuntiatio Serenissimæ Avix fuerit capitulata insimul cum tractatu pacis Pyrenæi, & hic approbatus à Summo Pontifice; quia ex dictis §. VIII. approbatio Pontificia non cecidit super articulos matrimonii, sed super pacis articulos, & quid hæc approbatio operetur, ibi discussum est. Rursus quando expresse caderet super fœdera matrimonii, non obstat ex motivis ibidem productis; nec

etiam

etiam obesset successioni Regni Neapolis, licet secundum sit Sanctæ Romanæ Ecclesiæ; ex adductis §. IX. Unde ex his capitulis successio Catholici Regis nullatenus infirmatur: multoque minus ex Regum testamentis, ex probatis §. X.

309. Demum; Quoad alia fœuda Imperialia, in quibus Rex Catholicus successit in consequentiam Monarchiæ, dictum est §. præcedenti, & vidimus, nec ex eo, quod fœuda Imperialia sint, excludere successionem feminarum, vel masculorum ex feminis descendentium; consequenterque jure optimo, & ineluctabili in eis Catholicum Regem successisse; Hæc omnia nedum probabilibus doctrinis ostendimus, sed longè probabilioribus. Et tamen ut proles Serenissimæ Infantis Mariæ Theresiæ excluderetur à jure succedendi, deberet validitas exclusionis evidentissimè probari. Et ratio est manifesta: quia proles Serenissimæ Infantis habet fundatam intentionem succedendi in jure communi Regni Castellæ, & Aragoniæ; unde non tenetur probare; leges enim pro ipsa probant vocantes expressè, in defectum masculi, filiam natu majorem, & ejus prolem, in infinitum; idcirco onus probandi relinquitur Austriacis; qui nisi evidentè probent exceptionem; semper pro ipsa Serenissima vocata, & ejus posteritate debet pronuntiari, ex leg. *Nuptura*. ff. de jur. dot. i. his verbis. *Nisi evidentissimè contrarium probetur*. leg. *libertas*. §. *final*. ff. de man. test. ibi. *Nisi aliut sensisset*. Patrem familias manifestissimis rationibus probat

rit. leg. si plures. ff. de vulg. illis verbis. *Nisi alia forte fuerit mens testatoris, quod vix credendum est, nisi evidenter fuerit expressum.* Quia qui habet contra se jura, præsumptiones juris, aut juris regulas, oneratur durioribus probationibus, ut tradunt Albertic. & Fulg. per textum in leg. si extraneus. ff. de condict. caus. dat. & ibi Jas. num. 15. regulæ enim non eliduntur per dubias probationes, & conjecturas, & multo minus jura ipsa, juxta doctrinam Bald. in leg. 2. C. de bon. posses. secund. tab. num. 5. & in leg. precibus. num. 23. C. de impub.

308. Ex quibus infert satis opportunè D. Ludovicus Molina de Primogen. lib. 3. cap. 4. nu. 37. Quod lites super exclusione, vel admisione feminarum ad successiones, triplicem possunt habere statum. Nimirum, vel justitia est clara ex parte masculi remotioris contendentis exclusionem, vel è regione est clara ex parte foeminæ contendentis inclusionem; vel dubia. Masculus, vel contendens exclusionem, solum in primo casu perspectæ, & evidenter justitiæ, vincere potest: femina verò, nedum quando ejus justitia clara est, & perspicua; verum quando res est dubia, anceps, & obscura; ex eo nimirum principio, quod cum ejus intentio in jure fundata sit, semper ac non constat de exclusione; constat de inclusione. Ideoque adversarius cogitur exclusionem evidenter probare. Quando igitur solum probabiliter objectiones Austriadum, agentium ad exclusionem prolis per leges expressè inclusæ,
di-

diluerentur; evidenter ostenderetur justa successio Regis nostri Catholici. Quanto magis cum objectiones adversæ nedum probabiliter, sed probabilius, imo ferè evidenter rejectantur?

309. Si ergo causa Austriaci belli hæc successio est, qua cadere in Astræ judicio Augustissimum Leopoldum necesse foret; quid mirum, Deo moderante, belli eventus, cadat etiam in Martis theatro? Milites enim accivit, quos non armavit justitia; sed ratio status; non zelus; sed æmulatio, non exaltationis. Domus Austriacæ desiderium; sed Francicæ depressionis anhelus; ab hac causa, ab his auxiliariis copiis, quid boni sperari potest? Sperari poterit illud Propertii,

Frangit, & attollit vires in milite causa,

Quæ nisi justa subest, excutit arma pudor.

Tandem ad milites Catholici nostri Regis Philippi sive proprios ex Hispania, Italia, Belgioque descriptos; sive subsidiarios à Christianissimo vereque Maximo Rege Ludovico providè missos, cōvertentes sermonem, ad magna eos excitare gestimus, & gloriosas victoriæ palmas demefuros confidimus, illud Thesæi, apud Papinium, eorum auribus si accinamus.

Ite alacres: tante, precor, consilite cause.

S E C T I O III.

*Injustitia Belli Austriaci ex parte finis
comprobatur.*

AD postremum justī, vel injusti belli charactērem properamus, quem ex ejus fine contemplabatur Lipsius. Ea enim bella, quæ à legitimo Authore indicuntur, ex justa causa, ex justo fine, justū diffinienda sunt. E perverso, quibus justus deficit author; latrocinia; quibus justa causa non subest; violentæ prædationes: quibus autem, reliquis concurrentibus, finis justus non adest; bella quidem videntur, sed gentili furore illata, non morē Christiano gesta. Bella dixi: quia injusta etsi sint, non tamen eā injustitiæ specie, ut justitiæ strictè dictæ adversentur; aut restitutioni obnoxia sint; sed latioris injustitiæ labe inficiuntur, eo sensu, quo injustum, aut iniquum dicimus quidquid à Christianarum virtutum regulis deviat. In hac acceptione quod vis peccatum injustitia est; iniquitas est, & peccator injustus, ac iniquus audit; legem vero custodiens justus dicitur. Sic capitur ab Interpretibus Sacris illud Christi apud Matth. cap. 6. *Nisi abundaverit justitia vestra plusquam Scribarum, &c.* & cap. 7. *Attendite, ne justitiam vestram faciatis coram hominibus.* Sicque intelligenda est descriptio illa justitiæ tradita à D. Anselmo in dialog. veritatis cap. 23. scilicet,

cet, *Justitiam esse rectitudinem voluntatis propter se servatam*: quod ignorasse non videtur Marc. Tull. Si quidem lib. I. de legib. *obtemperare legibus*. justitiam existimavit.

Hac injustitiæ tæbe afflatum bellum, quod Augustissimus Cæsar intulit Catholico Regi nostro Philippo, pergitur ostendere, sed contractioni oratione, levivè calamo; quia licet præcipua belli justæ lex sit, quod ex recta intentione assumatur; ut observat noster insignis Sacror. Canon. Salmanticensis Vesperarius D. Emmanuel Gonzal. Tell. in cap. *Sicut de jur. jurandum. 8.* Quia tamen deordinatio quoad hanc partem, si reliquæ justæ belli conditiones constiterint, potius Auctoris, & ejus Subditis, quàm his, in quos bellum tendit, nocumentum pariat, & injustitiæ præferat; non est cur circa hanc partem tandiù immoremur. Eo maxime, quò si reliquæ leges non assistant, sicut præsentì bello non assistere, imò potius resistere, ex hucusque dictis satis superque constare credimus; per ipsas, justitiæ strictius acceptæ, tramites violatos nemo dubitat; nec recta aliqui intentione (si possibiliis esset) bellum unquam honestari, vel restitutionis impensarum, ac illatorum damnorum onere, ejus Authores exgravari possent.

§. I.

Injustum bellum Austriacum ex fine; quia in eo justii belli finis desideratur.

310. **B**ellorum finis, qui ipsis intraneus dici potest, populorum salus, tranquillitas, pax, & foelicitas est. *ex cap. noli. cap. quid culpatur. 23. q. 1.* Hoc elegantissimè depingit Alciatus Emblem. 177. cujus epigraphæ. *De bello pax.*

*Arma procul jaceant; fas sit tunc sumere, quando
Pacis non aliter quis valet arte frui.*

Id apertè tradiderat Tull. 1. de offic. laudatus ab eodem Lipsio lib. 4. cap. 4. propè finem. *Ita bellum suscipiatur; ut nihil aliud, quam pax quesita videatur;* Vellem, edisserant mihi Austriaci Juris propugnatores, an hujus cruenti, & huc atque illuc funestè salientis, belli hic sit finis, ut per eum pax quæratur? Ego enim, nisi desipiam, per ipsum pacem quæri, non animadverto, sed bellum, & bellorum perennem dixerim scaturiginem, quod suis anulis universos Europæ Potentatus sensim illigat, & concatenat, ac futuris Principibus feracia discordiarum semina relicturum, nullus dubito.

311. At jam eos respondentes audio, nullum alium tanti belli finem esse, præter unam pacem, sed citra injuriam. Non enim bellum suscipiendum est, ut

ut per illud pax probrosa, inhonesta, & propudio plena comparetur; sed honesta, decora, utilis, qualis decet maximum Orbis terrarum Principem Leopoldum Cæsarem: qualemque expressit Tull. idem, loco superius allegato: *Suscipienda bella sunt, ut in pace sine injuria vivatur.* Quis (inquiunt) non diceret terram, propudiosam pacem, qua Cæsaris arma quiescerent, silerent classica, interim Philippo Andegavensium Duce Hispanica Monarchia, quæ per utrumque emispherium, aut totam terrarum peripheriam ramos suos protendit, tranquillè, & impunè potito, Austriacis avulsa, abrepta? Profectò hæc pax, non pax, sed ignavia; non quies, sed inertia dicenda foret. Ut in pace vivat, arma excitavit Augustissimus Cæsar; sed postquam generi suo vindicaverit sceptrum tot Regnorû, quæ vel Francorum astus, vel quorundam Hispanorum fraus, vel Caroli decessoris syntexis, uno ictu Augustæ Austriadum Domui ex tempore arripuit.

312. Vidisti, candide Lector, & contulisti in præcedenti Sectione Jura Augustissimi Cæsaris cum Jurebus Catholici nostri Philippi, & mecum, ni fallor, judicasti, longè probaliora motiva à Philippo stare; sed quamvis minus probabilia forent, re tamen ipsa probabilia; cum à Cæsare evidentia non stent, (loquor de evidentia, quam materia patitur) adhuc pro Philippo evidenter vocato, & incluso decidendum fore. Sed ponamus modo quod jura sunt in æquilibrio, seponamusque cætera omnia, que lancem Philippi suo pondere;

deorsum flecterent: putas ne Austriace, posse Cæsarem, Hispania reluctante, aditum ad solium Sereniss. Archi-Duci Carolo (quem celsioris Imperii dignum non negamus) comparare; sive Mediolanum viribus, sive Neapolim defectione, sive Castellam classe, sive Cathaloniam proditione, sive Belgium copiis subsidariis, semel, & iterum, terque, quaterque tentet? Si hoc tibi persuades, statum Europæ ignorare videberis; vires Christianissimi Regis perspectas non habes; Cæsaris potentiam, tot bellis fessam, perperam, dimetiris; & Hispanorum in semel concepto proposito nobilem, oblationem non comprehendis. Sed ab experientia edoceri non te pudeat. Vidisti, (nec id negare audebis in totius Europæ conspectu) vidisti, inquam, superioribus annis Regem Christianissimum, ne dum restitisse, verum, & malè inulcasse Cæsarem, Hispanum, Anglum, Bavarum, Sabaudum, Geusios, aliosque federatos Principes; plures egregia obsidione difficillimas arces cepisse, plurimaque prælia gloriôsè superasse; huicque bello ex voto pacem successisse, quam fortè nec iniquis quidem conditionibus federati impetrassent; nisi oculatissima providentiâ huic, quod modò gerit, bello longè anteviso, integram potentiam reservare maluisset. Vidisti quavis ætate bis centum mille pedites, equitesque eodem tempore, diversis in locis, disciplinatissimæ militiæ, in acies ordinatos produxisse, totidem in arcibus retentis præsidariis: semperque phalangas Francicas tot insimul Principum

cohortibus superiores fuisse. Vidisti, non sine admiratione, tot militibus, tanto equitatu, nihil unquam vel stipendii, vel annonæ, vel pabuli, vel rei militaris, desideratum; cum è contra federatorum copiarum, perennatis stipendiis, multum egerent. Vidisti Anglos, & Hollandos sic bellum administrasse, quasi sua referret & Cælaris, & Franci, & Hispani Regum contritio; vel potius bellum fovere, quam decidere; æquè ab his, & ab illo sibi meruentes. Hæc vidisti, & expectas, posse Cæsarem his subsidiis, Hispanis Philippo suo usque ad focos, & aras devinctis, Serenissimo Archi-Duci Hispanum diadema conquirere? Si id expectas, dicam te fidem Abrahamæ e perverso æmulari, qui, Apostolo teste, *credidit in spem contra spem*.

13. Ut Augustissimus Cæsar hanc, quam desiderat, pacem posset hoc bello redimere, multo ante illud salutare Vegetii monitum de re militari, in prolog. lib. 3. *Qui desiderat pacem, præparet bellum*. amplecti debuit. Non dixit, qui desiderat pacem, inferat bellum, sed præparet; bellum namque multo ante, quam inferatur, præparari debet, prout Rex Christianissimus ab annis præparavit; scilicet militem conscripsit, copias continuo exercuit, ærarium replevit: in bellis enim denarii tam necessarii sunt, quam motui animalis musculi, aut nervi; Duces delegit, annonam, & omnia impedimenta præparavit: alioquin non propriis, sed subsidiariis copiis, & alienis stipendiis militantibus, bellum gerere, necesse erit, a quibus ni-

hil boni licet sperare. Sed quid nobis cum Vegetio, quando Christus Dominus hoc militare dogma supponit, ut certissimum hujus facultatis principium, ex quo argumentari fas est? *Quis Rex*, ait apud Luc. cap. 14. *icturus committere bellum adversus alium Regem, non sedens prius cogitat, si possit cum decem millibus occurrere ei, qui cum viginti millibus venit ad se: alioquin, adhuc illo longè agente, legationem mittens rogat ea quæ pacis sunt.* Nec illud *sedens* mysterio vacat. quasi innuere voluerit, non satis esse, hæc perfunctoriè, aut aliud agens, considerare; sed ex proposito contemplari, & dimetiri, tantoque negotio totum animum intendere, ne si sine proprio milite, seu totus auxiliariis innixus, bellum aggrediatur, & vincens, & victus majestatem ludibrio exponat; victus; quia propriis non alienis viribus fidere debebat; vincens; ne ad occupanda expugnata loca novo bello opus sit cum subsidiariis ipsis, quibus integrum erit ea sibi retinere, sub impensarum obtentu.

314. Fateor, Augustissimum Cæsarem non potuisse ad tantum tamque imminens bellum se, ut par erat, accingere, & præparare; cum bellum Turcicum, & quod ipsum excepit, Francicum, ærarium depauperatum fuerit, vel potius exhaustum. Fateor; sed nemo propterea laudabit, quod sine proprio ferè milite velit hanc causam cum potentissimis Regibus armis disceptare. Nemo probabit prudens, quod filiam privaverit hac potentissima Monarchia, quam, mediis nuptiis à Carolo

rolo II. consultissimè statutis, ipsi asserere; poterat (satis de re Domus Austriacæ: siquidem hoc medio jugis cum Hispano Imperio vivebat communicatio) ut filii difficilem, & alea plenam spem foveret cum gravissimo totius Europæ incommodo. Nemo Religiosus non averfabitur, quod aures porrexerit Ecclesiæ inimicis, qui cum ipsi blandiuntur, quæ explere nequeunt, polliciti; unionem inter tres istas Catholicas Potentias Cæsaream, Francam, & Hispanam præfocare ambiunt; quæ si coalesceret, foret hæresum, & hæreticorum jugulatio, & exterminium. Nemo, qui Histórias Europæ eolverit, non mirabitur, quod exaltationem Domus suæ illis credat, qui nihil aliud enixius moliti sunt à multis retro annis, quàm ejusdem depressionem: Qui ut eam certius, faciliusque assequerentur, facti jam Europæ arbitri, Monarchiam Hispanam, adhuc superstite Carolo II. sectivam fecerunt, & in partes discindere intenterunt. Hoc profecto bellum ad honestam, ad justam, ad decoram pacem assequendam nunquam meo judicio deveniet, imò, moraliter loquendo, nec devenire poterit: ut propterea proprio, & intraneo sine frustretur.

§ § § § § §
§ § § § §
§ § § §
§ § §
§ §
§ §
§

§. II.

§. II.

*Injustum bellum ex eodem capite, quia sine spe
fructus, propriis Subditis nimium
prejudiciale.*

315. **H**oc unum adversarii concedant necesse
est, & concessuros esse non dubito; scili-
cet, Augustissimum Cæsarem probè novisse, ante-
quam hoc bellum aggrederetur, difficillimi exitus fo-
re, immensosque sumptus requirere. At hoc satis est,
ut bellum hoc, etiam si ex justa causa illatum esset, in-
justum adversus proprios Subditos deprehendatur: qui
subjacere compellentur extraordinariis gravissimis
oneribus, & exactionibus pro bello, quod sua non in-
terest, sive Princeps finem intentum allequatur, sive
non, sed multo magis quando finem assequendi nulla
spes est. Princeps igitur priusquam bellum inferat,
etiam perspecta causæ justitia, considerare maximo pe-
re debet, num bellum confici possit, & ad optatum fi-
nem perducì sine gravaminibus Subditorum, quando
non pro eorum defensione suscipitur; sed pro privatis
juribus vindicandis. Nam si finis haberi nequit absque
gravibus Subditorum oneribus, & detrimento, etiam
si aliundè justum sit, debet ab eo abstinere, (quanto
magis, si sit injustum, vel solum probabile jus persequa-
tur) ne in propriam Rempublicam, propriosque Sub-
di-

ditos, quorum bono communi prospicere debet, delinquat, & iniustus sit.

316. Hoc ex communi sententia statuit P. Ludovic. Molin. de just. & jur. disp. 107. sub lit. B. his verbis. *Illud etiam est animadvertendum, Principem in bello inferendo non minus posse esse injustum, adversus suam Rempublicam, quam adversus alienam, cui illud inferre parat. Enque de causa non solum esse illi attendendum, an habeat justam causam, adversus alienam Rempublicam, sed etiam an iniustus sit adversus suam huiusmodi bellum movendo. Etenim si prudentis arbitrio tale bellum futurum est in detrimentum maximum sue Reipublice, quia vires non habet ad superandum, vel quia cum modico sue Reipublice, bonique communis emolumento subditos suos maximis periculis, et detrimentis exponet, redditus publicos in eo consumet, Rempublicam novis tributis, et exactionibus gravabit, &c. Sanè culpe erit letalis contra justitiam adversus suam Rempublicam ejusmodi bellum suscipere: si commode ab eo posset abstinere. Respublica namque non est propter Regem, sed Rex propter Rempublicam, ut illam defendat, administret, et gubernet, non ad suum arbitratum, vanitatem, et commodum, sed ad Reipublice commune bonum: quo fine adducti agentes profecerunt sibi Reges, ac Principes, atque eis id jus quod habent, potestatemque tribuerunt. Hucusque Molina. Modo æquus arbiter dijudicet, quodnam emolumentum, affe-*

assequentur Regna Hungariæ, & Bohemiæ, Austria, Stiria, Carinthia, &c. Sive Serenissimus Carolus succedat, sive non, in Monarchia Hispana? & quot extraordinariis exactionibus, & oneribus subiacere necesse sit, ad hoc bellum sustinendum; quin ipsis affulgeat, vel minima utilitatis spes. Imò occasione ab hoc bello sumpta Ragozziani perduelles, vel seditiosi status prædictos incurfant, populantur, divexant: & facile concludet, etiam quando justa subsuisset causa, satius fuisse ab hoc bello abstinere in gratiam subditorum, quàm cum tanto eorum dispendio intulisse, & proseguì, præsertim, cum honestissimè abstinere potuisset.

317. Sed quomodo (inquis) potuisset Augustissimus Cæsar commodè ab hoc bello abstinere? hæc enim est Molinæ conditio, ut reum læthalis culpæ constituat Principem, qui in magnam Subditorum jacturam bellum suscipit. *Culpa erit læthalis contra suam Rempublicam ejusmodi bellum suscipere, si commodè ab eo possit abstinere.* Hoc opus, hic labor est. Videt Monarchiam Hispanam à propria agnatione avulsam, ad æmulam familiam traductam, & poterit commodè abstinere? Posset commodè, posset utiliter, posset decorè, si magis pater, quam Austriacus haberi voluisset: si, prout Carolus II. fecit, agnationis amorem justitiæ, publicæ tranquillitati, & subditorum incolumitati licare maluisset. Enim verò, si Cæsar se patrem meminisset, non Austriadem; quid sua inter-

esset

esset, regnarent in Hispania sui ex filio, quàm ex filia.
nepotes? planè nihil. Nam ea agnationis suspirata,
conservatio, Austriaci nominis perennitas, mundana
gloria ex virilis-femineis continuatione resultans, quæ-
dam sunt potius phantastica sensus idola; quàm veræ
perpetuitatis monumenta. Numquid periit gloria Pe-
lagii, quia sceptrum ad prolem virilem Alphonsi I.
Ormesinda transvexerit? Obliterata forte sunt Alpho-
si ejusdem, & posterorum gloriosa facinora, quia ad
Navarraz generis viros Sanctia sceptrum suo conjugio
translulerit? Sepulta ne est Ferdinandi I. memoria,
quia ejus neptis Urraca suis nuptiis Burgudorum Co-
mitum sanguinem tot sæculis in Castella regnare fece-
rit? Alphonsi Raymundi conquesta trophæa, Ferdi-
nandi Sancti vindicata Regna, Ferdinandi Aragonii
adauctæ Provinciæ, excidere memoria, quia per Joan-
nam Austriades eorum loca subjere? Sicut ergo alia-
rum gentium masculinitas superiorum Regum nomi-
mina tumulare potis non fuit; nec Francigenarum vi-
rilitas partæ ab Austriacis gloriæ aliquid detrahere
poterit. Constant, semperque constabunt aliis egregia
gesta, quantumvis sceptrum per mille stirpes discur-
rat. Cæteroqui, interesse Domus Austriacæ melius cõ-
sultum esset nuptiis pacatissimis Serenissimæ Archi-
ducissæ, à Carolo II. commendatis, à Christianissimq;
Rege gratanter admissis, à Catholico postulatis, quam
turbida successione Sereniss. Archiducis; ex hac bellum
acre, diuturnum, & funestum imminabat, cui juxta

præsentem rerum constitutionem, nec Hispani soli, nec Austriacis conjuncti, nec fœderatis hodie Principibus colligati, repellendo sitis erant. E contra verò, eo celebrato connubio arma Regum Christianissimi, & Catholici semper Cæsari præsto fuissent, vel ad Hungaros perduelles edomandos, vel ad Europæ Provincias, quæ Orthomano subsunt, barbaro jugo subducendas; in quibus gloriosius, securiusque sceptrum posset Serenissimo Archiduci asseverari. O quanta Europæ Catholicæ gloria derivallet, nisi misera catastrophe sanctissimam Caroli II. intentionem pervertisset!

§ 18. Hæc tam perspicua sunt; quod pateant (ut fertur) lippis etiam atque tonsoribus; consultissimè igitur, & commodissimè Augustissimus Leopoldus ab hoc bello abstinuisset: prudentissimum enim est, quando per bellum obtineri moraliter id, quod in votis est, dicamus etiam in jure; non potest; arma continere; sicut prudens Imperator non minori gloria prælium excuslat, ubi & copiarum numerus, & situs inæqualitas exitum infelicem certò ominantur; quàm ubi victoriam spondent, illud committat; alioquin partem gloriæ reputare, pugnare sine victoriæ spe, vanam, & inutilem gloriolam dicam, cui perbelle congrueret celebris illa Tertullian. sententia, lib. de pudicit. cap. 2. *Malo nullum bonum, quàm vanum. Quid prodest esse, quod esse non prodest?*

§. I I I.

*Ex eodem capite injustum bellum, quia sine frustra-
rari, necesse erat, Hispanis repugnan-
tibus præterse Cæsaris
successioni.*

319. **E**Xculpandum aliquatenus foret hoc bellum, si Augustissimus Cæsar illud fuisset aggressus, sub certis documentis, quod Hispani Proceres, Regna, Provinciæ, Civitates huic Catholici Regis Philippi successioni ex animo refragarentur, quamvis externis suffragiis, tempori servire compulsi, declarationi Caroli II. subscripsissent. Tunc enim, cum bellum non tam ab extrinseco inferretur, quam ab intrinseco pullularet, spem aliquam certiorum boni eventus posset ingerere. Sed e contra res se habuit. Nam Catholicus Rex noster Philippus ad successionem juribus sibi debitam, & testamento Caroli II. adjudicatam, libentissimè, & ex animo fuit invitatus, ex corde exceptus, ex mente acclamatus, & singularissimis plausibus ad avitum culmen evehctus. Nec alicujus internæ repugnantiae, aut aversionis, vel levia specimina produci possunt. Id quod palàm convincit fuga arrepta à paucis illis, qui ex privatis motivis, non ex publica causa, dissensisse deprehenduntur. Nam si senien aliquod discordiæ internæ cognovissent, de rebus Austriacis

potius esset consistere, quam fugere. In his ergo circumstantiis satius fuisset à bello abstinere; quàm arma movere. Quid enim Serenissimus Archidux in Hispania, Hispania ipsa enixè repugnante, consequi posse, confidat?

320. Idcirco prudentia Philippi II. à cunctis commendatur, qui post obitum Henrici III. Regis Christianissimi, in quo virilis Valesiorum soboles extincta fuit, quamvis ex Elisabetha defuncti Regis filia natu majore prolem geminam suscepisset, Elisabetham, Claram, & Catharinam, successionem filiabus minimè affectavit. Non quia, si ex occasione bellum fuisset suscipiendum, lex Salica multum fortè illi negotium, faceisset: bene quippe sciebat, Anglos hujusmodi legem minimè impedisse, ne successionem Regni Regiæ agnationi difficillimo bello disputassent; quod potiori titulo aggredi Philippus potuisset, eo casu, quo proximior agnatus vigesimo secundo tantum agnationis gradu præmortuum Henricum contingerbat; adeò ut non pauci Jurisconsulti autumarint, jus eligendi Regem ad Rempublicam fuisse devolutum. Sed quia, ut sagax erat, contemplabatur, rem illi fore cum gente, quæ externum dominium, vel legis suæ violationem, nonnisi extincta pateretur, injuriis suis propugnandis obstinata, & flectinescia, maxime fuyente Henrico IV. ultra agnationem, ultimi Regis voluntate; ex hoc bello, sub cognationis obtentu, parum lanæ, & nonnisi tribulis irretitæ (ut dicunt) referre

ferre posse, prævidit: resque suas facilius, utilius, honestiusque promoveri posse religionis vel causæ, vel occasione, quàm affectato filiarum jure, subodoratus est.

321. Nescio an speciosior belligerandi titulus adsit nunc Augustissimo Cæsari, quàm tunc Philippo se se offerebat. Etenim hujus conatus discutere, duntaxat lex Salica posset; quæ, tamen nisi armata, & Francorum viribus septa, causam suâ perorasset, faciliè Anglorum judicio olim victa fuisset; quibus ultimi Regis testamentum excludentis filium, vocantis filiam, & ex filia descendentes, pro textu fuisset. At Rex sapientissimus noluit matrum conferere, & ad trutinam revocare legem, vel consuetudinem, pro cujus inviolata existentia bene noverat; Francos omnem sanguinem, litaturos: consultiusque existimavit bellum diuturnum, & ferè perpetuum, non excitare, quod gravissima forte Regnorum jactura, nullo commodo, gerendum foret; quam filiabus jus illud cum tanto discrimine asserere, etiam quando Francia ipsa internis moribus miserè coneuriebatur. Quid facturus, si eam conspirantibus animis in unam eandemque sententiam, indivisâ conspexisset? Ecce Augustissimus Cæsar jus qualecunque, ad ejus prosecutionem nullam dispositionem internam, sed manifestam repugnantiam in Hispanis compererat; quiescere non permitteret, & commodè, & prudenter? Profectò non poterat non animadvertere, excitandum bellum sævum, cruentum, & diu-

diut urnū cum nationibus ex æquo jurium, ac libertatis tenacibus, & mori potius paratis, quàm à cōcepto semel proposito ex legibus, ex æquitate, ex re publica, aliquā-
tis per deflectere; ex quo hæredatariis suis Dominiis nihil commodi, multum jacturæ, & stragis immin-
bat. Bellum, cui nulla secuta pax, nullum firmum otium succedere potest. prudentes non suscitant. *Sapientes pacis causa bellum gerunt, & laborem spe otii sui tentant.* Sallust. ad Cæs.

§. I V.

Ab antipathia Francorum, & Hispanorum nullum fortunatum eventum debuit Augustissimus Cæsar sperare.

322. **S**ed audio non unum susurrantem. Imò ex hoc eodem capite ad bellum Cæsar excitatus est. Videlicet, quia persuasus est, Hispanos suscepisse quidem Philippum V. non tamen ex sententia; sed potius temporis angustiiis pressos, oppressos Regis sui deplorato interitu, impotentes resistere præproperis, & instantibus Gallorum impulsibus; cum arma Cæsarea, à quibus salus speranda erat, ob nimiam distantiam accurrere, & prout necessitas postulabat, præsto esse nequirent. Cæterum dubitare fas non erat, quin Cæsari appropinquanti statim libentissimè se dederent, & redemptori suæ libertatis con-

consentirent. Cunctis exploratum est, & in bivis, ac trivis decantatum utriusque gentis odium, non tam ex causa (licet causa non desit) conceptum, quam ex quadam innata antipathya, quam cæci in cantilenis, mimi scænis irrident, & vel pueri ipsi ubique gentium subsannantur. Hæc cum ita sint, nec dubitare de Hispanorum fide debuit Cæsar; nec committere, quin ejus vicem miseratus, manum sublevatricem porrexisset.

§ 23. Si ex commiseratione bellum susceptum est, gratias agimus, esto nunquam, etiam in gravissimis ærumnis constitutæ, Hispaniæ miserantibus opus fuerit, quia hucusque ad tantam abjectionem non devenit, quæ miseria fuerit. De reliquo; quisquis sic susurra-
stis, planè deciperis, tua affectione aucuparis, tuisque præjudiciis facum facis. Causa præsens non voluntatis impulsibus, sed rationis dictamine suscepta est defendenda ab Hispanis. Unde nequidquam obest tua decantata, & verè ridenda antipathya, quæ ab utriusque gentis æmulis, universæ Europæ prædominantibus ægrè ferentibus hoc prædominium reliquis nationibus, artificiosè excogitata, ingeniosis figmentis promota, & salitis narratiunculis, vel observationibus condita est. Sed quando etiam affectus sententia hæc dirimenda foret controversia, Galli animos non desponderent, nulla enim inter ipsos, Castellanosque, qui primum in Monarchia locum tenent, odii occasio, nulla antipathya, sed jugis, & mutuus honor,

nor, reciproca Regum conjugia, diuturnaue confederatio viguit. Quod, si audire non gravis brevi historię excursionē demonstrabo.

324. Regnum Legionense in sua ferè infantia moderatorem obtinuit Alphonsum secundum, epitheticè Castum, prenepotem Pelagii; de cujus amicitia, & observantia erga Carolum Magnum Franciæ Regem, & Occidentis Imperatorem, testes sunt quotquot sive Hispani, sive Galli horum Principum gesta scripserunt; quæ eo usque processit, ut media adoptione, Alphonfus Carolum in Regno successorem deligere decrevisset; hoc consilium, licet à Regni Proceribus dispulsum fuerit, ut Regni legibus contrarium; argumento tamen est, illam antipathyam non esse utrique genti cœvā, aut cognatā; ut æmuli ipsis affingunt.

325. Adolescebat jam Regnum idem Castellæ unitum, Alphonfi VI. temporibus; hic ex Franco Regio Sanguine duxit Constantiam, & cum ipsa, ex eo Regno accivit Bernardum Abbatem Cisterciensis Ordinis, cum pluribus sui sodalitiū Religiosis, quos præfecit principalioribus Regnorum Cathedris, Bernardo Toletanæ destinato, quam primus post ejectos Mahumetanos occupavit; filiamque natu maximam Urracam Raymundo Burgundo Regii Franciæ Sanguinis Principi (erat enim Hugonis Capeti ex filio Roberto pronepos) desponsavit, cujus conjugii proles Alphonfus Raymundi, dictus Imperator, in Regnis suc-

succelsit, & gloriosa ejus virilis polteritas usque ad Austriacos, in Castella, & Aragonia perduravit. Sunt ne hæc antipathycæ averfionis, an mutuæ exiltimationis, & honoris argumenta? Mirabere, quod Castellani jucundè excipiant ad thronum sanguinem Hugonis, quem dominantem per quatuorcentos annos coluerunt?

§ 26. Alphonfi VII. filiam Eleonoram Philippus Franciæ Augustus Rex desponsavit: Ludovicus VIII. Blancham Alphonfi VIII., ex qua S. Ludovicum IX. suscepit. Francisc. I. Eleonoram Austriacam. Ludovic. XIII. Ann. Philipp. III. & Magnus Ludovic. Mariam Theresiâ Philipp. IV. filias uxores habuerunt; vicissim Ferdinâdus Infans de la Zerda, Alphonfi Sapientis primogenitus, Blancham S. Ludovici filiam uxorem accepit. Petrus unicus & sævitia, & nomine, Blancham Borboniam insignem, & pulchritudine, & fortitudine heroinam, non ex privato affectu (quem jam Maria Padillia fascinaverat) sed ex Regnorum votis, duxit uxorem, an martyrem? Philippus II. & ipse Austriacus Elisabetham Henrici II. Philippus IV. Elisabetham Henrici IV. filias duxerunt. Carolus II. Mariam Aloysiam Aurelianensis Ducis filiam, Ludovici Magni ex fratre neptim, sibi copulavit. Nec hætenus auditum est, quod Franci suas Reginas, quia Hispani sanguinis, exossas habuerint, nec Hispani suas, quia ex Franci stirpe, fuerint averfati. Imò utrique eas impensissimè coluerunt ob egregias, & verè Regias, quibus enicuerè,

virtutes . Ubi est ergo utriusque gentis antipathya ? Certè si , ut jactant , antipathyci essent ; hæc mutua conjugia exhorrent , non ambiissent .

327. Cujus armis Henricus II. (à quo regnans Hispaniæ linea derivat) semel & iterum Castellam , jam ad virilem statum provectam , ab immani Petri furore liberavit ? Regis Franciæ : ut nemo ex Hispanis Scriptoribus non fatetur . Ex tunc Castellæ Regum cum Francis perpetua amicitia , & confederatio ; quam nunquam Angli , etiam , agente Carolo Navarræo , Eleonoræ Castellaniæ viro , turbare potuerunt ; tantaque colligatio , ut nec in Religionis causa dissensissent ; in schismate enim illo Urbani VI. & Roberti Genevensis ; Castellani id ipsum , quod Franci substinuerunt . Nec ad tempora usque Catholicorum Regum aliquod odii , inimiciæ , antipathyæ vestigium reperire poteris ; si excipias controversiam Sanctii IV. & Zerdensium , quæ potius Regum , quàm Regnorum dissidium æstimari deberet .

328. Non diffitemur (nec est cur id dissimulemus) à tempore Ferdinandi Aragonii Regis Catholici , cæpisse Castellanos etiam inficere aliquam hujus contagiosæ aversionis auram . Sed si verum dicere velimus , ad Castellanos , & Francos quod attinet , potius fuit contagium ab Aragoniæ consortio afflatum ; quam propria , & nationalis aversio . Aragoniis namque a multis retro annis , vel Regnorum confinia , vel Comitum Tolosani consanguinei defensio , vel ulterioris Si-

Siciliæ occupatio, jugia cum Francis dissidia pepere-
runt; quæ, regnante Ferdinando præfato, occupatione
Neapolis, fœdere inito cum Julio II. & Leone X. con-
tra Ludovicum XII. invasione, & detentione Navar-
ræ, incrementum susceperunt. His de causis Castella-
nis sub eodem Rege militantibus communicata aver-
sionis, seu inimicitie semina in apertæ contrarietatis
segetem eruperunt, & primæ illæ scintillæ continuis
bellis, & gloriæ militaris æmulatione ventilatæ, flami-
nas evomuerunt universo Orbi conspicuas. His novum
subdidit pabulum Caroli V. Austriaci successio; nam
præmissa bellorum motiva recrudescencia creverunt
novis occasionibus, sive ex controversis Burgundiæ
juribus, sive ex Mediolanensis Ducatus oblitinata con-
tentione inter Carolum, & Franciscum, quoadusque
capto ad Papiam Francisco, & nonnisi sub gravissima
noxa in libertatem restituto, in publica, ac nationalia
odia degenerarunt. Quæ, si Carolus Oxomensis Epi-
scopi consilium magnanimus suscepisset, Franciscum
statim sine multa dimittendi, fortè præventa, aut
præoccupata fuissent.

329. Tandem diutina bella Philippi IV. & Ca-
roli II. cum Ludovico XI. I. & XIV. adhuc felicissimè
regnante, obdormientem, sed non extinctam, æmula-
tionem renovarunt, grandi Castellanos malo, væ-
grandi Aragoniorum incommodo. Nam Aragonii
suis antiquis libertatibus, & privilegiis muniti, parum
(etiam quando de propriis defendendis agebatur Pro-

vinciis) & copiarum, & substantiæ contribuerunt. At Castellani, qui à primordiis Regni sui instar summi privilegii habuerunt, nullum quærere, vel postulare privilegium, quo à Regum suorum obsequiis, & servitio eximantur; gravissimo publicæ rei incommodo, frequentissimo militum delectui, immodicisque extraordinariis contributionibus, ubi vis bellum gereretur, subjacere. Ut propterea nullus non miretur, Regnum opulentissimum, & populo plenum à prisca opulentia, & populi frequentia tantoperè excidisse. Hæc cum ita sint, quis non credat Castellanos, citra unionem illam, & Regnorum confusionem, quæ Regni hujus antiquitatem, majestatem, & constitutionem procul dubio invertisset; desiderasse hujus tam perniciosi dissidii radices potius extirpare, quàm fovere? Porro per successionem Philippi nostri, quæ Monarchiam relinquit impermixtam, & inconfusam, sub proprio Rege, sub quo pristinum virorem resumpturam speramus; hujus jugis belli radices extirpari perspicuum est. Ridiculum ergo est, illa commentitia antipathya tam fatuè Castellanos intinctos credere; ut quieti, quæ indigent, aditum, præcludere voluissent.

330. Sed demus hanc antipathycam aversionem, quæ prorsus imaginaria est, innatam, insitam, ingentem omnibus Hispanis. Demus, naturam voluisse cum his duabus nationibus ludere, ut quando producat Frā-
eum, producat in eo inversum Hispanum; & quando Hispanum, in eo produxerit Francum inversum; sint-
que

que hæc duæ gentes geniales antipodes; & possint per se invicem, ut contraria, diffiniri. Nihilosecius hanc Philippi Regis Catholici successionem cunctis gratam, acceptamque cordicitus fuisse hoc nobis argumento persuademus. In nullo hæc antipathya altiores fingere radices debuisset; quàm in Carolo II. Hic enim & Hispanus erat, & Regnorum, æmulationis, contentionis cum Domo Franciæ, sicut bellorum, & iurium hæres. Hoc tam clarum est, ut nemo audeat inficias ire. Si ergo Carolus agnationis amorem, gentis aversionem, multiplicem, & diuturnam, quam à Christianissimis armis afflictionem passus est; iustitia Philippi V. tranquillitati Subditorum, integritati Monarchiæ magnanimè devovit; Quid ni Hispani, quorum in hac successionem causa præcipuè acta est, paci, quam stabilem, firmamque sperant cum Francis; Monarchiæ inconfusioni, cui hoc medio providè consultum est; rerumque suarum instaurationi, quam certa fiducia, hoc successore, opperiantur; veteris aversionis reliquias, si quæ fuissent, jucundissimè immolent? Rex piissimus, dum vivere desinit; dum nihil sibi superest in terris, quod vereatur, vel à ludificantis fortunæ alea, vel à potentissimi æmuli victrice potestate, vel ab aulicorum plausu, vel ab inimicorum odio: quando veritas regnat, quando iustitia triumphat, quando æternæ salutis desiderium flagrat, quando conscientiæ stimuli cruciant; hanc, præterita agnatione, quàm impensè amabat, declarationem edit; & vis, quod Subditi, quorum

sa-

saluti adhuc moribundus prospexit, non excipiant obviiis ulnis Successoris inaugurationem, ut è Cælo delapsam? Sanè desipit quisquis tantum dederit huic fictitiæ antipathyæ, ut non credat, posse his Christianis simulque politicis reflexionibus & sopiri, & extinguî.

331. Hoc, dum intra me ipsum totus intentè considero, rumino, expendo, miram, & nunquam satis prædicandam Dei O. M. providentiam erga hanc Catholicam Monarchiam, extra me raptus, stupeo. Sed quis non stupeat, advertens hunc providentissimum rerum omnium moderatorem, eam diu multumque armis Regis Christianissimi exercuisse, male multasse, enervasse; Sed cum jam, Carolo Rege ad mortem declivi, etiam ipsa, devexa ad interitum valetudine, ruinæ videbatur vicina, affinis scissuræ, divisioni contermina; ecce ipse Carolus II. dirigit, movet, inspirat, ut Philippum V. successorem declaret, Subditosque ejus occulto, sed miro, & ubique consentiente sibi instinctu, excitat, ut unanimi plausu ipsum excipiant, veteris similitudinis, æmulationis, vel si mavis, antipathyæ, prorsus immemores; atq; extēplò quibus fuerat armis attrita, convalescit, ac in obitu Caroli, qui ejus mors credebatur, redivivo vigore inopine confurgit. Verè in hac infirmitate curanda, in hac Hispanicæ Monarchiæ mirabili restauratione Medicum egit Deus, non qualem describit Greg. Homil. 32. in Evang. qui secundum vulgatos Hipocratis canones frigida calidis, calida frig-

gidis curat; sed exquilitum, exoticum, qui eisdem qualitatibus, quibus cruciatur æger, utitur ad medelam, qualem describit solito acumine Tertull. in Scorpiac. cap. 8. *Medicum ridebis etiam in illo, quod ferme pares adhibet qualitates medelarum adversus qualitates quærelarum, cum quasi de perverso auxiliatur per ea subveniens, per quæ laboratur. Nam & calores calorigibus amplius onerando compefcit; & ardores siti potius macerando restinguit: & fellis excessus amaris quibusdam potionibus colligit; & sanguinis fluxus diffusa insuper venula revocat. Deum verò, & quidem Zelotem, culpandum existimabis, si voluerit certare cum causa, & injuriæ emulando prodesse, mortem morte dissolvere, occasionem occasione dispergere: Expende singula, sed expende curiosè, & cum circumstantiis præsentibus confer, nec enim jota unum, vel unus apex otatur, & mecum quin fatearis nō dubito, Deum Caroli II. testamento Catholicæ Monarchiæ labanti manum supposuisse, & Philippum nostrum ejus conservationi destinasse, ut quæ præteritis temporibus per antiperystasim ex Francorum contrarietate gloriôsè succreverat; hodie per quādam mutuam contrariorum colligationem, gloriosius propagetur.*

§ § § § §
 § § § § §
 § § § §
 § § §
 § §

§.V.

§. V.

*Hispanorum propensione erga Austriacos Reges
non debuit Augustissimus Cæsar fidere exi-
tum hujus difficillimi belli.*

332. **R**eliquum est, ut aliud principium, cui hæc Augustissimi Cæsaris expectatio inniti poterat, insubsticiens, & cui tantum facinus committi nō debuit, ostendamus. Illud est sincerissimus Hispanorum amor erga Austriacos Reges: quos summa veneratione coluerunt, & quia piissimi, nihil, quod veræ Religioni non congrueret, admiserunt: nihil quod fidei puritati vel elonginquo adversaretur, non respuerunt. Et quia Subditorum amantes in eos largissima beneficia liberalissimè effuderunt. Et quia mitissimi ab omni crudelitate, aut violentia abstinerunt. Et quia Romanæ Ecclesiæ obediētissimi, (quæ prima Hispanorum laus est) nec per transversum unguem ab ejus præceptis deviarunt. Hic exploratus amor Hispanorum erga Austriacos Reges satis clarè innuebat, eos non nisi compulsos Regem alius stipitis admisuros, subindeque debuit credere Augustissimus Leopoldus, ex occasione, Serenissimum Archiducem, cujus indoles avitam Regum Hispaniæ pietatem, religionem, mansuetudinem, & liberalitatem refert, libentissimè suscepturos.

333. Sed,

333. Sed, cum ingenuè confiteamur, Hispanos Reges Austriacos dilexisse; pati non possumus ipsis tam cæcum hunc amorem affingi, ut eo abrupti oblivisci deberent justitiæ, quæ Regi Philippo assistit; fidelitatis erga Regem semel admissum; religionis juris jurandi, quo se ejus obsequiis devinxerunt; avitæ nobilitatis, qua perduellionis turpem labem perpetuò effugerunt; reverentiæ supremæ Regis sui dispositioni: & publicæ utilitatis ex ea resultantis. Profectò si quis credat Hispanos tantoperè Austriaci Sanguinis amantes; non eos reputat amantes, sed amentes; non diligentes, sed insanos; & dum eos dulci amoris nomine delinit, demulcet; turpissimo prodicionis nævo deturpare aggreditur. Similibusque erit illis adolescentibus, qui amalias legibus amoris conveniunt, ut ad turpissimum lapsum propellant. Argumenta ab amore petita, quæ inhonesta, & indecora concludunt, non sunt argumenta, sed sophismata; amor in topycis honoris sedem nullam habet; atque ideo ex eo syllogismus nec demonstrativus, nec probabilis confici potest; non ergo ex amore analitica, vel probabili persuasione potuit Augustissimus Cæsar felloniam Hispanæ gentis colligere.

334. Numquid Catholicus noster Philippus Austriacus non est? Ecce Carolus II. eum successorem dixit, nisi quia & linea & gradu ipsi conjunctior? Austriaco-Hispanus est, licet non Austriaco-Germanus. Porro Hispani impensissimè dilexerunt Domum Au-

Ccc

stria-

striaco-Hispanam; quam cum hodiè repræsentet Philippus, eorum amor idem habet objectum, de materiali se habente mutatione in dividui regnantis. Quod vero hic amor usque ad Austriacos Germanos pervaserit, conjunctio fecit, vel animorum, vel interesse; hæc cessavit verè miranda catastrophe; & cum causæ publicæ utilitas Hispanos Gallis unierit, quos non dissimili, imo strictiori vinculo Regum unierant conjugia; nescio quid hic amor Austriadum, plusquam illa antipathia Gallorum, & Hispanorum, Augustissimo Cæsari potuerit polliceri?

335. Hunc amorem penitus edisseramus. Coluerunt Hispani, amarunt, & impensissimè amarunt Reges Austriacos: verum hoc. Sed quæram: dilexerunt nè quia Austriaci? hæc reduplicatio nec fuit odii, nec amoris hujus objectum. Amarunt, quia vivas in eis, & spirantes imagines Regum Hispanorum colebant. Quia posteri erant, & successores eorum Regum, quorum manu, consilio, & ducatu pristinam Hispaniæ libertatem asseruerunt; & antiquissimum gētis splendorem novo fulgore cumularunt. Quia in eis Regum Balthorum Sanguinem per Recaredum, & Chindasuinchum in Pelagium, & Alphonsum, & per hos in eos, nunquam intercisa vena, corrivatum vigere cernebant. Quia avitæ pietatis, & Religionis heredes. Hæc pietatis, & nobilitatis charismata Austriaci Hispaniis non invexerunt; sed invenerunt. Non negaverim Austriacæ Domus Augustæ majestatem, antiquitatem, san-

sanguinis splendorem, tot viridantibus Cæsarum lauris continua successione illustratum; nec enim impudens sum, ut cunctis notissimis hujus celsissimæ domus prærogativis detrahare ausim. Sed solum, quod verum est, assero; Domum Hispanam nullis peregrinis stemmatibus honestari indignuisse, ut Subditorum suorum amorem, cultum, & venerationem in se converteret: consequenterque Hispanos quemvis verum Regum suorum successorem, sive ex trunco Austriaco, sive ex Borbonio devotissimè semper culturos; tãquam, in quibus primi illi suæ libertatis, & majestatis vindices continua propagatione reviviscunt.

336. Cæterùm, si non juris regulis, non legibus Regni, sed affectibus Procerum diffinienda lis esset; non dubitaverim, quin majori suffragiorum parte Serenissimus, & Catholicus Rex noster Philippus eligendus fuisset, nec quidquam vel antipathia cum Francis, vel amore erga Austriacos repugnante. Quod ex inde deduco. Austriaci Reges, nescio an status ratione, vel Hispani Sanguinis contemptu, nullam Hispanam Familiam, etiam origine Regiam, suo sanguine dignati sunt; adeò ut post ferè ducentos Imperii annos, nec una Austriaci Sanguinis gutta per venas alicujus decurrat, & obeunte Carolo II. universa Austriaca progenies ex Hispania eradicata sit. Porro hæc Regum abalienatio affectus minimè devincit: præsertim cum prisca Hispani generis Reges nobiles Regnorum familias Regio Sanguini, filiabus datis, & acceptis, sibi

pluries copulaverint. Eaque propter plures, & ferè omnes, antiquiorum Procerum domus ad Reges sive Castellæ, sive Aragoniæ genus suum referunt. Ex. g. Domus Zerdenfis progenitores agnoscit Ferdinandum Infantem de la Zerda, & Blancham S. Ludovici filiam. Domus Segobricensis Henricum Aragonium, Ferdinandi Honesti tertio genitum, & Beatricem Pimentelliam. Domus Cardonæ ad Jacob. II. pluribus lineis pertingit; ad eundem pertingit Domus Moncadæ. Domus Xironia, ex qua Paciecorum, Xironiorum, & Portocarrerenfium familiæ procedunt ad Alphonsum VI. ascendit per filiam legitimam Sactiam, quæ nupsit Rodrico Xironio, à quo familia præclarissima hoc cognomentum hæreditavit. Domus antiquissima Ossoria ascendit ad Regem Legionis Alphonsum IX. Ferdinandi Sancti genitorem, mediis nuptiis Dulcis, ejusdem Regis filiæ ex prima uxore Theresia, cum Rodrico Gonzales Ossorio. Domus Manuelia ab Infante Emmanuele filio Ferdinandi Sancti derivat. Domus Henriquezia ad Alphonsum XI. ad eundem Domus Larenfis: Noronia, ad Henricum II. ad eundem Domus Castrésis attinet Domus Guzmania Assidonienfis pluries Regio Sanguine copulata est, tandemque cum filia Ferdinandi Catholici; ad Joānem Ferdinandi Patrem, pertinet Domus Villæ formosæ, ad Ferdinandum filium Gandiensis. Et Ferdinandus ipse Catholicus natus est Joanna Enriquezia, Federici filia. Idem ipsum de pluribus aliis asseri potest, quibus nolim meo silentio

tio præjudicium generari, cum hæc exempl. g. dicta sint; eo maximè quò omnes proceres domus, iteratis vinculis, inter se connectantur, ut non possint non esse cunctis per conjugia hæ prerogativæ communes.

337. Quis credat, (& nihilominus certum est) plures ex Hispanis Proceres conjunctiores genere esse Domui Regiæ Franciæ, quàm Domui Austriacæ, post tot annos Hispanici dominii? Dixi, & iterum repeto Austriades, qua tales, seu præscindendo ab origine Hispana Joannæ Aragoniæ, nullam directam, vel indirectam affinitatem cum Hispanis contraxisse, & tamē Domus Borbonia, Hispanis antipathyca, multiplici vinculo cum pluribus familiis innectitur. Ut enim prætereamus, quod omnes illæ familiæ, quæ Reges Hispanos contingunt, uniuntur cum Regia Borbonia: Domo in Roberto, unico filio Hugonis Capeti, propter Raymundum ejus nepotem, à quo, ut diximus superioris lineæ Rēges virili propagatione processerunt; aliis etiam lineis eam respectant. Nimirum, ut Navarræorum Regum germem, eam contingunt, quotquot Regium Navarræ sanguinem communicant, ut Stunicæ, Beumontii, Areliani, Navarræi: ut Comitum Fuxensium posteritatem, quotquot Reges Aragonios progenitores habent, tūm ex nuptiis Matthæi, & Joannæ Aragoniæ, Joannis primi filiæ, tūm ex nuptiis Eleonoræ Aragoniæ cum Galtone Fuxensi: ut ad Serenissimā Mariam Medicæam Henrici IV. uxorem refertur, eam contingunt quotquot sanguinem Petri Toletani, Marchio-

chionis de Villafranca, participant, cujus filia Eleonora Cosmo I. uxorata, avia fuit. Cumque ex his plures aliæ domus derivent; palàm fit Hispanos Proceres arctioribus sanguinis vinculis Regiæ Franciæ Domui copulari, quàm Austriacæ: atque exinde quod, si affectus deberent in electione novi Regis suffragari, non dubito, id ipsum facturos ex electione, quod ex jure factum est. Perperam ergo amor Hispanorum erga Domum Austriacam Augustissimus Cæsar exitum hujus difficillimi belli credidit, si credidisse, credamus.

338. Demùm amor ipse erga ultimum Austriaci stirpis in Hispania virile germen Carolum II. postulat, quod Hispani acceptam, gratamque haberent hanc successoris destinationem. Nam licet à juribus imperatam, amor tamen Caroli erga Subditos suos eam obstetricavit, & in lucem emitti fecit: amor hic fecit Carolum agnationis immemorem; hic eum eloquentissimè persuasit; hic eorum, quæ majestas ab armis Franciæ acceperat, vulnerum, nescium reddidit; hic æmuli, licet conjunctissimi, Regis nepotem prædiligere fuggesit. Ut si admirabundus scirciteris. *Quis hoc fecit?* Respondeam cum Bernardo Serm. 26. in Cantic. *Amor, dignitatis nescius, dignatione dives, affectu potens, persuassu efficax.* Et huic amor, quam vicem rependent Hispani? Caroli supremam voluntatem frustrabunt: Regem ab ipso datum repellent: fidem ipsi obstrictam violabunt: Monarchiam ab ipso restitutam ruinæ obnoxiam facient? O bella amoris illius

lius correspondentia ! Carolus II. filium non habens, ambibat eternari, & id allecutus est, non extructo Mausolæo ut Absalon. *Filium non habeo, hoc erit monumentum nominis mei;* sed vicinus Mausolæo declarans Philippum successorem, ruptis humanorum respectuū vinculis, ne & Regi & Regno injuriam faceret; & hoc erit monumentum nominis ejus, in quo securius, quam in marmorea, aut ærea pyramide perennavit, æternis Subditorum plausibus celebrandum.

§. VI.

A fœdere cum Anglis, Batavisque exitum hujus belli felicem sperare non licuit.

339. **C**Um Augustissimus Cæsar propriis armis Hispanam Monarchiam comparandam sperare nequiverit; nec Hispanorum versus Francos antipathya, vel erga Austriades amor, hanc expectationem fovere potuerit; videndum modo, num armis auxiliaribus Angliæ, & Hollandiæ hanc gravem expeditionem committere debuerit? Negativè procul dubio respondendum est. Nam licet aliquando liceat Catholico Principi, infidelium armis uti ad bellum vel inferendum, vel retundendum; in duplici tamen eventu non licet. Primo; si infidelium arma loca Catholicorum occupatura sunt. Secundo; si auxiliaria potentiora, & superiora sunt. Hujus duplicis exceptionis

ra-

rationem reddituri, à priori incipimus. Nam quotquot Theologi de bello scripsere, asserunt bellum per se licitum, fieri illicitum per accidens, ex consortio infidelium, quando subest scandalum, & Religioni periculum. Videatur Antonin. Dian. part. 6. tract. 4. resolut. 7. Reginal. tom. 2. lib. 21. num. 100. Filliuc. num. 81. Viç. de bell. num. 37. & concordant reliqui. At quando Infideles occupaturi sunt loca Catholicorum, maximum paratur Catholicis scandalum, & Fidei periculum, ne hujusmodi virulenti homines suo commercio afflent Ecclesiæ filiis contagiosam luem, qua inficiuntur; ut nemo negat; venenum enim illum propinatum in libertatis laticibus facile serpit. Igitur nequit Princeps Catholicus bellum aggredi his auxiliis, prævidens necessario, si quæ conquirit loca Catholica, ipsis fore crediturum. Hoc adeo certum est, ut non solum sit illicitum bellum, in quo ex proposito adsciscitur hujusmodi pestilentissimi auxiliares; verum etiam, quando ex bello sine ipsis gesto præstatur eisdem occasio proficiendi in Ecclesiæ perniciem, & occupandi Catholicorum loca, & arces, ut ex sententia prælaudati P. Francisci Viçtorie scripsit Molin. de just. & jur. disp. 107. in hæc verba: *Evenire aliquando posse, ut bellum aliquod sit justum, & licitum per se, & illicitum per accidens. Etenim si ex eo, quod juste quis recuperare velit Civitatem, Castrum, aut aliud simile, vel sumere justam vindictam de injuria sibi illata judicaret, facile vè intelligere possit: futura esse bella*
in

in perniciem, & vastitatem virium Ecclesiæ, eaque ratione præberi occasionem Ecclesiæ hostibus occupandi terras Christianorum, Ecclesiæque devastandi; sanè quamvis tale bellum justum, & licitum esset per se, per accidens tamen ratione damnorum, quæ bono cōmuni inde emergerent, teneretur Princeps, qui illud inferre cogitaret, ab eo sub reatu letalis culpæ abstinere; potiusque pati illatam injuriam, jacturamque bonorum suorum.

340. Augustissimus Leopoldus hoc periculum non prævidere, non potuit. Quando quidem bellum auspicatus est in Flandria solum armis Angliæ, & Hollandiæ stipatus, ex quo necessario eventurum erat, quod siquæ loca ibi expugnarentur, hæreticorum præfidiis munienda erant, prout ea quæ inibi compararunt, eorum armis munita sunt. Quod verò hæc eadem loca Imperatoris, vel Archiducis Caroli nomine teneantur, huic malo minimè occurrit; nec obtentus Cæsarei nominis contra litem, quam afflare possunt, præsentaneum antidotum est. Quid prodest miseris illis Catholicis, quod ab heterodoxis Cæsaris nomine gubernentur? propterea forsàn ab Ecclesiæ, & Catholicæ Religionis inimicis non gubernantur, servire, & obsequi non compellentur? non aperitur via libertati conscientiæ? non convivunt viperis, & scorpionibus? Planè hic nominalis prætextus periculum animarum, & Religionis jacturam præcavere non sufficit.

341. Rursus: Quis Fanaticos in Galliis excitavit

vit adversus veram Religionem, potius quàm adversus legitimum Principem? Non dicam, Augustissimus Cæsar, quia præter ejus piissimam mentem accidisse hanc rebellionem in Deum, & Ecclesiam, quæ in tam truces, barbaras, & inauditas adversus Catholicos hostilitates prorupit, ejus perspectissima Religio omnino persuadet. Dicam tamen; hoc Cæsaris bellum; nam credentes hi exleges Christianissimi Regis arma imparia fore huic magnæ confederationi, de re sua crediderunt, virus, quod metus occultabat, evomere, & odium in Catholicos necessaria patientia, diuturna que exacerbatum, eorum sanguine restinguere. Sed si dixerim, ab Augustissimi Cæsaris fœderatis, ejusdem cum eis erronæ communionis, commotos fuisse, sollicitos, animatos; nihil dicam, quod veritati non congruat. Jus Augustissimi Cæsaris in hac scæna larva est; scopus, in quem contendunt fœderatorum jacula, Catholica Religio est. Necessitas ipsa hanc veritatem ab ore Anglorum elicuit: ut enim populum tot extraordinariis contributionibus, quibus subjacere dispendiosissimæ tanti belli moles compellit, exasperatum relinrent, bellum hoc Religionis causam dixerunt. Itaque Angli & Batavi cum Augustissimo Cæsare appetunt Monarchiam Catholicam, Hispanam; hoc tamen discrimine; quod Cæsar appetit quia Hispanam, ut eam sui juris faciat; illi, quia Catholicam, ut vires Sacræ Religionis evertant; quo fieret, nisi Deus eorum conatibus tam patenter, & potenter resisteret, quod si

ad

ad Cæsarem aliquando hæc Monarchia deveniret, nec Catholicam, nec Hispanã, nec Monarchiam habiturus esset. Non Catholicã, quia suis erroribus conspurcatam: non Hispanam, quia Hispana non esset, si non esset Catholica: non Monarchiam, quia ubi vera Religio, quæ unitatem amat, abesset; Monarchia conservari non posset, sed degenerasset in monstruosum mixtum ex Monarchia, Aristocratia, & Democratia, vel potius in pessimam, & tetram oligarchiam, qualis apud ipsos in usu est.

342. Quantum status Catholicæ Ecclesiæ ex his cum heterodoxis fœderibus tam in præsentī, quàm in præterito bello profecerit, ipse rerum eventus manifestissimè demonstrat. Nam ex Anglia pulsus est Rex Catholicus, & Catholicæ Religionis studiosissimus, & contra jus fasque substitutus est Guilielmus Nassovius Princeps Auriacus, Calvinianæ impietatis sectator, si fuit alicui, vel etiam falsæ Religioni, devotus. In Polonia erectus est Augustus Saxo Lutheranus, quæ, licet abjuraverit in gratiam sceptri, & credam, ex animo Lutherum minus habilem ad fidei conservationem reputare licet, quàm quemvis alium Catholicis Progenitoribus natum, Ecclesiæ Romanæ puro lacte nutritum, & in ejus gremio educatum, & adultum. Electoribus Principibus aggregatus est Bransuichius eo nomine, ne veræ Religionis exortes numero adeò cederent Catholicis Electoribus; vel ut Palatinus Electoratus ad Catholicos migrans Hæreticis novo Ele-

ctoratu compensaretur. Brand-Burgensis Elector Rex Prusiae salutatus est, ne Saxo ad Polonum solum evectus ipsi invidiam faceret; sed tamen ille abjuravit Lutherum; hic magis ex sceptro devinctus erit, cujus perditissimae infaniae debet haec domus temporalia incrementa, spiritualium pretio iniquè coempta. Hos ex hujusmodi fœderibus facit Ecclesia Catholica, Apostolica, Romana progressus, vel quos alios? Unde ipsis credere non debuit Augustissimus Cæsar hujus causæ disceptationem, qui ore tenus jurium Austriacæ Domus assertores, re ipsa, Catholicæ Ecclesiæ eversores sunt, vel esse anhelant.

343. Secundæ exceptionis ratio est: quia dum auxiliaria hæreticorum arma potentiora, & superiora sunt; vereri debemus, ne veniant auxiliares, ut Domini perseverent. Si namque bello finito, recedere nolunt, novo bello, & fortè difficiliore ad eos expellendos opus erit. Et quod recedere nolint, facile suspicari possumus ducti veterum exemplis: Nam P. Rom. Imperium suum bellis socialibus longè latèque effudisse, Historiæ Romanorum produnt, & Cicer. ingenuè fatetur lib. 1. de offic. Hispani ex Chronic. suis norunt, Justinianum, dum Athanagildum jovit ad sceptrum, res Imperii, quæ pene in Hispania deciderant, non solum reparasse, sed promovisse; nec nisi diuturno, & acerbissimo bello qui auxiliares venerant, dispelli potuisse. *Athanagildus, amulo sublato, Gotthorum absque controversia Rex, pellendis continuè Romanis, qui*
par;

partim isti nuper fœderis beneficio, partim virtute,
 & armis non exiguam Hispania partem occupant,
 & ad utriusque maris littora ditionem terminabant,
 magnum negotium suscipere necesse habuit, & gravis-
 simo per totam vitam bello implicatus est, flantem, &
 reflantem fortunam moderari assuetus. Scripsit Ma-
 rian. notter. Hist. Hisp. lib. 5. cap. 9. Leovigildus Svevo-
 rum Regnum hoc artificio Gothici Juris fecit, ut scri-
 bit D. Isidor. in Svevor. Chronic. quem reliqui Histori-
 ci nostri transcribunt. Nimirum Andicas, arrepta ty-
 rannide, Eburicum Svevorum moderatorem, Ariomiri
 filium, & successorem, Regno pellit, detondet, in
 Monasterio detrudit, & Monasticam amplecti cogit.
 Leovigildus in Andicam movet, vincit, fugat, Regno
 potitur: gloriosum planè facinus, si Eburico restituif-
 set, sed Arianus erat & infidus; Eburicum vindicavit;
 tyrannum malè mulctavit; sed Regnum retinuit, &
 Gotthico adjecit. Cui Eburicus (inquit S. Doctor) filius
 in Regnum succedit: quem adolescentem Andicas as-
 sumpta tyrannide Regno privat, & Monachum fa-
 ctum in Monasterio damnat: pro quo non diu dilata-
 est sententia; mox enim Leovigildus Gothorum Rex
 Sveis bellum inferens, obtento eodem Regno And-
 icam dejecit: Regnum autem Svevorum deletum in
 Gothos transfertur. Forte credemus Anglos, & Ba-
 tavos fidiiores Leovigildo? Hic Arianus erat; isti an-
 tiquorum Romanorum æmuli, magnam (Divi Leon.
 verba sunt serm. 1. in Natal. Sanctior. Petri, & Pauli)

sibi

sibi videntur assumpsisse Religionem, quia nullam respuunt falsitatem, atque omnium errorum hæc cōcreti, solum veritatem Catholicam exulare cogunt. Quia cū falsum à falso non timeat, nec sectæ à secta est quod reformidet. At singulis formidabilis est Religio Catholica; meritò sanè, quia apud quosdam, (ut ex sacris litteris scimus, & præsentī instituto consonat) fortior est Rex: apud quosdam fortius est vinum, apud alios, fortiores sunt mulieres. Omnia tamen vincit veritas. Arius, Sabellius, Macedonius, Pelagius, Eutiches, Nestorius, & quotquot Priscis sæculis confixi sunt à Patribus Hæresiarchæ, ex orco revocati reviviscunt in Calvino, Luthero, Kemnitio, OEcolampadio, Zuvinglio, & similis fæturæ hominibus; Quis ergo eos Arianis fideiores credat? Non itaque his auxiliis Cæsar Augustissimus jura sua committere debuit. Fortè à locis, quæ semel occuparint, eos ejicere nequiret ea facilitate, & fortuna, qua Rex Christianissimus una eademque hora à Belgicis præsidiis exclusit.



§. VII.

*Ex bello precedenti qualis fidei hæ auxiliares
Potentiæ sint, Augustissimus Caesar
animadvertere potuit.*

344. **H**Æ eædem Potentiæ Augustissimo Cæsari, & Carolo II. colendæ memoriæ, fœderatæ sunt contra Regem Christianissimum: unde qualis earum intentio sit, ex illo fœdere facile expiscari licet; hæc intentionem in melius commutasse, de sperata res est. Qualis verò in illa unione, aut fœdere eorum intentio erga Austriacam Domum fuerit, ex postea gestis eruitur. Nam ex postea gestis qualis intentio fuerit à principio jura conjectantur. leg. *Sed Julianus. §. proinde ff. ad Macedon.* Bolognet. in addit. ad consil. Joan. de Anan. 32. num. 14. versicul. *Prosequor.* Cardinal. Thusc. tom. 4. lit. I. conclus. 269. num. 30. Rot. decis. 118. apud Farinac. part. 2. recent. & alibi sæpè. Statim; ac ultimus pacis tractatus celebratus est, scisuram infandam, turpemque divisionem Monarchiæ Hispanicæ hæ duæ Potentiæ Aquilonis, à quo panditur omne malum, excogitarunt; promoverunt, sanxerunt, firmarunt. Monarchiam Hispanam, quam specie tenus defenderant, vel defendere profitebantur, scindere moluntur, & machinantur. O boni Austriadum auxiliares, qui ut eos desolentur, dividunt,
ut

ut facilius virent, discerpunt !

345, Eodem hinc modo Cæsari adhæsisse, nullus dubito. Quis enim crederet Batavos perduelles amare integram illam Potentiam, à qua defecerunt? dividere, & enervare volunt, ne viribus resumptis, jugum iterum eorum duris cervicibus imponat, & Calvinum suum cum monstrosis, & horrendis impietatibus, quibus passim scatet, ejurare compellat. Discindere cupiunt, ut diripiant; saltem sperantes ipsis cessuras plures, & ditiores novi orbis provincias, quibus ab utriusque Potentiæ insultibus defendendis parem non cogitant solum Castellæ Regem, sicut nec ad resistendum suis virulentis dogmatibus, satis fortia novella illa Christi germina, flores honoris, & fructus laboris nostri. Sed quid opus est conjecturis? tam obstinatè persistunt in hac semel concepta jure cerebri divisione, ut de Hispanis Civitatibus, Provinciis, Regnis perinde disponant, ac si jam debellassent, & his verè ridendis particulis Principes ad suas partes alliciunt. Spero, quod ut unionem, aut colligationem suam plurimum Principum numero adaugeant, Marrochio Regi Granatam, & Othomano Siciliam polliceantur; sicut Lusitano Gallicæ, & Castellæ principaliores munitiones promiserunt. Quò fiet, ut Serenissimus Archidux Austriæ, etiam victor, nullibi possit regnare; quia postquam confederatis suis faciet satis promissorum, & expensarum, nec una Civitas reliqua erit, in qua thronum erigere possit. Hi sunt Augustissimi Cæsaris

faris juris patroni, fautores, arbitri. Ne vivam, si quemadmodum Carolum II. prodiderunt, irriserunt; Cæsarem, Archiducem, Domumque Austriacam prodere, & evertere non meditantur. Plus ab illis Imperator, quàm Rex Catholicus, vel Christianissimus, sibi cavere debet; nam nulli tam infensi sunt, quàm amici; ut Hispani exploratum habent, pluriesque suo damno experti sunt. Cras, aut perendie (si res suæ ita postulant) pacem ineunt cum Regibus Christianissimo, & Catholico, Cæsare, & aliis fæderatis desultoriè desertis, prout moris habent.

346. Satius fuisset, Religioni, ac æquitati conformius, quod Imperator, Rex Christianissimus, & Catholicus duplici vinculo colligati, Sanguinis, & Fidei, hoc arbitrium disponendi de hæreticorum Provinciis sibi arrogassent, ut fræno Batavi circumducti, manum sui legitimi moderatoris agnolcerent, ac insanienti, & insolescendi finem facerent. Fortè, hoc fèdere inito, Serenissimus Archidux Belgis, & perduellibus his imperasset, Anglia post liminio Ecclesiæ rediisset, & Aquilonares hæretici non offendere Catholicos auderent, sed defendere se, suaque satagerent. Hoc certè foret e Religione fèdus, cui Deus benedixisset, cui omnes Catholici fausta adprecarentur, & substantiam, vitamque litarent; non illud, in quo agitur de scindenda Catholica Monarchia, cui Deus manifestè resistit, cui omnes, qui Catholicè sentiunt, funestum exitum augurantur, desiderant, à Deo exorant. Si Hispanæ Mo-

narchiæ Provinciæ assumento dumtaxat politicæ unionis connecterentur, forsàn divisioni obnoxia foret, aut scisuræ capax. Sed cum Catholicæ Fidei, & Romanæ Ecclesiæ obedientiæ subtegmine, & stamine, textrino veluti artificio, sit desuper contexta per totum; individua, & integra uni cedat, necesse est, exemplo inconsutilis tunicæ, quæ quia unius fidei, unius corporis sub uno visibili capite Sacramentum præferebat, divisionem passa non fuit, sed integram, & indivisam, unus sortitus est. *Hoc unitatis Sacramentum*, ait D: Cypri. tract. de unit. Eccl. ostenditur, quando in Evangelio tunica Domini nostri Jesu Christi. non dividitur omnino, nec scinditur, sed sortientibus de veste Christi quis ipsam potius indueret; integra vestis accipitur, & incorrupta, & individua tunica possidetur. Ex quo infert. Possidere non potest Ecclesiam Christi, qui scindit, & dividit Ecclesiam Christi. Consimili illatione deducere possumus: Quod non possideat Hispanam Monarchiam, quæ quoad fidei unitatem conjunctissima est Ecclesiæ Christi; qui scindit, vel scindere attentat Hispanam Monarchiam. Idcirco Philippo nostro integra cessit, qui ejus unitatem, & individuitatem, proprio etiam cruore, tueri parat, & asserere pergit.

347. Mirabilis Deus! Quis quantumque sibi prudens, & sapiens crederet, iisdem moliminibus, quibus hæ duæ etærodoxæ nationes tanta sæculi prudentia, tantoque astu hanc Monarchiam evertere conabantur, ejus incolumitati, integritati, & perpetuitati consul-
tum

tum iri? Nullus profectò; sed tamen Deus, qui comprehendit sapientes in astutia eorum, hos excidii, ruinæ, aut scissionis cogitatus ejus perennitati, & , ut ita dicam, ad novam gloriam resurrectioni, inservire fecit. Adhuc in vivis agebat Carolus II. & hi fidelissimi Hispaniarum auxiliares officiosa negotiatione Regem Christianissimum ad divisionem Regnorum Caroli inducere totis viribus conabantur; ut Carolus posset Christi morientis, cujus patientiam perpeti imitatione complexus est, etiam moriturus, illud usurpare. *Diviserunt sibi vestimenta mea, & super vestem meam miserunt sortes.* Psal. 21. Hæc sollicitata divisio Carolum urisit, adegit, ut re communicata, successorem declararet Serenissimum nostrum Philippum, cujus declaratione, meditata divisio evanuit, & suorum Authorum confusione, Monarchia restitui cæpit, eo gladio defensa, quo scindendam fuisse, autumabant. Fortè, nisi de divisione tractatus emergeret, Carolus de successore declarando non cogitasset, sed sceptrum reliquisset, cui de jure debebatur. Hispanisque suis affectibus huc, atque illuc distractis, locus fuisset scisuræ; hanc tamen animorum distractionem præoccupavit Caroli testamentum, illudque omnibus ejus subditis, veluti e Cælo dictatum, suscipientibus, & miranda consensione acceptantibus, Philippo nostro, annuente Christianissimo Rege, integra successio patuit: dumque divisores stupefacti se se mutuo respiciunt, Philippus, vocatur, trahitur, suscipitur, evchitur, corona-

tur, nemine mussitante. Hoc Sapientissimæ Dei Providentiæ præconium irridentis humanæ prudentiæ cavillos, admirans expendebat Basil. Seleuc. orat. 8. Secum animo evolvens mirabilem illum Josephi Patriarchæ eventum: Revelata Josepho fuerat super fratres suos typis Solis, Lunæ, & Stellarum exaltatio, ipseque candidè somnia sua fratribus aperuerat. Invidi fratres, ut somnia, vel oracula frustrarent, ruinam somniantis moliuntur, exequuntur venditionem; quasi, vendito Josepho, actum fuisset de eo, & de oraculo. Sed venditio via ad fastigium fuit, compendium ad exaltationem. *Verùm* (inquit Seleuc.) *ò Divinam Providentiam! quæ comprehendit Sapientes in astutia eorum. Nam inviti istis somniis per imprudentiam, observiunt, inviti Joseph somniis operam commo-*
dant, viam, qua vera evadant somnia, venditionem moliuntur.

348. Meditati estis, optimi nobiscum quondam fœderati, attentastis Hispani Imperii sectionem; veriti, ne quando resurgeret, moveret lacertos, & ruinam vestræ tyrannidi, & superstitioni afferret; attentastis; sed Deus retibus quæ texuistis, vos involuit, implicuit; & quæ parata erant instrumenta ad scindendum; perpetuitati, & individuitati asserendæ inservierunt; expediistis viam, qua facilius, Philippus noster perveniret ad Thronum, præparastis remedium, quo ægra Monarchia convalesceret, & ad novam vitam confurgeret; invenistis arcanum, quo sceptrum annosum, &

ex-

exsuccum novo vigore viresceret . Hoc vobis debemus, sed sine gratitudinis onere, quod Catholicum Philippum, piissimum Regem, strenuum Ducem, invictum pugilem, nati sumus, qui vobis erit ensis in jugulo, fustis in dorso, calceus in collo . Interim nos ovantes cum Zacharia cantabimus . *Benedictus Dominus Deus Israel, quia visitavit, & fecit redemptionem plebis suæ, & ad vos nidantes sequemur. Salutem ex inimicis nostris, & de manu omnium, qui oderunt nos.* Stulti aliquando sapite . Deus irritavit, infatuavit, vanosque reddidit iniquos conatus evertendi Imperium hoc, quia cum sit in terris scutum firmissimum Divinæ Veritatis, & Evangelicæ Legis; Divina ipsa Veritas scuto suo illud circumdat, & protegit; & ideo non miremini si infelix responderit exitus negotio divinationis vestræ perambulanti in tenebris.

349. Ii sunt, & ii fuerunt Domus Austriacæ colligati, hi Achilles, & Ulysses, quibus credita est raptæ (ut ostendunt) Helenæ, vel potius cum Paride fugientis, recuperatio, Francicæ, ac Hispaniæ everfio; & quidem Palladium suum, nescio quo suadente Sinone, per Lusitaniam Castellam introducere conati sunt; sed simili exitu, ac Neapoli, Cremonæ, Rotæ, & Barcinone experti sunt . Judicet nunc æquus arbiter, num de his quidquā boni Augustissimo Cæsari sperare licuerit? an horum perniciofa subsidia tanto Ecclesiæ Catholicæ incommodo comparanda fuerint? an ad vindicandam, vel potius radicitus evellendam, Monarchiam Hispanam eorum conatus colliment?

§. VIII.

§. VIII.

*Intenta Hispani Imperii divisio Hispanos in
domum Germano Austriacam obsti-
natè obarmavit.*

350. **H**AEC iniqua divisionis pactio, tanto studio ab his Hispani nominis æmulis adinventata, Augustissimum Cæsarem minimè fugit; & si ab initio ipsum latuit quod credere difficile est, postmodum à Catholico Rege illius conscius effectus est; nec propterea divisorum conatus redarguit, vel positivè in ipsam invectus est. Unde subfuit Hispanis suspicio, hunc tractatum minimè Domui Austro-Germanæ displicere, fortè, quia cum sine horum armis Monarchiam integram sibi asserere desperaret; partem ab ipsis pacificè oblatam acceptare, prudentius, & tutius existimavit. Hæc vel necessaria, vel libera conniventia, Hispanos exasperavit; & quidem meritorè; nam vel Augustissimus Cæsar in integrum succedere debebat, vel nullatenus; si nullatenus, non debuit pactionem de re ad se non pertinente, nec à pacisci non potenti- bus oblatam admittere; sed rejectare; si in integrum, non potuit in præjudicium Monarchiæ, vel uni Provinciæ cedere, cujus multum interest integritas, & indivisio. Ideo quibuscvis juribus fulciretur; ab Hispanis fugiendus esset. Hic enim casus ex ipsa Regnorum
con-

constitutione censetur universaliter exceptus à regulari successionis ordine, si scilicet immediatus successor in bonum publicum Regni, cui succedere debet, quoquo modo cognoscatur peccasse. Quia cum institutio Regnorum, ex dictis superius, finem habeat boni publici conservationem; in casu imminentis certò ruinæ, Regnum se ipsum tueri, ac defendere potest, sicut quævis alia Res publica, ne translatio potestatis introducta in ædificationem, degeneret in exterminium. Hæc ratio superveniens juribus Serenissimi Regis nostri Philippi, quæ doctiorum, & æquiorum hominum sententiam præoccupaverant, Hispanos, & ferè omnes Monarchiæ Subditos in partes ejus adegit; imò & Carolum ipsum II. licet Austriacum, qui cognoscens integram successionem Philippo deberi, ab eoque adversus dividentes, stipato armis Christianissimi Avi, ejus integritatem defendi posse, & defensum iri; si quos conservabat versus Austriades privatæ, sed scrupulosæ, affectionis sensus; protinus exiit, & declarationem successoris Philippi optimo consilio maturavit. Eaque audita, plausu quâ manibus, quâ ore excitato, cuncti constantissimè designato Successori se devoverunt, parati pro novo Rege, pro integro Regno, pro quavis ejus particula; supremam sanguinis stillam effundere, & divisoribus, ipsisque conniventibus, usque ad ultimum vitæ anhelum obstinatè resistere.

351. Sanè hanc causam Carolus diffinivit Sapientissimi Regum Salomonis audito suffragio. Nam 3.
Reg.

Reg. cap. 3. causa quædam divisionis unius individui filii ipsi decidenda delata est inter duas mulieres, quarum quævis filium sibi deberi, jactabat. Rex sagacissimus, ut veram à supposititia matre distingueret; protulit illud. *Dividatur infans.* quod cum audisset supposititia conquievit, satis sibi putans, si partem filii acquireret, qui nec ad totum, nec ad partem jus habebat. At vera genitrix ne divisio fieret, vel æmulæ proprium filium cedere non dubitavit. Audivit Carolus illam temerariam inimicorum nostrorum sententiam, quam qui nihil præter scissuras, & schismata meditantur, veluti ex tripode protulerunt contra Monarchiam Hispanam, usurpato sibi judicio. *Dividatur.* Ipse verò, ut verus parens ejus integritati, & indivisioni consuluit. *Commota sunt quippe viscera ejus super filio suo.* & cognoscens serenissimo Philippo integram successionem deberi, licet æmulæ domus germini, ultimis tabulis exclamavit. *Non dividatur.* Sed integra cedat Philippo, qui integram conservet, indivisam administret, & à gladio dividantium tucatur. Quis si verè Hispanus est, dum audit, *nec mihi, nec tibi, sed dividatur,* vitam suæ Monarchiæ, quæ in indivisione cōsistit, non suspiret, ad has scissuræ voces non ferociat, & usque ad aras, & focos non contranitur? *Divident fortè; sed* prius sectim divisis Hispanis; alias nunquam credam, nec flagitiosa horum divisorum temeritas credere patitur. Hæc omnia non obscure ostendunt, Augustissimo Cæsari nullam probandam spem conquirendi in-

tegram Monarchiam Serenissimo Archiduci potuisse ad hoc bellum excitare, siquidem, nec ex merito causæ, nec ex Hispanorum inclinatione, nec ex antipathia cum Francigenis, nec ex subsidiis fœderatorum, id licebat sperare; præsertim suo silentio admissa, & probata divisione Monarchiæ, quam Hispani quotquot sunt, nequeunt non ex corde fugere, & averfari. Ecce igitur *ex Autbore, ex causa, ex fine* reprobatur Austriacum bellum.

352. Ad te nunc, invictissime Philippe, dulcis resurgentiæ Hispaniæ spes, Catholicæ Monarchiæ firmissimum fulcrum, & columnen, ad te dñum oratio nostra convertitur. Tibi cessit, tibi debebatur tanti Imperii successio: tibi, *cujus nec nomen vacuum est laude* (ut verba Amb. non sine adlusione usurpamus) qui in regenerationis lavacro, non tam hominis sortitus est nomen, quam oraculum Regis, & Regis Hispani, imo Regis Hispani sceptrum ab alia in propriam transferentis virilem stirpem. Philippus I. Austriacus sceptrum ab Aragoniis in Austriades transtulit. Philippus V. Francus, ab Austriacis in Francos trajecit. Ab illo originem duxit series Austriadum in Hispania regnantium, quæ desit in Carolo; ab hoc capit exordium regnantium Borboniorum gens, *cujus Imperium Regno cœvum bonis avibus auguramur*. Philippus, teste D. Antonin. l. p. Hist. tit. 6. cap. 11. interpretatur *os manuum*. Philippus noster ma nuum eloquentia in ipso incuntis inventæ flore conspicuum

se cunctis reddidit; qui bellicosi, impavidi, impigri Principis plura, eaque præclara, edidit specimina: qui postulatus ad Martis tribunal, jura sua manuum energia defendenda didicit, & egregiè defendit. Macè Rex invictissime accingere gladio tuo super femur tuum, ut potentissima Hispana Monarchia, te Duce, pristino restituatùr splendori; cui, te Rege, mirum in modum congruit, quod de Romano Imperio Lucius Ann. Florus, & ipse Hispanus, præfari aulus est. *A Cesare Augusto in seculum nostrum sunt non multo minus anni ducenti, quibus inertia Caesarum, quasi consenuit, atque decoxit, nisi quod sub Trajano Principe movet lacertos, & præter spem omnium senectus Imperii quasi reddita juvenitute revirescit.* Paucula si mutemus, cetera congruunt totidem verbis; scilicet; à *Carolo V. in seculum nostrum sunt non multo minus anni ducenti, quibus adversantis fortuna contentiosa emulatione, quasi consenuit, atque decoxit, nisi quod sub Philippo Rege movet lacertos, & præter spem omnium senectus Hispanica Monarchia, quasi reddita juvenitute revirescit.* Specie tua, & pulchritudine tua intende prospere, procede, & regna. In utroque tibi spes certa vincendi. Regia oris venustate, majestate, decore, elegantia, de propriis Subditiis primum gloriosum, & incrementum triumphum, retulisti: gloriosum de inimicis gladii acuminè relaturus postea victoriam. Fortuna arridet, virtus aspirat, justitia favet. Adversarii tui multis gestiunt jura tua imperitis sua.

suadere; nam emunctarum narium hominibus ea ob-
trudere desperant. Tu injustissimo bello appetitus, &
doctis, & imperitis causam peroras brevibus illis, sed
ad rem conceptis D. Hieron. ad Augustin. ver-
bis. *Non sum aggressor, sed aggressos inno-*
xios tueor: nec offendo, sed defendo;
non provoco, sed resisto, non
sum invasor, sed defen-
sor. Vive diù, &
perge felici-
ter.

F I N I S.



ANT
1512000

8-158

